

მიხეილ ზანდუკელი

თერგდალეულნი და ხალხოსნები

ქართულს ლიტერატურაში

ტფილისის უნივერსიტეტის გამომცემლობა
1928

შესავალი.

I

წინამდებარე გამოკვლევას მიზნად აქვს მკითხველს გააცნოს ჩვენი ახალი ლიტერატურის ისტორიის ორი თვალსაჩინო მოვლენა, რომელიც ჩვენი საზოგადოების ისტორიაში ცნობილია „თერგდალეულთა“ და „ხალხოსანთა“ სახელწოდებით. დასახელებულ მოვლენათა გაშუქებას წინამდებარე გამოკვლევაში ლიტერატურული ხასიათი უნდა ჰქონდეს: განსაკუთრებით მხატვრული ლიტერატურული მასალის მიხედვით უნდა იქმნეს ხსენებული მოვლენები გაშლილი და შესწავლილი, ე. ი. თუ რამდენად აისახა ჩვენს მხატვრულ ლიტერატურაში „თერგდალეულობა“ და „ხალხოსნობა“. პუბლიცისტური მასალაც, რასაკვირველია, აუცილებელივ გამოყენებული უნდა იყოს. მაგრამ ამ უკანასკნელი ხასიათის მასალით სარგებლობას იმდენად ექნება ადგილი, რამდენადაც ის საკითხის გამოკვლევის გაღრმავებაში და მისი თვისების შესწავლაში დაგვეხმარება.

სახელწოდება „თერგდალეული“, აგრეთვე მისი სინონიმი „რუსეთუმე“, როგორც აღმნიშნავი სახელი რუსეთში განათლებამიღებულ ქართველ ახალგაზრდისა, რომელიც ვეღარ შეეგუა დრომოკმულ, პატრიარქალურ ბჭეებზე დამყარებულ, მოდუნებულ და დაძაბუნებულ ჩვენს ცხოვრებას, ჯერ კიდევ მე-XIX-ე საუკუნის 50-იანი წლების კარებშივე გვხვდება¹. ხოლო 60-იანი წლების დასაწყისში ჩვენი ახალგაზრდა ინტელიგენცია ამ სახელწოდებით ჯგუფობრივ გამოდის სამოღვაწეო, სამწერლო და საბრძოლველ ასპარეზზე, როგორც გარკვეულ მისწრაფებათა მატარებელი მიმართულება, და ჩვენს ცხოვრებას თავის მძლავრ ბეჭედს ასვამს.

თერგდალეულის ფსევდონიმით გამოდის ამ დროს სხვადასხვა მწერალი, პუბლიცისტი, საზოგადო მოღვაწე ერთისა და იმავე პოზიციის განსამტკიცებლად. და ეს პოზიციია ახალგაზრდობის, ძველი ცხოვრების საფუძვლების უარყოფის, ცხოვრების ახალი პრინციპების მიხედვით გარდაქმნისა. ასე რომ 60-იან წლებში ფსევდონიმი „თერგდალეული“ გადაიქცა ახალი მიმართულების ზოგად სახელად, და ამ

¹) იხ. გ. ერისთავის „გაყრა“.

მიმართულებას ჩვენს ლიტერატურასა და საზოგადო აზროვნებაში გარკვეული სახე აქვს და მან გარკვეული ბეჭედიც დაასვა როგორც ჩვენს ლიტერატურას, ისე საზოგადო აზროვნებასაც.

გ. მაიაშვილი (გ. ზდანოვიჩი) ასე ახასიათებს ამ პერიოდს: „მხოლოდ 1860 წლიდან სჩანან მოძრაობის ნიშნები ჩვენის მიზინარებულის ქვეყნისა, რომელიც არ „მომკვდარა, მხოლოდ სძინავს“. იგი ნელ-ნელა იდგამს ფეხს, იფშენეტავს თვალებს, შეშინებული იყურება აქეთ-იქით. გუშინდელი მკვდარი, რომელსაც ჯერ კიდევ სრულად არა სწამს თავის აღდგენა... მოდის მოძრაობაში, დგება ფეხზედ, უყურებს ქვეყანას და აღთქმას სდებს იმუშაოს დღე და ღამე, რომ დაეწიოს დაკარგულს დროს. სულის შემხუთავი ჰაერი, რომელიც გარს შემოერტყა, ნელ-ნელა ჰქრება ამომავალი მზის შუქზედ“...¹.

გ. მაიაშვილი ჩვენი განვითარების ისტორიის ამ საინტერესო მომენტს რომ ახასიათებს, აი როგორა ჰხსნის მის მიზეზებს: „ეს მოძრაობა იყო ხალხში ახალი ეკონომიური პირობების შემოტანის პასუხად. აზრმა გაიღვიძა, სამშობლოსთვის მოღვაწენი გამოვიდნენ საზოგადო ასპარეზზედ. საზოგადო საქიროებამ მოითხოვა მათი გამოსვლა, იგინი გამოიწვია დრომ და არა იმათ დრო“².

და მართლაც, თუ ჩვენი საზოგადოებრივი ცხოვრების ისტორიაში ჩავიხედავთ, დავრწმუნდებით, რომ „თერგდალეულების“ გამოსვლას სამოქმედო სარბიელზე წინ უსწრებდა ჩვენი ცხოვრების ღრმა სოციალ-ეკონომიურ პირობათა ცვლა.

უდაოა, რომ ხელოვნებაში და კერძოდ ლიტერატურაშიაც, როგორც ხელოვნების ერთ-ერთ დარგში, ასახულია საზოგადოებრივი ფსიქოლოგია. საზოგადოებრივი ფსიქოლოგიის ხასიათი კი განისაზღვრება იმ ურთიერთობის თვისებებით, რომელიც საზოგადოების ნაწილთა შორისაა დამყარებული. ეს თვისებები კი განისაზღვრება და ირკვევა საწარმოო ძალთა განვითარების დონის მიხედვით. ყოველი შესამჩნევი ნაბიჯი საწარმოო ძალთა განვითარებისა ცვლილებას იწვევს ადამიანთა საზოგადოებრივ ურთიერთობაში. ამასთანაა დაკავშირებული ცვლილება საზოგადოების ფსიქოლოგიაშიაც.

ჩვენი ცხოვრების სინამდელიეში მე-XIX-ე საუკუნის მეორე ნახევარში ღრმა სოციალ-ეკონომიურ გარდატეხას ვამჩნევთ. დაირღვა

¹) გ. მაიაშვილი, წერილი ჩვენ საზოგადოებრივ მოღვაწეთა მიმართ: „ივერია“ 1882 წ. № VII—VIII. გვ. 164—165.

²) იქვე, გვ. 166.

ნატურალური მეურნეობა, ფეხს იკიდებს კაპიტალისტური წყობილება და საკმარისად ჩქარის ტემპით ვითარდება. როგორც ამის შედეგი, ჩვენს საზოგადოებრივ ცხოვრებაში ახალი სოციალური ურთიერთობა იკმნება, ახალი სოციალური დაჯგუფება ხდება.

აი, ასეთი გარემოების, საკმარისად რთულის (როგორც ამას ქვემოთ დავინახავთ), შედეგი იყო თერგდალეულთა ბანაკის გამოსვლა სამოქმედო ასპარეზზე, როგორც საზოგადოებრივ სამოღვაწეო სარბიელზე, ისე ლიტერატურაშიაც.

იგივე უნდა ითქვას ჩვენი საზოგადო აზროვნების და ლიტერატურის ისტორიაში მეორე დიდმნიშვნელოვანი მოვლენის— „ხალხოსნების“¹ სამოღვაწეო ასპარეზზე გამოსვლის შესახებაც. ხალხოსნების

1) ხალხოსნური მიმართულება, რომელიც ჩვენი ლიტერატურის წიაღში თითქმის მთელი ნახევრასაუკუნის განმავლობაში ღვიოდა და რომელმაც გაიტაცა არა ერთი პირველ-და მეორეხარისხოვან ნიჭის მქონე მწერალი და ძალუმად თავის ჰანგებზე ამოღვაწევა, ჩვენი ლიტერატურის ისტორიებში და კრიტიკა-პუბლიცისტიკაშიაც, უმეტეს შემთხვევაში, ცნობილია „ტეტიათა მოტრფიალობის“ სახელწოდებით. ეს ტერმინი „ტეტიათა მოტრფიალენი“, თუ არა ვცდებით, პირველად იხსარა ჩვენმა ცნობილმა პუბლიცისტმა ხომლეღმა (რ. ფანცხავამ) პოლემიკის დროს მოწინააღმდეგე მსოფლმხედველობის (ხალხოსნების) შეფასებაში. „მეტის-მეტად ძნელი გამოსარკვევია,—სწერს ხომლეღი 80-იან წლების მოღვაწეთა მიმართულების შესახებ,—თუ რამ დაბადა ჩვენში, ჩვენს საქართველოში, ეს ტეტების მოტრფიალენი! მაგრამ, ჩვენი ფიქრით, ამ გვარი აზრი ნაყოფი იყო ბრმა მიბადებისა. რუსეთში ჯერ კიდევ მე-70 წლებში, ერთი თაობა, ეგრეთ წოდებული „ნაროდნიკობა“, რომელმაც ზურგი შეაქცია დასავლეთის ცივილიზაციასა და პოლიტიკურ ვითარებასა, დადგა იმ ნიადაგზე, რომელზედაც რუსეთის სლავიანო-ფილები იდგნენ სულ წინად. ხოლო სახელმძღვანელო აზრად აღსარებული ჰქონდა „ნაროდნიკობა“, ეგრეთ წოდებული უტოპისტურ პერიოდის სოციალისტთა ბუნდი მოძღვრება“ (ხომლეღი, ჩვენი ლიტერატურის მდგომარეობა: „კვალი“, 1893 წ. № 20). და იქვე, რუსი „ნაროდნიკობის“ მოკლე და, უნდა ითქვას, ზერეულე დახასიათების შემდეგ, ხომლეღი ასეთს განაჩენს უყვენებს ამ „ტეტიათა მოტრფიალებს“:

„ჩვენში ცხოვრებამ უარპყო და შორს ისროლა ბავშური და დღე-ნაკლული სურვილი ტეტობის მოტრფიალისა, რომელსაც უნდა თავიდან აეცილებინა „გავეროპიელება“ ჩვენი ქვეყნისა და თვი თავისი წერილფეხა ვაჭართა, ჩარჩთა და გლეხთა ჰაობში შეეფარებინა“ (იქვე).

ხომლეღს, რომელიც გამომხატველი იყო ჩვენი საზოგადოების ერთი ნაწილისა, აი როგორ ესმის მთავარი არსი „ტეტიათა მოტრფიალეთა“ მიმართულებისა: „გარდა მიბადებისა, ჩვენში ტეტობის მოტრფიალენი ფეხს იკიდებენ თვით ჩვენი ცხოვრების ჩამორჩენილს სოფელთა წრეშიაც. მაგრამ ლიბერალებს (ხომლეღს აქ 80-იანი წლების მოღვაწენი ჰყავს მხედველობაში—მ. ზ.) შემდეგ ჩვენს ლიტერატურის ახალი სახელმძღვანელო აზრი არ შეუძეშავენია... მხოლოდ გაკვ-

მოქმედებაც იმავე სოციალ-ეკონომიურ პირობათა ცვლის მეტო
გალრმეებით იყო გამოწვეული.

მართალია, ხალხოსნები, თავიანთი მსოფლმხედველობით და
მოღვაწეობის ხასიათით, ბუნებრივი გაგრძელებაა თერგდალეულებსა;

რით და ისიც მიბაძვით ოდნავ-ლა აღნიშნა ჩვენი გლვხობის გაღმერთება და
ტრფიალი“ (იქვე).

აი, თუ არა ვცდებით, აქიდან წარმოდგა დასაბამი ტერმინისა „ტრტიათა
მოტრფიალენი“. ზომლელისაგან, პოლემიკის დროს ნახმარი ტერმინი, გადაიღეს
სხვა ლიტერატორებმაც და ასე უკრიტიკოდ, შეუცნობლად გავრცელდა და, ლამის
არის, დამკვიდრდეს ეს ტერმინი ერთი დიდი და, გვგონია, საკმარისად რთული
მოკლენის აღსანიშნავად ჩვენი საზოგადოებრივი აზროვნების და ლიტერატურის
ისტორიაში. ამ მოკლენას აი როგორ ახასიათებს ერთი მისი საუკეთესო წარმომადგე-
ნელთაგანი სოფ. მ გ ა ლ ო ბ ლ ი შ ვ ი ლ ი: „ათას რეაას სამოცდა ათსა და ოთხმო-
ციან წლბში სოფელ-სოფელ გამოჩდებოდნენ ზოლმე თითო-ოროლა „ერთობის“
მქადეგებლენი; სთესადნენ „თესლსა კეთილსა“, თესლსა „ერთობისასა“. ხალხის
გული სალი კლდესავით შეზხვდა ამ ერთობის მთესველებსა, არ იკარებდა თვისთა
მოყვასთა სიტყვებსა და სდენიდა კიდეცა. მაგრამ თითო-ოროლა ისეთიც იყო
სოფლად, ვის გულსაც ღრმად ჩასწვდა კეთილი სიტყვა „ერთობა“-ს მქადეგებლე-
ბისა, იპოვა ამ ზოგიერთების გულში კეთილი ნიადგი, ღრმად გაიდგა ფესვი,
იხარდა იგი, იხარდა და შტო გამოიღო. ეს შტო ერთის გულიდან მეთრებუ
გადამიყნო და ნელ-ნელა, ხალხის გული ერთობის ბლად, წალკოტად გადაიკცა-
იხარა, იფეთქა ხალხის გულში „ერთობის“ ძალამ; ხელი ხელს მისცეს. პირი პირს,
გული გულს შეაკედეს და თამამად შესძახეს:

— „გაუმარჯოს ერთობას, თავისუფლებას... სოფელი რად უნდა ემორჩი-
ლებოდეს ერთსა, ერთი ათასის ბატონი რად უნდა იყოს? თავისუფლება საერთოა
ყველას უნდა ათბობდეს იმისი სხივები, სიყვარული საერთოა, ყველა თანაბრად
უნდა გვიყვარდეს; მიწა ყველასია, თითო-ოროლას ჩაუგდია ხელში და მთელ
ხალხს ტონსა სწოვენო.

მოდო ნელ-ნელა სოფელს ასეთი აზრები“ (სოფ. მ გ ა ლ ო ბ ლ ი შ ვ ი ლ ი,
„ჯორ-ზაქარა“: რჩული მოთხრობები. ტფილისი, 1926, ტ. II, გვ. 164).

სანამდის სოფელს „ასეთი აზრები მოედებოდა“, სანამდის „ერთობა“ და
„კეთილი თესლი“ კეთილ ნიადგას გამონახავდა და ხალხის გულს ერთობის ბლად
გადააქცევდა“, საჭირო იყო კლდე-ღრიანი გზით ხანგრძლივი. და თავგანწირული
სიარული, საჭირო იყო დიდხინის განმავლობაში ნარისა და ეკლის საკუთარი
ხელით გლეჯა, და ასე ახალი ცხოვრებისათვის-გზის გათელვა. ასეთი გზის თელვაში
მხურვალე მონაწილე იყო ჩვენი საზოგადოების ის ნაწილი, რომელიც ზოგიერთი
ჩვენი ლიტერატორის წერილებში „ტრტიათა მოტრფიალეთა“ სახელწოდებით
არის ცნობილი.

ჩვენა გვგონია, რომ ჩვენი საზოგადოების ამ ნაწილის აზროვნების მიმარ-
თულება ვერ ამოიწურება იმ ტერმინით („ტრტიათა მოტრფიალობა“), რომელსაც
ზომლელი ხმარობს. და აგრეთვე იმ თვისებებით, რომელთაც ზომლელი იძლევა
ხსენებულ წერილში. ჩვენა გვგონია, ამ მიმართულების წარმოშობის მიზეზები და

შართალია, ხალხოსნები ჩვენი საზოგადოების განვითარების შემდეგი საფეხურია; მართალია ისიც, რომ მათ ბევრი რამ შეითვისეს თერგ-დალეულებისაგან, მაგრამ მათ შორის განსხვავებაც მეტად დიდი და თვალსაჩინოა. შეიძლება ითქვას, ეს მიმდინარეობა ჩვენს საზოგადო-ცხოვრებაში ახალია, როგორც შინაარსით, ისე მიმართულების ხასიათითაც. ნიკო ხიზანაშვილი, „იმედის“ ჯგუფის ერთ-ერთი წარმომადგენელი; ხალხოსნობის ძირითადი მიმართულების აღმომცენ მიზეზს აი რაში ჰხედავს: „ჩვენს სამშობლოში,—სწერს ის,—გლახ-კაცი იზიდავს ეხლა სულს და გულს ყოველი პატიოსანი კაცისას. ევრო-პაშიაც მწერლობა დაბალ ხალხს, სოფელს კარგს ადგილზე აყენებს,

მის წარმომადგენელთა მსოფლმხედველობა გაცილებით ღრმა და ფართო იყო ვიდრე ეს ხომლელს ზემოხსენებულ წერილში აქვს გამოთქმული. ამიტომ ტერ-მინი „ტეტიათა მოტრფიალობა“, ჩვენის აზრით, ვიწროა, ცალმხრივი და, შეიძ-ლება ითქვას, ხელოვნურიც. არც შეეფერება იმ მიმართულებას, რომელსაც რუსე-თის საზოგადო აზროვნების ისტორიაში ვიცნობთ „ხალხოსნობის“ („народниче-ство“) სახელწოდებითა და რომელმაც მართლაც ძლიერი გავლენა მოახდინა ჩვენს ხალხოსნურ საზოგადო აზროვნებასა და ლიტერატურაზე.

თვით ამ მიმართულების შემქმნელნი ჩვენში თავიანთ მიმართულებას უწოდებ-ნენ „ხ ა ლ ხ ო ს ნ უ რ ს“. ჟურნალი „იმედი“ თანამშრომელნი, რომელ-ნიც აშკარა გამომხატველნი არიან ჩვენში ხალხოსნური მიმართულებისა, თავიანთ მიმართულების აღსანიშნავად გარკვეულად და ხაზგასმით ხმარობენ ტერმინს „ხ ა ლ ხ ო ს ნ უ რ ს“. ჟურნალი „იმედი“ ერთ-ერთი საუკეთესო წარმო-მადგენელი და მისი მიმართულების მკვეთრი გამომხატველი ს ტ. კ რ ე ლ ა-შ ვ ი ლ ი 1881 წლის „იმედის“ პირველ ნომერში თავის წერილში—„ქართული მწერლობა“ მთელი ჯგუფის, ან, უფრო სწორე იქნება, მთელი დასის მიმართულე-ბას და მწერლობაზე მის შეხედულებას ამჟღავნებს. „მე მტკიცედა ვარ დარწმუ-ნებული,—სწერს სტ. კრვლაშვილი,—და იმედიცა მაქვს, ყოველი მკითხველი დამეთანხმება, რომ საზოგადოდ ჩვენში ჩამქრალია მწერლობის ლამპარი და, მაშა-სადამე, სხვათაშორის, ჩვენს საზოგადოებას აკლია ერთი უშველებელთაგანი დედა-ბოძი ცხოვრების გაუმჯობესობისა... რომელსაც შეუძლია ხალხის ნამდვილი გა-ძლიერება, კეთილი სურვილის აღძვრა მასში, ხ ა ლ ხ ო ს ნ ო ბ ი ს ი დ ე ა ლ ე-ბ ი ს გ ა მ ო რ კ ე ე ვ ა, შ ე მ უ შ ა ე ე ბ ა და მ უ ლ მ ი თ ი მ ი დ რ ე კ ი ლ ე ბ ა მ ა თ კ ე ნ“ („იმედი“ 1881 წ. № 1, გვ. 87—88).

ტერმინი „ხალხოსნობა“ „იმედის“ თანამშრომლების მიერ გარკვეულად იხმარება იმ მიმართულების აღსანიშნავად, რომელიც ჩვენს საზოგადოებაში და ლიტერატურაში ცნობილია, როგორც დაბალი ხალხის, გლახ-კაცობის, ცხოვრე-ბის შესწავლის, გაკების აუცილებლობის წამომყენები და შემდეგ ახალი ცხოვრე-ბის მშენებლობაში მისი (ხალხის) ცხოვრების ფორმების და მისი ინტერესების საფუძვლად დადებისა.

აღნიშნულ მოსაზრებათა და ცნობათა მიხედვით, უფრო სწორად, შესა-ფერად და მიზანშეწონილად მიგვაჩნია ტერმინი „ტეტიათა მოტრფიალობის“ მაგიერ დაცულ იქნას ტერმინი „ხ ა ლ ხ ო ს ნ ო ბ ა“.

უქადის მას ნაყოფიერ და სასარგებლო მომავალს. რისთვის? მისთვის, რომ ევროპაში მალალ-წოდება წვრილმანდება, უძლურდება. თვით განვითარებული მესამე წოდება, ბურჟუაზია, გაფუქსავატების გზას დაადგა. ნიშნები მისი გამოაშკარავდნენ... უქანასკნელ დროში ევროპაში დიდი ყურადღება მიაქციეს დაბალ ხალხის შესწავლას. ჩვენ-შიაც, ვგონებ, ანალოგიური მოვლენა იშვა, თუმცა ეს მოვლენა ჯერ ისე აშკარად არ გამოიხატა, როგორც ევროპაში: ჩვენშიაც მალალი წოდება ნელ-ნელა ფუქსავატდება, უძლურდება, ოდესმე ძლიერი და ამაყი თავადობა დაძაბუნდა. ეს გახლავთ ნამდვილი ფაქტი, ყველასათვის ცხადი, ვინც კი ჩვენ ცხოვრებას აკვირდება, სწავლობს...¹.

აქიდან ცხადია, ნიკო ხიზანაშვილი სამოღვაწეო ასპარეზზე გარკვეული მსოფლმხედველობით ხალხოსნების გამოსვლას უქავშირებს ჩვენი ცხოვრების, ახალი დროის სოციალ-ეკონომიურ პირობებს. მართლაც, ხალხოსნობა თავისი მსოფლმხედველობით და პრაქტიკული მოღვაწეობით ერთგვარი გამოწვეული პასუხი იყო ჩვენი ცხოვრების ახალი პირობებისა. თვით ხალხოსნების შემადგენლობაც ახალი იყო თავისი სოციალური წარმოშობით და მდგომარეობით.

ამ გარემოებამ, რასაკვირველია, თავისი დალი დაასვა ხალხოსანი მწერლების შემოქმედებასაც, და ამ მხრივაც ისინი თვალსაჩინოდ გაასხვავა თერგდალეულთა შემოქმედებისაგან. ყველა ეს ქვევით, როდესაც თემის უშუალოდ გაცნობას შეეუდგებით, შევეცდებით ფაქტების შემწეობით დაეამტკიცოთ.

ვინაიდან ჩვენი ძველი ცხოვრების რღვევისა და ახალი პირობების შექმნის გათვალისწინებას ჩვენი თემის სწორი გაგებისა და განმარტებისათვის უდიდესი მნიშვნელობა აქვს, ჩვენც შევეცდებით მისი გაშუქება და გაშლა ჩვენის ცხოვრების საერთო განვითარების პერსპექტივში დავაყენოთ. ამიტომ სანამდის თემის უშუალო გარკვევას შეეუდგებოდეთ, საჭიროდ მიგვაჩნია მოკლედ მაინც ვავეცნოთ ჩვენი ცხოვრების იმ ღრმა სოციალ-ეკონომიურ პირობათა ცვლას, რომელმაც სამოქმედო ასპარეზზე გამოიწვია როგორც თერგდალეულნი, ისე ხალხოსნები.

¹) ნიკო ხიზანაშვილი, უფლება და კანონი ძველ საქართველოში: „იმედნი“, 1882 წ. №№ 11—12, გვ. 24.

II

ჩვენი ცხოვრების სოციალ-ეკონომიური მდგომარეობა 60-იანი წლებისათვის.

1.

მე-XIX-ე საუკუნის 40-იანი წლების პირველსავე ნახევარში ჩვენი ცხოვრების სინამდვილეში გარკვეულ გარდატეხას ვამჩნევთ როგორც პოლიტიკურ და სოციალ-ეკონომიურ სფეროში, ისე, როგორც შედეგი ამისა, ფსიქოლოგიურშიაც. რუსეთთან შეერთება და საქართველოში მისი ძალა-უფლების განმტკიცება ჩვენი ახალი ისტორიის სინამდვილეში მეტად მნიშვნელოვანი ფაქტია. ამ გარემოებაში ღრმა გარდატეხის ბეჭედი დაასვა ჩვენს ცხოვრებას. ეს მოვლენა, შესაძლებელია, ჩვენის ცხოვრების მკვლევარისათვის ბუნებრივი და აუცილებელიც იყოს, მაგრამ თანამედროვეთათვის ის, გარდატეხის ჩქარი ტემპის გამო, რალაც მოულოდნელ, შემადრწუნებელ ფაქტად გადაიქცა.

რუსეთის დამკვიდრების ბარბაროსულმა ხასიათმა ქართველ ხალხში შეუთანხმებლობა და იმედგაცრუებულობა გამოიწვია.

მე-XIX-ე საუკუნის პირველ ნახევარში (დაახლოებით 1845 წლამდის) ჩვენი ცხოვრება წარმოადგენდა განუწყვეტელ ამბოხებათა გრეხილს—ხან მეტად ფართოს და თვალსაჩინოს, ხან-კი მისუსტებულს. ამ პერიოდის განმავლობაში საქართველოში თითქმის არც ერთი კუთხე, არც ერთი წელი არ არის მშვიდი. ეს ბრძოლა გამოწვეულია არა მარტო პოლიტიკური საკითხით (ეს უფრო მეორე ხარისხოვანია), არამედ უფრო სოციალ-ეკონომიური მდგომარეობით და ინტერესით. აქ ბრძოლაა, და სასტიკი ბრძოლა, ორი კულტურისა, უფრო კონკრეტულად რომ ვთქვათ, ორი საზოგადოებრივი წყობილებებისა: ერთის მხრითაა—ბიუროკრატიული რუსეთი თავისი სოციალ-ეკონომიური განვითარების კანონებით და წესებით, მეორეს მხრით—ფეოდალური, ჯერ კიდევ თითქმის ნატურალურ მეურნეობის საფეხურზე მყოფი, საქართველო. დაიწყო მათ შორის ბრძოლა. ამ ბრძოლაში, რა თქმა უნდა, ძლიერმა გაიმარჯვა. 40-იან წლების

ნახევრისათვის ორივე მხარემ იგრძნო, ვისკენაც იყო გამარჯვება. ამის შემდეგ ორივემ, როგორც ბიუროკრატიულმა რუსეთმა, ისე ფეოდალურმა საქართველომ, გადასწყვიტა უფრო დამშვიდებული, შეგუების გზით წასულიყო წინ, მომავლისაკენ.

ქართველი ხალხი, მთელ რიგ დამარცხებულ აჯანყებათა და შეთქმულებათა შემდეგ, ისედაც დაღლილი და ეკონომიურად გაძვალტყავებული, გატყდა, ფიზიკურად დასუსტდა, დაიქანცა; დაკარგა იმედი აჯანყების გზით თავისუფლების დაბრუნებისა და მშვიდი ცხოვრების მოპოებისა. ხალხმა იგრძნო, რომ ის გამოუვალ ჩიხშია მომწყვდეული. მისთვის აშკარა შეიქმნა, რომ სხვა საშუალება ცხოვრებისა და სიცოცხლისა, გარდა ახალ ცხოვრებასთან—რუსეთთან—შეგუებისა, აღარ იყო. ქართველ საზოგადოებას ცხოვრების ახალი გზა უნდა გამოენახა, ახალი გზით წასულიყო წინ. უპირველესად საჭირო იყო ზრუნვა ხალხის ფიზიკური გადარჩენისა და მისი კულტურული ცხოვრების პირობების შექმნისათვის. ასეთი ფსიქოლოგიური გარდატეხა ქართველი ხალხის ცხოვრებაში ხდება. 40-იანი წლების დასაწყისშივე. მაგრამ გარეგნულად ეს გარემოება თითქმის შეუმჩნევლად რჩებოდა.

ამ ფსიქოლოგიური გარდატეხის ტყვივლების გამომჟღავნება მეტად ნიჭიერადაა ასახული ნ. ბარათაშვილი შემოქმედებაში;— განსაკუთრებით პოემაში „ბედი-ქართლისა“ და ელეგიაში „მერანი“. ნიკოლოზ ბარათაშვილის გენიოსური ამოკვნესა:

„ცუდათ ხომ მანც არ ჩაივლის ეს განწირულის სულის
კვეთება!
და გზა უვალი შენგან თელილი; მერანო ჩემო, მანც
დარჩება,
და ჩემს შექდგომად მოძმესა ჩემსა სიძნელე გზისა გაუა-
ღვილდეს,
და შეუპოვრად მას ჰუნე თვისი შავის ბედის წინ, გა-
მოუქროლდეს!“—

აშკარა მაჩვენებელია ქართველი ხალხის შეგნებაში ახალი ცხოვრებისადმი გაღვიძებული სურვილის ატოკებისა.

ჩენი ცხოვრების ასეთი მიდრეკილება, თუმცა ცოტა გვიან (1858 წელს), მაგრამ მკაფიოდ, მძლავრი გაგებით და სისწორით ილია ქავჭავაძემ გამოთქვა ლექსში: „ქართველის დედას“. პოეტი ასე მიჰპართაეს თავის თანამედროვეებს:

„მას ნულარ ვსტირით, რაც დაკარგულა,
რაც უწყალოს დროთ ხელით დანთქმულა,
მოვიკლათ წარსულ დროებზე დარდი.
ჩვენ უნდა ვსდიოთ ახლა სსკვა ვარსკვლავს,
ჩვენ უნდა ჩვენი ვშვათ მყოფადი,
ჩვენ უნდა მივცეთ მომავალი ხალხს“.¹

ამ ფორმულამ, მისი განხორციელების სურვილმა შემოიკრიბა და ძალუმად მიიზიდა მთელი ცოცხალი ძალა ჩვენი ცხოვრებისა და დღემდის ბრწყინვალე შუქურ-ვარსკვლავივით გენათებს და მოგვიწოდებს მამაცად და მედგრად ვეკეთნეთ ცხოვრებას, რომ განთიადს, ახალ ქვეყანას „მიჯაჭული კლიტით კარი“ გადაუხსნათ.

მაგრამ 40-იან წლებში ქართველი საზოგადოება, შეიძლება ითქვას, მთელი ქართველი ხალხი, იმდენად იყო აფორიაქებული, ეკონომიურად და პოლიტიკურად ისე დაძაბუნებული, რომ მისთვის ახალი ვარსკვლავის გამონახვა და ახალი გზით სიარული არც ისე ადვილი საქმე გახლდათ. ბატონ-ყმური ურთიერთობით გაღატაკებულ, იარაღ-დაყრილ, დამონაგებულ ხალხისათვის ადვილი საქმე არ იყო გამოენახა რუსეთთან საჭირო საერთო მოქმედების ასპარეზი, რომელსაც ესენი უნდა შეეერთებინა, და ამათ-კი საერთო ძალით ახალი ვარსკვლავის გამონახვისა და მის მიყოლის საშუალება მისცემოდათ.

ასეთი ასპარეზის გამონახვა, შეერთებული ძალებით კულტურული და ეკონომიური ცხოვრების გამაძლიერებელი სარბიელის შექმნა, რომლის მოთხოვნილებაც წამოიჭრა ჩვენი ცხოვრების სინამდვილეში—დაიწყო 40-იან წლებში. ამ გარემოებას ხელი შეუწყო მთავარმართებელი ვორონცოვის პოლიტიკამაც. მის პოლიტიკას სათანადო ნიდაგი ჰქონდა ჩვენში შექმნილ პირობებით. „ვორონცოვის ხანა,—სწერს არჩ. ჯორჯაძე,—განსაკუთრებული ხანა იყო ჩვენში. არც წინაღ, არც შემდეგში მის მსგავს მოვლენას არა ვხედავთ. ვორონცოვის პოლიტიკა იყო სწორედ ის პოლიტიკა, რომელსაც საუკუნეების განმავლობაში ამოდ ეძებდა რუსეთის მმართველობის წრეში ქართველთა პოლიტიკური აზროვნება. ერთგულება და მკიდრო კავშირი რუსეთთან, ხოლო ნაცვლად ამისა ქართველების ეროვნულ-კულტურული აღორძინების უზრუნველყოფა რუსეთის მფარველობის ქვეშ... ვორონცოვმა პირველმა გაბედულად გამოაცოცხლა ეს დღემდე განუხორციელებელი იმედი. ქართველთა ეროვნული კულტურა რუ-

¹) კურსივი ჩვენია.

სეთის მფარველობის ქვეშ—ეს ოცნება რეალობად იქცა და ფერმიხ-
დილი წადილი ბრკყვიალა ფერადებით შეიმოსა“.¹

თუმცა არჩილ ჯორჯაძის მიერ ევრონაციონის პოლიტიკის შეფა-
სება არ არის სწორი, ის, ცოტა არ იყოს, გულუბრყვილოა, მაგრამ
მანინც უნდა აღინიშნოს, რომ ეს პერიოდი ჩვენი ცხოვრების ისტო-
რიაში მეტად მნიშვნელოვანია. ამისათვის საჭიროდ მიგვაჩნია მკით-
ხველის ყურადღება გაკერით მანინც შევაჩეროთ ევრონაციონის მარ-
თველობაზე.

40-იანი წლების ნახევრისათვის რუსეთმაც გარკვეულად დაი-
ნახა, რომ იგი გამარჯვებულია, საქართველოში მკვიდრად მოიკიდა
ფეხი, საჭირო ტერიტორია უკვე გააერთიანა, აღმოსავლეთთან დიდი
ხნიდანვე ნანატრი ხიდი უკვე გასდო. რუსეთმა იგრძნო, რომ ამ
მხრივ მას საფრთხე აღარ მოელოდა. მოინდომა შემდეგში თანდათან
ისე განმტკიცებულიყო, რომ ნაკლები ხარჯი, მსხვერპლი და დაბრ-
კოლებანი ჰქონოდა. ამიტომ რუსეთმა არჩაა ძველი მთავარმართებ-
ლების უხეში, დაპყრობითი, სასტიკი რეპრესიების, დაუნდობელი და
დაუზოგველი, სისხლის მღვრელი პოლიტიკა უკუეგდო. მან აშკარად
იგრძნო, რომ ძველი გზა თვით რუსეთისათვის იყო მძიმე და დამ-
ღუპველი. დარწმუნდა, რომ ერმოლოვის, როზენის, ჰანის, გოლოვი-
ნის და ნეიდჰარტის პოლიტიკამ საშინელ მდგომარეობაში ჩააყენა
საქართველო, თვით რუსეთის მიზნების განხორციელების გზაც ნართა
და ეკლით მოჰფინა. ამიტომ რუსეთმა საჭიროდ დაინახა მშვიდო-
ბიანი, წყნარი და უმტკივნეულო გზა ამოერჩია, რომ თავისი მისწრა-
ფებანი ცხოვრებაში მტკიცედ და სწორად გაეტარებინა.

პოლიტიკის შეცვლის აუცილებლობას ჰგრძნობს არა მარტო
მთავრობა, რუსეთის საზოგადოების არა მარტო ის ნაწილი, რო-
მელსაც აქ, საქართველოში, უხდება პოლიტიკის წარმოება და მისი
აუტანელი შედეგების მოწმედ ყოფნა, არამედ სატახტო ქალაქებში
მცხოვრებნი და მმართველი წრეებიც. ამიტომ სამსახურისათვის
თავის დანებების სურვილი ნეიდჰარტისა მთავრობის მიერ სიამოვნ-
ებით იქმნა მიღებული. რუსეთის საზოგადოების მალალი წრეები
გაფაციცებით მოელოდებოდნენ, ვინ იქნებოდა არჩეული „ამ მეტად
საპასუხისმგებლო და მძიმე თანამდებობაზე“¹. ყველა გრძნობდა,
რომ იმ დროს ამიერ-კავკასიაში უნდა გამოეგზავნათ ისეთი კაცი,
რომელსაც ექნებოდა სათანადო გონიერება და გამჭირაბობა, რო-

) არჩილ ჯორჯაძე, თბზულებანი, ტ. V, გვ. 9.

2) И в а л о н к о, Гражд. управ. Закавказьем, გვ. 347.

გორც სამხედრო საქმიანობაში, ისე სამოქალაქო ცხოვრების მოწესრიგებაში.

როცა ამიერ-კავკასიაში ახალი პოლიტიკის გასატარებლად დანიშნულ იქმნა ცნობილი, კვიანი, შორსმკვრეტელი, ხერხიანი, რუსეთის მეფის ერთგული კარის-კაცი მ. ს. ვორონცოვი, რუსეთის მპართველი წრეები ამ არჩევანს დიდის აღფრთოვანებით მიეგებენ: „მთელი რუსეთი, — სწერს ივანენკო, — ტაშს უკრავდა ამ არჩევანს. პეტერბურგში მისვლის შემდეგ, თავადი (მ. ს. ვორონცოვი) საერთო პარტიისცემის და აუარებელი ოვაციების საგნად შეიქმნა“¹.

ამჟარაა, კავკასია იმ დროისათვის რუსეთის იმპერიალისტურ მისწრაფებათა განსახორციელებლად საქირო და აუცილებელ ბაზად გადაიქცა. რუსეთისთვის აუცილებელი შეიქმნა აღმოსაელეთისაკენ გზის გაკაფვა, გამაგრება საზღვრებისა სპარსეთ-ოსმალეთთან და ამით ევროპისათვის მეტოქეობის გაწევა. საქართველო რუსეთისათვის ამ მიზნის განსახორციელებლად მეტად მარჯვე და ხელსაყრელი იყო. საქართველო რუსეთისათვის ხელსაყრელ ბაზას წარმოადგენდა მთელი კავკასიის დაპყრობის საქმეშიც. ამისათვის რუსეთს ქართველები უნდა დაეახლოვებინა; დაემშვიდებინა, მათი გული მოეგო. ვორონცოვის წინამმართველთა უხეში, უყურადღებო, უპატივცემლო მოპყრობის გზა საზარალო გამოდგა თვით რუსეთისათვისაც.

ვორონცოვი, როგორც კვიანი, შორსმკვრეტელი პოლიტიკოსი და ნამდვილი რუსი მოხელე, მიხვდა, რომ ისეთი პოლიტიკა უნდა ეწარმოებინა, რომ ქართველთა გული მოეგო. ის ცდილობდა შეუმჩნეველად შეეყვარებინა რუსეთი და მისი კულტურა ქართველთათვის, როგორც თავიანთი საკუთარი. მან მიზნად დაისახა უმტკივნეულოდ განებორციელებინა რუსეთის დიდი ხნის სურვილი: გადაეშენებინა ქართველი ისე, რომ „სხეული ყოფილიყო ქართველისა, ხოლო სული რუსისა“ და ამ გზით მკიდროდ შეედუღებინა ქართველობა რუსობასთან.

ვორონცოვმა გარუსების სწრაფი და უხეში ძალდატანების გზა, როგორც კვიანმა და დაკვირვებულმა მმართველმა, უარჰყო. ადგილობრივი ზნეჩვეულებების დროებითი შენახვით შეუმჩნეველად, უმტკივნეულოდ შემოაპარა რუსეთის სამოქალაქო კანონმდებლობა. ამით მან უფრო ადრე და უკეთესად განახორციელა ბიუროკრატიული რუსეთის მისწრაფებანი — ადგილობრივი მოსახლეობის, და განსაკუთრებით ქართველების, ზიარება რუსულ კულტურასთან. ვორონცოვის

1) И л а н е н к о, Гражд. управ. Закавказ., გვ.348.

მშვიდობიანი და თავ-შეკავებული პოლიტიკის მეოხებით რუსეთის მეფე და რუსული კულტურა ადგილობრივს კულტურას შეუძმნევალდა სცელის.¹

რომ ვორონცოვს, აშკარად ამოძრავებდა რუსეთის ბიუროკრატიული მისწრაფებანი და არა ადგილობრივი მოსახლეობის და კერძოდ ქართველების ბედ-იღბალი, ამას ადვილად დავინახავთ, თუ საკმარისი გულისყურით ჩაუყვირდებით მის პოლიტიკის ხასიათს და მიმართულებას. თუ ვორონცოვის პოლიტიკის გარეგნულ მხარეს იქით გადავალთ, და არსებითად გავეცნობით მის მოღვაწეობას, ადვილად გავარჩევთ მისი პოლიტიკის რუსულ ბიუროკრატიულ ბუნებას.

ერთ-ერთს თავის უქვეშევრდომილეს მოხსენებაში ვორონცოვი აი რას მოახსენებს მეფე ნიკოლოზ I-ს: „ყოველი ცვლილება და ყოველი ახალი რეფორმა, რომელიც საუკუნეებით შექმნილ ჩვეულებებსა სცელის, ყველგან არაჩვეულებრივ სიძნელეს წარმოადგენს ცხოვრებაში გატარების დროს. მაგრამ განსაკუთრებით ამ მხარეშია (ამიერკავკასიაში) ამისათვის ამგვარ შემთხვევებში საჭირო დიდის სიფრთხილით მოქმედება. ძალდატანებითი ზომები არამც თუ სიკეთეს არ მოიტანს, არამედ, შეიძლება, მეტად მავნე შედეგიც-კი მოგვცეს“.²

ამიტომ ვორონცოვმა თავისი პოლიტიკა და მმართველობა ადგილობრივი მცხოვრებლების კეთილდღეობისათვის ზრუნვით დაიწყო. შეეცადა მათი სამოქალაქო ცხოვრების პირობების გაუმჯობესებას. რუსებთან აქაურების დაახლოვების მიზნით მან ამ მხარეში სამი ათას ხუთასი რუსი, განსაკუთრებით მოლოკნებისა და დუხობორების, ოჯახი გადმოასახლა. მოაწყო შავი და კასპიის ზღეების პორტებში მიმოსვლა. გააუმჯობესა საქართველო. სამხედრო გზა. საერთოდ, გზა-ტყევილების გაყვანას და მთავარი პუნქტების ერთმანეთთან შეერთებას დიდი ყურადღება მიაქცია. გამოიწერა გამოცდილი ხელოსნები; საწარმოო იარაღები; გახსნა სანიმუშო სახელოსნოები, დააარსა სავაქრო ბაზრები, სადაც მცხოვრებთ შესაძლებლობა ეძლეოდათ ნაწარმოების გამოტანისა და გასაღებისა; ხელი შეუწყო სასოფლო მეურნეობის განვითარებას, ბუნებრივ სიმდიდრეთა აღმოჩენას და გამოყენებას. აგრეთვე

¹) იხ. Акты кав. арх. ком. т. X № 29—„Акт грузинского дворянства, 24 апреля 1848 г“; მის ხ ა ნ დ უ კ ე ლ ი, გრ. ორბელიანის გამოუქვეყნებელი ლექსები: „მნათობი“—1926 წ. № 7; მისივე, გრ. ორბელიანი და მისი შემოქმედება, „მნათობი“ 1926 წ. №№ 8—9; ბარბარე ჯ ო რ ჯ ა ძ ი ს ლექსი —„უძღვნი დროებას“—„ცისკარი“ 1866 წ. № 6.

²) И в а н е н к о, Гражданское упр. Закавказьем—გვ. 349.

ხელი შეუწყო ვაქრობა-მრეწველობის განვითარებას, მოსკოვის და პეტერბურგის (აწუ ლენინგრადის) ვაქრები დაიყოლია გაელოთ ტფილისში საწყობები, რის შემწეობითაც გააბა სავაქრო კავშირი აღმოსავლეთთან (განსაკუთრებით სპარსეთთან). რის გატანაც-კი შესაძლებელი იყო საქართველოდან, როგორც მაგ. ნედლი მასალისა, გაიტანა¹.

რუსული ენის დანერგვისა და გავრცელების მიზნით ვორონცოვმა გახსნა სკოლები, როგორც სამხედრო, ისე სამოქალაქო. ეს გზა, ვორონცოვის აზრით, რუსეთს მისცემდა საშუალებას საუკეთესო ნაწილი ადგილობრივი მცხოვრებლებისა გამოეყენებინა რუს მოხელეებად. ამავე მიზნით ადგილობრივ მოსახლეობას, და განსაკუთრებით ქართველ ახალგაზრდობას, გზა გაუხსნა რუსეთის სასწავლებლებში (უმალლესშიაც-კი) სწავლის მიღებისათვის. ყველა ზემოაღნიშნულით ვორონცოვი, რასაკვირველია, უპირველესად და უმთავრესად რუსეთის საქმეს აკეთებდა, ადგილობრივ მოსახლეობაში რუსეთისადმი კეთილგანწყობილების ნიადაგს აპოხიერებდა.

ვორონცოვმა, როგორც ჭკვიანმა და განათლებულმა ბიუროკრატიმა, კარგად იცოდა, რომ რუსეთისადმი ერთგულებას ფართო მასებში ადვილად ვერ განამტკიცებდა; კარგად იცოდა, რომ ერთსულოვანი ერთგულება და თავდადება მასიურად ხალხში ადვილად ვერ გამომუშავდებოდა. კარგადვე ჰხედავდა, რომ მთავრობისათვის გაცილებით ძნელი იყო მცხოვრებთა ფართო მასებზე გავლენის მოხდენა თავის სასარგებლოდ, ვიდრე ამ ცხოვრებთა სხვა რომელსამე ნაწილზე. ვორონცოვი გარკვეულად გრძნობდა, რომ საჭირო იყო პოლიტიკის აღებული გეზის გატარებისათვის დასაყრდნობი ნიადაგი ენახა.

ამისთანა ნიადაგად ვორონცოვმა მიზანშეწონილად ადგილობრივი ერების მალალი წოდება დაინახა: საქართველოში—თავად-აზნაურობა, აზერბეიჯანში—ბეგები და ალები, სომხეთში—მელიქები. ამის შესახებ ვორონცოვი აი რა საინტერესო აზრს მოახსენებს ნიკოლოზ I-ს. „ყველგან,—ნათქვამია ვორონცოვის მოხსენებაში,—სადაც კი ხალხი მოქალაქეობრიობის დაბალ საფეხურზედა დგას, მთავრობისათვის გაცილებით ძნელია გავლენის მოხდენა მთლიან მასებზე, ვიდრე რომელსამე წოდებაზე, უურო განათლებულზე და, მაშასადამე, უფრო გავლენის მქონეზე. აქ-კი (ე. ი. ამიერ-კავკასიაში—მ. ზ.), ქვეყნის პოლიტიკური მდგომარეობის გამო, სიძნელე გაცილებით საგ-

¹) იხ. ფ. მახარაძე: „მნათობი“, 1926 წ. № 2.

რძნობია; ამისათვის საჭიროა არამცთუ შევეხოთ მალალი წოდების უფლებას, არამედ ყოველგვარად შევეცადოთ მისი დაცვისა და განმტკიცებისათვის¹. ვინაიდან არისტოკრატიული დასაბამის საშუალებით შეიძლება დაძლეულ იქნეს დემოკრატიული მიმართულება, რომელიც განვითარებულია და ასე ღრმად აქვს ძირი გადგმული დაღესტანში და რომლის წინააღმდეგ, სამწუხაროდ, აქამდის, იარაღის გარდა, არაფერი საშუალება არ არის გამოყენებული“².

ვორონცოვი, ამგვარად, ხელმძღვანელობდა აღნიშნული მოსახრებით და წარადგინა ადგილობრივი არისტოკრატიისათვის პრივილეგიების მიმცემი პროექტი. მიუხედავად იმისა, რომ ვორონცოვის პროექტს ეწინააღმდეგებოდა სამი მინისტრი—პანინი, ბლუდოვი და, განსაკუთრებით, კისელიოვი, ის მაინც ენერგიულად თხოულობდა თავისი პროექტის დამტკიცებას. ვორონცოვის ამ შუამდგომლობას 1846 წ. 6 დეკემბერს შედეგად მოჰყვა რესკრიპტი, რომლის ძალითაც მუსლიმანთა ხანებს, ბეგებს, ალებს და სომხების მელიქებს ებოძათ ყველა პრივილეგიები მალალი წოდებისა, დაუბრუნდათ ჩამორთმეული მამულები, მიეცათ მესაკუთრის ძალა-უფლება დაბრუნებულ მამულსა და მასზე დასახლებულ მცხოვრებლებზე. ამ რესკრიპტიშივეა ერთი მუხლი, რომელიც დასახლებული წოდების წარმომადგენელთა კერძო საკუთრების სრულ უფლებას ანიჭებს, ხოლო ერთი შეზღუდვით-კი: დასახლებული მამული არ შეეძლოთ გადაეცათ ისეთი პირისათვის, ვინც არ ეკუთვნოდა მალალ წოდებას, ან ვისაც არა ჰქონდა უფლება ყმების ყოლისა³. ამ გზით ვორონცოვმა, მართალია, მიაღწია თავისი მიზნის მხოლოდ ერთს ნაწილს—დაამყარა ერთგვარი სიწყნარე და სიმშვიდე მუსლიმანების მალალ წოდებაში,—მაგრამ მიზნის მეორე ნაწილი, სახელდობრ,—შეექმნა მუსლიმანთა არისტოკრატია, რომელიც მომავალში რუსული კულტურის და გავლენის გამტარებელი იქნებოდა მასებში და გადაიქცეოდა მტკიცე სიმაგრედ რუსეთისადმი სპარსეთისა და ოსმალეთის მტრული გავლენის წინააღმდეგ,—მიუწლომელი დარჩა.

მით უმეტეს დიდი ყურადღების ღირსი გახდა ჩვენი თავად-აზნაურობა: მისი დაკმაყოფილება და დაწყნარება ერთი მთავარი საზრუნავთაგანი იყო ვორონცოვისათვის. მან დააარსა კომისია ჩვენი თავად-აზნაურების პრეტენზიათა საბუთიანობის გამოსარკვევად; შე-

1) კურსივი ჩვენა.

2) И в а в е н к о, Гражд. управл. Закавказья, г. 355.

3) იქვე, გვ. 356.

ადგინა მაღალწოდებათა პერსონალური სიები და საერთოდ მათი უფლებების აღდგენას მეტად სათუთად ეპყრობოდა.

ჩვენი მაღალი წოდება, ეკონომიური განვითარების იმ ცვლილ-ბათა მიხედვით (ნატურალური მეურნეობის რღვევა, ვაჭრობა-მრეწველობის, ფულის ტრიალის დაწყება), რომელმაც ჩვენი ცხოვრების სინამდვილეში იწყო შემოკრა და წინა პერიოდის ეკონომიურ პირობათა წალეკვას ლამობდა, უკვე თავის განწირულ მდგომარეობასა გრძნობდა. ახალი ცხოვრების სიომ გლუხ-კაცობაც გამოაფხიზლა. ამ ნიადაგზე ბატონსა და ყმის შორის მოუთავსებლობა და წინააღმდეგობა ფეხს იკიდებს და ჩქარის ტემპით ვითარდება.

თავად-აზნაურთა და გლუხკაცთა შორის უთანხმოება ვორონ-ცოვის დროს საკმარისად მწვევედ იყო გამოხატული ჩვენი ცხოვრების სინამდვილეში. ვორონცოვის დანიშვნას წინ უძლოდა გურიის დიდი აჯანყება (1841 წ.), რომელიც ბატონისა და ყმის უთანხმოებაზე იყო აღმოცენებული. გლუხ-კაცთა წერილი ამბობებანი ბატონების წინააღმდეგ ამ პერიოდში და მის წინაც მრავალია. ამ მდგომარეობას ჩვენში აღრმავებდა რუსების შემოსვლა და რუსეთის ეკონომიურ და პოლიტიკურ ცხოვრების დიდი გავლენა ჩვენსაზე. რუსეთშიაც ახალი ცხოვრების ეკონომიურმა ფორმებმა უპირველესად ბატონისა და ყმის ურთიერთობაზე მოახდინა გავლენა. რუსეთის ცხოვრებაშიაც, კაპიტალიზმის განვითარების გამო, ბატონ-ყმობის საკითხის რადიკალური გადაწყვეტის აუცილებლობა ყოველმხრივ ელინთავდა ატმოსფერას (მთელი რიგი აჯანყებათა ბატონ-ყმობის წინააღმდეგ; საზოგადო აზროვნება, დასავლეთ-ევროპის უტოპიურ სოციალიზმზე აღზრდილი და გავარვარებული; მხატვრულ მწერლობაში და პრესაში გამოდის მთელი რიგი უნიკიერესად გამშუქებელი და დამცველი ყმის თავისუფლებისა. რუსეთში. თავად-აზნაურთა ყრილობებზე ყმათგანთავისუფლების საკითხი არაერთხელ დასმულა. თვით ნიკოლოზ I-ი ურჩევდა (მაგ. ტვერის თავად-აზნაურობას) გლუხ-კაცის განთავისუფლების საქმე ზევიდან დაეწყოთ, თორემ თუ ძირიდან დაიწყებოდა ეს რეფორმა, მათთვის უფრო მტკიენული შეიქნებოდა.

მიუხედავად ასეთი მდგომარეობისა, ვორონცოვმა, თავისი პოლიტიკით გატაცებულმა, რომ, რაც შეიძლება ჩქარა მოენახნა დასაყრდნობი ბაზა რუსეთის პოლიტიკის დასამკვიდრებლად საქართველოში და მით მთელ ამიერ-კავკასიაში, მოეგო გული თავად-აზნაურობისა, გადაებირებინა ის თავის მხარეს, გამოეყენებინა ეს თავად-აზ-

ნაურობა რუსეთის საერთო პოლიტიკის განმტკიცებისათვის ამ მხარეში, — ყმის მდგომარეობა შემსუბუქების. მაგიერ უფრო დაამძიმა, შეზღუდა¹.

სიმშვიდის დამყარებისა და ბატონსა და გლებ-კაცს შორის დავიდარაბის მოსპობის მიზნით ვორონცოვმა გააუქმებინა 1849 წ. აგვისტოს 16-ს 1836 წლის კანონი, რომლის ძალითაც ყოველ გლებ-კაცს, რომელზე ბატონობის შესახებ მემამულეს საჭირო საბუთები არა ჰქონდა, უფლება ეძლეოდა დაეწყო თავისუფლების ძიება სასამართლოს წესით. ამის სამაგიეროდ მან დაამტკიცებინა კავკასიის კომიტეტის აზრი, რომლის ძალითაც „საბატონო ყმას ნება ეძლევა ეძიოს ბატონისაგან განთავისუფლების უფლება მხოლოდ იმ შემთხვევაში, თუ ექნება საბუთები, რომ წინად ის, ან მისი მამა, ან პაპა თავისუფალი იყო. განთავისუფლებაზე საჩივარი არ შეიძლება მიღებული ყთფილიყო იმის გამო, რომ მებატონეს შესაფერი საბუთი არა ჰქონდა“. ხოლო უკანასკნელ მუხლში სწერია, რომ „სანამდის სასამართლო საქმის გამორკვევას გაათავებდეს, გლებ-კაცი უნდა მებატონეს ემორჩილებოდეს“². აქედან ცხადია, გლებ-კაცის მდგომარეობა ჩვენში ვორონცოვის მმართველობის დროს უფრო გაუარესდა.

სამაგიეროდ, როგორც უკვე აღენიშნეთ, ვორონცოვმა დიდი ყურადღება მიაქცია ქართველი თავად-აზნაურობის ლოიალობას. ალბად იგრძნო, რომ მისი პოლიტიკის წარმატებით გატარებისათვის ეს საუკეთესო ელემენტი იყო და მას მაგრამ ჩაებლაუჭა.

ვორონცოვი, როგორც გამოცდილი მმართველი, შეეცადა ჩვენი პროვინციები გაეწმინდა ყოველი არასაიმედო ელემენტისაგან, ვისაც კი შეეძლო ხალხში უკმაყოფილების თესლი გაეღვივებინა. ამისათვის მან ყოველი ღონე იხმარა თავად-აზნაურობა თავის ახლო მოემწყვდია და მოემადლიერებინა. ამ მიზნით, გარდა გამოთხოვილი პრივილეგიებისა, ვორონცოვმა თავად-აზნაურობას თავისი სასახლის კარები ფართოდ გაუღო. მართავდა წვეულებებს, ჰპატიჟობდა მათ და თვითონაც ხშირად ეწვეოდა ხოლმე. ამ გარემოებამ მეტად დაახლოვა ჩვენი მაღალი წოდება ვორონცოვთან. მაღალი წოდების საუკეთესო ნაწილი ჩინებისა და თანამდებობის მიცემით გადაიბირა. ჩინის მიღება ჩვენი ეკონომიურად ნიადაგ-გამოცდილი თავადაზნაურობისათვის ერთგვარ წასაბამად და შურის აღმსრულებელ საგნად გადაიქცა.

ნ. უილინ

1) И в а н е и к о — Гражд. упр. Закавказья, 1849, № 130.

2) Акты кав. арх. ком. т. X — № 40 § 1, 2 და 4.

აი ამ მოვლენას რა შეფასებას აძლევს ვახტანგ თულაშვილი (ვ. თ.) „საქართველოს მოამბეში“:

„რუსებმა შემოიტანეს აქ ის დაწყობილება და ზოგიერთი კანონები, რომელიც იყვნენ და სწარმოებდნენ თვით რუსეთშია. ცუდი იყო, თუ კარგი, მეტი არ ჰქონდა რა... სხვათა შორის დადებული იყო, რომ ვისაც არა ჰქონდა ჩინი, არ შეეძლო ხმა ამოელო საზოგადოების კრებაში, სადაც, ვითომ, ზრუნავდენ სახალხო საჭიროებისათვის. ამ დაწყობილებამ მიიყვანა ხალხი იქამდინ, რომ ყველას ელანდებოდა მხოლოდ ისა, რომა მიეღო ჩინი და დაეწყო სამსახური, პირველად ამისათვის, როგორც კეთილშობილსა კეთილშობილთ კრებაში ხმა ჰქონოდა, მეორე იმისთვის, უფრო, რომა განთავისუფლებულიყო ყოველგვარ დაჩაგვრისაგან და უპატიურებისიგან, რომელსაც მიაყენებდა ხოლმე სამსახურს გარეშე მყოფელს კაცსა როგორც თვითონ საზოგადოება, ისე მთავრობაც. ვისაც არა ჰქონდა ჩინი, ყველგან სამჯავროებში და სხვა სასამართლოებში ექცეოდენ უპატიურად, ხან შეურაცყოფითაც, არსად არ უნდოდათ ეგდოთ ყური იმისათვის—თვით საზოგადოებაც კი ცდილობდა ყოველ ფეხის გადადგმაზედ ეგრძნობინებინა, რომა თუმცა ის აზნაურის ან თავადის შვილია, მაგრამ მომეტებულ პატივისცემისათვის, რომ ჩინიცა ჰქონდეს, კარგი იქნებოდა უფრო... ეს ყოველი ფეხის გადადგმაზედ ჩინოვნიკის გადამეტების გრძნობა და ჩვენება, რასაკვირველია, მიიყვანდა ხალხს იქამდინა, რომ თავადსაცა და აზნაურსაც მათზედ უპატიურობდა უბრალო დიამბეგის წინა და მოანდომინებდა, რომ თვითონაც მალე მიიღოს ჩინი, რათა თავის დროზედ სხვასაც ეგრე აშველებინოს თავის წინ ქული. ქულის შვლებას არ სჯერდებოდნენ. სჩაგრავენ არამც მარტო ყოველთვის ხმაგაკმენდილს დაბალ ხალხსა, არამედ თავადებსაც, აზნაურებსაც... რასაკვირველია, ეს ყოფა ხალხს ანატრებდა ჩინოვნიკობას, რომლის სახელითაც, იმათ ფიქრით, კაცს შეეძლო დაუსჯელად დაეჩაგრა არამც თუ დაბალი ხალხი, ყოველთვის მაგ ყოფას შეჩვეული, არამედ იმის თავად-აზნაურობაც“¹.

ამ გარემოებამ, მართლაც, ჩვენი საზოგადოების ცხოვრებაზე დიდი გავლენა მოახდინა. მრავალი ჩინის მაძიებელი თავად-აზნაური ქალაქში გადმოსახლდა. ამ მოვლენამ კი ჩვენი საზოგადოების ეკონომიურ ცხოვრებას დიდი დიდი დაასვა.

ამ გვარისავე მოსაზრებით ვორონცოვმა ხელი შეუწყო ქურხალი „ციხკრის“ და ქართული თეატრის დაარსებას. ყველა ამ საშუალებ-

¹) „საქართველოს მოამბე“ 1863 წ. № 1, გვ. 140-141.

ბას, როგორც ზევითაც ამას აშკარად გავუსვით ხაზი, ვორონცოვმა მიმართა არა ქართველ ხალხის სიყვარულით, არამედ რუსეთის გაბატონების და განმტკიცების მიზნით, ქართველი ერის და მისი საზოგადოებრივი ცხოვრების დასაყუჩებლად, ქართველი საზოგადოების ყოველი ცოცხალი ძალის ადვილათ კონტროლის გასაწევად.

მართლაც, ვორონცოვმა შესძლო ამიერ-კავკასიის და კერძოდ საქართველოს ცხოვრების დაწყნარება, ყოველ შემთხვევაში, მიუხედავად ადგილობრივი ერების არისტოკრატიისადმი ალერსით, დაყვავებით, უპირატესობის და პრივილეგიების მინიჭებით საქმე წყნარი ღმრთობით მშვიდი გზით წარმართა. ვორონცოვის პოლიტიკა, შეიძლება ითქვას, მისი მოღვაწეობის სულ რამოდენიმე წლის შემდეგ, სრული გამარჯვებით დაგვირგვინდა. რუსეთისათვის კავკასიაში სასურველი დამკვიდრება, მართლაც, მოხდა. ჩამოვარდა სიმშვიდე, გაერთიანდა საერთო პოლიტიკით და მმართველობით მთელი კავკასია. 1848 წ. აპრილის 24-ს ვორონცოვის პოლიტიკის გამარჯვება დაგვირგვინდა ქართველი თავად-აზნაურობის მეტად აღფრთოვანებული ადრესით რუსთ მეთისადმი¹.

ჩვენს თავად-აზნაურობას ვორონცოვის ლოიალურმა პოლიტიკამ თავბრუ დაასხა. ახალი, ევროპული ცხოვრების გემო გაიღო. სოფელში გული აღარ უდგება, ვისაც კი შეუძლიან, გადმოდის, თუ ტფილისში არა, საერთოდ ქალაქად. სოფლის მეურნეობა, ისედაც მცირე და დაბალი კულტურისა, მებატონის გადმოსახლებით უფრო ეცემა. შემოსავალიც თანდათან კლებულობს. ახალი ცხოვრება კი მეტს ხარჯს თხოულობს. იმართება წვეულებანი, ყველა ცდილობს სხვისი თვალის მიგებას, სხვას არ ჩამორჩეს. და ყოველივე ეს სავსებით სცარავს ჩვენს მალალ წოდებას. ჩინოვნიკის ჯამაგირი, რომელსაც ის, უკეთეს შემთხვევაში, იღებს, პირის ქარად არა ჰხვდება. ფული კი თანდათან უფრო სჭირდება. და, რადგან მამულის შემოსავალი მცირდება, მებატონის ხარჯი, ახალი ცხოვრებით გამოწვეული, მთელი თავისი სიმძიმით კისერზე ყმას აწვება. „თავის მოხსენებაში, — სწერს პროფ. ივ. ჯავახიშვილი — გენერალ-ადიუტანტს სტრეკოლოვს ზავალისკი აღნიშნავს გლეხ-კაცობის მძიმე მდგომარეობას, მემამულეების მიერ მათს ექსპლოატაციას; ამისათვის, ამბობს ის, მართლაც გლეხკაცობა არამც თუ კეთილად არ არის განწყობილი მემამულეებთან, არამედ ხშირად უარსაც კი ამბობენ მათს დამორჩილებაზე, განსაკუთრებით შეძლებული გლეხები. მემამულენი, რადგა-

¹) *Двѣ кав. арх. ком. т. X—№ 29.*

ნაც მდიდარ გლეხებს ვერ იმორჩილებდნენ, გადასახადების, ბეგრი-
სა და ხშირად თავიანთ თვითნებობის მთელი სიმძიმით ღარიბებს
აწებობდნენ... გლეხ-კაცობა მასიურად ცდილობდა ბატონყმობისაგან
განთავისუფლებას¹.

გლეხ-კაცის ასეთსავე მდგომარეობას ასახავს ილია ჭავჭავაძეც:

„როცა დიდი და პატარა
გაღარიბდა, გაღატაკდა,—

.....
თვით შევსხედით მაღლა თაროს,
დაბლა ყმებსა ტეინსა ვწოდდით“—².

არც ყმის ნაოფლარი იყო უძირო ორმო და დაუშრეტელი წყა-
რო! დარღვეულ მეურნეობის დროს, როცა თვით ყმას არაფერი ება-
და, ბატონისათვის აბა რა უნდა მიეცა... ამიტომ უკანასკნელი იძუ-
ლებული იყო ფული სესხად ახლად გაჩენილ ჩარჩ-ვაქრებისაგან აეღო,
ან დიდი სარგებლის გადახდით, ან მამულის დაგირავებით. ვალს ის
ვეღარ იხდიდა. მისი შემოსავლის უმეტესი ნაწილი სარგებელს მიჰ-
ქონდა. ბოლოს, თვით მებატონის მამულიც მოვალეს ხელში გადა-
დიოდა.

ამ რიგად, ნატურალურ მეურნეობის რღვევის პროცესში და
ამავე ნიადაგზე ჩნდება მესამე სოციალური ფენა ჩვენი საზოგადო-
ებრივი ცხოვრებისა—ფული ს მქონენი, რომელნიც ცხოვრების
ასპარეზზე გამოდიოდნენ ცარიელი ხელით, უარაჩაოდ, უსწავლელი,
მაგრამ სამაგიეროდ ცხოვრების ცოდნითა და მაგარი, გამძლე ხერ-
ხემლითა.

მიკირტუმები („გაყრა“), კარაპეტები („ძუნწი“), მეჯღანუაშვი-
ლები („ს. ი. მეჯღანუაშვილი“) სწორეთ ამ პერიოდში იღებენ ასე
თუ ისე გარკვეულ სახეს. და ჩვენი ლიტერატურაც აქეთ იყურება,
ამას აკვირდება, ამას ასახავს.

ვორონცოვის პოლიტიკამ, როგორც ხელი შეუწყო ჩვენი ბრწყინ-
ვალე წოდების ნატურალურ მეურნეობის სწრაფ და ძლიერ რღვე-
ვას, ისე უდაოდ ნიადაგი მოუშადა ჩვენი სოციალური ცხოვრების
მესამე ფენის გაძლიერებას და გამოსვლას სამოღვაწეო ასპარეზზე.
აქ, ამ პერიოდში, აშკარად დაიწყო ერთი-მეორისაგან გაყრა ძველმა
და ახალმა საქართველომ.

¹) ივ. ჯავახიშვილი, — *Политическое и социальн. движение в Грузии в XIX—в* — გვ. 23—29.

²) ილ. ჭავჭავაძე, — რა ვაკეთეთ, რას ვშვრებოდით.

მაგრამ მთავარი და ძლიერი მომენტი, ძველი და ახალი საქართველოს გაყრა და ახალი გზის გამონახვის აუცილებლობა რომ დააჩქარა,—გახლავს ბატონ-ყმობის გადაყარვას. მართალია, ამ რეფორმამ ხალხის მასებს სასურველი მდგომარეობა ვერ მიანიჭა, მართალია, ეს რეფორმა მეტად კუდ-მოკვეცილი და უძლური გამოდგა, მაგრამ ხალხის და სახელმწიფოს სოციალ-ეკონომიურ ცხოვრებაში, სადაც, შეიძლება ითქვას, მას უდიდესი მნიშვნელობა ჰქონდა, ხალხის უმეტესი ნაწილი ბატონ-ყმობის მონობის უღლისაგან განთავისუფლდა. ის თუმცა ეკონომიურად უზრუნველყოფილი არ შეიქმნა, თუმცა აღთქმის ქვეყანა მისთვის ჯერ კიდევ არამც თუ შორს, არამედ კვლავინდებურად შორიდანაც კი უხილავი რჩებოდა, მაგრამ ეს ფაქტი მაინც მეტად ძალუშია, ახალი ცხოვრების მძლავრი დასაწყისია. აქიდან ჩვენი ცხოვრების განვითარება აჩქარებულისა და მტკიცე ტემპით წავიდა წინმსვლელობის გზით.

ვინაიდან ამ დროისათვის ჩვენი საზოგადოებრივი ცხოვრება უკვე მკიდროდ არის დაკავშირებული რუსეთის საზოგადოებრივ ცხოვრებასთან: — ჩვენი ცხოვრება ითქვიფება რუსეთის საერთო ცხოვრების მსვლელობაში, ჩვენი საზოგადოების აზროვნება რუსულ საზოგადო აზროვნებით საზრდოობს—ამიტომ, რათა საკითხში უკეთესად გავერკვიოთ, ზედმეტი არ იქნება მოკლეთ მაინც გავიცნოთ რუსეთის საზოგადო აზროვნების და ლიტერატურის ძირითადი მიმართულებანი 60-70-იან წლებში.

III

რუსეთის საზოგადო აზროვნების და ლიტერატურის ძირითადი მიმართულებანი 60—70 წლებში

60-ანი წლები რუსეთის საზოგადოებრივი ცხოვრების განვითარების ისტორიაში ძალების დიდი დაჭიმვისა და შემოქმედების, რღვევისა და ნგრევის, ახალის ძიებისა და შენების სურვილთა პერიოდია. ეს ხანა რადიკალური ზღვარია ახალსა და ძველს შორის. ეს მძლავრი გარდატეხის, გაყრის მომენტია ძველისა და ახალი რუსეთისა. ეს ხანაა ძველი რუსეთის ბატონ-ყმურ, პატრიარქალურ ბჭეთა ნგრევისა, ამ ნიადაგზე ახალი სოციალური გადაჯგუფებისა, განახლებული რუსეთის არა მხოლოდ ლიბერალური, არამედ დემოკრატიულ-სოციალისტური მტკიცე საფუძვლების ჩაყრისა. ეს ხანაა მძლავრი ქროლვისა, რომელიც ძლიერდება ერთის მხრით (და უმთავრესად) მით, რომ რუსეთის საზოგადოებრივ ცხოვრებაში იმარჯვებს ეკონომიური ცხოვრების ახალი ფორმა (კაპიტალიზმი) და ლამობს მის გარდაქმნას თავისი ბუნების კანონების მიხედვით, და მეორეს მხრით, იმითაც, რომ ამ დროიდან თანდათან უფრო მეტის ძლიერებით მოჰქრის დასავლეთ ევროპიდან განმანთავისუფლებელი იდეები და ადამიანური ცხოვრების დამყარების და მოპოების თესლი მოაქვს. ეს ის ხანაა, როდესაც რუსეთის მოწინავე საზოგადოება ირაზმება, გარკვეული სახის მიღებასა ცდილობს და მთავრობის და ბიუროკრატიული მმართველობის საწინააღმდეგოდ მტკიცე პოზიციას იჭერს ხალხის სასარგებლოდ.

60-იანი წლები ერთგვარი დაჯამებაა როგორც რუსეთის ცხოვრების ახალი ეკონომიური განვითარებისა, ისე ამ მოვლენაზე აღმოცენებული რუსეთის საზოგადოებრივ აზროვნების განვითარებისა განსაკუთრებით მე-XVIII-ტე საუკუნის მეორე ნახევრიდან მოყოლებული მე-XIX-ტე საუკუნის 60-იან წლებამდის. რუსეთის საზოგადოებრივი აზროვნების ისტორიაში 60-იანი წლები საზღვარია, საიდანაც რუსის საზოგადოება გამოდის დამოუკიდებელ კულტურულ, პოლიტიკურ და სოციალისტურ გზაზე და დიდის მსხვერპლის გაღე-

ბით ამ ნარ-ეკლიან გზით სიარულს იწყებს, გატაცებული იმ იმედით, რომ ამ ქვეყნად, აქ, მიწაზედ, ბედნიერებას დაამყარებს.

1.

60-იან წლებს რუსეთის საზოგადოებრივ ცხოვრებაში და აზროვნებაშიაც ჩვეულებრივ იწყებენ 1856 წლიდან, ყირიმის სამარცხეინო დამარცხებიდან, და აგრძელებენ 1866—1868 წლებამდის (კარაკოზოვის მიერ ალექსანდრე მე-II მოკვლის განზრახვიით (1866 წელს) გამოწვეულ რეაქციის დაწყებამდის).

60-იანი წლების საზოგადოებრივი აზროვნება რუსეთისა ორ პერიოდად იყოფა. პირველ პერიოდში რუს საზოგადოებას რეფორმების გატარების მოლოდინში საერთო გატაცება ეტყობა. თვით მთავრობაც ლიბერალურად არის განწყობილი. ისიც რეფორმების პროექტების დამუშავებაშია ჩაბმული. საზოგადოება მთავრობას ამ დროს ნდობით ეპყრობა. თვით ემიგრანტი გერცენიც გაიტაცა ამ ნდობის ტალღამ. მან თავის „Кто и что“¹-ში მეფეს შემდეგი სიტყვებით მიჰმართა: „მეფე, მიეცი თავისუფლება რუსულ სიტყვას; ჩვენი გონება შებოქვილია; ჩვენს აზრს ფრთის გაშლა არ შეუძლია და შხამავს ჩვენს გულს; ეს აზრი ცენზურის ბორკილებში კენესის, მოგვეცი უფლება თავისუფალი მსჯელობისა!.. ჩვენ ბევრი რამა გვაქვს სათქმელი კაცობრიობისადმიც და ჩვენებისადმიც! მიეცი გლეხკაცობას მიწა! ეს მიწა გლეხებს ისედაც ეკუთვნისთ. მოჰბანე რუსეთს დამცირების ლაქა—ბატონ-ყმობა; მოურჩინე ჩვენს ძმებს ზურგზე წყლული—ეს საშინელი კვალი ადამიანისადმი სიძულვილისა“¹.

60-იანი წლების პირველ პერიოდში მთავრობისადმი ნდობით იყო აღქურვილი ისეთი რადიკალი მოაზროვნეც კი, როგორცაა ჩერნიშევსკი. მაგრამ მასაც მალე დაეტყო იმედ-გაცრუებულობა და მთავრობისადმი მტრული განწყობილება.

60-იანი წლების ორი შინაპერიოდის ზღვარად 1861 წელი ითვლება.

1861 წლის თებერვლის 19 უდიდესი და უბრწყინვალესი გამარჯვების დღეა რუსეთის ისტორიაში. ამ დღეს მრავალ საუკუნეთა განმავლობაში შექმნილი მონობის ბქენი ჩამოირღვა. ამ დღეს 60 მილიონი რუსი გლეხ-კაცი ადამიანად იქმნა ცნობილი. იგი ბატონ-ყმობის მონობისაგან განთავისუფლდა. იგი ახლა აღარ წარმოადგენდა სხვის კუთვნილებას. და რუსი ინტელიგენციის გამარჯვებაც სწორეთ ეს იყო.

¹) В ет р и с к и й — Литерат. и крит. движение 60-х годов.

მაგრამ გლახ-კაცის განთავისუფლების პირობებმა ინტელიგენციის აღფრთოვანებას მალე ფრთები შეაკვეცა. ყმის უმიწოდ განთავისუფლებამ ვერ იხსნა ის ვერც მონობისაგან და ვერც სიღატაკისაგან. გლახის მძიმე, აუტანელი მდგომარეობა მაინც გრძელდება. გლახი ვერ სარგებლობს იურიდიული უფლებებით, ვინაიდან სიღარიბე და უკულტურობა მას ანადგურებს, სულს უხუთავს, გასაქანს არ აძლევს.

ძალა-უნებურად, თავის თავად რუს ინტელიგენციის წინაშე წამოიჭრა საკითხი: ხალხი განთავისუფლებულ ია, მაგრამ ბედნიერი კია ხალხი?

პასუხი, რასაკვირველია, მხოლოდ ერთი იყო და ისიც უარყოფითი. ამიტომ რუსმა ინტელიგენციამ გატაცებას და ნდობის ბურუსს მალე თავი დაახწია და დაუყოვნებლივ დაიწყო მძიმე და შეუარიგებელი ბრძოლა ხალხის ინტერესების, ბედნიერების და, პირველ რიგში, მისი ეკონომიური კეთილდღეობისათვის. ინტელიგენცია მტკიცეთ განაგრძობს ბრძოლას ხალხის ნამდვილ განთავისუფლებისათვის. „სამოციან წლებიდან დაწყებული, — სწერს ივანოვ-რაზუმინიკი, — რუსეთის ინტელიგენციის უმრავლესობა სოციალისტურად იქმნება, და ამ რიგად, მე-XIX-ტე საუკუნის მეორე ნახევარში ბრძოლა ხალხის ინტერესებისათვის, მის განთავისუფლებისა და ბედნიერებისათვის სოციალიზმის დროშის ქვეშ სწარმოებდა“¹.

რუს ინტელიგენციის სოციალისტური სულიერი განწყობილება 60-იან წლებში მოულოდნელი არიყო. ჩერნი შევსკის რუსეთის სოციალიზმის ამ შესანიშნავი წარმომადგენლის, გამოსვლა სამოღვაწეო ასპარეზზე მომზადებული იყო წინა ეპოქის რუსი საზოგადოების აზროვნების მსგელობით — ბელინსკის, გერცენის და სხვათა მოღვაწეობით.

60-იან წლებში ეს რადიკალური მიმართულება უფრო გამოირკვა და შედარებით მასიურ მოვლენად გადაიქცა. ახლა ინტელიგენცია თავისი საგრძნობი შემადგენლობით დემოკრატიული გახდა. ამას ხელი შეუწყო შემდეგმა გარემოებამ.

60-იან წლებში სოციალისტურად მოაზროვნე ინტელიგენციის რიგები ახალი, ცხოველყოფელი, ნიადაგიანი ძალით — რაზნოჩინეცით² გაიზარდა და შეივსო.

ამ პერიოდში რუსეთის ეკონომიურ ცხოვრების საკმარისად მძლავრად გამოცოცხლებამ ხელი შეუწყო ლიბერალურ ქროლვის

¹) Иванов-Разумник — История руск. общ. мысли. ტ. II გვ. 3.

ზრდას, წოდებრივი ზღუდეების რღვევას, სასწაულებელთა რიცხვის გამრავლებას, უნივერსიტეტში შესვლის გაადვილებას. ამ გარემოებამ სამოღვაწეო და სალიტერატურო ასპარეზზე ახალი ფენა რუსეთის ხალხისა — „რაზნოჩინეცი“ წამოაზღვრათ.

„რაზნოჩინეცმა“ რუსი ინტელიგენციის აზროვნების გეზი რადიკალიზმისკენ საგრძნობლად მოაბრუნა. „რა მოხდა?“ — კითხულობს ერთი საუკეთესო წარმომადგენელი და გამომხატველი ეპოქისა მიხაილოვსკი, როდესაც ცდილობს ახსნას 60-იანი წლების ფიცხელი მუშაობა, მღელვარება, მოძრაობა, და თვითონვე ამბობს — „რაზნოჩინეცი მოვიდა“ — ო!.

და მართლაც, სამოღვაწეო ასპარეზზე ჯგუფობრივ გამოდის „რაზნოჩინეცი“, თან მოაქვს სალი გრძნობა, სალი, თუმცა ხანდისხან გაბოროტებული, ბოღმიანი, შურისმაძიებელი სულიერი განწყობილება. „ცხოვრების ქაობიდან და ტევრიანი ხევებიდან, — ახასიათებს „რაზნოჩინეცს“ ანდრეევიჩი, — მოიტანა მან („რაზნოჩინეცმა“) შეუფერავი ამბები მასების ტანჯვისა, სიმშლიისა, სიღატაკისა, უმეცრებისა; მოთხრობები ისეთივე მშრალი, როგორც სასამართლოს ანგარიშები, მაგრამ სამაგიეროდ სინამდვილის ფაქტებით გულშემზარავი. მაგრამ მან სთქვა, რომ აი ამ უფერულ მასას უნდა სიცოცხლე და ცხოვრება და ყოველის ღონისძიებით ეძებს გამოსაველ გზას თავისი ოცნებისათვის¹⁾. აი სწორედ ამ დროიდან რუსი ინტელიგენცია გარდაიქცა გარეკლასობრივად და გარეწოდებრივად.

„რაზნოჩინეცი“ მთელი თავისი დაუკმაყოფილებელი სურვილით და მძლავრი ტემპერამენტით ცდილობს ცხოვრების სურვილი მოიკლას. ის ამ სურვილის განხორციელებისაკენ გაშმაგებით მიისწრაფვის. შესაფერი და სასურველი გზების გამონახვის პროცესში, გაბოროტებული ამსხვრევს და უარყოფს ძველს, ძველი თაობის კერაებს, ავტორიტეტებს, რომელთაც ხშირად განყენებული ხასიათი ჰქონდათ და მას („რაზნოჩინეცს“) ჯერ-ჯერობით არა სჭირდებოდა.

60-იანი წლების „ნილილიზმი“ თავისი უარყოფით აღმოცენებულია ამ სულიერ განწყობილებაზე. ნილილისტების შეხედულებით კულტურისა და პროგრესის ის მხარეები, რომელიც არ ემსახურება ცხოვრების მთავარ კითხვას: — „როგორ უნდა გავაძლიოთ მშვიერი ხალხი“ — საჭირო არ არის. პისარევის თქმით, ნილილისტების დევიზი და ტაქტიკა შემდეგია: „რის დამსხვრევაც შეიძლება, უნდა დაიმსხვრას; რაც გაუძლებს, — ის გამოდგება, რაც დაილეწება, — ის გამო-

¹⁾ А н д р е е в и ч — „Опыт философии русск. лит.“ გვ. 212—213.

უღვარია; ყოველ შემთხვევაში, დაჰკა მარჯვნივ და მარცხნივ. ეს არ გვავენებს და არც შეიძლება გვავენოს¹.

ასეთი შეხედულებით და სულიერი განწყობილებით აიხსნება 60-იანი წლების მოღვაწეობის უარყოფა ეთიკისა, ესთეტიკისა, თეორიისა და პრინციპებისა საერთოდ. 60-იანი წლების მოღვაწეებმა კერპად გადააქციეს პრინციპი სარგებლიანობისა. „ზნეობა“, „სიკეთე“, „სიმართლე“—ეს სიტყვები და ცნებები, მათის აზრით, ზედმეტი იყო, თუ შინაარს არ ახასიათებდა სარგებლიანობა. ხელოვნებას ღ კერძოდ ლიტერატურასაც ისინი ასეთ მოთხოვნილებებს უყენებდნენ.

სიღარიბესა, სიბინძურეს და ნაკლებულობაში გამოზრდილმა „რაზნოჩინეცმა“ გულისყური იმას მიაპყრო, რაც მას გამოიყვანდა ასეთი მდგომარეობიდან: „მეცნიერება, —სამართლიანად ახასიათებს „რაზნოჩინეცს“ ანდრეევიჩი,—ცოდნა, როგორც საშუალება პრაქტიკულ ცხოვრებაზე საუკეთესო ზეგავლენისა,—აი რა ანიჭებდა მას გამარჯვებას. და მან ქედი მოიხარა ახალი, მაგრამ თავისი კერპის წინაშე... ქადაგებდა ბუნებისმეტყველებას და სტატისტიკას, რადგანაც მთავარი დასაბამი იმისი ფსიქოლოგიისა ცხოვრებაზე უფლების და მასზე ბატონობის მოპოების წყურვილი იყო².

ასეთმა მიმართულებამ წარმოშვა უარყოფა 40-იანი წლების მოღვაწეებისა, „სიტყვის“ ადამიანებისა, უნიადაგო, ზედმეტ პიროვნებათა («лишние люди»); უარყოფა პუშკინისაც კი. დამყარდა უტილიტარული შეხედულება ხელოვნებაზე. 60-იან წლებში ადამიანის მოქმედების ეთიურ ღირებულებას მისი სოციალური სარგებლიანობის მიხედვით ზომავდნენ.

ასეთი უტილიტარული შეხედულება ხელოვნებაზე მკაფიოდ გამოსტქვა ეპოქის საუკეთესო წარმომადგენელმა ჩე რ ნ ი შ ე ვ ს კ ი მ თავის სადისერტაციო თხუზულებაში „Эстетические отношения искусства к действительности“.. ჩერნიშევსკიმ ხელოვნების ქეშმარიტი განმარტება წამოაყენა შემდეგი ფორმულის სახით: „მშვენიერება არის ცხოვრება“ („прекрасное есть жизнь“). მშვენიერია ის საგანი, რაც გამოხატავს ცხოვრებას. ცხოვრების ასახვა, ჩერნიშევსკის შეხედულებით, არსებითი თვისებაა ხელოვნებისა. აქედან გამომდინარეობს ჩერნიშევსკის მიერ უარყოფა თეორიისა—„ხელოვნება ხელოვნებისათვის“, რომელიც, მისი აზრით, ისეთივე უცნაურია, როგორც „სიმდიდრე სიმდიდრისათვის“, „მეცნიერება მეცნიერებისათვის“; ყველა-

¹) П с я р е в — С х о л я с т я в к а XIX века.

²) А н д р е е в и ч — О п ы т ф и л о с о ф . р у с с к . л ю т . 33. 213.

ფერი, ჩერნიშევსკის შეხედულებით, უნდა ემსახურებოდეს ადამიანის ბედნიერებას. ასეთისავე აზრის იყო მეორე საუკეთესო წარმომადგენელი 60-იანი წლებისა დობროლიუბოვი. პისარევემა მათი უტალიტარიზმი უკიდურესობამდის განავითარა.

60-იანი წლების პირველსავე ნახევარში ჩერნიშევსკი და სხვებიც მებრძოლი სულიერი განწყობილების გამომხატველნი არიან. ისინი ოპოზიციონური „სიტყვით“ აღარ კმაყოფილდებიან, არამედ რევოლუციონურ საქმეს ეძებენ, რევოლუციონურ მოქმედებას თხოულობენ. ასეთს სულიერ განწყობილებას დობროლიუბოვი ასე გამოსთქვამს:

«На труд и битву я готов,
Лишь бы начать в союзе нашем
Живое дело, вместо слов!..»

და მართლაც, რუსეთის სინამდვილე და ამაზე აღმოცენებული სურვილი რუსეთის გარდაქმნისა და ხალხი ს ბედნიერების მოპოებისა თხოულობდა საქმეს, და ცოცხალ ენერგიულ საქმესაც.

როგორც ზევითაც აღვნიშნეთ, 1861 წლის მანიფესტმა მიზანს ვერ მიაღწია. ბატონ-ყმობის უღლისაგან თუმცა განთავისუფლებული მაგრამ ძალმომრეობით, სიმშლით და უკულტურობით გაძვალტყავებული 60 მილიონიანი რუსი ხალხი განაგრძობდა მძიმე პირობებში ცხოვრებას. რა გზით უნდა მიახწიოს ამ ხალხმა ბედნიერებას? აი მთავარი და დერძეული საკითხი რუსეთის ინტელიგენციისათვის. რუსეთი დასავლეთ-ევროპის განვითარებას უნდა მიჰყვეს, ისეთისავე გზით უნდა წავიდეს სოციალიზმის სამეფოსკენ, თუ მას განვითარების სხვა გზა აქვს, როგორც ამას აპტიცებდნენ სლავიანოფილები და შემდეგ ცნობილი გერცენიც?

„მომავლის ადამიანი რუსეთში,—ამბობს გერცენი,—გლებ-კაცია, როგორც საფრანგეთში—მუშაა... რუს გლებ-კაცს არა აქვს ზნეობა, გარდა იმისა, რომელიც ინსტიქტურად და ბუნებრივად გამომდინარეობს იმისი კომუნიზმიდან; ეს ზნეობა ღრმა ხალხურია; მემამულეთა აშკარა უსამართლობა უფრო აახლოვებს და აკავშირებს მას (ე. ი. ხალხს—მ. ზ.) თემობრივ წყობილებასთან და იქიდან გამომდინარე მის უფლებებთან“¹⁾. გერცენის ეს შეხედულება რამდენიმე ათეული წლის განმავლობაში რუსულ ლიტერატურაში და საზოგადოებრივ აზროვნებაში ძირითად ღრმად გადმოვიდა. ამ შეხედულების გამეორებას, გაღრმავებას და განწმენდას ეხედავთ ჩერნიშევსკის, მიხაილოვის, ლავროვის, მიხაილოვსკის და სხვათა შეხედულებასა

¹⁾ Герцен — „Русский народ и социализм.“

და წერილებში. ყველა ესენი რუსეთის თავისებური განვითარების გზას ამყარებდნენ სწორედ ამ „თემურ წყობილებაზე“ („общинное устройство“), რომელიც რუსი მდაბიო ხალხის ცხოვრებას ისტორიულად საფუძვლად ედო.

თემური წყობილება, ჩერნიშევსკისა და მის თანამოაზრეთა შეხედულებით, რუსეთს არა მარტო იხსნის პროლეტარიზაციისაგან, რომელმაც დასავლეთ-ევროპას უბედურების მეტი არაფერი მოუტანა, არამედ შეიქმნება ხელსაყრელ გადასასვლელ საფეხურად სოციალიზმისაკენ, სადაც არ არის არც მდიდარი, არც ღარიბი, არც კერძო საკუთრება, აღარც ძალდატანება და ექსპლოატაცია.

ჩერნიშევსკი და მთლად იმ დროინდელი რუსი ინტელიგენცია დასავლეთ-ევროპის უტოპისტი სოციალისტების დიდ გავლენას განიცდიდნენ. ამ გავლენას ქვეშ მყოფი რუსი ინტელიგენცია „ობშინის“ უცქეროდა, როგორც ფურიეს ფალანსტერიის მსგავსს ორგანიზაციას¹. ჩერნიშევსკისა სწამდა, რომ „ობშინის“ (თემური წყობილება) შემწეობით რუსეთს შეუძლიან თავიდან აიცილოს კაპიტალისტური წყობილების სტადია, რომელსაც პროლეტარიზაციასთან ერთად ხალხისათვის უბედურება და ტანჯვა მოაქვს.

ეს შეხედულება საფუძვლად უძევს რუსულ „ნაროდნიკობას“ („ხალხოსნობას“). და ჩერნიშევსკიც სამართლიანად ითვლება ამ მიმართულების მამათმთავრად. „ობშინის“ განვითარება და გავლიება, ჩერნიშევსკის აზრით, რუსეთს მიიყვანს სოციალიზმის სამეფოში, საითკენაც დასავლეთ-ევროპა მიდის კაპიტალიზმის გზით. „ობშინა“ 60—80 წლებში ცენტრალურ საკითხად შეიქმნა. „ობშინა“ რუსეთისა და ევროპის ისტორიულ განვითარების განმასხვავებელ პუნქტად გადაიქცა.

1861 წელს „ობშინის“ მნიშველობას და რუსეთის განვითარების განსაკუთრებულ გზას ჩერნიშევსკის ახლო მეგობარი რევოლუციონერი მიხაილოვი აი როგორ ასაბუთებს: „რუსეთი უნდათ გადააქციონ ინგლისად და უნდათ ჩვენ ინგლისური მოწიფულობით გაგველინთონ. მაგრამ გზა რუსეთს თავისი გეოგრაფიული მდებარეობით, თავისი ბუნებრივი სიმდიდრით, ნიადაგის პირობებით, მიწის რაოდენობით და თვისებით რაიმე საერთო აქვს ინგლისთან?

1) დამახასიათებელია ჩერნიშევსკის რომანი „Что делать?“, რომელშიაც აშკარადაა გადმოცემული რუსი ინტელიგენციის გატაცება ფალანსტერიის მსგავსი არტელებით და ორგანიზაციებით, რომლებითაც, მათი შეხედულებით, მომავალში რუსეთი უნდა მოფენილიყო.

განა ინგლისელები რუსეთის ნიადაგზე ისეთივენი გამოვიდოდნენ, როგორებიც არიან თავიანთ კუნძულებზე? ჩვენ უკვე ვიყავით ინგლისელთა მაიმუნები (!). არა, არ გვინდა ინგლისელთა ეკონომიური მოწიფულობა. იმას რუსის კუჭი ვერ მოინელებს.

არა, არა, ჩვენი გზა სხვაა

და ჯვარი ¹. ჩვენ არ უნდა ვატაროთ.

დღე, ის ატაროს ევროპამ.

„მართლაც, ვის შეუძლიან დაამტკიცოს, რომ ჩვენ უნდა ევროპის გზით წავიდეთ, რომელიც საქსონიის, ინგლისის ან საფრანგეთის გზით, ვინ იღებს თავის-თავზე რუსეთის მომავლისათვის პასუხისმგებლობას? ვის შეუძლიან სთქვას, რომ ის ჭკვიანია 60-მილიონ ხალხზე, ჭკვიანია მთელი ქვეყნის მოსახლეობაზე, რომ მან იცის, რა ესაჭიროება მას (ამ ქვეყანას, ამ სამოც მილიონ ხალხს—მ. ზ.) რომ ის მიანიჭებს მას ბედნიერებას? სად არის ის მეცნიერება, რომელმაც მას ეს ასწავლა, რომელმაც მას უთხრა, რომ მისი შეხედულება შეუცთომელია?... ჩვენ ვიცით, რომ გენიტები, რობერტ მილები, რაუები, როშერები სანებზე გროვებენ ლაპარაკობენ და წარსული საუკუნოების სიმყაყე უნდათ მომავლის კანონად გადააქციონ. დღე, ეს კანონი მათი კანონი იყოს, ჩვენ კი ჩვენთვის შევეცდებით მოვძებნოთ სხვა... ჩვენ არამც თუ შეგვიძლიან, ჩვენ უნდა სხვა მოვძებნოთ. ჩვენს ცხოვრებაში არის ისეთი დასაბამი, (ე. ი. „თემი“—მ. ზ.), რომელიც უცნობია ევროპელთათვის. გერმანელები გვარწმუნებენ, რომ ჩვენც იქვე მივალთ, სადაც ევროპელები მივიდნენ. ეს სიცრუეა... ჩვენ შეგვიძლიან მივიდეთ სხვასთან, თუ გავაძლიერებთ იმ დასაბამს, რომელიც სცოცხლობს ჩვენს ხალხში.

„ჩვენ ჩამორჩენილი ხალხი ვართ ამაშია ჩვენი ბედნიერებაც. უნდა ვუმადლოთ ჩვენს ბედს, რომ ევროპის ცხოვრებით არა ვცხოვრობდით! იმისი უბედურება, იმისი გამოუვალი მდგომარეობა—გაკვეთილია ჩვენთვის. ჩვენ არ გვინდა იმისი პროლეტარიატი, იმისი არისტოკრატიაში, იმისი სახელმწიფოებრივი დასაბამი. ჩვენ ახლად დასახლებულებს ვგევართ; ჩვენ არაფერი უნდა დავამსხვრიოთ. დავტროვით ჩვენი ხალხის მინდორი ისე, როგორც არის...“ ².

¹) ეს ჯვარი, რუსი ხალხონების შეხედულებით—ტანჯვის ჯვარია, კაპიტალისტური წყობილება. ევროპა იმყოფება კაპიტალისტური განვითარების სტადიაში, რამაც გამოიწვია პროლეტარიატის ტანჯვითა და მწუხარებით.

²) ესარგებლობ ანდრეევიჩის წიგნიდან „Опыт философии русск. лит.“ გვ. 243—244.

დასავლეთ-ევროპასთან რუსეთის ასეთს დაპირისპირებაში, ხალხის მდგომარეობის გაუმჯობესობისათვის ზრუნვაში, შეხედულებაში, რომ რუსეთი წინ უნდა წავიდეს არა ევროპის ხალხების, არამედ თავის ისტორიულ გზით, რომ რუსულ სოციალიზმს საფუძვლად „თემური წყობილება“ უნდა დაედვას; რომ ამ პირობებში რუსეთი შესძლებს თავიდანაიციდინოს კაპიტალისტური წყობილება, — უკვე 60-იან წლებიდან მუშავდება და ყალიბდება გარკვეული მსოფლმხედველობა, რომელიც რუსეთის საზოგადო-აზროვნებასა და ლიტერატურაში ცნობილია „ხალხოსნობის“ („Народничество“) სახელწოდებით. ეს მიმართულება თავისი რეალიზმით და უტილიტარიზმით თეორიაში, ხოლო რომანტიული გატაცებით პრაქტიკაში მძლავრი ნაკადივით შეიქრა რუსეთის ცხოვრებაში, ღონიერად ღ მძლავრად აამოძრავა იგი, მრავალი რუსი ინტელიგენტი აღაფრთოვანა და ჩააბა უღრან ჭყეში, ნარეკლიან ადგილას გზის გაკრის საქმეში.

2.

ეს მიმართულება საფუძვლად დაედო რუსეთის ინტელიგენციის მოღვაწეობას 70-იან წლებშიც. მესამოცდაათიანე წლებმა ამ მიმართულებას უფრო გარკვეული და, მასთან ერთად, პრაქტიკული ხასიათი მისცა თავისი ლოზუნგით „ხალხში სიარული“ („хождение в народ“). ეს ლოზუნგი პირველად 1872 წელს ცნობილი ხალხოსანი და ბოლოს ანარქისტი ბაკუნინის მიერ იქმნა გადმოსროლილი. ვინაიდან ეს ლოზუნგი 60-იან წლების განმავლობაში ღვივდებოდა და ავსებდა რუს ინტელიგენციის შეგნებას, მისმა გადმოსროლამ ცხოვრების მორევეში, როგორც გარკვეულად მომწიფებულმა იდეამ, ამფეთქებელი ნივთიერების როლი ითამაშა. „ხალხში სიარულის“ იდეამ გაიტაცა რუსეთის ინტელიგენციის ფართო წრეები. „ხალხში სიარული“ შესაფერი გამოსავალი იყო რუს ინტელიგენციაში დაგუბებულ ენერჯისა და მოქმედების სურვილისა. ეს ერთგვარი რევოლუცია იყო რუსეთის საზოგადოებრივ აზროვნებში. ეს იყო პრაქტიკული ნაბიჯის გადადგმა „უმცროს ძმასთან“ დასაახლოვებლად, მის გასაცნობად, მისი ტკივილების და სურვილების გასაგებად და, ხშირად, გასაზიარებლადაც.

მაგრამ 70-იან წლების რუსული ხალხოსნობა რომ უფრო გასაგები შეიქმნეს, საჭიროა 60—70 წლებისათვის კიდევ ერთი დამახასიათებელი მოვლენა გავითვალისწინოთ. ეს გახლავთ სამოქმედო ასპარეზზე გამოსვლა „მონანიე აზნაურისა“ („кающийся дво-

рyнин“). უკანასკნელი სამოღვაწეო ასპარეზზე გამოდის 60-იან წლებში, თითქმის პარალელურად „რაზნოჩინეცისა“¹.

„რაზნოჩინეცა“ რუსეთის ინტელიგენციის ცხოვრებაში მოიტანა ტანჯვასა, დამცირებასა, გაკვირვებულ, შშიერ-მწყურვალ ცხოვრებაში მიღებული ცოდნა პრაქტიკული ცხოვრებისა, სიმართლისა, სიძულვილისა, უარყოფისა, ნგრევისა და წინმსვლელობის ძალუმი ნდომა. „რაზნოჩინეცის“ უარყოფითმა მიმართულებამ რუს საზოგადოების ამოძრავებელი ცოცხალი ძალები ახალი ფორმების და გზების საძიებლად არაჩვეულებრივად და გაბედულად მიმართული წინმსვლელობის პროცესში, „ნილილიზმის“ ჩიხში მოამწყვდია. მისი უკიდურესობა მალე თვალსაჩინო შეიქმნა. მობრუნება აუცილებელი გახდა.

თვით „რაზნოჩინეცი“ მოქმედების ასპარეზზე დიდხანს ვერ გამაგრდა. სუსტი, უწარსულო, ჯერ კიდევ თავად-აზნაურულ და ბატონ-ყმურ საზოგადოებაში უნიადაგო, ბავშობიდანვე დასნეულებული ან ჭლექით ან ალკოგოლიზმით, „რაზნო ჩინეცი“ ლიტერატურული ასპარეზიდან მალე იხსნებოდა და ხშირად ლოთობაში იხრჩობოდა და იღუპებოდა. მაგრამ სანამ სცოცხლობდა, მასში სტიქიური პროტესტი ისმოდა ყოველივე მაღალ სიტყვების და მისწრაფებათა წინააღმდეგ, ვინაიდან ის მშვენიერად იცნობდა ცხოვრების ტლანქ და საშინელ სინამდვილეს. „რაზნოჩინეცი“ იღუპებოდა, იმტვრეოდა ცხოვრების ტალღებში, მაგრამ ამ ცხოვრებასთან შერიგება მაინც არ უნდოდა. ამაშია მისი ძალა და, თუ გნებავთ, მისი ისტორიული მნიშვნელობაც.

70-იან წლებში საზოგადოებრივი აზროვნება და ლიტერატურაც, თუმცა ძალუმად გადახალისებული და შევსებული „რაზნოჩინეცის“ მსოფლ-მხედველობით, თითქო ისევ აზნაურული (наркоз) ხდება. მთავარი როლი ისევ ბატონის წრებიდან გამოსულის ხელში გადადის, მაგალითად: შჩედრინი, გერცენი, ლ. ტოლსტოი, მიხაილოვსკი და სხვანი. ეს გარემოება თავისებურ ბეჭედს ასვამს 70-იან წლების აზროვნებას. 70-იანი წლების მოღვაწეების მსოფლ-მხედველობაში ერთგვარ რეაქციას ვამჩნევთ 60-იან წლების ნგრევისა და რღვევის, „ნილილიზმის“ მიმართ. 70-იან წლებში აღარ არის ისეთი უკიდურესი უარისყოფა თეორიისა. „ნილილისტების“ ლოზუნგი — „ძირს თეორია და იდეალი“, 70-იანი წლების მოღვაწეთათვის უკვე მიუღებელია. მათი შეხედულებით, მტკიცე თეორეტულ ცოდნისა და

1) ორივე ტერმინი „რაზნოჩინეცი“ და „მონანიე აზნაური“ ვკუთვნის მიხაილოვსკის.

ნიადაგის გარეშე შეუქმლებელია საქმის გაკეთება. მათი რწმენით, უპირველესად საჭიროა მთლიანი დამუშავებული მსოფლმხედველობა, რომელიც მათ პრაქტიკულ საქმიანობაში დაეხმარება. მაშასადამე, აუცილებელია მიზნის ქონა. ეს მიზანი-კი 70-იანი წლებისათვის იყო „ხალხის ბედნიერება“. მართალია, „ხალხის ბედნიერება“ 60-იან წლებსაც აღფრთოვანებდა, მაგრამ ასეთი შეხედულება მიზანსა და თეორიებზე „ნილილიზმიდან“ აშკარა უკანდახვევა იყო.

ამასთან ერთად 70-იანი წლები 60-იან წლების ეთიკის და ესთეტიზმის უარყოფის წინააღმდეგაც ილაშქრებს. 70-იანი წლების მოღვაწეთათვის, ესთეტიურ ტრადიციებზე აღზრდილთათვის, საგრძნობი და გასაგები იყო, რომ ესთეტიკის უარყოფა პიროვნების, მის თავისუფალ და უშუალო შემოქმედებითი ნიჭის ჩახრჩობას, ვიწრო ფარგლებში მომწყვედევას გულისხმობდა. ეს კი, მათის განსჯერეცით, საზოგადოების წინმსვლელობისათვის სრულიადაც არ იყო საჭირო და ხელსაყრელი. „განა არ შეიძლება ვემსახუროთ ქეშმარიტებასა და სიმართლეს, — მიხაილოვსკის პირით 70-იანი წლების მოღვაწენი ეკამათებიან 60-იანისას, — და იმავე დროს ესტკებებოდეთ ვარსკლავთა და ყვავილთა სილამაზით, ვექებდეთ ქალის ალერსსა?! დეე, ყოველი ცოცხალი ცოცხლობდეს და ძალუმადაც ცოცხლობდეს“¹.

ამ რიგად, ლოზუნგი 70-იანი წლებისა ასეთია: თეორიაც, ეთიკაც, ესთეტიზმიც საჭიროა, ხოლო ყველა ეს გამოყენებული უნდა იყოს ხალხის ბედნიერებისათვის. ასეთმა მსოფლ-მხედველობამ 70-იანი წლების მოღვაწეებში წარმოშვა იდეალიზაცია გლეხ-კაცისა, გააღრმავა სურვილი მისი ცხოვრების წიაღში გამონახული ყოფილიყო საფუძვლები მომავალი განახლებული ცხოვრებისა. ასეთი სურვილი გამომდინარეობდა სამოცდაათიანელების ფსიქოლოგიისაგან, უფრო კი „მონანიე აზნაურის“ სულიერ განწყობილებისაგან, მისი გაღვიძებული და ავადმყოფური მგრძნობიარე სინილისის ქენჯნისაგან. „მონანიე აზნაური“ ჰგრძნობს თავის განსხვავებას მდაბიო ხალხისაგან. ჰგრძნობს, მასთან შედარებით, თავის სიმაღლეს: განათლებით, მდიდარი გემოვნებით, კულტურული მოსწრაფებებით, კეთილშობილური გრძნობებით და სურვილებით. მის წინაშე ძალაუვნებურად მთელის სიამკარავით ისმება ლ დაჟინებით მოითხოვს მისგან პასუხს შემდეგი საკითხი: ეს ყველაფერი საიდანაა აქვს მას? ამ კითხვაზე გამუდმებით და დაჟინებით ერთი ლ იგივე პასუხი იყო: — იქიდან, ბატონ-ყმო-

¹) Иванов-Равушкин — История русской общест. мысли ч. II стр. 102.

ბიდან, რომლის სიმძიმის ქვეშ ხალხი საუკუნოებით ჰკვნესოდა. ეს ხალხი კი უსიტყვოდ, ხანდისხან ერთგულებითაც კი, აქმევდა, აცმევდა, ინახავდა, უელიდა მას და მის წინაპრებსა, რომელნიც ხშირად სამაგიეროს წკეპლებით და სხვა დამამცირებელი საშუალებით უზღიდნენ. ამიტომ მასა რცხვენნიან, სტანჯავს მას აზნაურშვილური შთამომავლობა. „მონანიე აზნაურის“ გაღვიძებული სინილისი ჰგრძნობს თავის მოვალეობას ხალხის წინაშე. ის მოვალედ ხდის თავის თავს თავისი და წინაპრების დანაშაული ხალხის მიმართ გამოისყიდოს. სინილისის ასეთმა ქენჯნამ 70-იანელების ცხოვრებაში ჰპოვა თავისი შემამსუბუქებელი გამოსავალი ლოზუნგში—„ხალხში“. „საზოგადოება მოვალეა მიუზღოს ხალხს, გადაუხადოს თავისი ვალი“. ასეთი იყო „მონანიე აზნაურის“ გაღვიძებული სინილისის მოთხოვნილება.

„გადახდის!“ იდეა განვითარებული აქვს 70-იანი წლების თვალსაჩინო წარმომადგენლებს: ლავროვს, მიხაილოვსკის და სხვათა. „ძვირად დაუჯდა კაცობრიობას ის, — აღელვებული სწერს ლავროვი, — რომ რამოდენიმე მოაზროვნეს შეეძლოს თავის კაბინეტში ილაპარაკოს მის პროგრესზე... რომ გამოვიანგარიშოთ, რამდენი ადამიანის სიცოცხლეა დაღუპული და რამდენად ღირს ყოველი პიროვნება, რომელიც ახლა ადამიანურად სცხოვრობს, — ყველაფერი ეს რომ გამოვიანგარიშოთ, მრავალი ჩვენი თანამედროვე უსათუოდ შეშინდებოდა, როცა გაიგებდა, სისხლისა და შრომის რამოდენა კაპიტალია დახარჯული მათს განვითარებაზე... ჩვენ უნდა აღვიაროთ, — განაგრძობს ლავროვი, — რომ თანამედროვე ცივილიზაციის სარგო მიღებულია არა მარტო აუცილებელი ბოროტებით, არამედ აგრეთვე აურაცხავი, სრულებით უსაჭირო, ბოროტებით, რომლისათვის პასუხისმგებლობა წინათაობის განათლებულ უმცირესობას აწევს... ამ ბოროტების გასწორება წარსულში ჩვენ არ ძალგვიძს. შევიწროებული თაობები ისე დაიხოცნენ, რომ შრომისა და მდგომარეობის შემსუბუქებას ვერ მოესწრნენ. თანამედროვე თაობის განათლებული უმცირესობა სარგებლობს იმათი შრომით და ტანჯვით. ეს კიდევ ცოტაა: ეს განათლებული უმცირესობა სარგებლობს აუარებელ თანამედროვეთა შრომით და ტანჯვით და შეუძლიან გაელენა იქონიოს მათი შვილიშვილების შრომისა და ტანჯვის გადიდებაზე, ვინაიდან ამ უკანასკნელი გარემოების ზნეობრივი პასუხისმგებლობა შთამომავლობას წინაშე ჩვენ გვაწევს. ამისათვის აღსრულებული პროგრესის ღირებულების ისტორიულ გამოჩვენებას შემდეგს საკითხთან მივყევართ: რა საშუალებანი აქვს თანამედროვე თაობას, რომ

თავისი პასუხისმგებლობა შეამციროს? რა უნდა ვა-
ვაკეთოთ, რომ შთამამავლობის წინაშე პასუხი არ
ვაგოთ კაცობრიობის ახალი ტანჯვისა გამო?¹

უფრო აღშკორებული ხვა ვალეძებული სინიდიისა, რომელიც
მწვევედ გრძნობს თავის მოვალეობას ხალხის წინაშე და თხოულობს
უკვე შეუდგეს „ვალის“ გადახდას, გვესმის მიხაილოვსკის პი-
რიტ. „ჩვენ შევიგნეთ, — სწერს მიხაილოვსკი, — რომ ზოგად-კაცობრი-
ული სიმართლის და ზოგად-კაცობრიული იდეალების შეგნება ჩვენ მხო-
ლოდ საუკუნეთა განმავლობაში ხალხის მიერ გაწეულ ტანჯვით მივი-
ღეთ. ხალხის ამ ტანჯვაში ჩვენ არა ვართ დამნაშევენი. არც იმაში
ვართ დამნაშევენი, რომ მის ხარჯზე აღვიზარდენით... მაგრამ... მომა-
ვალში ეს აღარ გვინდა... იდეათა ლოლიკური განვითარებით, თუ უშუა-
ლო გრძნობით, ხანგრძლივი ფიქრით თუ აზრის მოულოდნელი გა-
მობრწყინებით, მაღალი ადამიანური გრძნობებიდან გამოემდინარეობთ,
თუ პირდაპირი დაკვირვებიდან — ჩვენ შემდეგს აზრს დავადექით: ჩვენ
მოვალენი ვართ ხალხისა. შესაძლებელია, — განაგრძნობს მი-
ხაილოვსკი, — ხალხურ სიმართლეში ასეთი პარაგრაფი სრულებითაც არ
იყოს; ალბად, არ არის. მაგრამ ასეთი შეხედულება, თუმცა ყოველ-
თვის შეგნებულად არა, ჩვენი ცხოვრების და მოქმედების ქვაკუთ-
ხედად გავხადეთ. მოვალეობა აწევს ჩვენს სინიდიისს და
ჩვენა გვსურს ამ მოვალეობის გადახდა².

70-იანი წლების რუსი ინტელიგენციის ამოცანა და შინაარსი
განისაზღვრებოდა: ვალდებულობის ცნობით ხალხის წინაშე და აქი-
დან გამომდინარე საკითხები: როგორ უნდა მოწესრიგდეს ტირველ-
შიშველა ხალხის მდგომარეობა და როგორ უნდა მოიხადოს ინტელი-
გენციამ თავისი ვალი ხალხის წინაშე? რუსი ინტელიგენციის მდგომარეობას
ის გარემოება ართულებდა, რომ მის შეგნებაში ხალხის
წინაშე ეს ვალდებულება ისე დიდი და აუნაზღაურებელი იყო, რომ
კვილიზაციის წარმატებები და მეცნიერების და ხელოვნების აღმო-
ჩენანი და მონაპოვარნი ვერ აუნაზღაურებდნენ ამ ვალდებულობის სარ-
კებელსაც-კი. რუს-ინტელიგენციის სულიერ განწყობილებას ამასთან
ერთად ის რწმენაც აღრმავებდა, რომ პროგრესი, კვილიზაცია, მეც-
ნიერება და ხელოვნება, რომელიც მოპოვებული ჰქონდა საზოგადოებას
უნცროსი ძმის შრომით, ვერ მისცემდა ხალხს საჭირო ბედნიერებას,
უზრუნველყოფილ ცხოვრებას. საჭირო იყო საზოგადოებრივი ცხოვრე-

1) П. Давров—Историческое письмо.

2) Андреевич—Опыт Философии руск. лит.—ст. 276—277.

ბისათვის გამინახულიყო უფრო ხელსაყრელი, თავისუფლების და ბედნიერების მომნიჭებელი პირობები, რომელიც შეაერთებდა პირად ბედნიერებას საერთო საზოგადოებრივ ბედნიერებასთან. ასეთი საშუალება მესამოცდაათიანებმა, როგორც მესამოციანებმა, ხალხშივე ჰპოვეს, მის ისტორიულად გამომუშაებულ თემურ წყობილებაში („ობ'შინა“). თემური წყობილება, მათის შეხედულებით, პიროვნების თავისუფალი განვითარების და აგრეთვე ხალხის უფლებრივი მდგომარეობის შენახვის საშუალებას იძლეოდა. 70-იანი წლების ხალხოსნების შეხედულებით, თემური წყობილება პიროვნების და ხალხის ინტერესს ერთმანეთს აგუებდა და აერთებდა.

ასეთს აზრს ლავროვი გარკვეულად გამოსთქვამს თავის „Исторические письма“-ში. „რუსისათვის, —სწერს ლავროვი, —სპეციალური ნიადაგი, რომელზედაც რუსეთის მოსახლეობის უმრავლესობის მომავალი უნდა განვითარდეს, თანამედროვე ცხოვრების ამოცანების თანახმად, —არის გლახ-კაცი თემური მიწისმფლობელობით (крестьянин с общинным землевладением). საჭიროა: — ჩვენი თემური წყობილების განვითარება მიწის საერთო დამუშავების და მის ნაწარმოების საერთო სარგებლობის მხრივ; მისი გადაქცევა რუსეთის საზოგადოებრივი წყობილების ძირითად ელემენტად; საზოგადოებრივ საკუთრებაში კერძო საკუთრების გათქვეფა; მიეცეს გლახ-კაცს ის განათლება და ის შეგნება საზოგადოებრივ მოთხოვნილებათა, ურომლისოდაც ის ვერასოდეს ვერ შესძლებს ისარგებლოს თავისი ლეგალური უფლებებითაც-კი, რაც უნდა ფართო იყოს ისინი, ვერასოდეს ვერ დაახწვეს თავს დაჩაგვრას. ეს არის რუსეთის სპეციალური მიზანი, რომლის განხორციელებასაც ხელი უნდა შეუწყოს ყოველმა რუსმა, ვისაც თავისი სამშობლოს პროგრესი უნდა“¹.

70-იანი წლების ხალხოსნების რწმენით, თუ საზოგადოება შესძლებს განავითაროს და გააღრმავოს თემობრივი წყობილება. პირობები, მაშინ ყოველი ადამიანი უზრუნველყოფილი იქნება სათემო მიწის თანაბარი სარგებლობის, წარმოების თანაბარი განაწილების, და, მასაშადამე, ბედნიერების მიღწევის მხრივ.

ამ რიგად, 70-იანი წლებისთვის უკვე მომწიფდა ის კულტი ხალხისა, გლახ-კაცისა, რომელიც რუსეთის საზოგადო აზროვნებაში, დიდი ხანია, ფეხს იკიდებდა. 60-იანმა წლებმა ამ შეხედულების გარკვეულ ფორმაში ჩამოყალიბება საგრძნობლად ააჩქარა. 70-იან წლებში „ხალხი“ ინტელიგენციის გულისყურისა და ფიქრის მთავარ

¹) Лавров. Исторические письма.

მაგანს შეადგენს. მაშერალი ხალხის უილაჯო, ხან მოთმინება-დაკარგული და აღშფოთებული, ძახილი რუსი ინტელიგენციისათვის ისე გასაგონი, საგრძნობი, გასაგები, ახლო, თავდავიწყებით გამტაცი არასოდეს ყოფილა, როგორც ამ დროს. ხალხისათვის, მის ბედნიერებისათვის მოქმედება, მსხვერპლის მიტანა, თავის განწირვა ამ დროს რუს ინტელიგენციას აღფრთოვანებდა.

60-იანი წლების საზოგადოებრივი აზრის თანდათანობითმა განვითარებამ 70-იანი წლებისათვის რუსი ინტელიგენცია მიიყვანა იმ დასკვნამდის, რომ ხალხისადმი ვალის გადახდისათვის, მისთვის ბედნიერების გამონახვისათვის საჭიროა „ხალხში სიარული“. . . ეს სულისკვეთება რუსეთის საზოგადოებრივ აზროვნებაში თანდათან შწიფდებოდა, ირკვევოდა და, როგორც უკვე ჯალენიშნეთ, მ. ბ ა კ უ ნ ი ნ მ ა 1872 წელს, როგორც საერთო დევიზი, გადმოისროლა ~~აღელვებულ ცხოვრებაში~~.

მასიურად დაიძრა რუსი ინტელიგენცია ხალხისაკენ, დაიწყო გლეხ-კაცის ქოხში შესვლა, მისი ახლო გაცნობა, ინტელიგენციის ცხოვრების გასადავება, გლეხ-კაცის ცხოვრების მიბაძვა. რუს ინტელიგენციის მამოძრავებელი დევიზი ასეთი შეიქმნა: ყველაფერი გასწიროს, თავის თავიც კი, ხალხის საკეთილდღეოდ; ხალხის თემობრივი წყობილება შეინახოს და გარდაქმნას ის კომუნად (ფურთხსებურ ფალანსტერიად).

აი ეს არის რუსული საზოგადოების განვითარების უმაღლესი საფეხური. ასეთს მოქმედებაში რუსმა საზოგადოებამ, მართლაც, სთქვა თავისი სიტყვა და ეს სიტყვა იყო — „ხალხოსნობა“. „ამ ლოზუნგმა, — სწერს ანდრეევიჩი, — რომელშიაც გამოიხატა ისტორიული ტრადიციის მთელი ძალა, რუსული მიწათმოქმედებითი კულტურის მთელი თავისებურობა, არსებითად შექმნა ჩვენი ხალხოსნობა, გარდაქცია ის მოძღვრებად, ლიტერატურად, რელიგიად“¹.

ასეთი სულიერი განწყობილებით გატაცებული ხალხოსნები ეცნობოდნენ რუსი გლეხ-კაცის ცხოვრებას, უკვირდებოდნენ მას და ჰხედავდნენ უმწეო, გამოუვალ მდგომარეობას ხალხისას, რომელიც, თუმცა ფორმალურად 1861 წლიდან განთავისუფლებული იყო, მაგრამ სინამდვილეში თავისუფლებასთან და ბედნიერებასთან კვლავინდებურად შორს იდგა. ხალხოსნები თავიანთ-და სამწუხაროდ რწმუნდებოდნენ, რომ ხალხის მასებში ბუნებრივი მდიდარი ძალა დიდი იყო, მაგრამ მისი გაუნათლებლობის, უკულტურობის, სილატაკის

1) А н д р е е в и ч — Опыт философ. русск. жит.

გამო ეს ნიჭი და ძალა მასში გაუფურჩქნელი და გაუნაყოფიერებელი რჩებოდა და ილუპებოდა.

როდესაც რუს ინტელიგენციის შეგნებაში თეორიული მსჯელობის, რეფორმებით გატაცების და იმედიანობის ხანამ (სამოციანი წლების პირველი ნახევარი) გაწვლო, და ინტელიგენციამ უშუალოდ ცხოვრების, გლეხის სინამდვილის ძირში ჩასვლა მოინდომა, ხალხის აუტანელ და მძიმე პირობებისაგან დახსნისათვის, მის წინ მთელი სიმწვავეთ პირველ პირობად წარმოსდგა—მისი (ხალხის) გონებრივი და ეკონომიური დონეს აწვეის აუცილებლობა. აი, ამიტომ რუსმა ინტელიგენციამ მთავრობის 1866 წლის მაისის 13 რესკრიპტით გამოწვევას (იწყება რეპრესიები) ძლიერი და ღირსეული პროტესტის პასუხი გასცა თავისი აღფრთოვანებული და გმირული მასიური „სიარულით ხალხში“. „ხალხოსნობაც“, ამ ცნების ნამდვილი და ფართო მნიშვნელობით, სწორედ აქიდან იწყება.

მაგრამ აღსანიშნავია, რომ ხალხში სიარული სხვადასხვანაირი მიმართულებით და მიდგომით ხდებოდა.

ხალხში მიდიოდნენ ცნობილი და უნიკიერესი პროპაგანდისტის ბაკუნინის მიმდევრებიც, ე. წ. „ბაკუნისტები“: ესენი მიზნად ისახავდნენ ხალხში პროპაგანდის საშუალებით მასში ჩამარხული რევოლუციონური სულიერი განწყობილება გაელვებინათ. აწყობდნენ მთელ რიგ ამბოხებებს. ამიტომ ხშირად მათ „ბუნტარებს“-აც უწოდებდნენ.

ხალხში მიდიოდა მეორე ფრთაც, ლავროვის მომხრეები, ე. წ. „ლავრისტები“. ესენი ნამდვილი კულტურტრეგერები იყვნენ. ესენი რევოლუციონური პროპაგანდით ხალხში მიდიოდნენ არა რევოლუციონური სულიერი განწყობილების გასაღრმავებლად (მათი პირველი მიზანი ეს არ ყოფილა), არამედ კულტურული მიზნებით, შეეტანათ ხალხში სწავლა-განათლება, სისუფთავე, ეზიარებინათ სიბინძურესა და სილატაკეში მყოფი ხალხი კულტურის მონაპოვრებთან. და ამ გზით მოემზადებინათ სოფელი, შეექნათ იქ შეგნებულ მებრძოლთა გუნდი ნამდვილი განთავისუფლებისათვის.

უნდა კი ითქვას, რომ 70-იანი წლების პირველ ნახევარში, როგორც „ბაკუნისტებს“, ისე „ლავრისტებს“ ხალხში სიარულის საბოლოო მიზანი საერთო ჰქონდათ. ორისავე ფრთის რწენით და შეხედულებით, ხალხის განთავისუფლება უნდა მოხდეს არა პოლიტიკურის, არამედ სოციალური გადატრიალების საშუალებით. „სოციალური პრინციპის უპირატესობა,—შენიშნავს ივანოვ-რაზუმნიკი,

— პოლიტიკურზე დამახასიათებელია 70-იანი წლების პირველი ნახევარი სათვის (ხალხოსნებისათვის ვიწრო გაგებით), ხალხში სიარულის პერიოდისათვის¹. მაგრამ, როდესაც პრაქტიკაში, უშუალოდ ხალხში სამუშაოდ მიდიოვნენ, „ბაკუნისტებსა“ და „ლავრისტებს“ შორის განსხვავება უკვე აღარ არსებობდა.

პრაქტიკულ მოღვაწეობაში „ბაკუნისტები“ ხშირად „ბუნტარები“ კი არ იყვნენ, არამედ პროპაგანდისტები—კულტურ-ტრეგერები; ხალხში ავრცელებდნენ ცოდნას, რევოლუციონურ ბროშურებს. ესენიც „ლავრისტებივით“ ცდილობდნენ ხალხის მასების გონებრივისა და ზნეობრივის დონეს ამაღლებას.

„ხალხოსნები“, როგორც „ბუნტარები“, ისე „პროპაგანდისტები“ ფიქრობდნენ, რომ საქმარისია ორი-სამი წელი, სულ დიდი—ხუთი-ექვსი, რომ ხალხი სოციალური რევოლუციისათვის მომზადდეს. ყოველ შემთხვევაში, მათის რწმენით, ორ-სამ წელიწადში შეიძლება მძლავრი რევოლუციონური რიგების მომზადება. „თუ ჩვენ წარმოვიდგენთ,—სწერს ლავროვი,—პატარა პერიოდის, ექვსი წლის შემდეგ, ხალხური მოძრაობის ათი ათასს შეგნებულ ხელმძღვანელს, რომელნიც... გარშემორტყმულნი არიან გაცილებით დიდრიცხოვანი განზადებული რიგებით, რომელნიც მზად არიან ყოველ წუთში გაჰყვნენ მათ ძალაუფლების და კაპიტალის წარმომადგენელების დასამხობად, მაშინ ჩვენს წინ ისეთი საგრძნობი და საპატიო რევოლუციონური არმია წამოიჭრება, რომელსაც შეეძლება საჭირო მომენტში მართლაც ისტორიული საქმე შეასრულოს“².

რუსულ ხალხოსნობაში მესამე მიმართულება იყო. ამ მიმართულების წარმომადგენელია—ლ ე ვ ტ ო ლ ს ტ ო ი. მისი შეხედულებით, ხალხში ჩამარხული სიმართლე იმდენად დიდია, რომ უკეთესია ინტელიგენცია ამ ხალხის დაბალ დონეზე დავიდეს, გაასადაოს თავისი ცხოვრება ხალხის ცხოვრების მიხედვით და მიბაძვით, მივიდეს ხალხთან, მისგან ისწავლოს, როგორ უნდა „სიმართლით“ ცხოვრება და მიწის დამუშავება. გაიცნოს მის ცხოვრებაში არსებული საზოგადოებრივი ხასიათის ჩვეულებანი და მისი ბუნების სალი ინსტინქტები: ქვრივ-ობლების შებრალება, დახმარება, სიწყნარე და გულკეთილობა. ამ მიმართულების მიმდევარნი იცვამდნენ გლეხ-კაცის ტყაპუქებს და მიდიოდნენ მასთან, რათა ესწავლათ მისგან და ესწავლებინათ მისთვის. ესენიც კულტურული მოღვაწეობით კმაყოფილ-

1) Иванов-Разумник—Ист. русск. общест. мысли“, т. II, ст. 107.

2) Давров—Исторические письма.

დებოდნენ. საერთოდ უნდა ითქვას, რომ ეს სამი მიმართულება ხალხოსნობისა ერთმანეთში ითქვიფებოდა, ერთი-ერთმანეთისაგან ბევრს რასმე ითვისებდა.

1878 წლისათვის, მთელი რიგი უშედეგო აჯანყებების და პრაქტიკულ მოღვაწეობაში აუარებელ დაბრკოლებებთან შეხვედრის შემდეგ ხალხოსნები დარწმუნდნენ, რომ მარტო „ხალხში სიარულით“, კულტურული აგიტაციის მიზნით, შეუძლებელია გამოწვეულ იქმნას სოციალური რევოლუცია. მალე ხალხოსნებისათვის აშკარა შეიქმნა, რომ საერთო მიზნის მისაღწევად, სოციალიზმის დასამყარებლად ჯერ პოლიტიკური თავისუფლებისათვის უნდა იყოს გაწეული ბრძოლა. ეს ნიადაგს შეუმზადებს სოციალურ განთავისუფლებას. თუ 70-იანი წლების პირველ ნახევარში ხალხოსნებს პოლიტიკური საკითხის წამოყენება არამც თუ არ აინტერესებდათ, არამედ უმნიშვნელოდაც კი მიაჩნდათ, 1878 წლის შემდეგ ხალხოსნები უკვე ჰგრძნობენ ბრძოლის ორი ფრონტის—პოლიტიკურის და სოციალურის—შეთანხმების აუცილებლობას. ახლა უკვე არსდება პოლიტიკური ორგანიზაციები. აღიარებულ იქმნა არამცთუ პოლიტიკური პრიმატის გათანასწორება, არამედ პირველ დროისთვის უპირატესობაც კი სოციალურთან.

1879 წელს ლიპეცი-ვორონეის ყრილობის შემდეგ დაირღვა ორგანიზაცია „Земля и Воля“. მის მაგიერ დაარსდა „Народная Воля“, „Черный передел“. „ნაროდოვოლცებმა“ ახალი ლოზუნგი წამოაყენეს—„სოციალიზმისაკენ პოლიტიკის საშუალებით“ (მიხაილოვსკი, ქელიახოვი, დებაგორი-მოკრიევიჩი და სხვანი). ამ დროს რუს საზოგადოების აზროვნებაში ირკვევა პოლიტიკური რეფორმებისათვის ბრძოლის საჭიროება. ამისათვის ინტელიგენციის ძალების ერთი ნაწილი მიმართული იყო პოლიტიკურ ბრძოლისაკენ.

პოლიტიკური ბრძოლის ერთ-ერთ საუკეთესო საშუალებად ხალხოსნებმა მიიჩნიეს ტერორი. 1878 წელს იანვრის 24 მოხდა პირველი ტერორისტული აქტი ზასულიჩისა (ვერა ზასულიჩის მიერ). ხალხოსნების რევოლუციონური მოძრაობა 1881 წ. უმაღლეს წერტილს აღწევს მარტის 1-ლის ტერორისტული აქტით. ამ აქტს მოჰყვა საშინელი რეაქცია. 1883 წელს თითქმის ყველა ასე თუ ისე გამოჩენილი ხალხოსანი მთავრობას დატუსაღებული ჰყავდა.

ხალხოსნების ყოველმხვე ცდამ, რომ მათი პოლიტიკური ორგანიზაცია „Народная Воля“ აღდგენილი ყოფილიყო, უშედეგოდ

ჩაიარა. 80-იან წლების დასაწყისში დაასრულა რუსული ხალხოსნობა თავისი დამახასიათებელი, სპეციფიკური თვისებებით.

გარდა საშინელი რეაქციისა, მძიმე ბორკილს რომ ადებდა, საშინლად რომ ზღუდავდა დ არავითარ გასაქანს რომ აძლევდა ხალხოსნების გაღვიძებულ და აღშფოთებულ სინილისის ქენჯნას, რომელიც დაეინებით ყველას უხმობდა მოღვაწეობისა და ხალხისაკენ და მიჰყავდა კიდევ, ხალხოსნებისათვის უფრო დიდი დაბრკოლება, ხშირად სასოწარკვეთილებამდის მიმყვანი, იყო რუსი ხალხის გაუნათლებლობა და მათდამი უნდობლობა. „ხალხოსნობის გარეგნული ტრალედია, — სწერს ივანოვ-რაჭუმნიკი, — შესაძლებელია უფრო მძიმე იყო, ვიდრე შინაგანი: ეს იყო ხალხის მიერ სრული გაუგებრობა ინტელიგენტის ამოცანათა. ამის გამო გმირულმა „სიარულმა ხალხში“ დიდი მსხვერპლი შეიწირა, არაერთ ათასეულ ახალგაზრდის სიცოცხლე ინაცვალა. რუსი ინტელიგენტის ტრალედია ყოველთვის იმაში მდგომარეობდა, რომ მისდამი მტრულად იყო განწყობილი სწორეთ ის ხალხი, რომლის ბედნიერებასაც ეს ინტელიგენცია თავდავიწყებით სწირავდა მთელ თავის ძალასა და სიცოცხლეს“¹.

მართალია, ალექსანდრე მე-III-ის რეაქციამ დაშალა ხალხოსნების ორგანიზაციები. მართალია, ხალხოსნობა თავისი სპეციფიკური სახით 80-იან წლებში უკვე იხსნება სამოქმედო ასპარეზიდან, მაგრამ მისი იდეები, რასაკვირველია, საგრძნობი ვარიაციებით, გადმოდის შემდეგს პერიოდებშიაც და თავისებური ელფერი და გავლენა შეაქვს რუსეთის სოციალისტურ მოძრაობაში.

3.

ხალხოსანთა თეორეტიკოსების მიერ (ჩერნიშევსკის, ლავროვის, მიხალოვსკის და სხვათა) გამოთქმულმა იდეებმა თავისი განსახიერება და გამოძახილი მხატვრულ ლიტერატურაშიაც ჰპოვა. შეიქმნა ძლიერი ხალხოსნური მიმართულება რუსულ ლიტერატურაში, სამწერლო ასპარეზზე გამოვიდა მთელი რიგი მწერლებისა უფრო „ხალხოსანი — ბელეტრისტების“ სახელწოდებით, მაგალითად: გლ. უსპენსკი, ზლატოვრატსკი, ნაუმოვი და სხვანი. ამ მწერლებმა მიზნად დაისახეს არა მარტო ხალხისათვის წერა (რასაც ადგილი ჰქონდა რუსეთის საზოგადო აზროვნობის და ლიტერატურის ისტორიაში ამის წინადაც), არამედ წერა ხალხზე, მის ცხოვრებაზე, მის სოციალურ და ეკონომიურ მდგომარეობაზე, ბატონ-ყმობის ბოროტებაზე,

1) И в а н о в - Р а в у м н и к — Ист. русск. общ. мысли, т. II, стр. 113.

შემდეგ გლახისა და „სოფლის წურბელების“ („კულაკთა“) შორის ურთიერთობაზე, სოფელზე ქალაქისა და ქარხანა ფაბრიკის გავლენის შესახებ.

მაშინ როდესაც საკითხი გლახობის ეკონომიური მდგომარეობის, თემობრივი წყობილების, მისი გამოყენების, სათემო სასამართლოებში გლახ-კაცის მიზიდვის და გამოყენების შესახებ გაზეთებისა და სამეცნიერო ჟურნალის ფურცლებზე, ან სტატისტიკურ გამოკვლევებში ირკვეოდა, ამავე დროს, პარალელურად, ამავე საკითხებს რუსული ხალხოსნური მხატვრული ლიტერატურაც ცხოვრებიდან აღებული მხატვრული სახეების და ტიპების საშუალებით ანსახიერებდა. „არავითარ სპეციალურ გამოკვლევას, — სწერს გიორგი პლახანოვი, — არ შეუძლიან მიგიერობა გასწიოს მათ (ხალხოსნების) მიერ ხალხის ცხოვრებიდან დახატული სურათისა. ჩვენი ხალხოსანი-ბელეტრისტების თხზულებები შესწავლილი უნდა იყოს ისეთისავე ყურადღებით, როგორც შეისწავლება ხოლმე სტატისტიკური გამოკვლევა რუსი ხალხის მუშაობისა ან თხზულებები გლახთა ადათ ჩვეულებების შესახებ. არც-ერთს საზოგადო მოღვაწეს, რომელ მიმართულებასაც უნდა ეკუთნოდეს ის, არ შეუძლიან სთქვას, რომ ასეთი შესწავლა მისთვის სავალდებულო არ იყვის. ამის გამო, ვფიქრობთ, შესაძლებელია ხალხოსანი-ბელეტრისტებს ეპატიოს მრავალი ნებსითი და უნებლიეთი შეცოდებანი ესთეტიკის წინაშე¹.

ამ ბელეტრისტ-ხალხოსნების მიმართულება, მთლიანად აღებული, წარმოადგენს რუსულ მწერლობის მძლავრს რეალისტურ სკოლას. „საერთოდ ჩვენს ხალხოსნურ ლიტერატურას, — სწერს იგივე გიორგი პლახანოვი, — და კერძოდ ჩვენს ხალხოსნურ ბელეტრისტულს აქვს დიდი ღირსებები, რომლებთანაც, როგორც ჩვეულებრივ, მჭიდროდ დაკავშირებულია მისი ნაკლიც. „რაზნოჩინეცს“, ყოველისავე გაღამაზებისა და ხელოვნების მტერს, უნდა შეექმნა და შექმნა კიდევ ღრმა, სინამდვილესთან დაკავშირებული, მართალი ლიტერატურული მიმართულება. ამ შემთხვევაში ის ერთგული დარჩა რუსულლიტერატურის საუკეთესო იდეალების... ის გამოჰხატავს შეხედულებას და მისწრაფებას საზოგადოების იმ ნაწილისას, რომელიც სამი ათეული წლის განმავლობაში რუსეთის მოწინავე ნაწილად ითვლებოდა. ამაშია მთავარი ისტორიული დამსახურება ხსენებულ მიმართულებისა“².

¹) Г. Плеханов — Гл. Успенский — т. 7 — ст. 15 — 16.

²) იქვე — т. X — стр. 15.

რომ მართლაც რუსეთის ცხოვრების ნამდვილი რეალიზმის ასახვაში ხალხოსნებმა უდიდესი და საპატიო ადგილი დაიჭირეს, ამას ადასტურებს ცნობილი რუსი მოაზროვნე კროპოტკინი ც. ი. ი. მათ (ე. ი. ბელეტრისტ-ხალხოსნებმა) მოახდინეს, — სწერს პ. კროპოტკინი, — არაჩვეულებრივი გაბედული ცდა — თვით ცხოვრების ასახვისა, წვრილმანი მოვლენებით და ყოველდღიური მოსაწყენი უფერული მდგომარეობით. მოთხრობაში შექმნიდათ მხოლოდ ის დრამატიული ელემენტი, რომელიც შედეგია დაუბოლოვებელი რიგის ცხოვრების მცირე და განმანადგურებელი წვრილმანებისა და უბრალო ჩვეულებრივი მოვლენებისა. და უნდა ითქვას, რომ გაბედულმა ნოვატორებმა ამ მათ მიერ შექმნილ ხელოვნების ახალ სფეროში, შესაძლებელია, ყველა დანარჩენ სფეროებში, უფრო ტრალიკულში, დიდი წარმატება გამოიჩინეს¹.

როდესაც ახალმა ქროლვამ, მეტად მძლავრად მოძრაემა, რუსეთის სინამდვილეში, რუს ინტელიგენციას რუსეთის ცხოვრების და მომავალის იდეალების შესახებ ახალი, მეტად ღრმა ამოცანები დაუსვა, აღმოჩნდა, რომ უდიდესი ნაკლი და დაბრკოლება იმაში მდგომარეობდა, რომ რუსმა ინტელიგენციამ, ხალხის ამ წინამძღოლმა, არ იცოდა რუსი მდაბიო ხალხის ცხოვრების სინამდვილე, მისი მდგომარეობა, მისი მისწრაფებანი. რუსულმა ლიტერატურამ იკისრა ამ დაყინებითი მოთხოვნების და ნაკლის შეესება. მან დიდი როლი ითამაშა ხალხის ცხოვრების გაცნობის საქმეში. მან გასცა პასუხი ყველა იმ საკითხს, რომელიც მე-XIX-ტე საუკუნის განმავლობაში, და განსაკუთრებით მის მეორე ნახევარში, სტანჯავდა რუს ინტელიგენციას.

ხალხოსნური მიმართულება რუსულ ლიტერატურაში და საზოგადოებრივ აზროვნებაში იმდენად ძლიერი იყო, რომ 60-იან წლებიდან დაწყებული მე-XX საუკუნის კარამდის მძლავრ ლამპარით ენთო რუსულ ლიტერატურაში და გაუნელებელი და შეუმცირებელი ინტერესით და გატაცებით ვრცელდებოდა რუს მკითხველ საზოგადოების ფართო წრეებში.

ეს ხალხოსნური მიმართულება, რუსი საზოგადოების აზროვნებაში და რუსულ ლიტერატურაში რომ ვრცელდებოდა, არა მარტო რუს საზოგადოებას იტაცებდა და იზიდავდა, არამედ ამ მიმართულების გავლენა გადავიდა რუსი ინტელიგენციის ცხოვრების ფარგ-

¹) П. Кропоткин — Идеалы и действительность в русской литературе. стр. 240.

ლებს გარეშეც. გაიტაცა რუსეთის სახელმწიფოებრივ სამზღვრებში მოქცეული ერების ინტელიგენციაც, რომელიც, ისტორიულ პირობების გამო, რუსეთის საზოგადოებრივ აზროვნების საბუღარში იჩეკებოდა და იზრდებოდა.

ეს ხალხოსნური მოძრაობა, როგორც მხატვრულ ლიტერატურაში, ისე საზოგადო აზროვნებაში, მეტად ხელსაყრელი და ნაყოფიერი გახდა ჩვენი ახალგაზრდობისათვისაც 60-იანი წლებიდან დაწყებული. საერთოდ რუსეთის საზოგადო აზროვნების უშუალო გავლენის ქვეშ, ხშირად უხეში მიბაძვის გზითაც, შეიქმნა ჩვენი საზოგადოებრივი აზროვნება მე-XIX-ტე საუკუნის მეორე ნახევარში. ორი მძლავრი მიმართულების წარმომადგენელი ჩვენს ლიტერატურაში და საზოგადო აზროვნებაში, ე.წ. თ ე რ გ და ლ ე უ ლ ნ ი და ხ ა ლ ხ ო ს ნ ე ბ ი განვითარდნენ უშუალოდ რუსული საზოგადო აზროვნებისა და ლიტერატურის ზეგავლენის ქვეშ, რასაკვირველია, ჩვენი ცხოვრების სინამდვილის პირობებში. როგორც რუსეთის საზოგადო აზროვნების და ლიტერატურის ისტორიაში 60-იანი და 70-იანი წლები მკიდროდ არიან დაკავშირებულნი, ისე ჩვენს საზოგადო აზროვნების და ლიტერატურის ისტორიაშიაც თ ე რ გ და ლ ე უ ლ ნ ი და ხ ა ლ ხ ო ს ნ ე ბ ი უ შ უ ა ლ ო დ, მკიდროდ დაკავშირებულნი არიან. მათს შორის, როგორც ქვემოთ დავინახავთ, განსხვავებაც, რასაკვირველია; მეტად თვალსაჩინო და რადიკალურია.

აი, სწორედ ჩვენი ახალი ლიტერატურის ისტორიის ამ მიმართულებათა გაცნობა-შესწავლას გვინდა შევეუდგეთ.

ნაწილი პირველი

თ ე რ გ დ ა ლ ე უ ლ ნ ი

1.

თერგდალულნი 1861 წლამდის.

1.

60-იანი წლები ჩვენი ახალი ლიტერატურის ო საზოგადოებრივი ცხოვრების ისტორიაშიაც მეტად საგულისხმიერო გარდატეხის, ძალების დაკომისის, ძველის უარყოფის, ახალის ძიების და აღორძინების ხანაა. თუმცა კი უნდა აღინიშნოს, როგორც ამას არჩილ ჯორჯაძეც ამბობს, რომ „მესამოცე წლების ჩვენს მოძრაობას არც სირთულე, არც სიძლიერე რუსეთის მოძრაობისა არა ჰქონდა“. ეს, მართლაც, ასეა. მაგრამ ეს გარემოება მარტო იმით კი არ აიხსნება, რომ „ხალხის სამსახური იმ თავითვე თავად-აზნაურულ ინტელიგენციას დააწვა“, როგორც ამას არჩილ ჯორჯაძე ჰსენის (ეს მხოლოდ ერთი მთავარ მიზეზთაგანია), არამედ იმიტომაც, რომ ჩვენი 60-იანი წლების მოძრაობა არ არის ორიგინალური, დამოუკიდებელი. იგი ჩვენი კულტურის და ისტორიული ცხოვრების დამოუკიდებელ ნიჟადაგზე არ არის აღმოცენებული. ჩვენი საზოგადოებრივი სოციალ-ეკონომიური ცხოვრება ჯერ კიდევ არ განიცდის ისეთს ღრმა რღვევას, როგორც რუსეთში. ჩვენი საზოგადოებრივი აზროვნება ამ პერიოდში ხშირად გავლენით არის ნასაზრდოები. ჩვენს საზოგადო მოღვაწეებს და მწერლებს იდეათა და მისწრაფებათა თესლი, ხშირად მეთოდიც, მათი ცხოვრებაში დათესვის და გატარებისა რუსეთის საზოგადოებრივი აზროვნებიდან და ლიტერატურიდან გადმოაქვთ. იქ, რუსეთის საზოგადოებრივ აზროვნების და ცხოვრების აფორიაქებულ ატმოსფეროში, იზრდებოდნენ და იწვრთებოდნენ ეგრეთ წოდებულნი თერგდალულნი. რასაკვირველია, მარტო რუსეთიდან გადმონერგილი იდეებით ვერ აეხსნით თერგდალულთა გამოსვლას სამოღვაწეო ასპარეზზე. თერგდალულნი ჩვენი ცხოვრების სინამდვილეში ვერ გაჩნდებოდნენ და განსაკუთრებით ვერ დაასვამდნენ ამოუფხვრელ დაღს ჩვენს ცხოვრებას; თუ თვით ჩვენი ცხოვრების წიაღში ადგილი არ ექნებოდა იმ ღრმა სოციალურ-ეკონომიურ გარდატეხას და ცვლილებას, რომელზედაც ჩვენ ზევით გვქონდა

საუბარი. დრომ და ჩვენი ცხოვრების ობიექტურმა პირობებმა წარმოშვეს ხელსაყრელი ნიადაგი თერგდალეულთათვის.

ძველი წყობილების რღვევამ, ახალი ცხოვრების პირობებმა, ახალმა სოციალურმა გადაჯგუფებამ, რომელიც ჩვენს ცხოვრებაში ამდროს თავს იჩენს, გამოიწვია ახალი შეხედულებანო ცხოვრებაზე. ჩვენი სინამდვილის ამ ახალმა პირობებმა ჩვენი ცხოვრების ატმოსფერო გაეღინთა და წარმოშვა ის სურვილები და მოთხოვნილებები, რომელიც ილია ჭავჭავაძემ ქართულ ცხოვრებაში, მოდუნებულ და დაძაბუნებულში, მაგრამ საგრძნობლად ამღვრეულში, ამოიკითხა:

„მას ნულარ ვსტირით, რაც დაკარგულა,
რაც უწყალოს დროთ ხელით დანთქმულა,
მოვიკლათ წარსულ დროებზე დარდი,
ჩვენ უნდა ვსდიოთ ახლა სხვა ვარსკვლავს,
ჩვენ უნდა ჩვენი ვშვათ მყოფადი.
ჩვენ უნდა მივსცეთ მოშავალი ხალხს“.

ცხოვრების ძველი ფორმებით დაუქმყოფილებლობა—აი, მთავარი, რაც ახასიათებს ახალთაობას.

მომავლის სახის და შინაარსის გამონახვა და შესაფერი მოქმედების გეგმის შემუშავება ადვილი საქმე არ იყო. ამისათვის როგორც გონებრივად, ისე ზნებრივად შესაფერი ცოდნითა და მომზადებით აღჭურვა იყო საჭირო. ამ მიზნისათვის ჩვენი ქვეყნის სინამდვილე, სამწუხაროდ, სასურველ ნიადაგს არ იძლეოდა. ახალ ცხოვრებას მოწყურებული ჩვენი ახალგაზრდობა ძიების სურვილის დასაკმაყოფილებლად, ახალი ცხოვრების გზის გამოსანახავად მიეშურება რუსეთს. ჩვენი მაშინდელი აგალგაზრდობის სულიერი განწყობილების მიზეზს და მიზანს რუსეთში წასვლისას ილია ჭავჭავაძე, ეს მთავარი მოქმედი და მამოძრავებელი ძარღვი 60-იანი წლებისა, ეს შემომკრები თავის გარშემო ჩვენი ცხოვრების ცოცხალ და მოქმედ ძალებისა, რუსეთში წასვლის წინ 1857 წელში დაწერილ ლექსში „ყვარელის მთებს“ ასე გამოსთქვამს:

„რა რიგ მიყვარდით, მეგობარნო ჩემ ყმაწვილ ყრმობის,
და აწ მაშორებს თქვენთან ვალი ამ წუთისოფლის,
მომავლის ბედი გაყრას ითხოვს ჩემგან მსხვერპლადა,
და რას მომთხოვდა უარესა დასასჯელადა?!“...

ხოლო რუსეთიდან დაბრუნებისას რიგე ილია ჭავჭავაძე თავის „მგზავრის წერილებში“ ასე შეათასებს რუსეთში გატარებულ ცხოვრების პერიოდს: „ოთხი წელიწადი იყო,—სწერს ილია,—რაც მე

რუსეთში ვიმყოფებოდი და ჩემი ქვეყანა არ მენახა. ოთხი წელიწადი!... იცი, მკითხველო, ეს ოთხი წელიწადი რა ოთხი წელიწადია? პირველი რომ მთელი საუკუნეა მისთვის, ვინც თავის ქვეყანას მოშორებია. მეორე, ეგ ოთხი წელიწადი ცხოვრების საძირკველია, ცხოვრების წყაროს სათავეა, ბეწვის ხიდია, სიბნელისა და სინათლის შუა ბედისაგან გადებული. მაგრამ ყველასათვის კი არა. მარტო იმათთვის, ვინც რუსეთში წასულა, რათა ჰქუა ავარჯიშოს, ტვინსა და გულს მოძრაობა მისცეს,—კ.ეხი აადგმევეინოს. ეს ის ოთხი წელიწადია, რომელიც ჰაბუკას ტვინსა და გულში გამოჰკვანძავს ხოლმე ცხოვრების კვირტსა. ეს კვირტი კიდევ ის კვირტია, რომელიდამაც მშვენიერი და ბრწყინვალე მტევანიც გამოვა და ძალ-ყურძენაცა. ოო, ძვირფასო ოთხო წელიწადო!"¹.

ილია ჭავჭავაძის ეს განცდა—განცდაა ჩვენი 60-იანი წლების ახალგაზრდობისა, მისი ეს სიტყვა—სიტყვაა ახალგაზრდათა იმ ჯგუფისა, რომელიც ჩვენი საზოგადოების ისტორიაში ცნობილია „თერგდალეულთა“ სახელწოდებით.

ილია ჭავჭავაძის შემოქმედებიდან ზემორე-მოყვანილ ციტატებში გვეძლევა გასაღები ჩვენი 60-იანი წლების ახალგაზრდობის ძიების, მისწრაფების, ტკივილების, ალტაცების, გატაცების და შემოქმედებისა. „ვალი ამ წუთისოფლის“ აშორებს ჰაბუკას პოეტს (და სხვებსაც) სამშობლოს, და ეს უდიდესი მსხვერპლია, თუმცა სამშობლოსავე საკეთილდღეოდ, პოეტისაგან შეწირული.

რომ მართლა ასეთი სულიერი განწყობილება, მომავლის მოვალეობის შეგნება მიერეკებოდა ჩრდილოეთისაკენ არა მარტო ილიას, არამედ საერთოდ ჩვენს ახალგაზრდობას, ამას სხვა „თერგდალეულებიც“ ამოწმებენ. განსაკუთრებით საყურადღებოა ჩვენი 60-იანი წლების ერთ-ერთი საუკეთესო წარმომადგენელის ნიკო ნიკოლაძის „მოგონება სამოციან წლებზე“. ეს „მოგონება“ აშკარად გვიმოწმებს, რომ რუსეთში მყოფი ჩვენი ახალგაზრდობა ჩაბმული იყო იმ ცოცხალ იდეურ მუშაობასა და მოძრაობაში, რომელიც ესე მძაფრად ელინთავდა პეტერბურგის (ლენინგრადის) უნივერსიტეტს და საერთოდ რუსეთის მოწინავე ახალგაზრდობის აზროვნებას. ქართველ ახალგაზრდობას, ნიკოლაძის მოწმობით, „კავშირი და ურთიერთობა ჰქონდა რუს და, განსაკუთრებით, პოლონელ სტუდენტობასთან“. აი სხვა მრავალ საინტერესო ცნობებთან რა საინტერესო ცნობას გვაძლევს ნიკოლაძე თავის „მოგონებაში“: „ჩვენს წრეში,—გადმოგ-

¹) ილია ჭავჭავაძე—მგზავის წერილები—ტ. II. გვ. 7.

ცემს ნიკოლაძე,—პოეტის ილია ქავჭავაძის სამშობლოში დაბრუნების შემდეგ 1861 წლის ზაფხულს უდაო გავლენა მოიპოვა ნიკო ლოლობერიძემ, რომელმაც ისტორიკო-ფილოლოგიური ფაქულტეტი დაასრულა... სექტემბრის 24-ს, ვისადილეთ მ. ი. სიმონოვის ქალთან... რომ სასადილოში შემოვიდნენ ორი ლოლობერიძე ნ. ბ. და ბ. ლ... ლოლობერიძეებმა გადმოგვეცეს, რომ ხვალ მთელი სტუდენტობა... დემონსტრაციაზე გამოდისო და ჩვენც გამოუქლებლივ უნდა მივილოთ მონაწილეობა. დემონსტრაცია კი იმაში უნდა გამოხატულიყო, რომ სტუდენტები თავს მოიყრიდნენ ჯერ უნივერსიტეტში და მერე ნევის პროსპექტით და ვლადიმერის ქუჩით გაემართებოდნენ, რათა პეტერბურგის სასწავლო ოლქის მზრუნველისათვის წარედგინათ მოთხოვნილება უნივერსიტეტში წესრიგის დაცვისა და მატრიკულის შემოღების წინააღმდეგ პროტესტი განეცხადებინათ... „შეუძლებელია ქართველები ჩამორჩნენ, როდესაც ყველა სათვისტომოები დემონსტრაციაში მონაწილეობას იღებენო“. „ამაზე კირილე ლორთქიფანიძემ,—განაგრძობს ნიკოლაძე,—შენიშნა, რომ ქართველები სხვებს ვერ მიჰბაძავენ. რუსეთში, პოლონეთში, მალოროსიაში ბევრია ნასწავლი ხალხიო. ეს ქვეყნები უინტელიგენტოთ არ დარჩება, მათი ახლანდელი სტუდენტობა სულაც რომ აღიგავონ პირისაგან დედამიწისა. ჩვენში კი საქმე სხვანაირია, ჩვენ ქარველ სტუდენტობის პირველი თაობა ვართ¹. ჩვენ რომ ახლა დავბრკოლდეთ, ქართველ მამებს შემდეგ ვერცკი გააგონებ, შვილები უნივერსიტეტში გაგზავნონ. ძველებურად საკადეტო კორპუსებში მიიბარებენ, რომ ეს უფრო ადვილი საქმეა და უფრო იაფიც ჯდებაო“. „ბევრი კამათის შემდეგ,—განაგრძობს ნიკოლაძე,—ნიკოლოზ ლოლობერიძემ წასვლისას სატყუა გვესროლა: ვინც მშიშარა ხართ, სახლში დარჩითო. ეს კი საქმეა იყო იმისათვის, რომ არა თუ დემონსტრაციაზე წავსულიყავით, არამედ თავი კედელზედაც შეგვეხებოქა“².

მართლაც, როგორც ნ. ნიკოლაძე მოწმობს ამავე „მოგონებანი“-ში, ქართველმა სტუდენტობამ გაიზიარა რუსი სტუდენტების ბედი, აქტიური მონაწილეობა მიიღო დემონსტრაციაში და საკმარისად და საგრძობლადაც დაისაჯა. ამას გარდა, ნიკოლაძის „მოგონებანი“ კიდევ იმითაც არის საინტერესო და საყურადღებო ჩვენთვის, რომ ჩვენი ახალგაზრდობა რუსეთში სწავლისათვის გადასული და

1) კურსივი ჩვენია.

2) ნიკო ნიკოლაძე—მოკონებანი სამოციან წლებზე—„კავკასიონი“—1924 წ. № 3—4.

საზოგადოებრივ მოძრაობაში ჩაბმული, მტკივნეულად ჰგრძნობს თავის მოვალეობას სამშობლოს წინაშე. გრძნობს, რომ ის „პირველი თაობაა სტუდენტობისა“, ე. ი. ქართველი ინტელიგენციისა, ჰგრძნობს, რომ სამშობლოსათვის მათი დაკარგვა აუნაზღაურებელი დანაკლისი იქნება. და ამას თავიანთის თავის გადიდებისათვის ან შიშით კი არ ამბობენ, არამედ სამშობლოსადმი მოვალეობის და პასუხისმგებლობის სრული შეგნებით. ამაშია ერთი უდიდესი განმასხვავებელი შტრიხი ჩვენი 80-იან წლების ახალთაობის მისწრაფებისა რუსეთთან შედარებით,—ეს ეროვნული გრძნობაა, რომელიც ახასიათებს და ამოძრავებს ჩვენს საზოგადოებრივ აზროვნებას და ლიტერატურასაც ამ პერიოდში.

ბუნებრივია და დამახასიათებელი ჩვენი განახლებული საზოგადოებრივი ცხოვრების სამოღვაწეო ასპარეზზე გამოსული პირველი დასისათვის, ე. წ. „თერგდალეულებისათვის“ ის სულიერი განცდა, რომელსაც ილია ქაეკავაძე თავის „მგზავრის წერილებში“ გვაძლევს.

ოთხი წლის გაყრის შემდეგ ილია ქაეკავაძე მოუახლოვდა თუ არა სამშობლოს და მისი სიო იგრძნო, მძლავრი, ნაცნობი ფიქრები მას კვლავ მეტის სიციხადით და რეალობით წარმოუდგა: „როგორ შევეყრები,—ეკითხება პოეტი თავის თავს,—მე ჩემს ქვეყანას და როგორ შემეყრება იგი მე, ვიფიქრე. რას ვეტყვი მე ჩემს ქვეყანას ახალს და რას მეტყვის იგი მე? ვინ იცის: იქნება მე ჩემმა ქვეყანამ ზურგი შემეპქციოს, როგორც უცხო ნიადაგზე დარგულსა და აღზრდილსა? იქნება ზურგიც არ შემომაქციოს, იქნება მიმითვისოს კიდევცა, რადგანაც ჩემში მაინც და მაინც ჩემის ქვეყნის ღვრიტაა დადებული. მაგრამ მაშინ რა ვქნა, რომ ჩემმა ქვეყანამ მაიმყოლოს და მიაშბოს თავისი დარდი, წუხილი, მზიარულება, იმედი, თუ უიმედობა, და მე კი, მის ენას გადაჩვეულმა, ვერ გავიგო მისი ენა, მისი სიტყვა? იქნება მიმიღოს კიდევცა და, როგორც თავისი შვილი, გულზედაც მიმიკრას და ხარბად დამიგდოს ყური, მაგრამ მე შევეძლებე, რომ მას ღვიძლი სიტყვა ვუთხრა და ამ სიტყვით დავრდომილს აღდგომის იმედი მოვფინო, უნუგეშოს ნუგეში ვცე, მტირალს ცრემლი მოვწმინდო, მუშაკს შრომა გავუადვილო და ის თვითეული ნაპერწკალი, რომელიც არ შეიძლება რომ ყოველ კაცში არ ჟონავდეს, ერთათ შევაგროვო? შევიძლებე კი? შევიძლებე კი გასაგონის სიტყვის თქმას? გადავწყვიტე, რომ ჩემი ქვეყანა მიმიღებს და მიმითვისებს კიდევც, იმიტომ, რომ იმისი სისხლი და ხორცი ვარ... ჩემს

სიტყვასაც გავაგებინებ, იმიტომ რომ შეილის სიტყვა მშობელს ყოველთვის ესმის. მაგრამ ამას სულ სიტყვაზედ ვლაპარაკობ, საქმე კი საქმეშია. შენმა ქვეყანამ საქმე რომ მოგთხოვოს, მაშინ რასა იქ? —კითხე მე ჩემს თავს და გავჩერდი. ვიგრძენ, რომ ამ კითხვამ შესწევითა ის ზემოხსენებული ჩემი ფიქრების ფერადი გრებილი¹.

ეს განცდა საერთო განცდაა ჩვენი ახალგაზრდობისათვის 60-იან წლებში.

„თერგდალეულებს“ სამოღვაწეოდ შესაფერი ნიადაგი, მომზადებული წინა თაობის და პერიოდის მუშაობით, არ დახვდათ. „იმ დროინდელი ჩვენი „მამა“, —სამართლიანად შენიშნავს არჩ. ჯორჯაძე, —არ ჰგავდა იმ „მამას“, რომელსაც რუსეთში ებრძოდნენ „შვილები“. ამ „მამას“ არაერთარი კავშირი არა ჰქონდა ლიტერატურასთან და კულტურასთან. იგი იყო მემამულე თავად-აზნაური, სამსახურის და პირად და ოჯახის კეთილდღეობის მაძიებელი“². ეს გარემოება უფრო ართულებდა და აძნელებდა ახალგაზრდობისათვის მოქმედების გაშლას. მას არა ჰქონდა ბუნებრივი მტკიცე გარდამავალი საფეხური კულტურული ცხოვრების და საზოგადოებრივი აზროვნების ევოლუციაში. ეს გარემოებაც ერთ-ერთი მიზეზია ჩვენი 60-იანი წლების ცხოვრების სიმარტივისა, შეიძლება ითქვას, სიმართისაც (რასაკვირველია, შედარებით რუსეთის 60-იან წლებთან. 60-იან წლების თაობას, „თერგდალეულებს“, თვითონვე უხდებოდათ ყოველმხრივ გზის გაკაფვა, ყოველი წვრილმანის შექმნა და მისი ბრძოლით მოპოება.

მართალია, 60-იანი წლების წინათაობას აღძრული ჰქონდა კულტურული მოღვაწეობის სურვილი, რე ამის დასაკმაყოფილებლად დააარსა ჟურნალი „ცისკარიც“. მაგრამ მისი ეს სურვილიც და ორგანოც მეტად პრიმიტიულია, უსუსური, მხოლოდ მთავრობის დახმარებით ფეხადგმული. ამ ჟურნალში არ გამოსკვივის საზოგადოებრივი ცხოვრების ძლიერი მაჯის ცემა, საზოგადოებრივი ცოცხალი აზრის მძლავრი ტალღის ქცევა. „ცისკარის“ ყოველი ნომრისათვის და 60-იანი წლების წინათაობისათვის დამახასიათებელი იყო მთავრობისადმი მორიდება, მოკრძალება, მადლობა და დიდი პატივისცემა. ეს ასეც უნდა ყოფილიყო, რადგანაც გლახაკობა ისევ განაგრძობდა ბატონყმობის უღელს ქვეშ მონურ ცხოვრებას; ბურჟუაზია მხოლოდ აპირებდა ფეხის ადგმას, ჯერ არაერთარი უფლებდა არ ჰქონდა.

1) ი ლ ი ა კ ვ ა ვ ა ძ ე — მგზავრის წერილები — გვ. 8—9, ტ. II.

2) ა რ ჩ. ჯ ო რ ჯ ა ძ ე — თგზულებანი, წიგნი V. გვ. 80.

ქულტურული ცხოვრების საქე ისევ დარღვეულ თავად-აზნაურთ ჰქონდათ ხელთ.

1 აი როგორ უყურებს საუკეთესო წევრი „მამათა“ ბანაკისა, შედარებით ფხიზელი მოაზროვნე ალ. ორბელიანი „ცისკარს“ და მის დანიშნულებას: „ეს დრო,—სწერს ალ. ორბელიანი,—არის ნათელი დრო, როგორათაც უღრუბლო მზემ გააბრწყინოს ქვეყანა, ესე იგი სწავლის დრო და გონების განათლებისა. მაშასადამე, სადაც ესენი არიან, იქ ყველა კარგი და კეთილი უნდა იყოს. ღმერთმან ადღეგრძელოს ჩვენი განათლებული, ჩვენი დიდი ხელმწიფე! ის ზრუნავს ჩვენთვის და ჩვენ კი არა ვართ ჩვენთვის. იმან ინება ჩვენი ქართული ჟურნალი გვქონდეს ჩვენ შესაქცევად, სასიამოვნოდ და დროს გასატარებლად“¹. გარდა ამისა, რადგანაც საისტორიო ძველი ქვეყანაც არის ეს ჩვენი ქვეყანა, ამ ჩვენის ქართულის ჟურნალით. ამ ჩვენს ქვეყანაში თავის დროზე მრავალი ძველი საგანი გამოჩნდება ისტორიისათვის და ბევრი სასარგებლო“².

თანამედროვეობა, ყოველდღიური ცხოვრება, რომლის გამომხატველი უნდა ყოფილიყო ჟურნალი, არც „ცისკრისა“ და არც მის თანამშრომელთათვის არ იყო მიზანი. თუ ასეთი შეხედულებისა იყო საუკეთესო წარმომადგენელი „მამებისა“, რა უნდა ყოფილიყო ჩვეულებრივი მომაკვდავი!?!..

რომ „მამები“ „ცისკარს“ უყურებდნენ, როგორც შესაქცევ, სასიამოვნოდ და დროის გასატარებელ საშუალებას, ეს „ცისკრის“ რედაქტორის ივ. კერესელიძის ზემოთ-აღნიშნული სტატიის დაბეჭდვის ერთი წლის შემდეგ (1859 წ.) დაბეჭდილი განცხადებიდანაცა ჩანს. როდესაც საზოგადოებრივი ცხოვრების ძალა-უფლების მქონე ნაწილმა „მოლაყბის“ წერილების გამო უქმაყოფილება გამოსთქვა, „ცისკრის“ რედაქტორი აი როგორს განცხადებას ათავსებს: „გარწმუნებთ, რომ რასაცა სწერდა უ. მოლაყბე, ყოველივე იყო გამოსული კეთილი გულიდან, გულმტკივნეულობით. რა გაეწყობა! ჩვენი ჟურნალი არის საზოგადო, მაშასადამე, არის ხმა საზოგადოებისა... უკეთუ მცირედი რამ ვპოვეთ საწყენოდ მკითხველთა, მაშინვე მოვიხმარებთ ყოელსავე ღონისძიებას მიზეზის მოსპობისათვის. ამასთანავე ვუბრუნებთ უ. მოლაყბეს ბოდიშით თავის „სალაყბო ფურცლებსა“³.

შესაძლებელია „ცისკრის“ ზოგიერთ თანამშრომელს შეგნებული ჰქონდა, რომ ურიგო არ არის საზოგადოების ნაკლულევანებათა

1) კურსივი ჩვენია.

2) ალ. ორბელიანი „მე და ის—„ცისკარი“ 1859 № 7.

3) „ცისკარი“ 1859 წ 1859 № 1

მხილება. შესაძლებელია, ზოგიერთი მათგანი მათ სარგებლობასაც კი გრძნობდა (მაგ. ალ. ორბელიანი, თვით რედაქტორი ივ. კერესელიძე), მაგრამ მთლიანად რედაქცია იმდენად უსუსური იყო, იმდენად არა ჰქონდა შეგნება თავისი მოქალაქეობრივი უფლებებისა და მოვალეობისა, რომ ჟურნალი მონასავეთ ფეხთ ეგებოდა არა მარტო მთავრობას და მის აღებულ კურსს, არამედ საზოგადოების სხვა ჩვეულებრივს ძალის მქონე წევრსაც-კი. დასახსიათებლად მოვიყვანთ ალ. ორბელიანის 1859 წლის „უცისკრის“ პირველ ნომერში მოთავსებული წერილიდან „სალაყო ფურცელზე“. „ეს კი უნდა მოგახსენოთ,—მიჰმართავს ალ. ორბელიანი თავის მკითხველს,—რადა ვჯავრობთ, როდესაც ჩვენს ნაკლულებს გვეტყვიან რასმე?.. იქნება არ ვიცოდეთ, რომ ყოველი ადამიანი თავის თავზე დაბრმავებულია ყოველთვის და თავის ნაკლულებას ვერას ხედავს... არ ვიცი, თუ რად ვსჯავრობთ თქმასა ჩვენზე?—თუ გნებავთ. პირველათ ჩემგნით დაიწყეთ: მე დამგმევით, მე გამლანძლეთ და, რაც უარესია, დასწერეთ ჩემზედ. დიდად მიაშება. ვინ იცის, იქნება, მეც ბრმა ვიყო ჩემს თავზედ. მაშინ თუ თავს მართალსა ვგრძნობ, მოგახსენებთ, თუ არა და სიამოვნით დავჩუმიდები, ქეშმარიტად.“ ბოლოს ერთგვარი ირონიით გადმოგვეცემს, რომ, როდესაც მოლაყბის წერილებით აღშფოთებულმა შეკრებილმა საზოგადოებამ ერთი თავადისაგან გაიგო, რომ „სალაყო ფურცლის დამწერი ესა და ეს თავადიშვილია და არა კერესელიძე“, „ამ სიტყვაზე,—განავრძობს ალ. ორბელიანი,—ცეცხლს რომ წყალი დაასხან, ისე განელდნენ ყოველნი და ერთმანეთს ცქერა დაუწყეს დამწვიდებულის სახით და ბოლოს ერთმა სთქვა სიამოვნით:—ჰო, ეგ კი! იმან რომ დასწეროს, შეეფერება და ამას იქით კიდევ მოვიწონებ მაგ „სალაყო ფურცელსაო“.

ცხადია, რომ ამ დროს ჩვენს მოდუნებულ, ეკონომიურად და ამის გამო იდეოლოგიურადაც დარღვეულ საზოგადოებრივ ცხოვრებაში გაბატონებული იყო ძალა-უფლების ლოდიკა და ფილოსოფია. წოდებრივი უფლებები და ტრადიციები კვლავინდებურად ძლევამოსილია. წოდებრივი ტრადიციები კვლავინდებურად ურყევი კედელივით ამართულა და არ უნდა გადაუშვას ამოძრავებული ცხოვრების მკრთალი ტალღაც კი, არ მისცეს საშუალება აამღვრიოს წოდებრივი ცრუ თავმოყვარეობით დაკმაყოფილებული პრივილეგიური კლასის ცხოვრება, რომელიც, ილია ჭავჭავაძის თქმით, ამ დროს წარმოადგენდა „ხავსმოკიდებულ ბუდეს“, საიდანაც „მეტად ცუდი ოშხივარი ამოდითა: კაცს სული შეუგუბდებოდა, გონებას და გულს“.

ობი მოეკიდებოდა, მუხლი, წინ წასადგმელად მოცემული, დაეხუთებოდა... შიგ მეტად მრავალი ცხოველი მოჩანდა, მათ შორის ოთხფეხა ცხოველებიც იყვნენ, რომელთაც ჩვენში ადამიანებს ეძახიან. ამ ადამიანებში ნამდვილი კაცებიც მოჩანდნენ, მაგრამ ძალიან ცოტა... ამ წუმპეს ქართველები სამასხაროდ ცხოვრებას ეძახიან, როგორც იმ ორფეხა ცხოველებს, რომელნიც შიგა ლპებიან, ადამიანებსა¹.

მართალია, მოლაყბეს გამოესარჩლა „თერთმეტი მებუკე“: 1) მყვირალა, 2) გადარეული, 3) თავხედი, 4) ყბედი, 5) აყყია, 6) გიჟმაჟი, 7) ავეული, 8) ბრაზიანი, 9) დაუფერებელი, 10) რეტინი და 11) მოლაყბე. მათ მკითხველს თამამად მიჰმართეს: „აქამდისინ, — აცხადებს თერთმეტი მებუკე, — საჭიროდ არა ვრაცხდით ჩვენი ვინაობა შეგეტყობ. ახლა გვიცნობებია, რადგანაც მიზეზი რამ გამოხდა უკმაყოფილობისა. ამისათვის უცოდველნი ვიყვნეთ. გვინდა ჩვენი აზრი არმოვსთქოთ, გინდათ დაგვემდურენით, გინდათ, როგორც თქვენი ნება იყოს... ამას კი გეტყვით, ამ მოლაყბეს რომ მოჰკლავთ, მას უკან გადარეული დასწერს, უფრო უარესად და გარკვევით, ამასაც, რომ მოჰკლავთ, მეორე თავხედი, და ბოლომდისინ ისე ვივლით, მინამდისინ სულ ერთიანად არ გაგვწყვეტთ“². მაგრამ ეს „გამოსარჩლება“ „თერთმეტი მებუკისა“, ლიბერალური კეთილ-განწყობილება აღ. ორბელიანისა და ზოგიერთი სხვისაც, თუმცა თავის დროზე საგულისხმიერო მოვლენა იყო, მაგრამ მეტად სუსტი და მხოლოდ გამლიზიანებელი. ეს გარემოება არამც თუ ვერა სცვლიდა, საგრძნობ კვალსაც კი ვერ ამჩნევდა საზოგადოების საერთო მოუშადებლობის, ჩამორჩენილობის, გაბატონებული, დრომოკმული წოდებრივი ზნე-ჩვეულების ატმოსფეროს, რომელმაც მალე ჩააქმედინა ხმა მოლაყბესაც და სხვა მის თანამოაზრე მებუკეებსაც. უკანასკნელთა წინააღმდეგობა უკეთეს შემთხვევაში ხანმოკლე და განყენებულ „კეთილშობილურ“ მღელვარებას არა სცილდებოდა. ერთი წლის შემდეგ, მიუხედავად იმისა, რომ მოლაყბეს და მის მომხრეებს „ცისკრის“ კარები ფართოდ გაუღეს, და „მამები“ მათ დაჟინებით იწვევდნენ (აღ. ორბელიანი), მათი ხმა ფერმკრთალია, კანტი-კუნტაღდა ისმის და ნი-იან წლებში თვით მოლაყბეც „მამების“ ბანაკში მოექცა.

მოლაყბის და ცხრა მებუკეთა გამოჩენა საზოგადოებრივი მოქმედების ასპარეზზე მაჩვენებელი იყო მხოლოდ იმისა, რომ ჩვენი ცხოვე-

¹) ი ლ ი ა კ ა ვ კ ა ე ა ძ ე — კაცია ადამიანი (მეოთხე ვარიანტი) — ტ. II გვ. 304.

²) „ცისკარი“ 1859 წ. № 2 — გამოსარჩლება.

რების სიღრმეში ხდებოდა რაღაც ცვლილება, რომელიც ჩვეულებრივი თვალისათვის შეუმჩნეველი იყო, მაგრამ რომელიც ძველი წყობილების კედელს ასკდებოდა, როგორც წინამორბედი 60-იანი წლების მძლავრი მოძრაობისა და ეკონომიური ცხოვრების ახალი ფორმების თანდათანობითი გამომქლავებისა.

2.

ჩვენი 60-იანი წლების პერიოდი შეიძლება 1859 წლის დასასრულით დავიწყოთ. 1859 წელი ჩვენი საზოგადოებრივი აზროვნების განვითარებაში გარდატეხის ხანაა. „ცისკრის“ თვალის გადავლება დაგვარწმუნებს. რომ რუსეთის საზოგადოებრივი აზროვნების ტალღის ცემა ჩვენი საზოგადოების ცხოვრებაში და აზროვნებაში თანდათან ძლიერდება. ეს უდაოდ იმის მაჩვენებელია, რომ თანდათან სოციალური ნიადაგი საზოგადოებრივი ცხოვრებისა ამ იდეების მისაღებად ამ დროისათვის უფრო ხელსაყრელი ხდება. რუსეთის საზოგადოებრივ აზროვნებაში, როგორც ვიცით, ყირიმის კატასტროფის შემდეგ, 1856 წლიდან იწყება 60-იანი წლები—ეს Sturm und drange periode რუსეთის ისტორიაში, საზოგადოებრივ აზროვნებაში და ლიტერატურის განვითარებაში, და ეს, როგორც ზევითაც აღვნიშნეთ, ძველი მსოფლმხედველობის ყირამალა დაყენების ხანაა.

მთავარი, ცენტრალური, მწვავე საკითხი, რომელიც რუსეთის ინტელიგენციის ყურადღებას და ენერგიას იზიდავდა, ბატონ-ყმობის, ყმის განთავისუფლების საკითხი იყო. ამ დროისათვის (1860 წლისათვის), როგორც ჩანს, ჩვენი საზოგადოებრივი ცხოვრების ატმოსფეროსაც ედება ბატონ-ყმობის საკითხის ძალა. ყმის განთავისუფლების საკითხი თითქოს ჩვენი საზოგადოებრივი ცხოვრების ცის ტატნობზედაც გამოჩნდა და ტყვიის ფერი მძიმე ღრუბლებით სქედავდა მას¹. თითქოს ამ საკითხის მწვავედ დასმის მოლოდინითაა გამოწვეული ალ. ორბელიანის 1859 წლის „ცისკრის“ მეთერთმეტე №-ში მოთავსებული სტატია: „ბატონ-ყმობა ძველს დროს საქართველოში“. აი, სხვათა შორის, ალ. ორბელიანი რას ამბობს თავის წერილში: „უწინდელ დროში,—მოგვითხრობს ალ. ორბელიანი,—გარეშე კაცი იმას ეძებდა, მებატონე ვიშოვნო და იქას შევეხიზნო. ამისათვის რომ მებატონე ძავის ყმასა შვილსავით ყურს

¹) ბატონ-ყმობის საკითხის დასმის სურვილს მოლაცხესაც ვამჩნევთ 1858 წელს „ცისკარში“, მაგრამ მეტად გაუბედავად, იმდენად, რამდენადაც ამ საკითხს თვით მთავრობა სეამდა.

უგდებდა და შვილის მსგავსად გული სტკიოდა ყმისათვის... ყმა, — განაგრძობს ძველის უპირატესობის აღმსარებელი ალ. ორბელიანი, — თავის მებატონესთან თამამად მივიდოდა, ყოველს საქმეს დაუფერებით, უმკრთალოდ მოახსენებდა და როგორც ამხანაგი, ისე გაუგრძელებდა ლაპარაკს, მაგრამ დიახ პატიეცემით... ყმასა მებატონე, — განაგრძობს ალ. ორბელიანი, — მამასავეთ უყვარდა, მამასავით შიში ჰქონდა, მამასავით პატიეს სცემდა და ყოველთვის გაფრთხილებული იყო, „არა ვაწყენინო რაო“. ერთგულება ხომ რაღა უნდა ითქვას ყმებისაგან მებატონისა! ასეთი მაგალითები მომხდარა, რომ მებატონის ერთგულებისათვის სახლეულობით მსხვერპლად შეეწირებოდა მებატონეს... ვინიციბაა, თუ ობლები ანუ ობოლი დარჩებოდა და უფროსი პატრონი არ ეყოლებოდა, მაშინ მებატონე კაცებს დაუყენებდა და იმათი პატრონობით თვითონაც ყურს უგდებდა დიდის ყურადღებით, თუ სახლში არ გამოიყვანდნენ მოსამსახურედ, და თუ გამოიყვანდნენ, იმას ხომ შვილსავით აღზრდიდნენ თავის შვილებთან ერთად, თუმცა მოსამსახურედ, მაგრამ გრძნობით და სულით თავისუფლად¹.

ალ. ორბელიანის ეს წერილი მეტად საგულისხმიეროა. ეს პირველი დარაზმული გამოლაშქრებაა „მამების — შვილების“ წინააღმდეგ, ძველისა-ახლის გასაბათილებლად. ალ. ორბელიანის ეს წერილი მკვეთრი და აშკარა გამოხატულებაა იმ ბატონ-ყმური შეხედულების, რომელიც საუკუნეობით გამომუშავდა ჩვენი ცხოვრების სინამდვილეში და გლახ-კაცი მონად გადააქცია. ალ. ორბელიანის მიერ გამოთქმული ეს აზრი — აზრია მთელი თაობისა, მკვეთრი გამომხატველია იმისი, თუ რამდენად გაუვალი იყო წოდებრივი კედელი და ის ურყევი რწმენა, რომ ბატონ-ყმობის ინსტიტუტი აუცილებელი ბურჯია სახელმწიფოს ბედნიერებისათვის. ბატონ-ყმობით ამართული კედლის ერთს მხარეს თავად-აზნაურნი, კმაყოფილნი თავიანთი გარემოებით, კედლის მეორე მხარეს გლახ-კაცთა გმინვას და ტანჯვას ვერა ჰხედავდნენ და ვერა ჰგრძნობდნენ. ალ. ორბელიანის სახით პირველად ჩვენი ცხოვრების სინამდვილეში ხდება ძველი იდეოლოგიის მომხრეთ შიშის გამოხატვა ეკონომიური კმაყოფილებით, ძალაუფლების დაკარგვის შიშით გამოწვეული. ალ. ორბელიანის სახით ძველი პრივილეგიური კლასი ცდილობს დაასაბუთოს თავისი პრივილეგიის და ძველი ცხოვრების ფორმების მიზან-შეწონილობა.

¹) „ცისკარი, 1859 წ., № 11.

ბატონ-ყმობისათვის დიდ ღირსებად და სასიკეთოდ ალ. ორბელიანს შიამნია ის, რომ ყმას მებატონეებთან პირდაპირ მისვლა შეეძლო, საქმის გარემოება ეთქვა, თუმცა ყმის მხრით „პატივისცემით“.

ასეთი „ჰუმანიური“ მოპყრობა ხომ ბატონის გუნებაზე იყო დამოკიდებული! თუ ბატონი კარგს გუნებზე იქნებოდა, შეიძლებოდა მას მოესმინა ყმის გარემოება, თუ არა და ხომ მას ახლოც არ მიუშვებდა! „დაუფერებით“ ყმის მხრივაც თავის გარემოების მოხსენება, როდესაც გარკვეულ უფლებაზე კი არ იყო დამოკიდებული, არამედ ბატონის ხასიათზედ, რასაკვირველია, ანორმალური და შეუძლებელი იქნებოდა. ალ. ორბელიანს ბატონ-ყმობის ურყეობა და ბატონის ფსიქოლოგია იმდენადა აქვს შესისხლხორცებული, რომ ყმის შიშში და ძალით ქედის მოხრაში ის ხედავს ყმის მიერ ბატონის „მამასავით“ სიყვარულს, შიშის ქონას, როგორც „მამის წინაშე“. მას არ შეუძლიან გაიგოს, რომ დამონებულისაგან დამონავებელის „მამასავით“ სიყვარული და „მამასავით შიში“ შეუძლებელია. მას ვერ შეუძლიან გაიგოს, რატომ იყო გლეხ კაცი ყოველთვის გაფრთხილებული—ბატონს „არა ვაწყენინორაო“. ალ. ორბელიანს ვერ გაუგია: რომ ყმის ერთგულება ბატონისადმი შეუძლებელია; რომ ნასუფრალით საზრდოობა, მოსამსახურეობა ობოლი ყმისა ბატონის სახლში, მას შეილივით თავისუფლად ვერ აზრდის; რომ ასეთი მდგომარეობა პიროვნების დამცირება იყო, მისი თავმოყვარეობის შელახვა, მისი ნიკის შებოქვა, ჩაკვლა, უარყოფითი მიმართულების მიცემა.

თუ ასეთი აზრისა და შეხედულებისა იყო საუკეთესო და ლიბერალური სულიერ განწყობილების მატარებელი ალ. ორბელიანი, რალა მოეკითხება ან დუყაფარებს, ამირინდოებს, პაველებს და სხვათა!?

ამავე 1859 წლის ჟურნალი „ცისკრის“ შემდეგს ნომერში, თითქოს როგორც პროტესტი არაოფიციალურ ცხოვრებისა და აზროვნებისა, დაიბეჭდა დანიელ კონქაძის „სურამის ციხის“ პირველი ნაწილი, ხოლო მეორე ნაწილი 1860 წლის „ცისკრის“ პირველ ნომერში. დანიელ-კონქაძის „სურამის ციხე“ მძლავრი ნასროლი იყო წყვილიდით მოკულ, უდიდეს ნაწილზე მცირე ნაწილის გაბატონების, ძალ-მომრეობის, ცხოვრების დაგუბების დროს. „სურამის ციხე“ მკვეთრი გადახსნა იყო ხალხის დამონავებული ნაწილის ცხოვრებისა და უტყუარი, შეუფერავი გამოაშკარაება იმ საშინელებისა, ბორო-

ტებისა, დამცირებისა, შეურაცხუვისა, რომელსაც განიცდიდა ეს მართლაც „შვილისავეთ“ საზრუნავი გლეხი, ეს მსახდობელი ძალა ბატონისა და სახელმწიფოსი, ეს დამცველი და შენახველი სახელმწიფოსი და ბატონის ცხოვრების მთლიანობისა და უზრუნველყოფისა.

„სურამის ციხეში“ მოუჩიდებლივ არის ასახული ბატონის ფსიქოლოგიის გარყვნილება, დაცემა, უაზრო და დაიღუპველი თვითნებობა, დაუდევრობა, ყმის სიკოცხლის დაუფასებლობა. „სურამის ციხეში“ გამოყვანილი გაღერეია ბატონების და გლეხებისა ცოცხალ სინამდვილიდან აღებული ტიპები: აქ, „სურამის ციხეში“, პირველად აშკარად და დაუჩიდებლივ აღნიშნულია, რომ ბატონის შეუბრალებელი, გარყვნილი გული და ხორცი გლეხს ისე უყურებდა, როგორც უბრალო ნიეთს, რომელიც გაჩენილია მხოლოდ მისი გუნების და ჟინის დასაკმაყოფილებლად. ბატონი თავისი უმსგავსო და უაღამიანო მოქცევით ურევს საწყალ გლეხკაცს ცხოვრების გზაკვალს, არ აძლევს მას საშუალებას დამშვიდებულად იცხოვროს და ხრას ერთი ლუკმაპური.

ვინ არის ოსმან-ალას (ნოღარის) ოგზო-უეკლოდ ხეტიალის და ბოროტმოქმედების ჩადენის მიზეზი? რასაკვირველია, მისი ბატონი, რომელმაც არ აკმარა მას მთელი რიგი უკაცური საქციელისა, აღარ მოუსვენა, თვით მის სულშიაც მოინდომა თავისი ქუქკიანი ხელით ფათური; ის ბატონი, რომელმაც მამის სიკედლის შემდეგ უპატრონოდ დარჩენილ ქვრივსა და ობლებს სახლი სრულებით გადაუბრუნა. „ბატონმა,—უამბობს ოსმან-ალა თავის თავგადასაველიდან დურმიშხანს,—ჯერ წაგვართვა ვენახი, იმიტომ რომ ვითოქ ალარ შეკეძლო მოვლა, მერე თითო-თითოდ ხარკამეჩი და უკანასკნელად უბრძანა დედაჩემს, რომ გადასახლებულიყო იქასთან სახლის მოსამსახურეთ. საწყალი დედაჩემი უნდა გენახა, რა მწუხარებით ესალმებოდა სახლს! ღმერთო, რა გვარად არ ეხვეწებოდა საწყალი ბატონს, რომ დაენებებინა თავი და არ მოეშალა ოჯახი, მაგრამ ბატონს ვითომ არ ესმოდა. „იტირებს, იტირებს და დაყუჩდებაო“,—აი აზრი მებატონეთა; იმათ ჰკონიათ, რომ ჩვენ კაცნი არ ვიყვნეთ, ჩვენ არ შეგვეძლოს სიყვარული და სიძულე, იმათ ჰკონიათ, რომ ჩვენ არა ვვაქვს გული, არ შეგვიძლიან გასჯა.

—დედა-შვილობას, აგრემც ღმერთი გიცოცხლებს შვილებს, მენი ღვთის გულისთვის დამანებე თავი, დამანებე თავი,—ეხვეწებოდა დედაჩემი,—რა მოსამსახურე უნდა ვიყო მე თქვენი ბატონი

ნური ცხოვრებისა, არ ვიცი. ჩემი შვილები აქედგან უფრო გემსახურებიან. რასაც მოვიყვანთ, სულ შენ მოგართმევთ. ჩვენ ნაცარს აფფრუკავთ და იმას ვქაპთ, ოღონდ ნუ მოგვიშლი ოჯახს. საწყალო ჩემო შვილებო! — და იმან მიგვიყრა გულზე იმ გვარად, თითქოს, ის იყო, გვდებდნენ სამარეში¹. აი სინამდვილეში, როგორ იხატებოდა ბატონის „მამაშვილური ზრუნვა“ გლებ-კაცისა და მის ცოლშვილისათვის! და, მართლაც, განა ოჯახში სიკვდილი არ ერჩინათ იმ აუტანელი ჯალათური ტანჯვის მოთმენას, რომელიც ოხერ ქერივს და ობლებს გადაჰხდათ გულქვა ბატონის სახლში? განა სამარეში ჩადება შვილებისა უფრო ძნელი იყო, ვიდრე გადატანა იმ უადამიანო დაჩაგვრისა, დამცირებისა და გაწმინდებისა, რომელიც ბატონის სახლში მის უსაზღვრო და უმსგავსი თვითნებობით გადაჰხდათ მათ თავს?!

ბატონი ხშირად დიდს ხეყნასა და მუდარას, ძუძუდან საყვარელის, ერთად-ერთი ნუგეშის შვილის აგლეჯით და გაყიდვით გამოწვეულს, ანგარიშს არ უწევდა. აი როგორ აუწერს ოსმან-ალაღურშიშხანს, როცა ბატონმა გამოუცხადა მის დედას მისი ქალგაყრის გაყიდვის შესახებ: „დედაჩემი... მხოლოდ შებარბაცდა ცოტათ, მე დამიჭირა თავი და გულზე მიმიკრა. ხელებზე შევატყე, რომ ჰქონდა ცივი ყინულივით და უკანკალებდნენ. შემდგომ რამდენიმე წუთისა დედაჩემი დაეშხო მიწაზე და დაუწყო ხეყნა ბატონს ისე, როგორც შეუძლიან შეხეყნა დედას, როველსაც საუკუნოდ ართმევენ შვილსა. ბატონმა უბრძანა ბიჭებს, რომ გაეგდოთ ის კარში“².

და განა მარტო ზალაკას (ოსმან-ალას მამის სახელია) უპატრონოდ დარჩენილი ოჯახია ასე უწყალოდ, სულ უბრალოდ გაცამტვერებული? განა ასეთსავე უფლება-აყრილ მდგომარეობაში არ არის დურმიშხანი და მისი უხეშად და შეუბრალებლად გათელილი დედა, რომელსაც ყველაფერი, ყველა უფლება, თავდაუკვრელი ცხოვრება, ნამუსი და, ბოლოს ერთად-ერთი ნუგეში, უბედურებით და შეჩვენებით შეძენილი შვილიც-კი წაართვის? „საწყალი დედა ჩემი, — მოუთხრობს დურმიშხანი გულისვარდს, — უნდა გენახა, რანაირად იკლავდა თავს... მთელი ქვეყანა ზედ დაედო, მაგრამ ვერ დააყენეს... რა გამოვსცადე შემდგომ იმისა, — გულნაკლული, ნარ-ეკლიანი, დამცირების გზა-განვლილი დურმიშხანი ეუბნება გულისვარდს, — შენ ვერ წარმოიდგენ... და რა არ გამოვცადე: შიმშილი, წყურვილი, სიცივე, ცემა, დაცინება და სხვა ბევრი ამისთანა“³ და ბოლოლს ავტორი

¹) დ ა ნ ი ე ლ ჭ ო ნ ქ ა ძ ე — სურამის ციხე, — გვ. 18 — 19.

²) ი. ქ. ე — გვ. 20.

³) ი. ქ. ე — გვ. 4.

სრულიად სამართლიანად და მწარე ნაღველით დასძენს: „ისიც ისე გამოიზარდა, როგორათაც ეხლა იზრდებიან იმისი მსგავსი უპატრონო ბიჭები, რომელთა ცხოვრებას სრულებით არავენ დასდევს“¹.

მაშასადამე, ღურმიშხანის, ნოდარის (შემდეგ ოსმან-ალასი), მათი დედების და ღის ხვედრი—ეს თითქმის ჩვეულებრივი ხვედრი ყოფილა ყმისა. მძიმე ოდისეია ნოდარისა და ღურმიშხანისა, ვარდოსი და ნატოსი და სხვათა მოქმედ პირთა საერთო ყოფილა ყმისათვის, როგორც აღმოსავლეთ საქართველოში, ისე დასავლეთში. ნოდარი და მის გარშემო შემოკრებილნი მსხვერპლნი—ქართლში; ღურმიშხანი და მისი დედა—იმერეთში. ამით ავტორს, ალბად, უნდოდა დაეხატა ბატონ-ყმობის ბოროტების საერთო ხასიათი მთელს საქართველოში.

„სურამის ციხე“ გაბედული პასუხი იყო ალ. ორბელიანის წერილზე. აი როგორი „სითამამით“ მიდიოდა ყმა თავის ბატონთან, როგორ „დაუფერებით, უმკრთალოდ მოახსენებდა“ და როგორი „ამხანაგური“ განწყობილებით გაუგრძელებდა ლაპარაკს!.. „სურამის ციხე“ მკერმეტყველურად ღაღადებდა, რომ ბატონსა და ყმას არაფერი არ აერთებდა. მათს შორის ხიდი იყო ჩატეხილი. და თუ ბატონური მდგომარეობით დაბეცებული, გონება და გრძნობა დაჩლუნგებული ბატონი, მიუხედავად საშინელი უადამიანო ტანჯვისა და შეურაცხყოფის, მიყენებისა ყმისადმი, შემდგომ მასში მაინც „ერთგულებას ეძებდა“ (როგორც ნოდარის ბატონი), ეს ხომ ბატონის ზნეობით და გონებით დაცემას, ბატონ-ყმობის განმანადგურებელ ტრადიციებით დაბრმავებას მოწმობდა და არა ნამდვილ საღურთიერთობას ბატონსა და ყმას შორის, როგორც ამის დამტკიცება უნდოდათ „მამებს“ ალ. ორბელიანის პირით.

ამის პასუხსაც გვაძლევს დანიელ კონჭაძე თავის „სურამის ციხეში“. „გავიდა,—მოუთხრობს ნოდარი ღურმიშხანს,—სამი წელიწადი ჩემი მოყვანის შემდეგ. ბატონიც შემირიგდა, ვგონებ იმიტომ, რომ ჰპოვა ჩემში სასარგებლო ნივთი. და რა უნდა მოგახსენოთ? ეძებდა ჩემში ერთგულებას და დარწმუნებულიც იყო, რომ მე ვიყავი იმისი ერთგული. ხა, ხა, ხა! ერთგულებას ეძებდა იმაში, რომელსაც დედა მოუკლა უღელში, საკვირველნი არიან, შენმა გაზრდამ, მაგვარნი კაცნი!“²

¹) დანიელ კონჭაძე — „სურამის ციხე“ გვ. 30—31.

²) იქვე გვ. 12.

ბატონმა ნოდარს მიყენებული დამცირება, შეურაცხყოფა, გაწ-
ბილება არ აკმარა. როდესაც სიცოცხლე-მოწყურებულ ნოდარს უნ-
და საშინელი ტკივილები დაიყუჩოს პირადი ბედნიერების მოპოე-
ბით, უპატრონო, ბატონისა და ქალბატონის ხელში ისეთისავე გა-
წბილებული ნატოს სიყვარულით და შერთვით, ბატონი აქაც გადაე-
ლობება მას. ნოდარის თხოვნაზე „რა ვქნა შენი პირიმე, ეს (ნატუა)
მომეწონა და“, ბატონი რაღაც ბრაზმორეული სიძულვილით და ზიზ-
ლით ეტყვის: „რაო? მოგეწონა? მომეწონა, თითქოს ბატონის შეი-
ლი იყოს? სხვა არა მოგეწონარა, მამა გიცხონდა?“ როდესაც ბატო-
ნი საშინელი უპატიოსნო საქციელით ნოდარს ამ ბედნიერების და
ადამიანური განცდის მიღების საშუალებასაც მოუხსობს და მოუწამ-
ლავს, საშინელი ვერაგობით შეიწირავს. ნატოს სიცოცხლესაც, მაშინ
ისიც საშინელის გზით შურს იძიებს: მოჰკლავს ბატონს, ზედ დაა-
კლავს მის ცოლსა და შეილს. „მე არ მესმოდა,—ეუბნება ოსმან-ალა
დურმიშხანს,—იმათი ხვეწნა, სისხლისგან გაგიყებულმა მე დაეკალი
დედაშვილსა. გაბრაზებული სისხლისაგან გამოვარდი კარში, შეეჯე-
ქი ცხენზედ და გამოვიქეცი. საღამოზე დაბეწია მღვეარი და, რასა-
კვირველია, არა თუ იმათგანმა დამიჭირა ვინმემ და მოინდომა მო-
კვლა, არამედ თითონვე მასწავლეს, რომ გადავეარდნილიყავი ახალ-
ციხისკენ“¹.

აქედან აშკარაა, რომ მარტო ნოდარი არ იყო ასეთს მდგომა-
რეობაში და ასეთს სულისკვეთებაში. ნოდარმა შესძლო ასეთს ცხოვ-
რებასთან კავშირი გაეწყვიტა. ბატონის ბინძურმა ხელმა ნოდარს
ყველა ძაფი ამ ცხოვრებასთან შემაერთებელი ჩააწყვიტა. და მანაც,
„თავზე ხელაღებულმა“, საშინელის შურისძიების აფექტში გაბედა
ასეთი ნაბიჯის გადადგმა და ცხრა მთას იქით გადავარდნა. სხვები-
კი ვერ ახერხებენ ამ ძალღ-უმადურ ცხოვრებასთან კავშირის გა-
წყვეტას, თუმცა მათი თანაგრძნობა კი ნოდარის მხარეს არის, ყო-
ველ შემთხვევაში წოდებრივი სხვადასხვაობა მწვავედაა უკვე შე-
გრძნობილი, შეურიგებელი ბრძოლა უკვე დაწყებულია. ეს ნაწარ-
მოები გვაგრძნობინებს, რომ ბრძოლა უდაოდ სტიქიურად უნდა გაი-
შალოს და წალეკოს ძველი, ძალმომრეობის ფორმები.

დანიელ კონქაძის „სურამის ციხე“ სულ სხვა კილოთი, სხვა
ფერადებით, სულ სხვა სულიერი განწყობილებით არის დაწერილი,
ვიდრე ალ. ორბელიანის „ბატონ-ყმობა ძველ საქართველოში“. და-
ნიელ კონქაძის „სურამის ციხე“—წიგნია სისხლითა და ცრემლით

¹) დანიელ კონქაძე—სურამის ციხე—გვ. 36.

დაწერილი, იქით მხარის ქვეყანაში მცხოვრები, უფლება-აყრილი, მძიმე ტანჯვის და ძალმომრეობის უღელ-ქვეშ უსიტყვოდ მგმინავი ხალხისა. და ეს წიგნი შეუფერავი სინამდვილის ფერადებით გადმოწერილი ამ ხალხის გულიდან, ხალხის ცრემლსა და ნალველში ამოვლებული კალმით აკინძული დიდის გამბედაობით და სიყვარულით იმ მხარის ხალხის ლეიძლმა შეილმა, პირველმა წმინდა წყლის და წარმოშობის „რაზნოჩინეცმა და“ პირველმა დიდი ნიქით მოელვარე ცეცხლით აღსავსე თერგ დაღეულმა დანიელ კონქაძემ მოიტანა ¹.

დანიელ კონქაძის „სურამის ციხე“ ნამდვილი პოლიტიკური პამფლეტი იყო. „სურამის ციხე“ მძლავრი ამონახეთქი იყო ხალხის გულში ჩაუბეჭდულ დამცირების, შეურაცხყოფის პროტესტისა და „თაედაუკვრელი“ ცხოვრების ძლიერი სურვილისა. მან აამღვრია აშშორებული ცხოვრების გუბე და ავტორის წინააღმდეგ საშინლად აამხედრა. საზოგადოებაში მღელვარება დაიწყო. „რამოდენიმე პირი, — მოგვითხრობს დ. კონქაძის ბიოგრაფი, — ისე გაბრაზდა კონქაძეზე, რომ მიუხდომეს კუკიის ხიდიდან გადაგდება, მაგრამ გაქცევით თავს უშველა. შემდეგ დაუპირეს კლუბში ცემა, მაგრამ ამასაც გაპაოვით თავი დაახწია“ ².

3.

დანიელ კონქაძის „სურამის ციხის“ მძლავრმა ძახილმა გამოხმაურება ჰპოვა მხოლოდ რუსეთში მყოფ „თერგდაღეულების“ წრეში, მათ შორის ილია ჭავჭავაძეში ი. ვინაიდან ილია ჭავჭავაძე ტიპიური და მეტად მკვეთრი გამომხატველია „თერგდაღეულების“

¹) დანიელ კონქაძე დუშეთის მაზრის, სოფ. ყვავილის, გლეხისშვილი იყო. დანიელი მალე დაობლდა. ცხრა წლამდის დანიელი ცხოვრობდა სოფელში თავისი კეთილი და ნიჭიერი დედის გავლენის ქვეშ. ცხრა წლისა დანიელი ბიძებს, მღვდლებს, წამოუყვანიათ სასწავლებლად. ჯერ სახლში უსწავლებიან მისთვის წერა-კითხვა, შემდეგ მიუციან კავკავის სასულიერო სასწავლებელში, ხოლო აქიდან გადმოუყვანიათ ტფილისის სასულიერო სემინარიაში, რომელიც 1858 წელს დაუშთაერებია. სემინარიის დამთავრების შემდეგ დანიელმა დაიწყო მასწავლებლობა ოსური ენისა (მან ეს ენა კარგად შეისწავლა ბავშობაშივე) ჯერ სტაეროპოლში და შემდეგ ტფილისის სემინარიაში. 1859 წლიდან სინოდის კონტორაში (ტფილისში) დაინიშნა მაგიდის უფროსად. გაკირვებაში და ნაკლებობაში აღზრდილი, ისედაც სუსტი აგებულების პატრონი დანიელ კონქაძე დასწეულდა (ქლეკით) და 1860 წელს 16 ივნისს გარდაიცვალა, 30 წლის ახალგაზრდა, ჯერ კიდევ გულ და ნიჭ-გადაუხსნელი.

²) „სურამის ციხე“ — გვ. IV, — გამოც. 1920 წლ.

მსოფლმხედველობისა, ამისათვის საჭიროა მეტის ყურადღებით შევისწავლოთ მისი შემოქმედება და განცდა. ფაქტიურადაც ის „თერგ-დალეულთა“ ცენტრშია. ილია ქავჭავაძის შესწავლა ამ გარდატეხის პერიოდშიაც მეტად საინტერესოა და მრავალს საგულისხმიერო მასალას იძლევა საერთოდ ჩვენი ახალგაზრდობის ფსიქოლოგიის გასაგებად და შესასწავლად.

ილია ქავჭავაძის ნაწარმოებთა თუ იმ დატებს, რომელიც მის ხელნაწერებს (შაგებს) აქვთ, მხედველობაში მივიღებთ, უნდა დავასკვნათ, რომ სწორედ 1857—1860 წ. წ. ილია ქავჭავაძის მსოფლმხედველობაში და შემოქმედებაშია(ც) ერთგვარი ძიების, მომზადების, დადუღების, თვითგამორკვევის და, განსაკუთრებით 1859 წელს, გარდატეხის ხანას ვამჩნევთ. 1857—1860 წ.წ. ილია ქავჭავაძის შემოქმედებაში შეიძლება აღინიშნოს, როგორც პირველი პერიოდი მისი შემოქმედებისა. სწორედ ამ პირველ პერიოდში ილიას შემოქმედებაში იკვანძება კვირტი, რომელშიაც ჩათესლილია ახალი საქართველოს გამონახვით გამოწვეული ტკივილები.

აქაც-კი, რუსეთში, ილიას გული მამულის სიყვარულით არის ანთებული. მის გამახვილებულ ყურს, იქაც-კი ესმის „ქართველის ძილში ტანჯვით ამოძახილი კვნესა“. ეს კვნესა ქაბუკი პოეტის გულს აალებს და დაუძლიველი ნატვრით ათქმევინებს: „მამულო საყვარელო, შენ როსლა აჰყვავდებიო?“

სწორედ ამავე დროს პოეტის გულის ყურს იქცევს გლებ-კაცის ცხოვრების მძიჱე პირობები და აღშფოთებული ამბობს:

„როდემდის უნდა ჩვენ არ ვცნობდეთ სიცოცხლის ფასსა?
როდემდის არ ვცემთ ღვთიურს ნიქსა ღირსსა თაყვანსა?“

(1858 წ. 1 ავგ.).

1857 წელს ილიამ თავის პირველ ლექსში „ყვარელის მთებს“ გამოჰხატა ძირითადი მიმართულება თავისი ბუნებისა და შემოქმედებისა. მისი შემოქმედების ისტორიაც აქედან უნდა დავიწყოთ.

ილია ქავჭავაძის მამულის წინაშე მოვალეობის შეგნება გაამგზავრებს რუსეთში. იქ ის ერთგვარი ძიების, მღელვარების, იმედია და იმედ-გაცრუებულობის ტალღებში დასცურავს. პირველ ხანებში უცხოეთში ის თავისი მტანჯველი მისწრაფებით მარტობასა ჰგრძნობს.

„მარტო შევსცურავ ცხოვრების ზღვაში,—ნაღვლიანად ამბობს პოეტი,—

თითქოს უსურვოდ და უფიქრელად;

და ზღვის ღიღეაში, გრივალთ ქროლაში

არა-რა აქვს რა ჩემს გულს იმედად“ (1858 წ. 5 ნომებერი).

პოეტი თუმცა ჰგრძნობს თავის ბუნებაში ძლიერ კინეტიურ ძალას, მაგრამ მაინც ცხოვრების ზღვის წინაშე ერთგვარ კრძალვას, შიშს განიცდის. ის გრძნობს ჯერ კიდევ თავის მოუმზადებლობას, უნიადაგობას. პოეტი ცხოვრების ზღვაში მცირე ნავით შეცურებულ ეკითხება „წუთისოფლის ზვირთს“:

„რას შემამთხვევ, ვინ იცის

აზრი შენის ცივის წყლის?

აწმყო კეთილს არ ამბობს

და წარსულიც მას სთანხმობს.“¹

პოეტს ეშინიან, რომ მის ნაეს წუთისოფლის ზვირთი ცხოვრების, „დიდი ზღვის“ მორევში შეიყვანს და აქ ჩაღუპავს. პოეტს, მართალია, ენატრება „დიდი ზღვის“ ტალღების მოძრაობის განცდა, მართალია, მას უნდა მომავლის უხილავი ვარსკვლავი იხილოს, მაგრამ მაინც ჯერ კიდევ ვერა ჰგრძნობს მტკიცე ნიადაგს, რომ გაბედულად შეაეცუროს თავისი ნავი. და ასე მიჰპართავს მდინარეს, რომლის ზედა ნაპირზედაც ის დასცურავს თავისი მცირე ნავით:

„ორსა ობლად მცურავსა,

მე და ჩემს მცირე ნავსა,

ჰოი, გვედრებ, მდინარევ,

იმ დიდ ზღვაში ნუ შეგვრევ!“

პოეტი თანდათან დიდის სისწრაფით კაჟდება, მისი ნებისყოფა მტკიცდება, დაბრკოლებათა გადალახვაში მისი ბუნება თანდათან ფოლადდება, მაგრამ ერთგვარი შიში მომაჯალი ცხოვრებისათვის ბრძოლისა, თავისი ძალების უიმედობისა პოეტს მაინც სტანჯავს აი როგორ გადმოგვიყვამს 1858 წლის დეკემბრის 26 დაწერილ ლექსში ილია თავის განცდას:

„ბევრი ვიტანჯე, ვიცი, რომ მელის

ბევრიც სხვა ტანჯვა მომავალშია,

მაგრამ ეს არის მიზეზი ცრემლის,

რომელიც მარად თრთის ჩემ თვალშია.

ყველას გაეუძლებ, როგორც კლდე ქვისა,

ბედთანა ბრძოლა ვით მეშინება?!

ხოლო ჩემ თავის არაფრობისა

¹) ილ. კავკავაძე — „სიმღერა“, 1858 წ. 4 ივნისი.

არ ძალბძის, ძმანო, ვერ რით გაძლება!“

ილიას ეს განცდა საერთო განცდაა ჩვენი თერგდალეულებისა, რომელნიც ჩვენი ეკონომიური ცხოვრების რღვევის ნიადაგზე აღმოცენდნენ. ამ დროს ჩვენი თავად-აზნაურობა ალარ წარმოადგენს მთლიანს კლასს, ჯგუფს. საზოგადოებრივი ცხოვრების ეკონომიური ცხოვრების ახალმა პირობებმა და მიმართულებამ პრივილეგიური კლასი დაშალა. მასში შეიქმნა შინა-ჯგუფები (დიდი შემძლებელი, საშუალო ქონების პატრონი, წვრილი და გაკოტრებული თავად-აზნაური). ამის და მიხედვით იწყება დიფერენციაცია ჩვენს მაღალ წოდებაშიც. ხდება ინტელიგენტური წრეების დეკლასიურობა. გაკოტრებული, წვრილი და, ზოგ შემთხვევაში, საშუალო შეძლების პატრონი არ კმაყოფილდებიან ძველი ცხოვრების ფორმებით და ტრადიციებით. მათი ინტერესები ალარ ეთანასწორება იმავე კლასის სხვა (უფრო. შეძლებული) ჯგუფების ინტერესებს.

სწორედ ეს ნაწილი ეწაფება ახალ ცხოვრებას, უნდა ალლო აულოს მას, და მომავლის ახალ ფორმებზე, თანახმად ცხოვრების ახალი მოთხოვნილებისა, მშენებლობაში ჩაებას. აი ასეთია სოციალური წარმოშობა ჩვენი თერგდალეულებისა.

ამ სოციალურმა მდგომარეობამ თერგდალეულებში პირველ ხანებში განავითარა ის გამოურკვევლობა, შიში, კრძალვა და მასთან ერთად მძლავრი სურვილი ცხოვრებისა, რომელიც ჩვენ ილიას ლექსებში დავინახეთ. ჩვენი თერგდალეულების ფსიქოლოგიის ზრდა იქ. პეტერბურგში (ლენინგრადში), ჩქარის ტემპით ვითარდება იმ რთული პირობების გამო (რასაკვირველია, შედარებით ჩვენს ცხოვრებასთან), რომელთა გავლენას ჩვენი თერგდალეულნი ხარბად ისუნთქავენ.

თუ 1858 წლის მიწურულებში პოეტის კრძალვა და შიში ცხოვრების „დიდი ზღვის“ წიხაზე სუსტდება, თუ ამ დროისთვის მას ბედთან ბრძოლა ველარ შეაშინებს და იმედოვნებს, რომ „ყველას გაუძლებს, როგორც კლდე ქვისა“, მხოლოდ მას „თავის არარაობა“ აღონებს. 1859 წლის დასაწყისშივე ჰაბუკი პოეტი ამ განცდაზედაც გაიშარჯვებს და ბედს, რომელმაც აქამდის სულ თავის ნებაზედ ათამაშა იგი, ბევრი კარგი ნუგეში მოუკლა, თვალები სისხლის ცრემლით დაუწვეა და გულზედ თავისი ბრკყალები დააჩნია, თამამად და დიდი შინაგანი ძალის შეგნებით შესძახებს: „გავსწორდეთ, ბედო!“-ო:

„გეყო!.. მოვიდა დრო ანგარიშის,
მოდი, გავსწორდეთ, ნუ შემალები,

წავიდნენ დღენი შენის უფლების,
დროა დავცვალოთ ჩვენ ადგილები...
შენს დუღუკზედა აქამდინ ვხტოდი,
ბევრჯელ და ბევრჯელ შენ მაძრუწუნე.
ეხლა დუღუკი მე მაქვს, აქ მოდი,
მე დაწუჯრავ და—შენ კი იხტუნე¹.

(1859 წ. 19 იანვარი.)

ილია ჭავჭავაძის ასეთს ზრდასა და განვითარებაში ჩვენ, შეიძლება ითქვას, მკვეთრად ვხედავთ ჩვენი „თერგდალეულების“, ჩვენი საზოგადო აზროვნების ზრდას. ამასვე განიცდიან სხვა თერგდალეულნი: ნიკო ნიკოლაძე, გ. წერეთელი, აკაკი წერეთელი, პ. უმიკაშვილი და სხვანი.

როგორცა ვხედავთ, 1859 წლისათვის ილია ჭავჭავაძე უკვე გაბატონდა თავის გრძნობებზე, მას ნებისყოფა საკმარისად გაფოლადებული აქვს, ცხოვრებისა აღარ ეკრძალების, როგორცა ჩანს, აღარც ეშინის. პირიქით, მას ერთგვარი მეტოქეობის გაწევის სურვილი და უნინი ამოძრავებს.

სწორედ იქ, პეტერბურგში, ამ მომზადების და თვითგამორკვევის ხანაში, 1857-1859 წლებში, პოეტისათვის ირკვევა სურათი ახალი საქართველოსი. უკვე ამ პერიოდში ილიასათვის აშკარა შეიქმნა ის იარაღი, რომელიც აღუდუღებდა ქართველის ორგანიზმს. სწორედ ამ მომზადების ხანაში აქვს ილიას დაწერილი პოემა „აჩრდილის“ პირველი ვარიანტი, რომლის წინასიტყვაობაც მეტად საგულისხმიეროა:

„მიიღეთ, ჩემო მეგობრებო, პირმშო ძე ჩემი,
ახლად შობილი, ნუგეშის და იმედ მომცემი!..
იგი მოგიტხრობსთ ჩემსა ტანჯვას და ჩემსა ფიქრსა,
რა მამის ცრემლი ზედ ატყვია ლოყებზედ შეილსა.
მიიღეთ ძღვნადა თქვენ მეგობრის ლალი ტირილი,
თამამად მოთქმა მის, რომელიც აშინებს სხვასა;
მიითვისეთ და შეიყვარეთ ჩემი „აჩრდილი“,
ეგ მოგაგონებსთ, მეგობრებო, ჩემ გულის წვასა“².

იქ, რუსეთში, სამშობლოს დამაარსებელს ილიას წარმოუდგება საშინელი სურათი ქართველი ხალხისა მისი გაპარტახებული, გაწბილებული, შეგინებული მდგომარეობისა, სადაც მოსამართლე „თავის

¹) კურსივი ჩვენია.

²) ილია ჭავჭავაძე ტ. I. გვ. 281.

სამართალს სწონავს და ჰყიდის ვერცხლისა ფასად, მდიდრისა მსხვერ-
პლად ჰხდის ის მართალსა და ღარიბს ლუპავს მარად და მარად“;
სადაც ვაჭარი „ცბიერ ღიმილით კაცსა ატყუებს, რა ჰყიდის ნიეთ-
სა, და კაცი მოკვდეს თუნდა სიმშვილით, უნაღვლოდ განვლის
ცხოვრების ხიდსა“; სადაც მღვდელნი, ხალხთა მამანი, რომელთ
ღვთისაგან შთაბერებით ამა ხალხისა სულთა აღზრდანი, რა რიგ
გულზელი დაუკრეფიათ!“ ხალხის ცხოვრების ასეთი სურათით აღელ-
ვებული პოეტი აღშფოთებით წამოიძახებს:

„სად არის სიტყვა მაღალ სწავლისა,
სიყვარულისა და სიმართლისა,
რომ მათ ბავითგან არ მომდინარობს,
ოდეს დემონი კაცზედო ხარობს,
რომ ბოროტებას, ბიწსა, ცოდვასა
შესაზარელსა არ ასვამს დაღსა?“¹⁾

მაგრამ განსაკუთრებითი აღშფოთებითაა დახატული ბატონ-
ყმობის, „უფლისა“ და „მიწის“ ურთიერთობით „წაწყენდილი და
შეგინებული ცხოვრება და ადამიანობა, სადაც ყმას დღე და ღამ
უხდება „ტანჯვა და შრომა, დარში, ავდარში მინდორშია დგომა,
ვაი-ვაგლახი, ჭირნახულობა, თმენა, სიმშვილი და უძილობა!“ ასეთი
ცხოვრებით მოპოებული ჭირნახული მიაქვს მუქთა-ხორა ბატონს,
რომელიც გესლიანი პარაზიტით აზის მას ზურგზე. ბატონ-ყმო-
ბის ქვეყანაში—ამბობს ილია,—„ყმაში კაცის გრძნობას არ ჰხედავენ,
დედის ძუძუდან შვილსა აგლეჯენ, ვინ უწყის საით, სად გაჰყიდიან!
შეუბრალებელ ხელითა სთხრიან დედისა გულში უკეთესს გრძნობას,
ცოდვად უთვლიან შვილისა ტრფობას“²⁾. თუ გლეხის ქალი ღამაში
და მოხდენილი იქნება, ეს მის მშობელს სიამოვნების მაგიერ მძიმე
ტანჯვას მიაყენებს; უზნეო და აღვირ-ახსნილი, უინიანი ბატონები,—
მიჰმართავს პოეტი გლეხ-კაცს:

„ქალს წაგართმევენ, ქალს გაჰყიდიან,
ნამუსს მოუკვლენ შეუბრალებლად;
უმანკო სულში ღვარძლს ჩაუსხმიან,
გახდიან ყვაილს ფეხ-ქვეშ სათრეველად.
უმანკო პირზე შენს ტურფა ქალსა
გარყვნა დასვამს საზარო დაღსა;
მას, რაც გიყვარდა, ნახავ დაცემულს,

¹⁾ ილია კავკავაძე—აზრდილი, გვ. 290.

²⁾ იქვე.

ნამუსს წართმეულს და შეგინებულს!
პირს უკუ იქცევ, თვით შეშინდები,
ცრემლს მოინდომებ და არ გექნება,
წყევით, ვაებით გამობრუნდები,
შენ შენი ქალი თვით შეგძულდება;
და მაშინ იტყვი: „ნეტავი გველად,
გველის წიწილად გამჩენოდი მე,
და არ გამხდოდი ქვეყნის სათრევლად,
ვაიმე, შეილო! ვაი, ვაიმე!“¹

ასეთივე მძიმე სურათი გლეხ-კაცის ცხოვრებისა დახატულია „გუთნის დედაში“, რომელსაც „ზეცა“ (ადამიანური ცხოვრება) წაართვეს ძალით, რომლის მდგომარეობაც არამც თუ არ განსხვავდება პირუტყვის მდგომარეობისაგან, შეიძლება უარესიც იყოს:

„შენ პირუტყვი ხარ და მე მეტყველი?!.. — ნაღვლიანად
ეუბნება გლეხი
ლაბას,—

ეგ, ჩემო ლაბავ, ნუ შეგშურდება...

რად მინდა ხმალი, თუნდ იყვეს მკრელი,
თუ სიმართლისთვის დამიჩლუნგდება?“

მართალია, გლეხი მეტყველია, მაგრამ მისი ჭირით, წუხილით, მისი კაცობის გულის დუღილით გამოწვეული სიტყვანი მხოლოდ იბადებიან და გულშივე გამოუთქმელად, „უხმოდ კედებიან“.

„შენ ვერ გაიგებ,— თითქოს შურით მიმართავს
ლაბას გლეხი,— მეტყველის ტანჯვას,

როცა სიტყვასა მართალს გულში ჰკლავს!..

აქ, მენდე, ლაბავ, ჩემი უღელი

შენს უღელზედა უფროა ძნელი“²

ხალხის ასეთი მდგომარეობის განქვერტამ კაბუკობიდანვე პოეტის გულისა და ფიქრის დაუნდობელი ღრნადა წვა გამოიწვია. იქ, შორს რუსეთშიაც კი, ვერ იცილებს თავიდან გაქირვებული ხალხის შემადრწუნებულ ლანდს. ეს სურათი მასში „ლალ ტირილს“ იწვევს და შით გამოწვეულ ნაღველს „აჩრდილში“ გადმოანთხევიანებს. ერთი კია აღსანიშნავი: ახალგაზრდა, ხალხის მწუხარებით დაკოდილს გულს უიმედობა ვერ ერევა, წყვილად ლამეში, მძიმედ ჩამოწოლილ

1) ილია ჭავჭავაძე — „აჩრდილი“ ტ. I გვ. 295.

2) იგივე — „გუთნის დედა“.

სქელ ნისლში პოეტი მაინც სკვერეტდა „დამხსნელ ვარსკვლავს, ჩვენს მამულზედა შემდგარს.“¹

ეს იმედია, რომ აფოლადებს მის (და საერთოდ თერგდალეულებს) ნებისყოფას. ეს იმედია, რომელიც ილიას გამოიწვევს. მართლაც კი გამოვიდეს ბრძოლის ასპარეზზე და მასში დაგუბებული ძალა უდაბნაო ცხოვრებით გამოწვეულ შხამსა და ნალველში გალესოს. ეს იმედი და ძალაა, ილიას რომ წამოათქმევინებს:

„ბნელო დემონო,² ალავსე გესლით
ამ დალილ ხალხის სუსტი არსება.
და ბოროტების ძლიერ მარჯვენით
პირველ შენ ჩარგე აქ ბოროტება“³

ილია ქაეჭაეაძის გაკაეება და გარკვევა უკვე აშკარაა. „აჩრდილის“ დაბოლოება მოგვაგონებს ამავე 1859 წელს დაწერილ ლექსს: „გავსწორდეთ, ბედო“-ს, რომელშიაც ქაბუკური კადნიერებით სავსე პოეტი ბედს ასე მიმართავს:

„შენს დუღუჯზედა აქამდი ეხტოდი,
ბევრჯელ და ბევრჯელ შენ მადრუწუნე.
ებლა დუღუკი მე მაქვს, აქ მოდი,
მე დაეუკრავ და შენ კი იხტუნე“.

როგორც ილია ქაეჭაეაძის შემოქმედების მომზადების პერიოდის ზოგადი განხილვიდანაცა ჩანს, ის გამსჭვალულია იმ იდეებით და სულიერი განწყობილებით, რომლებიც რუსეთის ცხოვრების 60-იან წლებში ღვივდებოდა და ვრცელდებოდა. ცხადია, და ამას ქვევით უფრო აშკარად დავინახავთ, დასავლეთ-ევროპის სოციალისტების მოძღვრებანი, უფრო კი უტოპისტი სოციალისტებისა, რომელთა გავლენის ქვეშ იზრდებოდა და მუშავდებოდა რუსეთის ინტელიგენციის აზროვნება, საკმარისად მძლავრად ითვისება ილია ქაეჭაეაძეშიაც და სხვა თერგდალეულებშიაც. ეს თესლი და ამაზე აღმოცენებული გეგმა ილია ქაეჭაეაძის მომავალი პრაქტიკული მუშაობისა პირველ პერიოდშივე მოძწიფდა. და, ალბად, სწორედ იმიტომ, რომ ილიას ფიქრები მოძწიფდა და მძიმე, მტეხავ იარად გადაექცა, მოქმედების და მოღვაწეობის გზა და მისი აუცილებლობა მისთვის უკვე მკაფიო და აშკარა შეიქმნა, მან ველარ შესძლო დარჩენა, სტოვებს უნივერსიტეტს (უკანასკნელ კურსზე იყო), აღარ ათავებს და მძლავრი შინაგანი დულილით და მოწყურებული სურვილით სამშობლოსაკენ გამოეშურება მიღებული თესლის განსანაყოფიერებლად. ასეთივე ძლიერი განწყობილება ახასიათებს ამავე პერიოდში სხვა თერგდალეულებსაც.

¹) ილია ქაეჭაეაძე „აჩრდილი“ გვ. 305. ტ. I.

²) ამ სიტყვას ავტორის მიერ შავში ასეთი შენიშვნა აქვს: „ამ დემონს იცნობს ყოველი, ვისაც კი საქმე ესპის.“ ეს შენიშვნა მოწმობს ილიას შეგნებაში ამ დროს ბრძოლის უნის არსებობას.

³) იქვე გვ. 289 ტ. I.

II

„მაშათა“ და „შვილთა“ მსოფლმხედველობა და მათი ბრძოლის ხასიათი.

1.

საქართველოში ილია ჭავჭავაძის დროიდან იწყება მისი შემოქმედების მეორე პერიოდი¹ და თერგდალეულების გამოსვლა ცხენი ცხოვრების სარბიელზე, როგორც მთლიანი ახალი მიმართულების შემომტანი ელემენტისა ჩვენს საზოგადოებრივ ცხოვრებასა და ლიტერატურაში.

ილია ჭავჭავაძის და სხვა თერგდალეულების მოღვაწეობა ტრიალებდა წემდები მთავარი საკითხების გარშემო: 1) გადმოტანა და დამყნობა ჩვენს ცხოვრებაზე იმ მოწინავე იდეებისა, რომელიც მათ შეითვისეს რუსეთის მოწინავე აზროვნებიდან (აგრეთვე ლიტერატურაში დამყარება რეალიზმისა; 2) უარყოფა დრომოკმული, პატრიარქალური ტრადიციებისა; 3) შეურიგებელი ბრძოლა ბატონყმობასთან; 4) მთლიანი ეროვნული შეგნების გამომუშავება საზოგადოებაში და მთლიანი, თავისუფალი ახალი ცხოვრების პრინციპებზე აშენებული საქართველოს იდეის სამსახური.

აი რას ეუბნება სფირიდონ ჩიტორელიძე² თავის ბიძა თადეოზს: „დრო გვითხრობს ისწავლეთ და ჩვენცა ვსწავლობთ. ამ სწავ-

1) ილია ჭავჭავაძის შემოქმედების მეორე პერიოდი შეიძლება დავიწყოთ 1861 წლიდან და 1878 წლამდე მივიტანოთ. ამ პერიოდში (განსაკუთრებით მის პირველ ნახევარში) ილია ჭავჭავაძე ტიპიური თერგდალეულია. 1879 წლიდან ილიას შემოქმედებაში მესამე პერიოდი იწყება და გრძელდება ბოლომდის („ოთარაანთ ქერივის“ დაბეჭდვით თავდება). შემოქმედების მესამე პერიოდში ილია ჭავჭავაძის პოეტური ნიჭი მახვილდება, თითქოს სცილდება ეროვნულ ჩარჩოებს და ზოგადკაცობრიულ საკითხების გადწვევების სფეროში ეხვევა. ამ პერიოდში ილია, როგორც მხატვარი, იზრდება, მძლავრდება. მაგრამ ამ პერიოდს ჩვენ არ შეგუბნებით, რადგანაც მის განხილვა ჩვენი თემის ფარგლებს სცილდება.

2) როგორც ირკვევა, სფირიდონ ჩიტორელიძე მ. ყიფიანის ფსევდონიმი ყოფილა. ხოლო ამ ფსევდონიმით მოთავსებულ სტატიებს ილია ჭავჭავაძის ხელიც ატყვია, როგორც „საქართველოს მოამბის“ რედაქტორისა. ამის შესახებ იხ. „ილია ჭავჭავაძე“ ტ. V რედაქტორის პ. ი.—ას შენიშვნები გვ. 280—290.

ლაში, ჩემო თადეოზ, სხვა-და-სხვა აზრები გვესმის სხვა და სხვა ენა-ზედა, შემდგომ გვსურს ის აზრი ქართულადა ვსთქვათ, ე. ი. გად-მოვიტანოთ იმ ხალხში, რომელსაც ჯერ თავის სამშობლო ენაზე ნათქვამი ის აზრი არ გაუგონია. ამასობაში აღნაქესი ქართული ენისა იცვლება და ამის და გვარადა უცხო ქვეყნის სიტყვები შემო-დის ხმარებაში, უამისობა არ შეიძლება... მე კი იმას მოგახსენებ, — განაგრძობს სფირიდონი, — რომა ყოვლის სიმართლითა სჯობს, რაც ჩვენთვის მიუცილებლად საჭირო არის, უნდა ვიხმაროთ. კ ა რ გ ი ა მ ბ ა-ვი უ ც ხ ო ქ ვ ე ყ ნ ის ა, კ ა რ გ ი ა ზ რ ი ქ კ ვ ი ა ნ ი ხ ა ლ ხ ი ს ნ ა თ-ქ ვ ა შ ი ყ ო ვ ე ლ ის ფ ე რ ი ა მ ო რ ჩ ე ვ ი თ გ ა დ მ ო ვ ი ტ ა ნ ო თ ჩ ე ე ნ ს ე ნ ა ზ ე, დ ა ვ ა კ ვ ი რ დ ე თ, გ ა ვ ს ი ნ ჯ ო თ, შ ე ვ უ თ ა რ დ ო თ ჩ ე ე ნ ს ა ზ რ ს ა დ ა ა მ შ ე თ ა რ დ ე ბ ი თ გ ა ვ ი გ ო თ, რ ა ა რ ის ჩ ე ე ნ შ ი კ ა რ გ ი დ ა რ ა ა რ ის ც უ დ ი“¹.

ეს „უცხო ქვეყნის კარგი ანბავის“ და „ქკვიანი კაცის ნათქვა-მი კარგი აზრის შერჩევით“ გადმონერგვის სურვილი იკვანძებოდა და განაყოფიერებას ცდილობდა ერთ მუქა ახალგაზრდა ინტელიგენ-ციაში, „თერგდალეულებში“. პრაქტიკულ მოღვაწეობას მოწყურებუ-ლი თერგდალეულნი რეალურ ცხოვრების მდინარის ძირში აპირებ-დენ ჩაყურყუმელაგებას და იქიდან ამოკრეფას არა მარტო „მარგა-ლიტისა, არამედ ლექისა და ლაფისა“.

თერგდალეულების ასეთი სულიერი განწყობილება, მათი ასეთი განცდა და სახე მშვენიერად იხატება ილიას „მგზავრის წერილების“ შემდეგს ლირიკულ ადგილებში: „ოთახიდან გარედ გამოვედი, — გად-მოგვეცემს ილია, — და შევხედე სტეფანწმინდის პირდაპირ აყუდებულს მყინვარს, რომელსაც ყაზბეგის მთას ეძახიან. დიდებული რამ არის ეგ მყინვარი. აბა მაგას შეუძლიან სთქვას: ცა ქუდათა მაქვს და დე-დამიწა ქალამნადაო. ცისა ლაქვარდზედ მოჩანდა იგი თეთრად და აუშლვრევლად. ერთის მუქის ოდენი ღრუბელიც არა ჰფარავდა მის მალალ შუბლსა, მის ყინვით შევერცხლილს თავსა... მყინვარი!.. დი-დებულია, მყუდრო და მშვიდობიანი, მაგრამ ცივია და თეთრი. და-ნახვა მისი მაკვირებს და არ მალელებს, მაციებს და არ მათბობს, — ერთის სიტყვით, მყინვარია. მყინვარი მთელის თავის დიდებულო-ბით საკვირველია და არა შესაყვარებელი. აბა რად მინდა მისი დი-დება? ქვეყნის ყაყანი, ქვეყნის ქარიშხალი, ქროლვა, ქვეყნის აე-კარგი მის მალალ შუბლზედ ერთ ძარღვსაც არ აატოკებს. ძირი

¹) „საქართველოს მონამბკ“—18,3 წ. № 5.—სფირიდონის და თადეოზის ბაასი. —ქურსივი ჩვენია.

თუმცა დედამიწაზე უდგა, თავი ცას მიუბჯენია, განზე გამდგარა, მიუქარებელია. არ მიყვარს არც მაგისტანა სიმაღლე, არც მაგისტანა განზე გადგომა, არც მაგისტანა მიუქარებლობა. დალოცა ღმერთმა ისევ თავზედ ხელალებული, გიჟი, გადარეული, შეუპოვარი და დაუმონაფი მღვრიე თერგი. შავი კლდის გულიდან გადმომსკდარი მოდის და მობლაგის და აბლაგლებს თავის გარემოსა. მიყვარს თერგის ზარიანი ხუილი, გამალებული ბრძოლა, დრტვინვა და ვაი-ვაგლახი. თერგი სახეა ადამიანის გაღვიძებულის ცხოვრებისა, ამაღლებული და ღირსსაცნობი სახეც არის: იმის მღვრიე წყალში სჩანს მთელის ქვეყნის უბედურების ნაცარტუტა. მყინვარი კი უკვდავების და განცხრომის დიდებული სახეა: ცივია როგორც უკვდავება და ჩუშია, როგორც განცხრომა¹⁾. არა, მყინვარი არ მიყვარს, მით უფრო, რომ მიუქარებლად მალაღია. ქვეყნის ბედნიერების ქვაკუთხედი კი ყოველთვის ძირიდან დადებულა, ყოველი შენობა ძირიდან ამაღლებულა, მალღიდან კი შენობა არსად არ დაწყებულა. ამიტომაც მე, როგორც ქვეყნის შვილი, თერგის სახე უფრო მომწონს და უფრო მიყვარს. არა, მყინვარი არ მიყვარს; მისი სიცივე ჰსუსხავს და სითეთრე აბერებს! მალაღიაო! რად მინდა მისი სიმაღლე, თუ მე იმას ვერ ავწვდები და ის მე ვერ ჩამომწვდება. არა, არ მიყვარს მყინვარი. მყინვარი დიდს გეტეს მაგონებს და თერგი კი მრისხანე და შეუპოვარს ბაირონსა. ნეტავი შენ, თერგო! იმითი ხარ კარგი, რომ მოუსვენარი ხარ. აბა პატარა ხანს დადექ, თუ მყრალ გუბედ არ გადაიქცე და ეგ შენი საშიშარი ხმაურობა ბაყაყების ყიყინზედ არ შეგეცვალოს. მოძრაობა და მარტო მოძრაობა არის, ჩემო კარგო, ქვეყნის ღონისა და სიცოცხლის მიმცემი²⁾.

ღიახ, ასეთია ილია ქავეჭავაძის და მასთან ერთად თერგდალეულების სულიერი განცდა, მათი შინაგანი დუღილი. ილიას მღვრიე თერგი უფრო მოსწონს, რადგანაც ის სახეა ადამიანის გაღვიძებული ცხოვრებისა. მიტომ, რომ მის მღვრიე წყალში მთელი ქვეყნის უბედურების ნაცარტუტა ჩანს. პოეტს, როგორც „ქვეყნის შვილს“, თერგის სახე უფრო უყვარს, რადგანაც მას სწამს, მან იცის, რომ „ქვეყნის ბედნიერების ქვაკუთხედი ყოველთვის ძირიდან დადებულა, ყოველი შენობა ძირიდან ამაღლებულა, მალღიდან კი შენობა არ დაწყებულა“. არ უყვარს მყინვარი, რადგანაც მიუქარებლად მალაღია.

1) კურსივი ჩვენია.

2) ილია ქავეჭავაძე — „მგზავრის წერილები“ — ტ. II გვ. 18—19.

არ უნდა ილიას მისი სიმაღლე, თუ ის მას ვერ ასწვდებდა და ის მას ვერ ჩამოსწვდებდა.

ეს იდეები და მისწრაფებანი ხომ დემოკრატიული, რადიკალური იდეებია, რომელიც 60-იან წლებში უხვად ინერგებოდა დასავლეთ-ევროპის უტოპისტი სოციალისტების გავლენით რუსეთის ინტელიგენციაზე და აგრეთვე ჩვენს ახალგაზრდობაზედაც. ილია და სხვა „თერგდალეულები“ უშუალოდ აღიზარდნენ ამ ატმოსფეროში, შეითვისეს ისინი და შეეცადნენ ცხოვრებაში მათს გატარებას.

ამავ ნაწყვეტში ილიამ გამოჰხატა მთავარი თვისება 60-იანი წლების მოძრაობისა: „მოძრაობა და მარტო მოძრაობა,—ამბობს ავტორი,—არის ქვეყნის ღონისა და სიცოცხლის მიმცემი“. ამიტომ, რომ პოეტი წუხდება და ქვეყანა ცალიერად ეჩვენება, როდესაც ბინდი მოიცვამს გარემოს, როდესაც აღარ ისმის „ადამიანის მორკმული ხმაურობა, აღარ ისმის მისის დაღლილის ზრუნვისა და წადილის გუგუნე, როდესაც ქვეყნის ტკივილი იძინებს და აღარა სჩანს მის გარშემო ადამიანი“. პოეტი სულშეხუთული, შეძრწუნებული წამოიძახებს: „არა, წარიღეთ ეს ბნელი და მშვიდობიანი ღამე თავის ძილითა და სიზმრებითა და მომეცი თ მე ნათელი და მოუსვენარი დღე თავისი ტანჯვითა, წვალებითა, ბრძოლითა და ვაი-ვაგლახითა. ჰოი, ბნელო ღამევე, მეჯავრები შენ მე!.. შენ ხარ უამი და დრო კუდიანების სერობისა, როცა ისმის სადღეგრძელო სიბნელისა. ჰოი, ბოროტო, წარვედ ჩემგან, დღეო ნათელო, მოვედ შენ!..“¹ ეს ადგილები არა მარტო როგორც ავტორისა და თერგდალეულთა ახალგაზრდული დუღილის მაჩვენებელია, არამედ აქ მრავალი ცნება ნახმარია ალევორიულად, რომელშიაც მკაფიოდ იხატება თერგდალეულთა დემოკრატიული მსოფლმხედველობა.

2.

საქართველოში თერგდალეულებს საზოგადოებრივი ცხოვრების სიბნელე, სიბეცე, მოღუნებული მაჯის-ცემა, დავეჭითება, უზრუნველი, გამოურკვეველი ძილი და ტანჯული ხალხის გულიდან ამოძახილი კვნესა დაჰხვდათ. თერგდალეულებმა შეურიგებელი ბრძოლა გამოუტხადეს ყველა იმას, რაც ქართველ ერს რაღაც გამოურკვეველ ალერსიან ძილსა ჰგვრიდა და გადაგვარებისა და მოსპობის უფსკრულისაკენ საშინელი სისწრაფით მიაქანებდა.

თერგდალეულები რუსეთით დაბრუნების უმაღ კაბუკურის გატაცებითა სავსე ენერგიით მოღვაწეობის და შემოქმედების სარბიელს ეძებენ.

1) ილია ჭავჭავაძე—„მგზავრის წერილები“, ტ. II, გვ. 18—19.

თავდაპირველად მუშაობის დაწყება მათ „ცისკრის“ გარშემო მოუხდათ. მაგრამ მალე გამოიჩინა, რომ „ცისკრის“ თანამშრომლებსა და ახალი თაობის შორის შეთანხმებული მუშაობა შეუძლებელია, რადგანაც მათი მისწრაფება და ცხოვრების მოვლენათა გაგება დიამეტრალურად საწინააღმდეგოა.

ექვს გარეშეა, ილია ჭავჭავაძე და სხვა თერგდალეულებიც მშენიერადა გრძნობენ, რომ „ცისკარში“ შეთანხმებული მუშაობა შეუძლებელია, მაგრამ საჭირო იყო ცხოვრების გზების ამოძრავება, ჯადოსნურ წერტილიდან ცხოვრების დაძვრა.

ახალმა თაობამ მოისურვა ცხოვრებისათვის ახალი სული ჩაებერა, ახალი გეზი მიეცა. მისი ნაკლი, მისი ღროსთან შეუფერებლობა და უზრობა დაურიღებლივ ემხილებინა და დაენახებინა.

საჭირო იყო ახალი საქმის დაწყება და აი 1861 წლის „ცისკრის“ აპრილის ნომერში ილია ჭავჭავაძე, ეს ბელადი თერგდალეულებისა, გამოდის კრიტიკული წერილით: „ორიოდე სიტყვათ. რევაზ შალვას ძის ერისთავის მიერ კაზლოვის „შეშლილის“ თარგმანზედ“. ილია ჭავჭავაძე დაურიღებლივ აღნიშნავს თარგმანის სისუსტეს და უნიჭობას.

ამ სტატიას მარტო კრიტიკულ-ლიტერატურული ხასიათი კი არ აქვს, არამედ უფრო პუბლიცისტური. ილია ჭავჭავაძე მოხერხებულად სარგებლობს ამ სტატიით, რომ გზა-და-გზა საზოგადოებრივი ხასიათის კითხვებს შეეხოს. მაგ., იმ გარემოებას, რომ ერთისთვის თარგმანი, სუსტი და უნიჭო, მაინც დაბეჭდილია, ილია ხსნის მით, რომ რედაქტორი იძულებულია მოათავსოს, რადგანაც ჟურნალს არა აქვს „საკუთარი კაპიტალი“. „გინდა თუ არა,—მკვახედ სწერს ილია ჭავჭავაძე,—უნდა დამოკიდებული იყოს იმ კაცებზედ, რომელიც წინდაუხედავად, უთავბოლოდ, რაც მოხვდებათ და როგორც მოჰხედებათ, ჰბლაჯნიან, რადგანაც იმედი აქვსთ, რომ საბრალო „ცისკარი“, მათგან ფულით დავალებული, ნებით თუ არა-ნებით ალაგს მისცემს თავის ფურცლებში იმათ გამოუსადეგ სტატიასა... კიდევ, მადლობა ღმერთსა, რომ „ცისკარი“ შავ ყოფაშია და ორიოდე ალ. ჭავჭავაძის, ნ. ბარათაშვილის და გრ. ორბელიანის ლექსებთან მაინც გაგვაცნო, რომ სხვა არა იყოს რა. სხვა ახალი პროზაიკები კი ღმერთმა შეინახოს... მაგრამ უნდა მოგახსენოთ, რომ ახალი რომეების მოჩახუნეებს არავის ასეთი ენა არა ჰქონია, როგორც თავად ერისთავს აქვს... ისე ნაირად ჭრიჭინობენ თ. ერისთავის ლექსები, როგორც გაუსაპნავი საპალნის ურმის თვლები“¹.

¹) „ცისკარი“ 1861 წ. № 4 გვ. 17.

ილია ჭავჭავაძე მარჯვეთ სარგებლობს ამ სტატიით და უხვად ჩაურთავს თავის შეხედულებას საზოგადოებრივ ცხოვრებაზე, უფრო ნაკლის მხილების მიზნით. „აი. მაგალითებრ, — დამშვიდებული, მაგრამ გესლიანი კილოთი სწერს ილია, — ყველაზე უმდარესი მწერალი უფ. ბერივევი, რომელიც გუთნის ღედას აძინებს ხოლმე და ანუგეშებს, რომ ძილზედ უკეთესი არ არის რა ქვეყანაშიო. ის კი არ აგონდება უფ. ბერივეს, რომ სულ მაგ ტკბილმა ძილმა დაველუპა ჩვენა“¹.

აი, უმთავრესი ეს „მამა-პაპური“ ძილია, რომელსაც თერგდალეულებმა ბრძოლა გამოუტხადეს.

ენის საკითხი, ნი-იან წლებში „მამათა“ და „შვილთა“ შორის ატეხილი, მხოლოდ საბაბი იყო, რომ სხვა საკირბოროტო საკითხები აეძრათ. სინამდვილეში მთავარი სწორედ საერთო მოღუწებული ცხოვრება და მისი გაღვიძების, გადახალისების, განახლების საკითხი იყო.

ილია ჭავჭავაძის პირველივე კრიტიკული წერილი, მაშინდელი ჩვენი საზოგადოებისათვის — „მამებისათვის“, მათი ფეოდალური წყობილების ტრადიციებში გამოტანილი და დამუშავებული ეთიკისათვის უცნობი, უცნაური და ამალეღვებული იყო.

ილია ჭავჭავაძე, თავის წერილში აღნიშნავეს რა რევაზ ერისთავის თარგმანის სისუსტეს და ნაკლს, ასე ათავებს თავის „პირმოუფერებელ სტატიას“: „ჩვენ ყველანი, — სწერს ილია, — ქართულ ენის ხმარებაში ცოდვილნი ვართ და ჩვეულება ურთიერთის ცოდვების ჩვენებისა არ იქნება მომატებული. მაშ როგორ უნდა გავსწორდეთ, თუ ჩვენი სიმრუდე არ გვეცოდინება? ნეტავი ორიოდე კაცი იყოს საქართველოში, რომ ჩვენი ბოროტება ერთნაირად ასწეროს და დაგვანახოს... აბა ის იქნება ნამდვილი და საქებარი მამულის მოყვარდა არა ის, ვინც მეტის-მეტად ღამეყვებული სიყვარულის გამო, ანგელოზივით ასახელებს საქართველოსა. ბოროტების ღიარება ნახევარი გასწორებაა.“² „გასწორება“, ე. ი. სხვა, ახალი ცხოვრების დაწყება. ამისათვის კი საჭიროა ჩვენი „სიმრუდის“ ცოდნა. მაშასადამე, ღიარება და დანახება ჩვენი ნაკლისა, ბოროტებისა აი ამაშია მოვალეობა და დანიშნულება ჩვენი თერგდალეულებისა, როგორც ეს გამოთქმულია მათი ბელადის პირით. მაგრამ ამას ილია ჭავჭავაძე და თერგდალეულნი პირველ ხანებში მხოლოდ გაკვრით აღნიშნავენ.

¹) „ცისკარი“ 1861 წ. № 4 გვ. 18.

²) იქვე — გვ. 30.

ჯერ ენის გარშემო ატყდა ბრძოლა. ორივე მიმართულება იცავს ენის საკიროებას. ორივე ერთი-მეორეს უკიფინებს მის უცოდინარობას, მის წარყენას. ილია ქავჭავაძეს ენის შენახვა და დაცვა ერთს უმთავრეს იარაღად მიაჩნია ახალი ცხოვრების მოპოების და განმტკიცების საქმეში. მართალია, ილია უარყოფს „მამათა“ ენას, ანტონ კათალიკოზის „თეორიებს“ და სხვას; ილია უარყოფს იმ ენას, იმ დრო-მოკმულ ფორმებს, რომელთაც ხმარობენ ჩვენი მწერლები და ლიტერატორები, ძველის ტრფიალებით დამთვრალნი¹; უკიფინებს ძველ თაობას რუსული სიტყვების (მაგ. ზადაჩა, ლინია, და სხვას) განურჩევლად შემოტანას.

თვითონ ილია ქავჭავაძე და თერგდალეულები საერთოდ სწერენ ახალი მწერლობისათვის უჩვევი, ჩვეულებრივი სასაუბრო ენით. გიორგი ერისთავის მიერ დაწყებულ საქმეს თერგდალეულები, განსაკუთრებით ილია ქავჭავაძე და აკაკი წერეთელი, აგვირგვინებენ, და ახალს, ხალხის მასების ენას მწერლობაში ამატონებენ. საგულისხმიეროა ილია ქავჭავაძის განცხადება ამ პირველსავე წერილში ახალი თაობის სახელით: „სხვისი არ ვიცი, — კატეგორიული ტონით სწერს ილია ქავჭავაძე, — და ჩვენ კი მშობელ მამასაც არ დავუთმობდით ჩვენ მშობლიურ ენის მიწასთან გასწორებასა. ენა სამღვთო რამ არის, საზოგადო საკუთრება. მაგას კაცი ცოდვილის ხელით არ უნდა შეეხოს“². მეტად საგულისხმიეროა ილია ქავჭავაძის „პასუხის პასუხი“ „მაჩებინსადმი“ თერგდალეულების სახელით. ენის

¹) ძველის უარყოფამ ჩვენი ნილილისტი (ამ პერიოდში) მწერალი ისე გაიტაცა, რომ ჩაბრუნაძეც-კი უარკყო. „ჩვენში, ქართველებში, — სწერს ბრძოლით გატაცებული ილია, — დიდი მწერლის ხმა აქვს ჩაბრუნაძესა, მაგრამ არამც თუ დიდი, პატარაც არა ბრძანდება ის კურთხეული. მისი თამარის ქება მთელ მოთხრობის ოდენაა, ზედმესრულით თავდება. რა ვაი-ვაგლაზი და კისრის მტერვეით მოგოგავს დავარდნილს ცხენსავით მისი ორბარცვლოვანი, ტყვიასავით მძიმე ლექსები!.. არც აზრი, არც სურათი, არც მშვენიერება, არც გული, არაფრისთანა არაფერი, გარდა ზედმესრულების რაზა-რუხისა! აბა ეხლა ნახეთ, რა სახელი აქვს ჩვენში, სადაც რუსთაველს, მაგ თითქმის გენიასა, ახსენებენ, იქ გინდათ თუ არა, წამოაყენებენ ჩაბრუნაძესაც, რომელსაც, გვგონია, ფიქრდაც არა ჰქონია ამისთანა დიდების იმედები“ („ციცყარი“ 1861 წ. № 4 გვ. 9). ასეთი მცდარი შეხედულება ილიასი ჩაბრუნაძეზე შეიძლება აუხსნათ მხოლოდ ძველის ენისანი უარყოფის სურვილით, რომელიც ხშირათ ახასიათებს ძველისა და ახლის გაყრისა და დავის დროს ორივე მხარეს. ასეთი თვისება განსაკუთრებით დამახასიათებელი უნდა ყოფილიყო რუსეთის „ნილილიზმის“ ატმოსფერით ნასუნთქისათვის, როგორც იყო ილია ქავჭავაძე.

²) „ციცყარი“ 1861 წ. № 4 გვ. 31.

შესახებ ძველი თაობის საპასუხოდ აი „თერგდალეულები“, ილიას პირით, რას და როგორ ამბობენ:

„ჩვენ ძუძუს ვწოვდით,
როცა თქვენ ჰგმობდით
ენას და ხალხსაც—გარეთ, თუ შინა.
ის არ ხართ თქვენა,
რომ ღვიძლი ენა
ბრძანებით დასთმეთ აღმოსაკვეთად?!
შიშით—არც კარში
და აღარც სახლში
მას აღარ ხმარობთ თქვენდა სარცხვენად.

ენა მდიდარი,
თქვენს ხელში მკვდარი,
ჩვენ მიგვიღია გასაცოცხლებლად...

თქვენგან გმობილი,
თქვენგანით ლტოლვილი
ენა ჩენს ქოხში ჩვენ შევაფარეთ;
კარგად, თუ აუად,
ჩვენ მას ვინახავთ
და მის სიკვდილით არ გაგახარებთ“.

„ციცკარში“ ილია ქავექავაძის მოთავსებული ზემოაღნიშნული წერილი წყვილიდით და სიჩუმით მოცული ჩვენი საზოგადოების თავდამეიწყე ალერსიან თელემაში ძლიერი ნასროლი იყო. ჩვენი საზოგადოებისათვის ამ წერილის არც ახალი ენა, არც კადნიერი კილოა არც რადიკალური, ძველის უარყოფი, მიმართულება მისაღები და მოსაწონი არ იყო.

აირია და აიმღვრა საზოგადოებრივი ცხოვრების ქაობი, ძველმა თაობამ იგრძნო საფრთხე, დაირაზმა. „ციცკარის“ შემდეგსავე ნომერში სამი საწინააღმდეგო სტატია დაიბეჭდა. თუ რამდენად ძლიერი იყო საზოგადოების აღელვება და აღშფოთება, მშვენივრად ჩანს გ. ბ ა რ ა თ ა შ ე ი ლ ი ს სტატიაში: „წერილი რედაქტორთან შესახებ ილია ქავექავაძის კრიტიკისა“. „რვა წელიწადი,—სწერს გ. ბარათაშვილი,—ერთად ვხვებით გიმნაზიის შავი სკამეიკები და ჩვენი ცოდნა ქართულს ენაში ნაცვალ სახელს აღარ გადასცილდა; მისასაღამე, ძალიან ცოდვილნი გახლდებით ქართულ მწერლობაში. ეს იყო მი-

ზეზი, რომ აქამომდე ვერა ავასრულე თქვენი თხოვნა. მაგრამ იან-
ერის აქეთ ტფილისში იმდენი რამ მოხდა და დაიბეჭდა „ცისკარ-
ში“¹, რომ არ შემეძლო არ გამომეთქო, შეძლებისამებრ, რავდენიმე
სიტყვა მაზედ, რაც დავინახე შესანიშნავად².

თვით ილია ჭავჭავაძე აი როგორ ახასიათებს ბრძოლის ამ და-
საწყისს:

„ვისაც თავის დღეში კალამი ხელში არ აუღია, იმასაც ააღე-
ბინე,—სამართლიანად ეუბნება ილია თავის კალამს თავის წერილ-
ში „პასუხი“,—ვისაც მართალი სიტყვა პირდაპირ ნათქვამი თა-
ვის დღეში არ გაუგონია, იმას მართლის თქმით გული აუმ-
ღვრიე; ვისაც „შინიღამ ფეხი კარში არ გამოედგა“³ და რალაც
ამბანის თეორეტიკის მეტი არა უკითხავს რა, ისიც კი აალაპარაკე
თეორეტიკის გარე საგანზედ. ბარაქალა, ბარაქალა! სამი სტატია
ერთს სტატიაზე რა ანბავია? ეს ის ამბავია,—თითონვე აძლევს სა-
მართლიანს პასუხს,—ჩემო კეთილო მკითხველო, რომ ამ ჩემ მოპირ-
დაპირეთ რიცხვით ჯობნა სურვებით, და არა თავის სტატიების
ღირსებითა“⁴.

და მართლაც, ალერსიანი სიზმრიდან გამოღვიძებულმა „ძველ-
მა“ თაობამ საჭიროდ დაინახა, თუ ღირსებითა და გონიერებით არა,
რიცხვით მაინც გაეჩუმებინა თავხედი ახალგაზრდა კრიტიკოსი.

„მამებს“ მიერ ძალთა მობილიზაცია და დარაზმვა თავისთა-
ვად საშინელის სისწრაფით მოხდა. ცხადია, მათ შიში იგრძნეს.
ილია ჭავჭავაძის მოწინააღმდეგეთა წერილებიდან აშკარაა მათი სუ-
ლიერი განწყობილება, მსოფლშედეგელობა და მომზადება. მათი წე-
რილებიდან უაზრო, დრომოკმული ტრადიციების შენახვის სურვილი
ისმის, მათში საშუალო საუკუნოებში შემუშავებული ეთიკეტის დაც-
ვის აუცილებლობა მოჩანს: ისინი აშკარად გვაჩვენებენ, რა გაუვალ
კედლით შემოუფარგლავთ „მამებს“ თავიანთი ვიწრო ასპარეზი ცხო-
ვრებისა, უვიცობის კმაყოფილებაში იხრჩობიან და თავიანთ სამ-
ფლობელოში და შეგნებაში ახალ იდეას, ცხოვრებასთან შესაფერს
არ აქაქანებენ. ეს წერილები აშკარად გვეუბნება, რომ „მამათა“
სმენას და შეხებას საღი სიოს მცირე მოძრაობაც კი აწუხებს და
უსიამოვნოთ ეჩოთირება.

1) აქ, რასაკვირველია, გ. ბარათაშვილს ილია ჭავჭავაძის ხსენებულ სტა-
ტია აქვს მხედველობაში.

2) „ცისკარი“ 1831 წ. № 5

3) ილია ჭავჭავაძის აქ ბარბარე ჯორჯაძისა ჰყავს მხედველობაში.

4) „ცისკარი“ 1861 წ. № 6 გვ. 32.

ამისათვის მათი პასუხი ილია ქავჭავაძისა და თერგდალეულე-ბისადმი კრიტიკა კი არ არის, არამედ კინკლაობა, ნაცნობ ჩვეულებათა დაკარგვის შიშით გამოწვეული. ნიმუშისათვის მოვიტანოთ რამოდენიმე ნაწყვეტი „მამათა“ ბანაკის წარმომადგენელთა წერილებიდან: „თუ ლიტერატურაზე თავსა სდებს,—სწერს კენინა ბარბარე ჯორჯაძისა,—რატომ ეს კი არ უნდა მოეხსენებოდეთ, რომ ლიტერატურა უნდა შეიცავდეს პატიოსნურ და დარბაისლურ ენას და არა უშვერებას. ის (ე. ი. ილია ქავჭავაძე—მ. ზ.) გვიწერს, რომ ვითომც ჩვენ ვახდენთ ენას, არც თუ ვაკეთებთ. თუ უკაცრავად არ ვიქნებით, მგონია თვითონ უფრო ახდენს. წახდენა არ არის, თქვენი პირიმეთ, პირველის შესავლის გვერდებზედ სხოლიოში რომ იძახის: უ, ზღ, ზ, ჯ, კ, სულ არ გვიხმარიაო... რასაკვირველია, სწავლას მიიღებდა, მაგრამ ახ საკვირველი! უპირველესი საგანი არ შეუძინებია და ლიტერატორობს კი! თუ ნებას მოგვცემს, მოვახსენებთ, თუმცა კი მაღალ სასწავლებელში არ ვყოფილვართ, და არა თუ მაღალ სასწავლებელში, შინიდან გარეთ არ გამოვსულვართ, რომ ყოველის მწერლისათვის საჭიროა და აუცილებელი იცოდეს: თეორეტიკა ანუ სწავლა ხელოვნებითის სიტყვიერებისა. ეს რომ ყურადღებით წაეკითხა, უეჭველია არ იტყოდა უ, ზღ, ზ, ჯ, კ ხმარება საჭირო არ არისო. რატომ არ იცის თავად ილია ქავჭავაძემ, რომ ბუნებით მომზადებულთა სიტყვათათვის ადრევე დადებულ არიან კანონნი, რომელნიცა არიან მართალნი და რომელთა გამოცვლა დიდი გმობა უნდა იყოს“¹.

მაშასადამე, „მამები“ ლიტერატურის შესწავლისათვის უნიშნავენ „თეორეტიკას“. ამის გარეშე ლიტერატურული შემოქმედების კანონი მათ არა სწამთ. ანტონ კათალიკოზის ცრუქლასიკურ თეორიებზე აღზრდილნი და განვითარებულნი ებრძვიან ილიას, როგორც ნოვატორს.

ს არ დ ი ო ნ ა ლ ე ქ ს ი-მ ე ს ხ ი შ ვ ი ლ ი ილიას საწინააღმდეგო სტატიასში— „უსტარი ანტი-კრიტიკული“, ჩვენთვის აი რა საინტერესო შენიშვნას აკეთებს: „წრფელის გულით,—სწერს თავის აზრის ქეშმა რიტებაში დარწმუნებული სარდიონ მესხიშვილი,—მოვახსენებ, თავადო ილია, რომ გულმტკივნეულად წავიკითხე მე, ქართველმა, ამგვარი ქართული ენა განათლებულის და განვითარებულის ქართველისა, იმ ქართველისა, რომელიცა, ამაოდ დალიდინებს საქართველოს მშვენიერის ლექსებით და სადაგსიტყვაობაში (პროზაში) კი ასე

¹) „ცისკარი“ 1861 წ. № 5.

უწყალოდ ამახინჯებს და ამდაბლებს ქართულ სიტყვიერებას და ამასაც სად? ქართულის სიტყვიერების ჟურნალში! რასაკვირველია, კარგად იცით, რომ წერა არის სამგვარი: მაღალი, საშუალო და მდაბალი¹. არ ვიცი, ამ სამში, რომელს მიეთვისება თქვენი კალამი? ჩვენში, სადაც იხმარება ნაცვალსახელი „იგი“, ამ მაღალს სიტყვას ზმნისზედა შეეფერება „ოდეს“ და არა სრულიად მდაბიო ლექსი „როცა“, რომლითაც იწყება პირველი სიტყვა“...²

აქ ჩვენ აშკარა და გარკვეული დოკუმენტი გვაქვს ძველი თაობის ძველი გემოვნებისა, ძველი შეხედულებისა ენის ხმარების და პოეტური შემოქმედების შესახებ. ეს სამი გვარი წერა ხომ სამგვარი შტილია, ლომონოსოვის და ცრუკლასიკების მიერ შემოღებული, რომელიც უკვე დიდიხნის დრომოქმული იყო დასავლეთ-ეროპაში და რუსეთშიაც.

აი ამიტომაც, რომ მართო სარდიონ მესხიშვილის სმენა არ არის აღშფოთებული ასეთი არა-სასიამოვნო, საჩოთირო ენის შეტანით ჩვენს ლიტერატურაში. ამასვე უკაჟინებენ ილიას სხვა მოწინააღმდეგეებიც: ბარბარე ჯორჯაძისა, გ. ბარათაშვილი, რევ. ერისთავი და სხვანი. „ბრძანებს თ. ილია ქავეკავაძე, — ირონიით გადაჰკრავს ბარბარე ჯორჯაძისა ილიას, ჩვენ კი მშობელ მამასაც არ დაუთმობთ ჩვენი მშობელ-იური ენის მიწასთან გასწორებასო... თუ მშობელ მამასაც ზრ უთმენს ენის მორყენას, და თუ ენას სახავს საღმრთოდ, როგორ შემოურევს ამ უშვერს, მორყენილს და ბიკბუტების სიტყვებს: წირპლიანი, მორახენეები, ავანგალა-განგალა და სხვა. აი კიდევ ეს სიტყვები: ასე ნაირად კრიკინობენ თავად ერისთავის ლექსები, როგორც... მე მრცხენია ამ საძაგელის ლექსის გამეორება, ლიტერატორი და ამგვარი სიტყვების შემოტანა ჩვენს მშვენიერ ენაში, რომელზედაც იძახის, არავის დაუთმობთ შეურაცხებასაო“³

ესევე „უშვერი“ სიტყვები აშფოთებენ სხვა მოკამათებესაც. ყველა მოწინააღმდეგის მიერ სწორედ ერთი და იგივე სიტყვებია აღნიშნული. „მამების“ ფრონტი გარკვეულად მთლიანია. სარდიონ მესხიშვილი დინჯი, დარბაისელი, თითქოს დამშვიდებული და მოსიყვარულე კილოთი, რომლითაც ცდილობს დაჰფაროს თავისი ამღვრეული გუნება, ილია ქავეკავაძეს ასე მიჰმართავს: „ამით ცხადად ჰხედავთ, თავადო ქავეკავაძე, რომ თქვენის თხზულების მრავალს ნა-

¹) კურსივი ჩვენია

²) „ცისკარი“ 1861 წ. № 6.

³) „ცისკარი“ 1861 წ. № 5.

კლულებანებას თანაწარხედ მე და იწროდ შემოვსაზღვრე ჩემი კალა-
ში შესახებ ჩვენის სიტყვიერებისა, რომლისათვის დიდად თავგამო-
დებული ბრძანდებით და საშინლად იბრძვით ჩვენის საყვარლის
დედა ენისათვის, რომელსაცა თქვენდა უნებურად და შეუგნებლად
თქვენვე ზიზიკებრ ჰკოდავთ და ამახინჯებ და ზნეობრივად ჰრყვნით
და აუძღურებთ. როგორც მსწავლულმა კაცმა, ს.-პეტერბურლის
უნივერსიტეტის სტუდენტმა, რასაკვირველია, კარგად იცით, რო
სიტყვების ასამალღებლად საჭიროა დედა ენის ცოდნა. ცოდნისათ-
ვის ჩვენის ენისა უნდა ვიცოდეთ საზოგადო და განსხვავებითი იმისი
ნიშატი. საზოგადოთ იმის ნიშატს გვასწავლის ღრამატიკა, და გან-
სხვავებითთა თვისებათა ცნობისათვის საჭირონი არიან კანონნი აზრ-
თა განწყობილებისათვის სხვასა და სხვას წესიერებაში, რომელთა-
ცა გვასწავლის რიტორიკა. ამ ორთა საგანთაგან არცა ერთის ცოდ-
ნა სჩანს თქვენს თხზულებაში¹⁾.

მართალია, სარდიონ ალექსი-მესხიშვილი ქართული ენის მიღე-
ბული გრამატიკის ცოდნას იჩენს; მართალია, ქავეჭავაძეს ამ მხრივ
ზოგს შენიშენას სწორს და მართალს უკეთებს, მაგრამ ის ვერა
ჰგრძნობს, რომ ეს საკმარისი არ არის, რომ მიღებული რიტორიკა
და გრამატიკა ცხოვრებას ჩამორჩა; ის ვერა ჰგრძნობს, რომ ენაც გან-
ვითარების პროცესშია, ენის ფორმები იცვლება, ერთს რიგს
სცვლის მეორე. მესხიშვილი გაურჩევლად ყოველსავე ახალს მტრულად
უყურებს.

და არა მარტო ენის სხვადასხვაობა აკამათებს „მამათა“ და
„შვილთა“, არამედ ლიტერატურული მიმართულებაც, საერთოდ
ლიტერატურული გემოვნების სხვადასხვაობა. ძველი თაობა აღზრდი-
ლია ანტონ კათალიკოზის „თეორეთიკაზე“ და „კათელორიებზე“,
აღზრდილია ცრუკლასიციზმის დოგმებზე. ცრუკლასიციზმის მი-
ერ გამომუშავებული წერის სამი სტილი ჩვენს „მამებს“ ძალუმა-
და აქვთ შეთვისებული. უკეთესს შემთხვევაში ისინი სანტიმენტა-
ლიზმის გემოვნებით ტრახბახობენ და ზვიადი კილოთი ჩახრუხაძეს-
თან ერთად კარამზინ-კოზლოვს იცავენ. ილია ქავეჭავაძის და „თერგ-
დალეულების“ რეალიზმი მხატვრულ მწერლობაში მათთვის საშინე-
ლი რევოლუცია იყო.

აი რას უწერს რევაზ ერისთავი ილია ქავეჭავაძეს საპასუხო წე-
რილში—„პასუხი ქავეჭავაძის კრიტიკაზე“: „საბრალო კარამზინი, კახ-
ლოვი და ჩახრუხაძე,—დაცინვის კილოთი სწერს რევ. ერისთავი,—

¹⁾ „ცისკარი“ 1861 წ. № 6.

ხომ რალა საფლავიდან არიან ამოყრილნი. სხვა კიდევ ოპ, კარამზინის. კი ისე უპატიოდ ხსენება არ შეესაბამება. იმას იმისთანა უსაფუძვლო სიტყვებით ვერავინ მოულებს თავისის შრომით, ქკუით და განათლებით მოპოებულს და დამკვიდრებულს ღირსებას გამოჩენილს მწერლისას რუსეთში, იმისის ღვაწლის შერყევას უბრალოდ ნურავინ ეცდება“¹.

საინტერესო და საგულისხმიეროა, რომ ასეთს აზრს გამოსთქვამენ ილიას სხვა მოწინააღმდეგენიც (ბარბარე ჯორჯაძისა, გ. ბარათაშვილი). მაშასადამე, მწერლობა და აზროვნება ძველი თაობის ნო-იანი წლების დასაწყისში ისევე სანტიმენტალურ-რომანტიული გემოვნების და გაგების ატმოსფეროშია. ცრუკლასიციზმსაც-კი, როგორც დავინახეთ, ჯერ არ დაუკარგავს თავისი გავლენა. შეიძლება ამით აიხსნებოდეს, რომ ილიას მოწინააღმდეგეებს მისი ზოგიერთი ლექსი და მეტად მკაფიოდ გამოთქმული აზრი მცთარად ესმისთ. ამის სანიმუშოდ შეიძლება მოვიტანოთ ორი ადგილი:

გ. ბარათაშვილი ხსენებულ საპოლემიკო სტატიაში ილიას ლექსის „გაზაფხული“-ს შესახება სწერს: „პოეტი სულით ნატრობს საყვარელ მამულის აყვავებას, ნეტავი დაანახვა ეზლა,² საქართველო როგორ მწვანე ზურმუხტივით ბიბინებს“³ აქ დაცინვა კი არ არის!. ასეთი გაგება ხსენებული ლექსისა ხომ ჩვილ ბავშვსაც კი არ მოუვიდოდა!.

ან კიდევ: რევ. ერისთავს აი როგორ ესმის ილია ქვეყანადის განცხადება: „ჩვენ სულ მამაპაპურმა ტკბილმა ძილმა დაგვლუპაო.“— „იმაზედ კი, თუ ნებას მოგვცემს,—ურყევი ქეშმარიტების გამოძხატველი ტონით სწერს რევ. ერისთავი,—ვერ დავეთანხმებით... თუ ჩვენს ისტორიას ჩავათვალიერებთ, დავრწმუნდებით, რომ არც ერთს დროს უქმად არ ყოფილან ჩვენნი წინაპარნი, ძილის დროსაც კი მართლა მოსვენებით არ სძინებიათ, ჩვენი აზრით, არა თუ კიცხვის, დიდის დიდების და მადლობის ღირსნი არიან“⁴.

აშკარაა, „მამათა“ და „შვილთა“ შორის სრული გაუგებრობაა, მსოფლმხედველობათა სრული სხვადასხვაობაა. ისინი თითქოს სხვადასხვა ენაზე ლაპარაკობდნენ!

¹) გ. ბარათაშვილის ეს წერილი მაისშია დაწერილი.

²) „ცისკარი“ 1861 წ. № 5.

³) იქვე.

⁴) „ცისკარი“ 1861 წ. № 6.

ილია ქავჭავაძემ ყველა თავის მოწინააღმდეგეს პასუხი ერთად გასცა. პუნქტობრივ დაარღვია მათი დებულებანი. და ეს პასუხი მგოსანმა თავისებური გესლიანი დაცივნის კილოთი დააფერადა. არც ერთი მოწინააღმდეგე, განსაკუთრებით-კი ბარბარე ჯორჯაძისა, არ დაინდო. მათი უფიცობა, თანამედროვე ცხოვრებასა და მოთხოვნილებათა ჩამორჩენილობა გამოაშკარავა. „პასუხ“-ში ილია გზა-და-გზა თავის შეხედულებებს გამოსთქვამს და ამით აღრმავებს ბრძოლას. მაგალ. „სადაც აზრი არ არის,—ჩაურთავს ილია,—იქ ენა, რაც უნდა კარგი იყოს, სულ უქმია; მერე მე არსად არ ვამიგონია, რომ უაზრო ენა იყოს სადმე, აზრი და მხოლოდ ერთი აზრი აძლევს ენას ენის მნიშვნელობას“¹.

აქ ილია ქავჭავაძე პირმშო შვილია რუსეთის 60-იანი წლების საზოგადოებრივი აზროვნებისა, რომლისათვისაც მთავარი იყო აზრი; იმ 60-იანი წლებისა, რომელთაც უარჰყვეს პუშკინის „ესთეტიკაც“-კი პისარევის წერილებში. ან კიდე: „კაცის ენა, — სწერს ილია,—კერძო პირსავით იზრდება და ვითარდება; ამ ზრდაში იცვლება, როგორც ჩვენ კაცნი ზრდაში ვიცვლებით ხოლმე; იმიტომაც ახალი ენა ძველს ენას არა ჰგავს, როგორც ახალი კაცი არა ჰგავს ძველს კაცსა. მაშასადამე, თუ მიბრძანებთ, რომ რადგანაც ძველ წიგნებში ხმარებულა, იმიტომ ეხლაც უნდა ვიხმაროთ ეგ ასო,—ეგ უსაფუძვლო ბრძანება იქნება, როგორც უსაფუძვლო იქნება რჩევა, რომ ანბანის თეორეტიკა უნდა ისწავლოთ ხელოვნებისათვის“².

აქაც აშკარად გამოსკვივის 60-იანი წლების გატაცება პოზიტიური მეცნიერებით, კერძოდ ბუნების-მეტყველების დარგებით და სურვილი—ბუნების კანონები განავრცონ ჰუმანიურ საგნებზედაც. ენა, ილია ქავჭავაძის შეხედულებით, ისევე ემორჩილება ბუნების კანონს, როგორც სხვა მოვლენა ბუნებაში. მაშინ, როდესაც „მამათათვის“ „ბუნებით მომზადებულთა სიტყვათათვის აღრივე დადებულ არიან კანონნი, რომელნიცა არიან მართალნი და რომელთაცა გამოცვლა დიდი გმობა უნდა იყოს“².

ილია ქავჭავაძის მიერ ახალთაობის სახელით, მრავალ ცოცხალ აზრთა შორის, მკითხველის ყურადღებას იპყრობს შემდეგი: აზრიც: „პოეტსა ხალხი დაჰბადაეს და ხალხის ცხოვრება ძუძუს აწოვებს; ამ

¹) „ცისკარი“ 1861 წ. № 6.

²) იქვე.

³) ბარბარე ჯორჯაძისა—„ილია ქავჭავაძის კრიტიკაზედ“. „ცი სკარი“ 1861 წ. № 5.

საფუძვლით ამბობენ, პოეზია ხალხის ცხოვრების გამომთქმელიაო. ჯერ უნდა ხალხმა დაიმუშაოს თავისი სულიერი ბუნება, შეანძრიოს თავისი უყვადეების ძარღვი. მოამზადოს მასალა თავისი ცხოვრებითა და მერე თავის თავად, უთქვენბრძანებლოთ ძლიერი სული გენიისა ძლიერად გამოსცემს პასუხს ხალხის განვითარებისა. თუნდ რომ იყვნენ ეხლა ჩვენში ბაირონის თანასწორნი ნიკნი, ის ნიკნი ბაირონის ოდენას თავის დღეში ვერ იქმოდნენ; ის ნიკნი საზრდოს ვერ იპოვნიან ჩვენს ცხოვრებაში¹.

ეს აზრიც — ხალხის მასების — ცხოვრების და პოეტის-ჰენიოსის შორის ურთიერთობა — იმ დროის ჩვენი საზოგადოებისათვის ახალი და მძლავრი აზრია. ეს შეხედულებაც 60-იან წლებში გაბატონებული პოზიტიური მეცნიერების კულტის ზეგავლენითაა გამოწვეული, და აშკარაა, 60-იან წლების რეალისტური მსოფლმხედველობისაგან გამომდინარეობს. ილია ჭავჭავაძისათვის ეს შეხედულებაც დამახასიათებელია, როგორც 60-იანი წლების ღვიძლი შვილისა მთელი თავისი შეგნებით და მიმართულებით.

აგრეთვე საგულისხმიეროა ილია ჭავჭავაძის მიერ ამ წერილში გამოთქმული გარკვეული გამიჯვნა ძველ მწერალთა ჯგუფისაგან. „დასასრულს, — სწერს ჩვეულებრივი მძლავრი გესლიანობით ილია, — ჩვენი მწერალი ქალი ეპატიეება თავის მოძმეთა მწერალთა (?) და, სხვათა შორის, რევ. ერისთავსაც, რომ არ მოაკლონ თავიანთი ნიკის სხივები დამზრალს „ციცკარს“. მიბრძანდით, მიბრძანდით, ჩვენი მწერალი ქალის მოძმენო მწერალნო, და შეადგინეთ კვარტეტი კრილოვისა, თორემ ჩვენ მწერალ ქალს ეშინიან, რომ მარტოკა დარჩება რითმების მბეჭველთა რაზმში. მიბრძანდით, მიბრძანდით, ამ მწერალ ქალის, მოძმენო მწერალნო! თუ ნიკი არა გაქვთ წერისა, ნუ გეშინიანთ, უნიკოთაც გამოჩნდებით, როგორც გამოჩნდა თვით ჩვენი მწერალი ქალი; თუ ცოდნა არა გაქვთ, ნურც მაგისი გეშინიანთ, უცოდინრობითაც სახელს დაიგდებთ: ხომ ხედავთ, სწავლასაც დასციინიან, უნივერსიტეტსაც და შინიდან გამოუსვლელობით და უსწავლელობით მოჰკეცხენ! თუ ხელოვნება არ იცი, მაგის წამალიც ხელთა აქვს ჩვენს მწერალ ქალს, — ანბანთ თეორეტიკა“².

აშკარაა, ბრძოლა შეურიგებელი პოზიციებით ვითარდება!

ასეთმა თამამმა და კადნიერმა „პასუხმა“ ერთისამ ბრძოლის ველზე მთელი საზოგადოების წინააღმდეგ უფრო აადილვა „მამათა“

1) „ციცკარი“ 1861 წ. № 6.

2) იქვე.

ბანაკი. ილიას ამ წერილს მოჰყვა იმავე „ცისკრის“ № 6 ჩვენ მიერ უკვე აღნიშნული სტატია „უსტარი ანტიკრიტიკული“ სარდიონ ალექსი - მესხიშვილისა, შემდეგ ბარბარე ჯორჯაძისა „ცისკრის“ № 9, რომელშიაც მოწინააღმდეგის კადნიერებით გაბრაზებული კენიანა ძალათ თავ-შეკავებული, მაგრამ ნალველ-ჩანთხეული ზრდილობიანობით ცდილობს ახალგაზრდა, თამამ და კადნიერ პუბლიცისტს უვიცობის ბეჭედი დაასვას და აი რას უწერს: „ენას, ჩვენს მამა-პაპათ დარბაისლურ ენას, არც ამალღება ეპირვება, არც დამდაბლება. ჩვენი ენა დიდხანია სისრულეშია მოყვანილი. მხოლოდ გზა აბნევია ამ ენას თქვენებრ მწერალთა წყალობით“¹.

კენიანა ბარბარე ჯორჯაძისას უნდა ილია ქავჭავაძეს დასწამოს უყურადღებობა და წინდაუხედაობა, საქმის არგაცნობა და უსაფუძვლო დასკვნების გამოტანა და გადმოსროლა საზოგადოებაში. „როგორც ჩანს, — უკიყინებს ბარბარე ჯორჯაძისა ილიას, — თქვენ არა ჰკითხულობთ („ცისკარს“ — მ. ზ.) და სულ იმ განათლების გზას უნდებით ახალ-ახალის ჩრდილოეთის პოეზიის მოსატანათ. აბა სად მოიცილით!“² — ირონიით წააყვედრის პოეტესა.

კენიანა ბარბარე ჯორჯაძისამ, რომ ჩაუნისკარტოს და ვალი არ დარჩეს ამ გათაფხედებულ ვილაც „გაე-ბატონისა“, რომელსაც თავი სწავლით მოაქვს და, რომელმაც ბოროტად ისარგებლა მისი „თავმდაბლობით“ გამოწვეული განცხადებით—, „შინიდან გარედაც არ გამოვსულვარო“, აი რა იგავს ჩაურთავს ამ ბრაზ-მორიელ, პოეტესას შეძლების და გვარად, შხამით აღსავსე სტატიას: „საკვირველია, შკითხველო! — იძულებითი დაწყნარებული კილოთი, რომელშიაც მოიხმის ბოლმითა და ნალველით აღსავსე განცდა, სწერს ჩვენი პოეტესა, — რომ უნივერსიტეტით დიდათ თავს იწონებს და იქ გადასვლით და გადმოსვლით. ერთს მაგალითს მოვახსენებ, თუ არ იწყენს: საბუედან, ბატონებო, ერთს გლუხს-კაცს ერთი ქეციანი თხა გაეპარა. ეს ის დრო იყო, როდესაც ვრცელი ბუნების ბალი იმოსებოდა მწევანით და მთელი დალისტნის ხალხნი ემუქრებოდნენ საქართველოს, მაგრამ იმ თხამ მთელი დიდოს არემარე მიიარ-მოიარა და რამდენისამე ხნის შემდგომს ისევ ბატონს კარს მოადგა. მაგრამ აი უბედურება — ისევ ქეციანია! დარწმუნებულნი უნდა ვიყვნეთ, რომ იმ თხას იქ გადასვლა და გადმოსვლა არც გონიერებით მოსვლია და არც ძლიერებით. სირბილით სწავლა არ დამტკიცებულა და შინ

1) „ცისკარი“ 1861 წ. № 9.

2) იქვე.

ჯდომით უსწავლელობაო“¹—ასე ათავებს თავის წერილს მოთმინებიდან გამოყვანილი პოეტისა.

უდაოა, რომ კნეინა ბარბარე ჯორჯაძისა ნიკიერი წარმომადგენელი და გამომხატველი იყო ძველი თაობის მსოფლ-მხედველობისა და ერთი უძლიერესი მოწინააღმდეგე თერგდალეულებისა. ამით აიხსნება, რომ ბარბარე ჯორჯაძის წერილს გამოეხმაურა არა მარტო ამერეთი, არამედ იმერეთიც—ზემოური იმერელის გორისელის— ევთიმე წერეთელის სახით.

ევთიმე წერეთელი აი როგორ გადმოგვცემს იმ აღრევას და აღშფოთებას, რომელიც გამოწვეული იყო ილიას კადნიერი კრიტიკით. „ოთხის დღის წინად,—სწერს ევთიმე წერეთელი,—ქუთაისშიდ ერთი პატივცემული მოხუცის სახლში შევედი. იქ მისმა ნიკიერმა მეუღლემ და იმის უნიკიერესმა ძმისწულმა ყმაწვილმა ქალმა თქვეს, რომ განვლილის წლის „ცისკარში“ კაცს აღარ ჩაეხედებოდა და წელს ამისათვის აღარ ვაწერ ხელსაო. და სამწუხაროა ჩვენთვის, რომ ჩვენი სამშობლო ენა ლანის დაეცესო. ვილაც ქაეკავაძე აუტყდა და არა ცილდება იმ კახელს ჯორჯაძის კნეინასა, შეუსაბამო სიტყვებით იხსენიებს. რისთვის? სიმართლისათვის და მშვენიერი ლექსების წერისათვის? რომლითაც გაბედვით შემოძლიან ვსთქვა სასმენელს ატკობენ და გულს აღხენდნენ. თუ კი მას გააჩნია ვინმე ქალი უკეთესი მწერალი, ეს დიდად ძვირფასი იქნებოდა ჩვენის ენისათვის, რომ კიდევ სხვა ქალსაც გამოეჩინა თავისის თხზულებით ნიკიერება, როგორც ჯორჯაძისამ, თუ არა და რათ უკრძალავს და იხსენიებს ასე?“².

აშკარაა, ილია ქაეკავაძის მიმართ იმერეთიც ისეთსავე მტრულს და შეურიგებელ პოზიციას იკერს, როგორსაც ქართლ-კახეთი. ქუთაისი, როგორც ტფილისი, ძველ შემოქმედებაში ჰგრძნობს და ხედავს „სიმართლეს და მშვენიერებას“. მაშასადამე, იმერეთიც გამოდის ძველი ენისა და შემქმედების დამცველად. ამ დაცვაში გამკვირვალედ მოჩანს სურვილი ძველი ტრადიციების და მთლიანად ძველი მსოფლმხედველობის შენახვისა. ზემოური იმერელი გორისელი—ევთიმე წერეთლის აღნიშნული წერილი მით არის საყურადღებო, რომ იმერეთის და ამერეთის „მამათა“ ბანაკში სრული ერთსულოვნობაა. მთლიანი საწინააღმდეგო მოქმედების ფრონტის

1) „ცისკარი“ 1861 წ. № 9.

2) „ცისკარი“ 1862 წ. № 2.

გაერთიანების აუცილებლობა თითქოს სტიქიურად, თავისთავად ჩნდება და მყარდება.

ექვთიმე წერეთელი, როგორც ეტყობა, არანაკლებ აულელეები იმ ცნობასაც, რომ ახალი აზრების მოციქული ილია ჭავჭავაძე მომაგალი 1863 წლიდან ცალკე ჟურნალის დაარსებასაც აპირებს. ევთიმე წერეთელი ალბად ჰგონობს ამაში დიდს საფრთხეს და მასთან ერთად „მამათა“ უძლურებასაც ბრძოლისათვის და, მოწინააღმდეგე როგორმე რომ შეასუსტოს, ასეთი ირონიით ათავებს თავის წერილს: „შევიტყუეთ ქორად ქუთაისშიდ, რომ ვითომც ახლა უფ. ჭავჭავაძე აპირებს მგორეს ჟურნალის გამოცემას. უეჭველია, ის ჟურნალაც ისე ახალის ენისა იქნება, ოა ენისათვისაც გამობრძანდა მწერლობის ასპარეზზედ შარშან და იმედი ჰქონდეს, რომ ბევრს ხელის მომწერს ჰპოვებს. იმ ენით ლაპარაკს ჩვენი საზოგადოება დიდათ შორავს... ყოველს მამულიშვილს უნდა მიაჩნდეს დიდათ სამწუხაროდ და თვითონ მე... მეხივით მეცემა და სისხლს მირევს“¹.

3.

ზემოური იმერელის გორისელის—ევთიმე წერეთელის ამ წერილმა საბრძოლველ ასპარეზზე ილია ჭავჭავაძის მომხრენიც გამოიწვია. ილიას მომხრენი სხვა თერგდალეულნი ჯერ კიდევ პეტერბურგში (ლენინგრადში) სცხოვრობდნენ, ჩვენი ცხოვრების ბრძოლის ატმოსფეროში უშუალოდ არ იყვნენ ჩაბმულნი. ისინი ამ დროს რუსეთის ახალ თაობასთან ერთად რუსეთის აქოთებულ ცხოვრების ზღვას ებრძოდნენ. რუსეთში ამ დროს უაღრესად გაცხოველებული ოპოზიციონური მოძრაობა სწარმოებდა, იმართებოდა გრანდიოზული დემონსტრაციები სტუდენტების მიერ. ჩვენი ახალგაზრდობაც ფეხდა-ფეხ მისდევდა რუს ინტელიგენციას. ბევრი მათგანი დასჯილ იქმნა რუს ინტელიგენციასთან ერთად²:

1862 წლისათვის, ალბად, როდესაც სტუდენტების მოძრაობის ქარტეხილი რუსეთში ცოტაოდენ შენელდა, როდესაც „ცისკარის“ თებერვლის ნომერმა „ზემოური იმერელი გორისელი“-ს (ევთიმე წერეთელის) წერილიც მიუტანა, თერგდალეულნი, ს. პეტერბურგში მცხოვრებნი, სამშობლოსაკენ მოახედა. ერთსა და იმავე დღეს 1862 წლის 30 მარტს ქალ. ს. პეტერბურგიდან „ცისკარს“ ოთხი წერილი

¹) „ცისკარი“ 1862 წ. № 2.

²) ნიკო ნიკოლაძე—„მოგონებანი სამოციან წლებზედ“—„კავკასიონი“—1924 წ. № 3—4; „ახალი კავკასიონი“ 1925 წ. № 1—2.

მოსდის. სამი მოწერილია „თერგდალეულის“ ფსევდონომით, ხოლო მეოთხე ლექსად „პოემიდგან“ „რუსეთუმე“ — „თარისეველი“ — აკაკი წერეთელისა. ეს წერილები იმავე „ცისკარის“ ფურცლებზე ზედიზედ მე-3, 4 და 5 №-შია მოთავსებული. გაჩაღდა დარაზმული ბრძოლა.

ეს წერილები თერგდალეულთა არა მარტო ევთიმე წერეთელის საპასუხოდ არის დაწერილი. არამედ გაკამათებაა მთელი ძველი თაობის და მის მიმართულების წინააღმდეგ. მასთან ერთად ამავე წერილებში თერგდალეულნი გარკვეულად პერსონალურადაც კავჭავაძის და მისი მიმართულების და პოზიციის დამცველებადაც გამოდიან.

„ილია კავჭავაძემ, — სწერს „თერგდალეული“ (შეიძლება ამათ ეუწოდოთ პირველი) სტატიაში — „წიგნი მოწერილი რედაქტოთან ევთიმე წერეთლისა“, — რომ „შეშლილის კრიტიკა დასწერა, მაშინ ხომ უფ. ერისთავი უნდა გაემართლებიათ, ე. ი. უფ. კავჭავაძის კრიტიკა გაეჩხრიკათ? მაგრამ კრიტიკოსებმა უფ. კავჭავაძის ლექსებს სტაცეს ხელი და არა მის კრიტიკას — გაღმა შევეცდებით, გამოვლმა დაგვრჩებოა... რაღაც გაქვზებული ყოფილა ილია კავჭავაძეზედა¹.“ და ბოლოს, „თერგდალეული“ გარკვეულის მოთხოვნისგან აცხადებს ახალი თაობის გამიჯვნას ძველი თაობისაგან. „ჩვენ ვფიქრობთ, — სწერს თერგდალეული (პირველი), — რომ ახალს მოდგმას უფრო ნება აქვს, რომ მოითხოვოს, რა უფრო არის მისთვის საჭირო (ე. ი. ახალი მოდგმისათვის, ვინმე „საუკუნის მეორე ნახევრის ასაკსა მყოფი“ (უფ. ევთიმე წერეთელის სიტყვებია — მ. ზ.). ჩვენ არ გვინდა არც წამლიანი, არც უწამლო დამძაღბელი რიტორიკა უფ. მესხიევისა, (გიმნაზიაშიც თავი მოგვაძულა) და არც სიტყვების აწყობა ალ. სულხანოვისა².“

ასევე აშკარა და მკაფიო გამოსარჩლებას ვხედავთ ილიასა და „ახალი მოდგმის“ სასარგებლოდ „მეორე თერგდალეულის“ წერილში — „რამდენიმე სიტყვა ზემოური იმერლის გორისელის სიტყვებზედ“ მეორე თერგდალეული თავის საპოლემიკო სტატიას ეპიგრაფად უმძღვარებს პუშკინის ლექსიდან ამოღებულს მეტად საინტერესო ციტატას:

„Поэт, не дорожи любовью народной,

Восторженных похвал пройдет минутный шум“...

ასეთი ამაყი, თავისი ძალისა და ღირსების შემგნები გრძნობა მაჩვენებელია ახალი თაობის ძალუმი დუდილისა და ძლიერი გატა-

¹) „ცისკარი“ 1862 წ. № 3.

²) იქვე.

ცებისა. ამასთან ერთად ამ ეპიგრაფში იხატება გარკვეული დამოკიდებულება¹ თერგდალეულებისა ილია ჭავჭავაძისადმი: ამაყად გადმოცქერა იმ თაობაზე, რომელიც ასე აყაყანდა, აშფოთდა გაბედული სტუდენტის წინააღმდეგ და მოინდომა თუ ღირსებითი არა, რიცხვით მაინც დაეძლია ის. „ძალიან მიკვირს,—სწერს მეორე თერგდალეული, — უფ. გორისელი რომ ჭავჭავაძის ნიჭსა და სწავლას დასცინის. იმდენი ანდაზები სცოდნია, როგორც სჩანს მის სტატიიდან, და, უეჭველია, რომ ესეც ეცოდინება: „ისეთმა ფურმა დამწიხლოს, რომ საწველელს ავსებდესო“... დასამტკიცებლად იმისა,—ღვარძლიანად შენიშნავს მეორე თერგდალეული,—რომ ჭავჭავაძე უნივერსიტეტში გაზრდილია, გადაშალოს უფ. გორისელმა ის სტატიები, რომელიც იმან სამი დღე ღიჯნა და გაქირებით ამოლიჯნა“².

გორისელი ეფთიმე წერეთელის იმ დაცინვაზე, რომ ჭავჭავაძის ჟურნალი ვერ იზოგინებს, ვერ იშოვის ხელისმომწერთ, რადგანაც ჭავჭავაძის ენას „საზოგადოება დიდათ შორავს“, მეორე თერგდალეული, გამარჯვებაში დარწმუნებული, სიამაყის გამომხატველი ტონით უპასუხებს: „დარწმუნდით, უფ. კრიტიკოსო, რომ ჭავჭავაძის ჟურნალი მოკლე დროში ძალიან კარგ წარმატებაში წავა. თქვენ ფიქრობთ,—განაგრძობს მეორე თერგდალეული,—ვითომც ორი ჟურნალი რომ იქნეს, ხელის მომწერი „ცისკარს“ მოაკლდებაო. მე ამაზე ვერ გეთანხმებით მისთვის, რომ, რაც უფრო მეტი ჟურნალი იქნება, ის უფრო სასარგებლოა ჩვენთვის, მისთვის რომ ხალხში სურვილს შეიყვანს კითხვისას და როცა კითხვა და სწავლა გაერცვლდება ჩვენ სამშობლოში, მაშინ ძალიან ჟურნალის მოთხოვნილება იქნება“³.

მაშასადამე, თერგდალეულებს „მამებთან“ არა მარტო უბრალო ბრძოლა აინტერესებთ, არამედ გარკვეული კულტურული აღორძინების მისწრაფებანი აქვთ და ჟურნალიც ამ აღორძინების იარაღად უნდათ გამოიყენონ.

¹) ეს „თერგდალეული“, ჩვენის აზრით, გიორგი წერეთელი, ეფთიმე წერეთელის შვილი უნდა იყოს. ამას ამჟღავნებს ავტორის ვინაობის და სახელის მაგიერ სტატიის ბოლოს მიწერილი ლექსი:

„ჩვენ აქა ვართ სამნი ძმანი.

სამნივე თერგდალეულნი,

მე გახლავარ გორისელი,

ერთი ამ სამ ძმათაგანი.“ („ცისკარი“, 1861 წ. № 3).

²) „ცისკარი“ 1862 წ. № 3.

³) იქვე.

მეორე თერგდალეულის წერილს „ცისკრის“ მეოთხე ნომერში მესამე თერგდალეულის წერილიც მოჰყვა „ახირებული ფურცლის“ სახელწოდებით. ეს თერგდალეულიც ილია ჭავჭავაძეს და მის პოზიციას იცავს. ეკამათება „მოამბეს“, ჟურნალი „ცისკრის“ ფიზიონომიის გამოურკვეველობას აკრიტიკებს და ირონიით შენიშნავს: „როგორც მოგეხსენებათ, ეს ჩვენი ყმაწვილი „ჟურნალი“ შეექვსე წელიწადში ჩადგა, მაგრამ დღემდის არ ვიცოდით, სადაურბო ყმაწვილი იყო: რუსის თუ ქართველის. ღმერთთან სწორი სჯობს, ზოგიერთი თვისება ქართველი ყმაწვილისა ჰქონდა. ყოველ თვეში თითო კაბას იცვლიდა, ხან წითელს იცვავდა, ხან ყვითელს და ლურჯს“¹. „ახირებული ფურცლის“ ავტორი თერგდალეული, გააკრიტიკებს რა ძველი თაობის შეხედულებას და მიმართულებას, წერილს უმატებს მშვენიერ მესტიერულ ლექსს, რომელიც საკმარისად ცოცხლად ახასიათებს ჩვენი 60-იანი წლების, ძველისა და ახლის გამიჯვნის და ბრძოლის დროს:

„ზემოური იმერელი
კახელს შემოწყრაო,
ჰეე-ჰოო, ჰეე—ჰოო!
სამს დღეს უღეკა სტატიო
და ძლიეს გაძობრაო,
ცილს არ ვწამებთ, ბატონებო,
თვითონ მოგვითხრაო.
ჰეე-ჰოო, ჰეე-ჰოო!
მერე დაჯდა და რედაქტორს
წიგნი მისწერაო:
ჰეე-ჰოო, ჰეე-ჰოო!
თქვენი ცისკრის გამოწერა,
თუმც მომინატრაო,
ჰეე-ჰოო, ჰეე-ჰოო!
მაგრამ კახელის სტატიამ
გულს ისარი მკრაო.
ჰეე-ჰოო, ჰეე-ჰოო!
მაგ თერგისწყალდალეულმა
ეგ რა შეგვკადრაო!
ჰეე-ჰოო, ჰეე-ჰოო!
ანტონსა და ჩახრუხაძეს
რას ჩაემტერაო?
ჰეე-ჰოო, ჰეე-ჰოო!

ჟურნალი უნდა გამოსცეს,
სულ ქართლი შესძრაო.
ჰეე-ჰოო. ჰეე-ჰოო!
ჩემ მაგიერად ურჩიე,
თუ დაიჯერაო,
ჰეე-ჰოო, ჰეე-ჰოო!
ბევრი უნდა, რომ ეყლოს
ხელმომწერი ცხრაო,
ჰეე-ჰოო, ჰეე-ჰოო!
სხვებიც ბევრი რამ მინდოდა,
რომ მომეწერაო
ჰეე-ჰოო, ჰეე-ჰოო!
მაგრამ თერგელის სტატიამ
ჭირათ მომასწრაო,
ჰეე-ჰოო, ჰეე-ჰოო!
რაც აზრები მოვაგვარე
ჯავრით გამოსქრაო,
ჰეე-ჰოო, ჰეე-ჰოო!
ეს ჩემი ბატის კალამიც
ნოემ გამოსქრაო.
ეს მისწერა და მართლისთვის
აწ ჩვენც ვუთხრაო ბრავო—
ჰეე-ჰოო, ჰეე-ჰოო!¹.

1) „ცისკარი“ 1862 წ. № 4.

თერგდალეულთა ბრძოლის და პოზიციის ხასიათს ააშკარავენს იმავე წლის იმავე დღეს, იმავე ს.-პეტერბურგიდან გამოგზავნილი თერგდალეულის—აკაკი წერეთლის მიერ ლექსი—სატირა „პოემიდან (რუსეთუმე)—ფარისეველი“. აკაკი წერეთელი საკმარისი კანდიერებით და სარკაზმით ამ ორი თაობის, „მამათა“ და „ვილთა“ შეხედულებათა, თვისებათა და განსხვავებას უფრო აღრმავებს „მამათა“ დახასიათებას აკაკი მეტად მუქ ფერადებში გვაძლევს:

„შეხედეთ ფარისეველსა,
ლოცვითა ღამის მთეველსა,
ცხადათ ბოროტის დამგმობსა.
ჩუმათ კი ცოდვის მღვეელსა.
წამისწამ ახსენებს უფალს,
ამ თვალთ-მაქცობით გიხვევთ თვალს,
მე უღმთო კაცსა მეძახის
და მიზებს ადებს თერგის წყალს.

შეგტირისთ ჯვართა და ღვთით.
თქვენც გაჯერებთ, ცუდ კაცად მხდით!
მაგრამ ჩვენშიდ სხვა რამ არის—
მიზებს გეტყვით, თუ ვერ მიხვდით:

.....
ესცანი გაიძვერა მე,
მისთვის მიწყრება თურმე.
ულთობას მიტომ მწამებს
და მეძახის „რუსეთუმე“¹⁾.

„თერგდალეულების“ ასეთმა გუნდობრივმა და გაბედულმა გამოსვლამ გამოიწვია „მამათა“ ბანაკიდან სხვების წერილებიც. ქუთაისიც არ ჩამორჩა. გორისელ ეფთიმე წერეთელს მიემართა თომა მაქავარიანის—„პასუხი მეორე თერგდალეულის პასუხისა“²⁾. ბრძოლა თანდათან მწვავედებოდა, თანდათან უფრო შეურიგებელ ხასიათს იღებდა. ნამეტნავად ილია ქავეკავაძე ძველი თაობის თვალში შეიქმნა l'enfant terrible. „მამათა“ და „ვილთა“ შორის საპოლემიკო სტატიები აშკარად გვიხატავს მაშინდელ საზოგადოებრივ ცხოვრების ატმოსფეროს და მათი ერთად მუშაობის შეუძლებლობას. აკი ილია ქავეკავაძის საპასუხო წერილს სარდიონ მესხიშვილისადმი დაბეჭვდა ვერ ეღირსა. 1861 წლის „ცისკრის“ 10-№-ში რედაქციისაგან შემ-

¹⁾ „ცისკარი“ 1862 წ. № 5.

²⁾ „ცისკარი“ 1862 წ. № 8.

დევს განცხადებასა ვკითხულობთ: „თავად ილია ჭავჭავაძისაგან მივიღეთ სტატია“ „უფ. მესხივეის ანტიკრიტიკულ უსტარის პასუხად“, რომელისაც დაბეჭვდა ვერ მოვახერხეთ ამ ნომერში. შემდეგ წიგნში უქველად დაიბეჭვდა.“— მაგრამ შემდეგში კი არა, სრულებით ვერ დაიბეჭვდა. ილიასათვის „ცისკარის“ კარი დაიკეტა. ახალი თაობისათვის აუცილებელ მოთხოვნილებად გადაიქცა, ახალი, თავისი საკუთარი ორგანოს დაარსება. ამ ორგანოს გარკვეულ იდეურ კალაპოტში უნდა ჩაეყენებინა საზოგადოებრივი აზროვნება, როგორც „მამების“, ისე „შვილებისაც“.

1882 წლის „ცისკარის“ 9-№-ში ერთ-ერთი თერგდალეული პავლოვსკიდან გამოგზავნილ წერილში; „ორიოდე სიტყვა“ „ცისკარზედ“ და ახალის ჟურნალის სარგებლობაზედ“—სრულიად სამართლიანად სწერს: „ცისკარს“ არა ჰქონია ერთი მიმართულება. და არც კარგი ყოფილა ყოველი მისგან გავრცელებული აზრები, ცოტას მეტი, რომელიც თითქმის არ სჩანდა სხვა სიცრუესთან. მასში იბეჭვდებოდა ერთი-მეორის მოპირდაპირე სტატიები... ზოგს ჰქონდა სახეში ერთობა, ზოგს ერთმანეთის მტერობა: ერთი დეენიდა გამდელების და ძიძების ნალაპარაკევს, სისულელეს, მეორე ამტკიცებდა... რედაქცია უნდა გამტყუნდეს... ქეშმარიტებამ არ უნდა დაუთმოს ადგილი არც საზოგადო აზრს, რამდენადაც შესაძლოა, და არც თვითეულის ჩვენთაგანის ინტერესს... თორემ ახლა სრულიად არ ვიცით, რედაქცია მეოთხე საუკუნეში განისვენებს, თუ მეცხრამეტეში მოქმედობს?“¹

ახალი თაობა ვერ ეგუებოდა ასეთს გაურკვევლობას, თუ გნებავთ. უპრინციპობას. ის ახალი იდეებით და მისწრაფებით აღჭურვილი ცდილობს გარკვეული სახე და მიმართულება მიიღოს. ამისათვის საჭიროდ და მოთხოვნილებად მიაჩნდა ქართულ ენაზედ ორი ჟურნალი ყოფილიყო. „მეორე ჟურნალის ყოფნა, —სწერს ეს თერგდალეული პავლოვსკიდან, — გაანთავისულებდა „ცისკარს“ მოპირდაპირე სტატიებისაგან, რომელთა ვნება აგრე ადვილად საგრძნობია... ცხადად ჩანს, რომ ამ მეორე ჟურნალის, „საქართველოს მოამბის“, ფეხზედ დაყენებას უნდა ვცდილობდეთ, მაგრამ ჩვენ არა თუ ვცდილობთ მეორე ჟურნალის კეთილდღეობას, ვგონებ, საფლავშიაც

1) „ცისკარი“ 1862 წ. № 9-ეს თერგდალეული შესაძლებლია ნიკო ნიკოლაძე იყოს. ამ თერგდალეულის წერილის ენა და საერთოდ წერილის მანერა ნიკო ნიკოლაძის ენას და წერის მანერას მოგვაგონებს.

ჩავდოთ დაბადებისთანავე, თუ ჩვენებურობა ვიხმარეთ. ჩვენებურობა რა არის? მკითხავს ვინმე. ჩვენებურობა ის არის, რომ ერთმანეთს თავს ვატეხთ, ათავსნაირად დავეყოფილვართ, ჯგუფ-ჯგუფად ვართ აქა-იქ გამდგარი, თითქოს ერთმანეთის დაუძინებელი მტრები. ერთს მხარეს გამდგარა ნამა, მეორეს შვილი, აქით—ეს, იქით—ის. თუ ჩვენი საკუთარი არ დაჩუმდება საზოგადო ინტერესის წინ, მაშინ ჩვენს გზასა და კვალსა ვერაფერს გაიგებს“¹.

ეს სტატიაც მკვეთრად გვაგრძნობინებს ჩვენი 60-იანი წლების საზოგადოებრივ ცხოვრებას, „მამათა“ და „შვილთა“ გაყრას, მათს დაუძინებელ მტრობას და შეურიგებლობას. ახალი თაობის მისწრაფება და სულიერი განწყობილება აშკარაა: მას საზოგადო ცხოვრების, სადაც პირადი ინტერესი უნდა დაჩუმდეს საზოგადოს წინაშე, — განმტკიცება უნდა. ახალი ორგანოს არსებობაც ამ მიზნისათვის აქვს გათვალისწინებული.

1) „ცისკარი“ 1862 წ. № 9.

III

თერგდალეულები „საქართველოს მოამბეში“.

ამ რიგად, ილია ქავჭავაძე უკვე 1862 წელს ბრძოლის ველზე მარტო აღარ არის. მთელი გუნდი თერგდალეულებისა გარკვეულად იბრძვის მასთან ერთად და საერთო აღებული გეზით, ერთი მიმართულებით შემოკრებილნი, ახალი გზის გასაკაფად ირაზმებიან. 1862 წლის „ცისკარის“ 10—№-ში მოთავსებულია თერგდალეულთა განცხადება ახალი ჟურნალის — „საქართველოს მოამბის“ შესახებ.

გამოცხადებული პროგრამა ახალი ჟურნალისა ყურადღებას იქცევს თავისი შინაარსით და საერთო მიმართულებით. „მომავალი 1863 წ. იანვრის თვითგან, — ვკითხულობთ განცხადებაში, — გამოიცემა ტფილისში ახალი ქართული ჟურნალი „საქართველოს მოამბე“. გამოცხადებულია, რომ ჟურნალი შესდგება რამდენიმე ნაწილისაგან: 1) წმინდა სალიტერატურო, 2) ისტორიული, 3) საპოლიტიკო და სოფლური ეკონომია (ეს საგნები, — განმარტებულია განცხადებაში, — იმდენად, რამდენადც დრო და საჭიროება მოითხოვს). 4) კრიტიკა და ზიბლოგრაფია, 5) სხვადასხვა ამბავი და ნ) დამატება. „ამ პროგრამას, — აცხადებს მომავალი ჟურნალის რედაქტორი ილია ქავჭავაძე, — ამჟამად აღარაფერს არ ვუმატებთ; რაც შეეხება ჟურნალის ხასიათს და მიმართულებასა, ამაზედ არაფერს ვიტყვი. ჩვენ ვარჩიეთ, რომ თვითონ ჟურნალმა გამოიჩინოს თავისი თავი, თითონ საქმეში გამოსთქვას თავისი ხასიათი და არჩეული გზა. ეს ემჯობინება ყოველ წინასიტყვაობას. ჩვენ გვსურს ვემსახუროთ საზოგადოებას, ვარგოთ და გამოვადგეთ. ამისათვის ვიკისრეთ ჟურნალის გამოცემა. სურვილი ჩვენი გულწრფელია და ქეშმარიტი¹... ჩვენის მხრით, რასაც-კი შეეძლებთ, არას დაფხოვავთ, დანარჩენი თვით საზოგადოებაზე ჰკიდია“².

„საქართველოს მოამბის“ დაარსებით მოხდა გადაჭრილი განცალკავება და გამიჯვნა ძველისა და ახალი თაობისა. ახალი თაო-

¹) კურსივი ჩვენია.

²) „ცისკარი“ 1862 წ. № 10.

პის, ე. წ. თერგდალეულთა მრწამსი და მიმართულება, გატაცებით, ცხოვრების და მოქმედების ძლიერი მოწყურებით სავსე, წინმსწავლობით აღტყინებული, სავსებით და მთლიანად გამოიხატა „საქართველოს მოამბეში“, რომელმაც ერთ წელიწადზე მეტს ვერ იბოჯინა. თერგდალეულთა მსოფლმხედველობის და სულიერი განწყობილების გასაგებად მეტად საინტერესოა „საქართველოს მოამბეს“ 1 №-ში მოთავსებული დეკლარაცია „საქართველოს მოამბეზედ“. ეს დეკლარაცია ილია ჭავჭავაძეს ეკუთვნის, როგორც ჟურნალის რედაქტორს და მის მთავარ მამოძრავებელ ძარღვს.

თერგდალეულნი ჰხედავდნენ, რომ ცხოვრება ერთს გაყინულ წერტილზე არა დგას. ის მიდის წინ, იცვლება და თუ ადამიანს, საზოგადოებას სიცოცხლე უნდა, უნდა კიდევ ცხოვრების ასეთს ურყევ მიმდინარეობას მისდიოს. „ყოველი კაცი, — ვკითხულობთ აღნიშნულ წერილში, — რომელსაც კი თვალეზე წამოფარებული არა აქვს რა, ხედავს, რომ ცხოვრება რაც გუშინ იყო, ის დღეს აღარ არის, რომ იგი იცვლება, მიდის წინ, და მოაქვს განახლება. ყოველიფერი იცვლება მის ძლიერ გავლენისაგან. რაც გუშინ კაცს ჰგონებია და ურღვეველ ჭეშმარიტებად, რისთვისაც უცია პატივი, როგორც მიუცილებელ საპირობებისათვის, ხშირად მოხდება ხოლმე, რომ ის დღეს გაუთლელ შეცთომად მიგვაჩნია, ასე რომ კიდევ გვიკვირს, აღრინდელს კაცს როგორ სწამდა ამისთანა ცხადი სისულელე და ურღვეველ ჭეშმარიტებად“¹. თერგდალეულნი თავის ასეთ შეხედულებათა გამოთქმით, რასაკვირველია, ეკამათებიან ძველ თაობას და ცდილობენ დაარღვიონ ძველი მსოფლ-მხედველობა.

თერგდალეულნი ცდილობენ არსებული ცხოვრების ცვლის აუცილებლობა დაამტკიცონ და ახსნან გარკვეული მეცნიერული საბუთიანობით. მათ სწამთ, რომ ცხოვრება ახლდება, იცვლება, ჯანმრთელდება „ცოდნისა და მეცნიერების შემწეობით, რომელნიც თვითონვე ცხოვრების ნაყოფი არიან“².

თერგდალეულთა ასეთს შეხედულებაში ვხედავთ იმ დიდს გავლენას და გატაცებას პოზიტიური მეცნიერებით, რომელიც განმტკიცდა ბუნების-მეტყველების დარგების განვითარებით და რომელიც დამახასიათებელი იყო 40-60 წლებში ევროპაში და აქედან მოგვიანებით — რუსეთში³.

¹) „საქართველოს მოამბე“ 1863 წ. № 1, გვ. 111.

²) იქვე.

³) ჩვენს თერგდალეულებს ეს გავლენა უშუალოდ რუსეთიდან მოაქვთ. ჩერნიშევსკი, დობროლუბოვი, პისარევი და მრავალი სხვა ჩვენი ახალგაზრდა ინტე-

ჩვენი თერგდალეულნი, რომ დაამტკიცონ ცხოვრების ცვლის და მისი განვითარების აუცილებლობა, იშველიებენ მეცნიერებას: „ცხოვრება, — ეკითხულობთ საპროგრამო წერილში, — როგორც ყოველი მოზარდი, იზრდება, ჰყვავის, მოაქვს ნაყოფი და მერე ქცნება იმისათვის კი არა, რომ მოკვდეს და საუკუნოდ დაიძარხოს, არამედ იმისათვის, რომ თავისაგან მოყვანილის ნაყოფისავე თესლზედ ამოიყვანოს სხვა ახალი ედლი ცხოვრება¹, რომელიც ისე უნდა წავიდეს ცხოვრების გზაზედა, როგორც პირველი, თუ უკვდავება უნდა“². ამით თერგდალეულები მტკიცედ და გამარჯვების ღრმა რწმენით ეუბნებიან „მამებს“ — „ჩამოდქით, გზა მოგვეცი“³ -ო.

თერგდალეულთათვის განახლების, წინსვლის სურვილი და საპროგრამო მეტად აშკარა და მწვავეა. ისინი კარგადაა გრძნობენ, რომ აზრისა და მისწრაფებათა უქონლობა ადუნებს და აკნინებს ჩვენს ცხოვრებას, გამოურყვეველი ძილის ბურანში ახვევს მას. ამიტომ სასაქიროა ცხოველი აზრის და მისწრაფების ქონა, რათა ცხოვრება ერთ წერტილზე არ გაიყინოს და არ ჩამორჩეს ეამთა მსვლელობას. „ყველაფრის სიკვდილი შეიძლება, — ეკითხულობრ იმავე საპროგრამო წერილში, — აზრისა კი თავის დღეში არა. მისი აღმოშობის დრო შეიძლება შეაყენონ, მაგრამ სრულიად განადგურება კი ძნელად. ამ

ლოგენციისათვის თითქოს ისეთივე სათაყვანებელი იყვენ, როგორც რუსებისათვის. განსაკუთრებით ჩერნიშევსკი უშუალოდ ნაცნობი იყო ილია ჭავჭავაძის, ნიკო ნიკოლაძის და სხვათა (იხ. ნ. ნიკოლაძის „მოგონებანი სამოციან წლებზე“). დობროლიუბოვის კრიტიკული სტატიების გავლენაც, როგორც ნიკო ლომოურმა ჩანაცხადა აკაკი წერეთლის სამოქალაქო პანაშვიდზე 1915 წელს წაკითხულ „მოგონებაში“⁴. დიდი იყო. აქ, ტფილისის სასულიერო სემინარიაშიაც, მოწაფეებს ჩუმად, მალვით რადგანაც მათი კიოხვა სასტიკად იყო აკრძალული, შექონდათ ბურსაში და ჯგუფობრივ კითხულობდნენ დიდის გატაცებით, რელიგიური სასოებით და ასე ხარბად დაწაფებულნი მის იდეებზე იზრდებოდნენ. პისარეუსაც ჰყავდა თავისი მიმდევარნი ჩვენს თერგდალეულებში. ანტონ ფურცელაძე თავისი „ნილილიზმით“ ხშირად ბრმად განმეორებელია პისარევის იდეები ა.

ამიტომაც, რომ ჩვენი ნი-ნი წლების (შემდეგშიც-კი) ახალი თაობა რუსეთის ინტელიგენციის მიერ ნასესხებს და გადამუშავებულ იდეოლოგიას სესხულობს და ცდილობს კვალდაკვალ მისდიოს მას. ერთი გარემოება კი უნდა აღინიშნოს: ჩვენი თერგდალეულნი რუსეთის საზოგადო აზროვნების უფრო პრაქტიკული მხარით არიან დაინტერესებულნი. თერგდალეულნი ცდილობენ გადმოიწერონ ჩვენში რუსეთიდან ის, რაც ჩვენი ყოველდღიური ცხოვრებისათვის აუცილებელი და გამოსადეგი იქნებოდა.

¹) კურ. ივი ჩვენია.

²) „საქართველოს მოამბე“ 1863 წ. № 1, გვ. 112.

აზრის უკვდავებაში არის მთელი იმედი კაცობრიობის უკვდავებისა, იმიტომ რომ გრეხილი აზრისა გაუწყვეტელია: ერთს ზედ მოსდევს მეორე, უფრო ახალი, ჯანმრთელი და ღონიერი. ამასთანაც დაუქცეველი, მარად-მყოფი სალაროცა აქვს: მეცნიერება და ხელოვნება (наука и искусство), სადაც ისინი ინახებიან. მაგ. ცხოველს იმედს, რომელიც განგებას მოუფლენებია კაცობრიობისათვის, რომ ზედ დაერთოს ადამიანის გაუთავებელი ნდომა უკეთესობისა,—შედგება ის ძალა, ის იღუმალი ხმა, რომელიც ყოველთვის ეძახის ადამიანს: წინ წადეგ, წინ წადეგ! ნეტავი იმ ხალხს, რომელსაც არ დაუკარგავს ეგ იმედი განახლებისა და არ გაქრობია უკეთესობის ნდომა!...“

მაშასადამე, აზრის მოქმედების აუცილებლობა და საკიროება ცხოვრებისათვის, მეცნიერულად მისი დასაბუთება იმ მიზნით, რომ აზრის საკიროება გააგებინოს ჩვენს ცხოვრებას და მისი შუქი შეიტანოს ჩვენს წყვედიადით მოცული ცხოვრებაში—ესეც ნაცნობი შტრიხია რუსეფის 60-ანი წლებისათვის.

თერგდალეულნი ცდილობენ ცხოვრებაში თავიანთი შეხედულების გასატანად გამონახონ, გარდა სკოლისა, ისეთი საშუალება, რომელიც შესძლებს კაცის კეჟის ძვირფასი მარგალიტები გამოფინოს საქვეყნოდ, საყოველთაო მოსახმარებლად, რომ „მრავალთათვის მისაწდომი გახადოს ის, რაც დასაკუთრებული აქვს ცოტასა“. ამ მიზნით ისინი ცდილობენ საქმე დაიკირონ „თუ არა სრულიად ხალხთან, მომეტებულ ნაწილთან მაინც“. შეიქმნეს შუამავლად მეცნიერებისა, ერთის მხრით, და ხალხისა და ცხოვრებისა, მეორეს მხრით¹. ახალი თაობა ცდილობს მისცეს ხალხს შესაძლებლობა მისაწვდენი, პოპულიარული ლიტერატურის შემწეობით გაეცნოს და შეისწავლოს ის ცოდნა, რომელიც მეცნიერებამ ხანგრძლივი დროის განმავლობაში დააგროვა. ეს უალრესად დემოკრატიული მისწრაფება და გზა ახალი ცხოვრების აშენებისა რადიკალურია და ძლიერი თერგდალეულთა მსოფლ-მხედველობაში.

თერგდალეულთა სურვილი—„თუ არა სრულიად ხალხთან, (მის) მომეტებულ ნაწილთან მაინც“ საქმე დაიკირონ—იმდენად ახალი, მძლავრი პოზიციაა, რომ გარდაუვალ და შეუერიგებელ უფსკრულს აჩენს მათსა და ძველ თაობას შორის.

1) „საქართველოს მოამბე“ 1863 წ. № 1, გვ. 113.

2) კურსივი ჩვენია.

ხალხთან, მის მასებთან ხიდის გადების განხორციელების საქმეში მიზანშეწონილ საშუალებად თერგდალეულებს ჟურნალი მიაჩნიათ, „ნამეტნავად ის ჟურნალი, რომელსაც ეძახიან „საზოგადო ჟურნალს“¹⁾. აი სწორედ ასეთი სამსახურისა და დანიშნულებისათვის ისინი აარსებენ „საქართველოს მოამბეს“²⁾. ჩვენი საქმე, — ვკითხულობთ ზემოაღნიშნულ წერილში, — საქართველოს ხალხის ცხოვრებაა. მისი გამჯობინება ჩვენი პირველი და უკანასკნელი სურვილია... ჩვენ ისე არ გავბრძვილებით, რომ საკუთარ წესზედ მოვიდნოდით ცხოვრების გატარება. თვითონ ცხოვრება აღმოშობავს ხოლმე თავისათვის წესსა, განსაზღვრავს ხოლმე თავის სჯულსა და კანონსა, — მხოლოდ ამ კანონსა გაგება უნდა, გამოფენა საქვეყნოდ და შეძლებისამებრ გზის გახსნა, რომ მისი წარმოება არაფერმა შეაყენოს. ამიტომაც ჩვენის „მოამბის“ უმთავრესი საგანი აწინდელი ცხოვრება იქნება თავის სრული წარმოებითა, სრულის ვითარებითა“³⁾... აქედან აშკარაა თერგდალეულთა რეალისტური მსოფლმხედველობა და მიმართულება. მთავარი და არსებითი ჟურნალისთვის იყო — სინამდვილის გათვალისწინება, ყოველდღიურ ცხოვრების წრეში ჩადგომა, „მისგან ყრუდ ჩაძახილის — ამოძახნა, მისის ვითარების ცნობაში მოყვანა, მოძრაობისათვის გზის გახსნა“⁴⁾.

აქედან გამომდინარეობს მთელი მსოფლმხედველობა ჩვენი თერგდალეულთა და მათი მოღვაწეობის გეგმაც. სწორეთ ჟურნალი „საქართველოს მოამბის“ მიზნის და დანიშნულების ასეთი განმარტებიდან აშკარაა, რომ ჩვენი თერგდალეულნიც, როგორც რუსეთის 60-იანი წლების მოწინავე საზოგადოება, რეალურ ცხოვრებას, სინამდვილეს კულტად აცხადებენ. თვით ხელოვნებას, როგორც ჩერნიშევსკი, პისარევი და სხვანი, ჩვენი თერგდალეულნიც იმდენად აფასებენ, რამდენადაც ხელოვნება გამომხატველია სინამდვილის, ცხოვრებისა. ჩერნიშევსკისათვის ხელოვნება და ცხოვრება თითქოს სინონიმებია. „Искусство — это жизнь,“ — ამბობს ჩერნიშევსკი. ასევე უყურებს ჩვენი ახალი თაობაც. სფირიდონ ჩიტორელიძე თავის ბიძა თადეოზს აი როგორ განუმარტავს პოეზიას: „პოეზია, — ეუბნება სფირიდონი თადეოზს, — არის გამოხატვა სიცოცხლისა, ანუ, უკეთ ვსთქვათ, პოეზია არის თვითონ სიცოცხლე... მრავალი მშვენიერებაა ცოცხალ სინამდვილეში (действительность) ანუ, უკეთ ვსთქვათ: ყოველი მშვენიე-

1) „საქართველოს მოამბე“, 1863 წ. № 1.

2) კურსივი ჩვენია.

3) „საქართველოს მოამბე“ 1863 წ. № 1.

რება არის მხოლოდ მასში, რაც არის და რაცა სცხოვრობს¹. ასეთი შეხედულებიდან გამომდინარეობს თერგდალეულების სურვილი თავიანთ მოღვაწეობას პრაქტიკული ხასიათი მისცენ. ეს სურვილი— ცოდნისა და სწავლის გაეცელება და გატანა ფართო მასებში— „საქართველოს მოამბეში“ წითელი ზოლივით მოსჩანს.

აი, ამიტომ ჩვენც ჩვენი „ხალხოსნობის“ სათავეს (რასაკვირველია, მხოლოდ ზოგიერთი ნიშნების სახით, ისიც მკრთალად) როგორც რუსეთის საზოგადო აზროვნებაში, სწორედ აქ 60-იან წლებში, თერგდალეულების მსოფლმხედველობასა და მოღვაწეობაში ვხედავთ.

ასეთსავე პრაქტიკულს, უტილიტარულ მიზანს თერგდალეულნი უსახავენ მეცნიერებას და ხელოვნებასაც. „მეცნიერებასა და ხელოვნებას,— ვკითხულობთ ზემოხსენებულ „საქართველოს მოამბის“ საპროგრამო წერილში,— ჩვენ უყურებთ, როგორც ცხოვრების გასამჯობინებელ ღონისძიებათა... ჩვენ მეცნიერებასა და ხელოვნებას მოვსთხოვთ არსებითსა პურსა, ცხოვრებაში გამომცხვარს და მშიერთათვის მოსახმარსა და გამოსადეგსა². მეცნიერებამ უნდა გვიშველოს თავის გამოცნობა ჰემარტიტებით ცხოვრების ახსნა და გაგება. მან უნდა მოგვეცეს პირდაპირი პასუხი ყოველ საჭირო კითხვაზედა. რაც-კი პირდაპირ მიუდგება ცხოვრების ვითარებასა, რაც-კი გადმოიღება ცხოვრებისათვის... ის იქნება საჭირო ჩვენი ჟურნალისათვის“³. ცხოვრების ასეთი მძლავრი ტალღის მიხეთქება მწერლობისა და მეცნიერებისადმი, რომელნიც აქამდის თითქო ხალხის ცხოვრების გარეშე ტრიალეზდნენ და რომელთაც ცხოვრება ახლა მეტად მძლავრად ეძახდა თავისკენ, ყველაზე მეტად დამახასიათებელი და საგულისხმიეროა 60-იანი წლებისათვის როგორც რუსეთში, ისე ჩვენშიაც.

და არა მარტო მეცნიერებას და ჟურნალს უსახავენ ასეთი სარგებლობის მოტანის პირობას, არამედ წმინდა ხელოვნების დანიშნულებაც მათს გაგებაში ასეთივეა. „ხელოვნებასაც იმას მოვსთხოვთ, რომ სარკესავით ცხოვრება გადმოიციეს, რათა სიცუდეც და სიკეთეც ჩვენი დავინახოთ... დროა (ხელოვნება) ჩავიდეს ცხოვრების მდინარის

1) „საქართველოს მოამბე“ 1863 წ. № 8. სფირიდონის და თადეოზის ბაასი.

2) კურსივი ჩვენია.

3) „საქართველოს მოამბე“ 1863 წ. № 1.

ძირშია, იქ მონახოს შიგ მდებარე აზრი თავის ცხოველსურათებისათვის. იქ, ცხოვრების ძირში, ის იპოვის ბევრს მარგალიტსა და უფრო ბევრს ლექსა და ლაფსა, არც ერთის გამოხატვა არ უნდა აშინებდეს ხელოვნებასა და არც მეორისა¹.

ეს ხომ გასაგები და დამახასიათებელი პრელუდიაა თერგდალეულთა პოეტური შემოქმედებისათვის და განსაკუთრებით „კაკო ყაჩაღის“, „გლახის ნამბობის“ და „კაცია ადამიანის“ ავტორისათვის.

ასეთივე აზრი გამოსთქვა არა მარტო ილია ჭავჭავაძემ, არამედ სხვებმაც. მაგ. გ.—თელმა (გ. წერეთელმა) თავის სტატიაში — „ცისკარს“ რა აკაკანებდა². „მავნებელია, — სწერს გ.—თელი, — ლიტერატურა და პოეზია, როდესაც ის არ მსახურებს ხალხის ცხოვრებას, ატარებს დროებას ფუჟი დეკლამაციაში³, როდესაც... მისი (ლიტერატურა-პოეზიის) გადმომღები ხელმძღვანელობს ერთი გარეგანი ბრკილა სახით და ვერ სცნობს მის მართალს მნიშვნელობას, მის შინაგან აზრსა, ურომლისოდაც თვით ელვარე ფორმა ფუჟი და მავნებელია“³.

აქიდან ცხადია უარყოფა მიმართულებისა — „ხელოვნება ხელოვნებისათვის“.

აქ ჩვენ გარკვეულად უტილიტარულ-რეალისტურ მიმართულებას ვამჩნევთ, როგორც თვითონ საზოგადოებრივ აზროვნებასა და ჟურნალისტიკაში, ისე ხელოვნებაში. უტილიტარიზმი, წამოყენებული რუსეთში 60-იან წლებში, დამახასიათებელია ჩვენშიაც. არა მარტო ჟურნალის კრიტიკულ და პუბლიცისტურ სტატიებში გამოჰხატავენ თავიანთ უტილიტარულ შეხედულებას პოეზიაზე და პოეტის დანიშნულებაზე, არამედ თვით პოეტურ შემოქმედებაშიაც.

ილია ჭავჭავაძის შეხედულებით, თუმცა პოეტური ნიჭი არაჩვეულებრივია, ციური წარმოშობისაა, მაგრამ მას „ერი (ე. ი. ხალხი, ცხოვრება მ. ზ.) ზრდის მიწიერი ზეციერსა“. მისთვის არის პოეტი დაჯილდოვებული არაჩვეულებრივი ნიჭით; დიდის ღმერთის საკურთხეველის ცეცხლი მისთვის ღვივის პოეტის გულში, რომ ის „წარუძღვეს წინა ერსა“, რომ „ერისა მოძმედ იყოს კმუნვასა და სიხარულში“.

¹) კურსივი ჩენია.

²) „საქართველოს მოამბე“ 1863 წ. № 1.

³) „საქართველო. მოამბე“ 1863 წ. № 5.

„ერის წყლული მაჩნდეს წყლულად,—ამბობს პოეტი,—
მეწოდეს მის ტანჯვით სული,
მის ბედით და უბედობით
დამედგოს მტკიცე გული...
მაშინ ციღამ ნაპერწკალი
თუ აღმიფეთქს გულში ცეცხლსა,
მაშინ ვიმღერ, მხოლოდ მაშინ
მოვწმენდ ერსაც ტანჯვის ცრემლსა“.

ასეთსავე შეხედულებას გამოსთქვამს აკაკი წერეთელიც, ეს მეორე საუკეთესო წარმომადგენელი თერგდალეულებისა ჩვენს პოეზიაში, თავისს „პოეტში“. აკაკის შეხედულებით პოეტი შუა კაცია, „არც მიწისაა, არც ცისა“, ან „ხან მიწისაა, ხან ცისა“. პოეტის გული „სარკედ ქცეული, ბუნების ნათავხედია, მხოლოდ მის სახეს გიჩვენებთ, რასაც შიგ ჩაუხედია“. მეორე ლექსში „ჩონგური“, აკაკის შეხედულებით, პოეტს ჩონგური (ე. ი. პოეტური ნიქი) მისთვის უნდა, რომ „სიმართლეს მსახურებდეს, განამტკიცოს აზრი წმინდა, გულს სიწმინდით ახურებდეს, რომ დაჩაგრულს იმ სიმღერით გულს ცრემლები ეშრობოდეს და მჩაგვრელს კი გულში ძგერით ისარივით ესებოდეს“.

ასეთსავე აზრს გ.—თელი (გ. წერეთელი) გამოსთქვამს ზემორე-აღნიშნულ სტატიაში: „მწერალი,—სწერს ის,—არის ერთი თავის საზოგადოების წევრთაგანი, ერთი იმ პირთაგანი, რომლების კრებაც შეადგენს საზოგაოებას, ის არის საზოგადოების ტანჯვის და შევების თანამგრძნობელი“¹.

მაშასადამე, თერგდალეულები მიზნად სინამდვილის—ცხოვრების სამსახურს ისახავენ. „ჩალრმაედნენ სიცოცხლის მორეეში“, ამოკრიფონ იქიდან როგორც მარგალიტი, ისე ლექი და ლაფი. ხალხის მასებთან დაიჭირონ საქმე და მათ ემსახურონ, როგორც საქმით, ისე სიტყვით და კალმით, ჟურნალისტიკაში, თუ მხატვრულ შემოქმედებაში.

ასეთი უტილიტარული შეხედულება დამახასიათებელია როდესაც მწერალს, საზოგადო მოღვაწეს სწამს საზოგადოების განახლების, გადახალისების შესაძლებლობა. ეს ჩვეულებრივ ხდება ხოლმე მაშინ, როდესაც კლასი ან, მისი დიფერენციაციის დროს, მისი რო-

¹) „საქართველოს მოამბე“ 1863 წ. № 5.

მელიმე ნაწილი თავის განვითარების აღმავალ ხაზს იწყებს. მწერლის სურვილი ცხოვრების ასახვისა გამოწვეულია იმ გარემოებით, რომ კლასი ან კლასის შინა ნაწილი, ჯგუფი, რომელსაც მწერალი ეკუთვნის და რომლის იდეოლოგიური გამომხატველია, თვითონ ცდილობს ცხოვრების მოწესრიგებას. ეს ჯგუფი ან კლასი ეპოქის მოწინავე, სისხლ სრული ნაწილია. მას იდეა, ცხოვრებაში გაბატონების, ხელში ხელმძღვანელის როლის ჩაგდების სურვილი იზიდავს. ამით აიხსნება უტილიტარიზმი ჩვენი თერგდალეულებისაც.

IV

მარჯნული საკითხი თერგდალეულთა შემოქმედებაში.

1.

თერგდალეულთა ამ საერთო სულიერ განწყობილებაზე აღმოცენებულ პოზიტიურ-უტილიტარულ მსოფლმხედველობას, საერთოდ ხალხის კეთილდღეობისათვის ზრუნვას, რაც საერთო იყო რუსულ საზოგადო აზროვნებასთან, ემატება მამულისადმი სიყვარული.

მამულისადმი სიყვარული ჩვენის ახალის თაობისა ზევითაც აღენიშნეთ, როდესაც მათი რუსეთში გამგზავრების მიზეზებსა და მიზნებზე ვლაპარაკობდით. ვალი მამულისადმი მათ საყვარელ სამშობლოს აშორებდა.

თერგდალეულთათვის საქართველოში დაბრუნების შემდეგ ეს გრძნობა და მისწრაფება ერთ-ერთ ძირითად მამოძრავებელ ძალად გადაიქცა. ხალხის კეთილ-დღეობა, წინსვლა, მომავლისათვის ბრძოლა და შემოქმედება თერგდალეულთა მსოფლმხედველობაში მჭიდროთაა დაკავშირებული მამულისადმი სიყვარულთან, ეროვნულ-პოლიტიკურ თავისუფლების მოპოებასთან. ეს თვისება ჩვენს ახალთაობას ასხვავებს რუსის ახალთაობისაგან, რომლისთვისაც ეროვნული საკითხი, როგორც ასეთი, თითქმის არ არსებობდა. თუმცა უნდა კი აღინიშნოს, რომ რუსეთის ისტორიული გზის ერთგვარ დაპირისპირებაში დისავლეთ-ევროპის ერების განვითარების ისტორიულ გზასთან შეიძლება მოვნახოთ ეროვნული გრძნობა, მაგრამ ამ დაპირისპირებაში, ჩვენის გაგებით, უფრო ღრმა საერთაშორისო სოციალ-ეკონომიური პრინციპი ჰქონდა მას მხედველობაში, ვიდრე ვიწრო ეროვნული.

ჩვენი თერგდალეულების მსოფლმხედველობაში ეროვნული საკითხი აიხსნება შემდეგით: თერგდალეულნი გამოვიდნენ (დანეილ კონქაძის გამოკლებით) თავად-აზნაურთა წრიდან, რომლისათვისაც „დიდება ივერიისა“ მეფე ერეკლესთან ემარხა და ამიტომ წარსულზე ტირილითა და კვნესით ოცნებობდა. მართალია, თერგდალეულთ

სწორეთ იმ წრეს გამოუცხადეს მედგარი ბრძოლა, რომლიდანაც ისინი გამოვიდნენ, მაგრამ საესებით ვერ განთავისუფლდნენ „მამათა“ მსოფლმხედველობისაგან. და ეს ბუნებრივიც არის. „როდესაც, — ამბობს პლენანოვი. — ადამიანი, გაბატონებულ კლასს რომ ეკუთვნის, დამცირებულთა კლასის მხარეზე გადადის, ეს იმას არ ამტკიცებს, რომ ის საესებით განთავისუფლდა ამ კლასის გავლენისაგან, არამედ იმას, რომ ის გაბატონებული კლასის გავლენისაგან გამოდის და მეორე კლასის გავლენას განიცდის“¹. იგივე პლენანოვი თავის მეორე შრომაში სამართლიანად გვეუბნება, რომ იდეოლოგია ყოველ დროისა მჭიდროდ დადებით თუ უარყოფით კავშირშია წინა დროის იდეოლოგიასთან. „გონებრივი მდგომარეობა, — ამბობს პლენანოვი, — ყოველივე დროისა შეიძლება გავიგოთ მხოლოდ წინა ეპოქების გონებრივ მდგომარეობასთან დაკავშირებით“². ასეთსავე აზრს იცავს ლ. ტროცკი. „საერთოდ, — ამბობს ის, — ისტორიული ადამიანის შემოქმედება არის თანამედროვეობა. ყოველი ახალი აღმომავალი კლასი ეყრდნობა მხრებზე თავის წინამორბედებს“³.

ასევე მოუვიდა ჩვენს თერგდალეულებსაც. ისინი გამოეყვნენ თავად-აზნაურთა კლასს, მას ბრძოლა გამოუცხადეს, მაგრამ მისგან ბევრიც შეინარჩუნეს, გადაიღეს. ეროვნული საკითხის წამოყენებაში წინა თაობის და ეპოქის გავლენა თერგდალეულთ უდაოთ ამჩნევიათ. მაგრამ განსხვავება მათ შორის ამ მხრივაც არსებითი და თვალსაჩინოა. თუ „მამები“-სათვის ივერიის დიდება ძველში მარხია, თუ „მამები“ ძველს დასტირიან, ძველის მოგონებით-ღა კპოულობენ შვებას, თერგდალეულნი, პირიქით, თავიანთ ბელადის პირით „მამებისაგან“ გარკვეულად ამ საკითხის გაგებაშიც იმიჯნებიან და მოღვაწეობის დასაწყისშივე შემდეგ ფორმულას წამოაყენებენ:

„მოვიკლათ წარსულ დროებზე დარდი,
ჩვენ უნდა ვსდიოთ ახლა სხვა ვარსკვლავს,
ჩვენ უნდა ჩვენი ვშვათ მყოფადი,
ჩვენ უნდა მივცეთ მომავალი ხალხს!“

აქიდან აშკარაა თერგდალეულთა მომავლისაკენ ყურება, მომავლის მოწესრიგება, ხალხისათვის ზრუნვა. მომავალი უნდათ ხალხისათვის და არა მეფეებისათვის და მალალ წოდებისათვის, რო-

¹) Плеханов — „Герцези и крепостное право“.

²) Бельтов (Плеханов) — „К вопросу о разв. монист. взгляда на историю“.

³) Л. Троцкий — „Лит. в револ.“.

გორც ეს წინა პერიოდის მწერალთა შემოქმედებაშია მოცემული-
ეროვნულ საკითხის გაგებაში თერგდალეულებს უდაოთ დემოკრატიუ-
ლობა შემოაქვთ.

უნდა აღინიშნოს, რომ თერგდალეულთ, თუმცა ბრძოლა და
უარისყოფა გამოუცხადეს ძველ თაობას, ძველს პატრიარქალურ სა-
ქართველოს, მაგრამ კლასთა ბრძოლის და მათ შორის შეუთანხმე-
ბლობის პრინციპზე (როგორც ამას ქვემოთ დავინახავთ) ვერ და-
დგნენ. ეს გარემოება თერგდალეულებს ეროვნული საკითხის პრაქტი-
კულად გადაჭრის მომენტში ხშირად უკიდურესობაში აგდებდა.

ზემოჩამოთვლილ მიზეზთა გარდა, ჩვენი თერგდალეულების
მსოფლ-მხედველობაში ეროვნულ საკითხს აღრმავებდა და აღვივებდა
აგრეთვე მცირე ეროვნებათა მდგომარეობის საკითხი, რომელიც
მე-XIX-ტე საუკუნის მანძილზე მეტად მწვავედ იყო დასმული და
ევროპის პოლიტიკურ ატმოსფერას თავისებურ ელფერს აძლევდა.
მეტად მწვავედ იდგა საკითხი ეროვნული თავისუფლებისა ირლანდიის-
სა, პოლონეთისა, იტალიისა და სხვათა. ეროვნული საკითხი
მე-XIX-ტე საუკუნეში იმდენად რთული იყო, რომ სოციალისტური
პარტიებისათვისაც ერთ-ერთ თავსატეხ საკითხად გარდაიქცა. კარლ
მარქსი, ეს მე-XIX-ე საუკუნის აზროვნების ბუმბერაზი წარმომად-
გენელი და მისთვის მძლავრი გეზის მიმცემი, საჭიროდ სთვლიდა
მცირე ერების განთავისუფლება და თვითგამორკვევა აღეარებინა.
„საწინააღმდეგოდ პრუდონისტებისა, — სწერს ლენინი, — რომელნიც
„სოციალური რევოლუციის გულისათვის „უარყოფდნენ“ ეროვნულ
საკითხს, მარქსმა მოწინავე ქვეყნების პროლეტარიატის საკლასთაშო-
რისო ბრძოლის ინტერესებისათვის წამოაყენა ძირითადი პრინციპი
ინტერნაციონალიზმისა და სოციალიზმისა: არ შეიძლება იყოს თავი-
სუფალი ერი, რომელიც სხვა ერებს სჩაგრავს. სწორედ გერმანელ
მუშათა რევოლუციონური მოძრაობის ინტერესების თვალთახედვით
მარქსი 1848 წ. თხოულობდა, რომ გერმანიის ძლევამოსილ დემო-
კრატას აღეარებინა და განებორციელებინა გერმანელებისაგან და-
პყრობილ ხალხთა თავისუფლება. სწორედ ინგლისელი მუშების რე-
ვოლუციონური ბრძოლის ინტერესების თვალთახედვით 1869 წ.
მარქსი თხოულობდა ირლანდიის ჩამოშორებას ინგლისისაგან“¹. და
ბოლოს ლენინი სამართლიანად განმარტავს: „სწორედ იმიტომ რომ
მარქსი ასეთ მოთხოვნილებას აყენებდა, მართლაც სწრთენიდა ინ-
გლისელ მუშებს და მათში აღვივებდა ინტერნაციონალურ სულს“².

1) Ленин—О национальном вопросе — в. 103.

2) იქვე—ვ. 103.

ამით ჩვენ ის კი არ გვინდა ვსთქვათ, რომ ჩვენს თერგდალეულებს სწორედ ისე ესმოდათ ეროვნული საკითხი, როგორც მარქსს. არა. ჩვენი თერგდალეულები ლიბერალურ-პროგრესიულ პოზიციას ვერ და არ გასცილდნენ. ჩვენ აქ ზემომოტანილი ციტატით იმისათვის ვისარგებლეთ, რომ მკითხველისათვის მოგვეგონებინა, თუ როგორ მწვავედ იდგა ეროვნული საკითხი მე-XIX-ე საუკუნეში, რომ ეროვნული განთავისუფლება ყოველთვის არ იყო რეაქციონური ნოვლენა, არამედ რევოლუციონური, რომელიც ამწვავებდა და აღრმავებდა ბრძოლას „ცარიზმთან“ და ამით რევოლუციონურ მოძრაობას ხელს უწყობდა.

ჩვენს თერგდალეულებს, თუმცა ხანდისხან (უფრო კი პრაქტიკული მოღვაწეობის დროს) ეროვნული საკითხის გარკვევა-გადაწყვეტის დროს უკიდურესობა ეტყობოდათ, მაგრამ მაინც ამ საკითხის წამოყენება - გაშლით ისინი ჩვენს ხალხში რევოლუციონურ-დემოკრატიულ იდეებსუდაოდ ავრცელებდნენ.

უნდა აღინიშნოს, რომ თერგდალეულთ ეროვნული საკითხი ვიწრო შოვინისტური გაგებით არა აქვთ წარმოდგენილი. როდესაც ვეცნობით თერგდალეულთ აზრს ამ საკითხის შესახებ, ჩვენთვის ცხადი ხდება, რომ ისინი თანადროულ მოძრაობის უცოდინარნი არ არიან. ისინი ინტერესით თვალყურს ადევნებენ ამ მოვლენის განვითარებას უცხოეთში, არ უნდათ ჩამორჩენენ მათ.

ეროვნულ გრძნობას აი სფირიღონ ჩიტორელიძე როგორ უხსნის თავის ბიძა თადეოზს: „სრულსა და კარგად მყოფ ბუნების კაცსა, — ეუბნება სფირიღონი თადეოზს, — მძიმედ აწევს გულსა სვე სამშობლო მამულისა. ყოველ კეთილშობილ ადამიანს ღრმად ესმის თავისიანობა, რომ ის არის სისხლით და ხორციით ნათესავი მამულისა, სისხლითა და ხორციით მიკავშირებული მამულთან“¹.

მაგრამ ეს სამშობლოსთან მიკავშირება, მასთან ხორციითა და სისხლით ნათესაობა თერგდალეულებს ვიწრო შოვინისტურ, ზოოლოგიურ-ნაციონალისტურ ფარგლებში კი არ ამწყვედევს, რომელიც აბრმავებს „მამული-შვილს“, არ დაანახებებს თავისი ხალხის უარყოფითს მხარეებს, სიძულვილით აავსებს მათს გულს სხვა ერებისადმი, არამედ ეროვნული გრძნობა თერგდალეულთ აძლევს მამულისადმი ფართო და რეალურ (იმ დროისათვის) სიყვარულს, რომელიც ცდილობს თავისი სამშობლო ასწიოს, დაანათესაოს სხვა კულტურულ ერებს, დაუკავშიროს, აზიაროს ის საერთო-საკაცობრიო

1) „საქართველოს მთაბე“—1863 წ. № 7 სფირიღონი და თადეოზის ბანსი

განვითარებას. „სამშობლო ქვეყნის სიყვარული (პატრიოტიზმ),— უხსნის თადეოზს სფირიდონი, —უნდა გამოდიოდეს კაცობრიობის სიყვარულიდან ისე, როგორათაც ნაწილი მრთელისაგან. სამშობლო მამულის სიყვარული არის ისა, რომა გულით გინდოდეს ნახო, რაც კაცობრიობას გონებაში გამოუხატამს. აღსრულებაში იყოს მოყვანილი და შენის ძალისა, შეძლებისა კვალად შევლოდე მის აღსრულებასა“¹.

ამასთან ერთად თერგდალეულნი, როგორც ყველა საკითხების გარკვევაში ცდილობენ ფხიზელი შეხედულება გაატარონ, ისე ეროვნულ საკითხშიაც სიფხიზლის, თვითკრიტიკის მომხრენი არიან. „შეიძლება, — უმარტავს კონკრეტულად სფირიდონი თადეოზს, — გძულდეს ღვიძლი ძმა, თუ ცუდი კაცია, მაგრამ არ შეიძლება არ გიყვარდეს სამშობლო ქვეყანა, როგორიც უნდა იყვეს: მხოლოდ ეს სიყვარული არ უნდა იყოს მკედარი დაკმაყოფილება“². ცოცხალი სურვილი უნდა იყოს, რომ ყოველის ფერი მოვიდეს სისრულეში, უკეთესობაში: ერთის სიტყვით, — სამშობლო ქვეყნის სიყვარული უნდა გამომდინარეობდეს კაცობრიობის სიყვარულიდგან“³.

ასეთი ეროვნული გრძნობა, რუსეთის საზოგადო აზროვნებიდან ნასესხებ რევოლუციონურ-დემოკრატიულ იდეებში ჩაქსოვილი, თერგდალეულებში აღვიძებდა სურვილს ქართველი ხალხისადმი სამსახურისას, მისი ცხოვრების გაუმჯობესობისას. და ეს სამსახური ხომ, როგორც ისინი თვითონ სწერდნენ, მათი „პირველი და უკანასკნელი სურვილი“ იყო?! ამით აიხსნება, რომ ჩვენს ლიტერატურაში მათ მძლავრად შემოიტანეს და გააღვივეს ეროვნული გრძნობა. განსაკუთრებით ილია ჭავჭავაძემ, აკაკი წერეთელმა, რაფ. ერისთავმა, ქალაღიდეღმა.

ასეთი სამსახურის აუცილობლობა და ვალდებულება ილიამ, თერგდალეულთა ბელადმა, მკვეთრად გამოსთქვა 1860 წელს დაწერილ ლექსში — „ქართველ სტუდენტების სიმღერა“⁴, რომელშიაც მკაფიოდ არის აღნუსხული თერგდალეულთა მოღვაწეობის რადიკალურ-დემოკრატიული პრინციპები, შეგუებული ეროვნულ გრძნობასთან. მოვიყვანოთ ნაწყვეტი მაინც:

1) „საქართველოს მოამბე“ — 1863 წ. № 7 — სფირიდონის და თადეოზის ბაასი.

2) ამ სიტყვებს ასეთი შენიშვნა აქვს დართული ავტორისაგან: „ესე იგი, არ უნდა სთქვა, ოღონდ ქართული ჟურნალი კი იბეჭდებოდეს და როგორიც უნდა იყოს“ — ი.

3) „საქართველოს მოამბე“ — 1863 წ. № 7.

4) საინტერესოა ამ ლექსის ბედი ცენზორის კლანჭებში. — იხ. „ილია ჭავჭავაძის თხზულებანი“ — ტ. I გვ. 379 — 380. რედაქტორის შენიშვნები.

„დიდს არ გავეჭვლავინებით
და მხარს მივეცემთ პატარასა;
ძალას გულდაგულ დავხედებით,
და თაყვანს ვსცემთ სამართალსა.

წინ წასელაში არ დავიხვეთ,
არ გავწირავთ უკან რჩომილს:
ჩვენც ვიცით, რომ შეველა უნდა
ულონოსა და დავრდომილს.

უანგაროთ მივალთ წინა,
მარტო ის გვაქვს გულში ფიქრად,
რომ წინანი უკანასთვის
უნდა იქმნან გზად და ხიდად.

მამულისა შეილნი ჩვენც ვართ
და მიტომ ვზრდით ჭაბუქს სულსა,
რომ ოდესმე გამოვადგეთ
დაობლებულს ჩვენს მამულსა.

მაგრამ ეხლაც საქმით, სიმხნით
სხვას არც ჩვენ დავუარდებით;
ბრძოლად რომ მამულმა გვიხმოს,
ახლაც კი გამოვადგებით“.

საქართველოს და ქართველი ხალხის წინმსვლელობისათვის თერგდალეულნი აუცილებელ პირობად სახავდნენ საქართველოს პოლიტიკურად გაერთიანებას და განვითარებას. ეს იყო მთავარი ნიადაგი, რომელზედაც უნდა აღმოცენებულიყო ყოველი პირობა ადამიანის და ხალხის კეთილდღეობისა.

რა დაჰხვდა მათ ამ მხრივ?

დაპყრობილი, ეკონომიურად, კულტურულად და პოლიტიკურად განადგურებული საქართველო ბიუროკრატიულ ანგარებით შეპყრობილ მოხელეთა ხელში, რალაც დაცივნის, დამცირების, ხელის მოსათბობ მხარედ იყო მიჩნეული. რუსის მოხელეები, ხშირად სიძულვილით აღვისილნი ადგილობრივ მცხოვრებთადმი, „აბრუნდებით“ და „გაბრუნდებით“ ყვლეფდნენ მას და თანაც ცინიკურად დასცინოდნენ. ამის გამო ეროვნულმა გრძნობამ ილიასა და სხვა

თერგდალეულთა შემოქმედებაში საერთო პროტესტის, დაჩაგრულთა, შევიწროებულთა და შეურაცყოფილთა უფლების დაცვის ხასიათი და მიმართულება მიიღო. ამით აიხსნება, რომ თერგდალეულთა და ილია ქავჭავაძის შემოქმედებაშიც ეროვნული მოტივი არ იკეტება ვიწრო ეროვნული ფარგლებით, არამედ საერთო თავისუფლების მოპოების განცდაშია ხშირად დაფერადებული.

თავისუფლება, ილიას გაგებით, როგორც პიროვნული, ისე ეროვნული, დასაბამია და უხვი წყარო ადამიანური ცხოვრების მოპოების დაუშრეტელი წყურვილისა. თავისუფლების მოპოების სურვილი მოხუცს, მომაკვდავს დედაკაცსაც კი თავისუფლებისადმი აი როგორს მშვენიერს, ზოგად-კაცობრიულის ხასიათის ოდას ათქმევინებს:

„თავისუფლებავ, შენ ხარ კაცთა ნავთსაყუდარი,
შენ ხარ ჩაგრულის, წვალებულის წმინდა საფარი;
შენ ხარ მშვიდობა და სიმართლე ამა ქვეყნისა,
შენ ხარ აღმზრდელი ღვთაებამდე კაცთ ბუნებისა.
მტარვალთა თქმითა ოდითვე ხარ შენ აკრძალული,
ხე ცნობადისა, ედემს რგული, შენი ხე იყო.
რა განიცადეს იმათ შენთა მადლთა უხვება,
მსწრაფლ აღგიარეს, ჰოი ღმერთავ, თაყვანებითა.
მსწრაფლ მოგიპოვეს: ფარად მისცეს თვის უკდავება
და სამოთხეც სთმეს სრულის მისის ნეტარებითა.
ეგრეთ ნაშოვნო, რად წაგვერთვი მოსავთა შენთა?
რალად ჰღვრის ღღესაც შენთვის სისხლსა ადამიანი?
რად შეიღებე კაცის სისხლით საშიშრად ჩვენდა,
და რისთვის დახვალ ამა ქვეყნად პირსისხლიანი?
თვით ხარ მშვიდობა, უხვად მადლთა ქვეყნად მომფენი,
მაგრამ სისხლით კი იკვლევს გზასა მძებნელი შენი!
რად არ შენდება უსისხლოდა მისი ტაძარი,
მისი, რომელიც თვით მშვიდობის ღვთაება არის?..“¹

ძალეში ღია ფერადებით არის გაგება ამ ამონახეტქი თავისუფლების გრძნობისა, მისი საკვიროების, მისი მშვიდობიანი ბუნების. პოეტის შემეცნებაში თავისუფლება და „მშვიდობის ღვთაება“ სინონიმები არიან. ამასთან ერთად სინამდვილეში-კი მის „პირსისხლიანობა“-სა ვხედავთ. ამიტომაცაა, რომ ილია ქავჭავაძე ასეთი გატაცებით ეძებს საქართველოს და ქართველი ხალხის არა მარტო

¹) ილია ქავჭავაძე—ღედა და შეილი ტ. I გვ. 138.

ეკონომიურ და უფლებრივ თავისუფლებას (ამაზე ქვემოთ), არამედ ამ მიზნის მისაღწევად, ადამიანის ადამიანად ქცევისათვის, რომ დაჩაგრულმა თვითონ აიწიოს, სხვა არ დასწიოს—საქართველოს პოლიტიკური თავისუფლება საც. პოლიტიკურად თავისუფალი მთლიანი საქართველო ილაასათვის და სხვა თერგდალეულთათვის აუცილებელი პირობაა ქართველი ხალხის სამართლიანი მომავლის დამყარებისათვის. ამიტომ, რომ ილია ჭავჭავაძე და თერგდალეულნი საერთოდ მთელი თავისი შემოქმედების და მოღვაწეობის განმავლობაში უანგაროდ და მტკიცედ ემსახურებოდნენ ამ იდეასა. მის გაღვივებას ჩვენს ხალხში თერგდალეულნი თავიანთ დიდ მოვალეობად სთვლიდნენ.

„მას აქვთ, რაკი შენდამი ვცან მე სიყვარული,—

როგორც შეყვარებული თავის.
სატრფოს ვუბნება ილია,—

ჰოი, მამულო, გამიკრთა მე ძილი და შვება!
შენს ძარღვის ცემას მე ყურს ვუგდებ სულგანაბული,
ღამე თენდება ეგრეთ ჩემი და ღლე ღამდება“.

2.

აწმყო საქართველოსა თავისი დაკნინებული სინამდვილით თერგდალეულ მწერლებს სანუგეშებელ და მისაბაძვე მაგალითს და მისალას არ აძლევდა. ბიუროკრატიული ხელისუფლება ცენზურის საშუალებით თავისუფლების მთესავ აზრებს შთასახვისათანავე სპობდა. საჭირო იყო ნილაბი, თვალთმაქცობა. ჩვენმა მწერლობამაც ასეთი გზა გაძონახა. ილიამ და აკაკიმაც ფართო მასებში ეროვნული გრძნობის გაძლიერებისათვის წარსული, ჩვენი წარსული გამოიყენა. წარსული/ჩვენს მწერლებს და განსაკუთრებით თერგდალეულთ გამოყენებული აქვთ, როგორც ხერხიანი ნილაბი. წარსულის ანალებში ამოკითხული და შემდეგ ასახული ჩვენი ისტორია თანადროული ცხოვრების სინამდვილეს გვიჩვენებდა. წარსულში გადატანილი უსამართლობა თანდროულისას უღრმავებდა და არსებულ წყობილებასთან შეურიგებლობის თესლს ჩვენს მკითხველს საზოგადოებაში უხვად სთესავდა.

თერგდალეულ მწერალთ ეროვნული თავისუფლების საჭიროება და აუცილებლობა უკეთესი მომავლის მოპოებისათვის მრავალ ნაწარმოებში აქვთ განსახიერებული.

რეალისტი ილიაც და აკაკიც თავისუფალი საქართველოს აღდგენის სურვილმა, თავდადებულ მამულიშვილთა ასახვამ—რომანტიულ იდეალიზაციაში გადასტყორცნა, რომანტიული ელფერი დაადო მათს შემოქმედებას. ეს რომანტიული ნაკადი ილიასა და აკაკის შემოქმედებაში შეიძლება ავხსნათ მხოლოდ იმ დროისთვის ეროვნული საკითხის ბრძოლის ხასიათით. ილია და აკაკი ამ ბრძოლაში ჩაბმულნი, ვით რომანტიკოსნი, წარსულის ლანდებს შორის გატაცებით დასცურავენ. საქართველოს წარსულიც ხომ საკმარისს მასალას აძლევდა მათ ამ მხრივ! ქართველი ხალხის ისტორია ხომ ქართველებსათვის ამ თავისუფლების ძალით დაკარგვისა და ბრძოლით, მსხვერპლით მოპოების ისტორიაა! და ამიტომ ილიაც და აკაკიც სურათებს ჩვენნი წარსულიდან იღებენ. თერგდალეულნი ამ გრძნობის პოპულარიზაციას ემსახურებიან როგორც პუბლიცისტიკაში, ისე პოეტურ შემოქმედებაშიაც. უკანასკნელსაც ხომ თერგდალეულნი სარგებლობის თვალსაზრისით უყურებენ!

ეროვნული გრძნობის სიმტკიცეს, მისთვის ბრძოლას ილია უფრო ხალხის გულში ანთებს და ხალხის გულიდანვე ამოჰკრებს ხოლმე. „დედა და შვილ“-ში მოხუცებულნი, სნეული, ლოგინში მწოლარე მომაკვდავი დედა გაიგებს, რომ ხალხი აღელდა, თავისუფლების მოპოებისათვის იბრძვის. დაუძლურებულ მოხუცსაც კი ასეთი ხმა სიამოვნებით ააღელვებს და, თუმცა მომაკვდავის ხმით, მაგრამ უსაზღვრო ბედნიერების განცდით ათქმევინებს:

„თუმცა სიცოცხლე სნეულთათვის წვალება არი, მაგრამ, ჰე ლმერთო, გმადლობ, ამ დღეს რომ შემასწარი, და აქამომდე არ მოჰკვეთე ჩემი ცხოვრება:

ჩემი მამული, საქართველო, დღეს მიცოცხლდება!

ხალხი აზვირთდა, ხალხი აღსდგა, ხალხი მოქმედობს,

კასპიის ზღვიდამ შავ ზღვამდინა ერთს ფიქრსა

ფიქრობს,—

და ეგ ფიქრია მთელ კავკასის თავისუფლება“!

თერგდალეულთ და მათ ბელადს ილიას სწამს, რომ „დიდია ხალხი, როს ეს ფიქრი წინ წაუძღვება“. იმდენად დიდია, რომ უმაღლესი დაყენებული საკითხი: სამშობლოს თუ შეილის სიყვარულს მიეცეს უპირატესობა,—მხოლოდს ერთს და ისიც გადაჭრილ, კათეგორიულ პასუხს იძლევა თვით მოუძღვრებულნი, უპატრონოდ დარჩენილი, მომაკვდავი დედის გულიც-კი, რომელსაც მიწის მიმყრელიც-კი არა რჩება,—სიყვარული მამულისადმი. ყოველსავე გრძნობას, დედის

შვილისადმი სიყვარულსაც-კი უკან აყენებს, ჰნთქავს, აქრობს, ყოველ შემთხვევაში, მამულისადმი გაბრწყინებულ სიყვარულის ლამპრის წინაშე აბუნდებს და მომაკვდავ დედას აი რას ათქმევინებს:

„ის დღეა დღეს, რომ მამულს ეუძღვნა ძის სიყვარული..

ან ძეს შევწირო საყვარელი დიდი მამული...

ამ ორის გრძნობის ბრძოლა გულმა ვით გაღიზიანდა?

ძის სიყვარული, თუ მამულის,--რომელი დასთმოს?..

ეჰა, ამ დღისთვის გაგიზარდე, მამულო, შვილი,

სიცოცხლე მივეც, რომ შეიძლოს შენთვის სიკვდილი“..

თერგდალეულ მწერალთა შეხედულებით და განცდით აი ასე აფოლადებს, ალომკაცებს მამულის სიყვარული უძლურ დედაკაცსაც-კი!

ეროვნული გრძნობის ასეთი გამახვილება გამოწვეულია სინამდვილეში ქართველ საზოგადოებაში ეროვნული შეგნების დაკნინებითა, უკეთეს შემთხვევაში, ინდეფერენტიზმითა. უფრო კი მაღალი წოდება მიჰყვა, ერთგვარ იარაღადაც გადაიქცა ხელისუფლების ხელში, ქართველი ხალხის გადაგვარების საქმეში. ამიტომ ილიამ და სხვა თერგდალეულთ უკიდურესობამდის გააღრმავეს ეს გრძნობა და ამ გრძნობის მატარებელი გმირებიც წარმტაცი სახით დაგვიხატეს, რათა მეტი შთაბეჭდილება და გავლენა მოეხდინათ. რამდენადაც მეტი იყო დენაციონალიზაციის გატარების სურვილი ქართველ საზოგადოებაში ზევიდან, იმდენად ძლიერი იყო ნაციონალიზაციის სურვილის ასახვა თერგდალეულთა შემოკმედებაში.

ამიტომ ილია ჭავჭავაძის დედა („დედა და შვილი“) არც კი ირყევა, თუმცა კარგად ესმის თვისი გარემოება, იცის, რომ „იგია მისი სიცოცხლე და სიხარული, იმით უდგა უძლურს ტანში უძლური სული“. ხოლო, როდესაც განკითხვის დღე დგება, იგი დიდი ტკივილებით, მაგრამ მტკიცედ ეუბნება: :

„ჩემის სიბერის მისაყრდომად ის ლა მშთენია,—

მაგრამ, მამულო, წაიყვანე, დღეს ის შენია“.-ო.

დედა ცდილობს თავისი თავი შეიკაოს, თუნდაც ამას მისი სრული განადგურებაც-კი მოჰყვეს, ოღონდ კი შვილს ხელი არ შეუშალოს მამულისადმი ვალის მოხდაში. იკრებს ძალას, რომ შვილი არ შეაკრთოს თავისი უნუგეშო მდგომარეობით, ამხნევებს მას, ცდილობს უკანასკნელი ძალა მოიკრიფოს, სანამ შვილს ბრძოლის ველზე გაისტუმრებდეს. მომაკვდავს, სულისა და ხორცის გაყრის ამ საშინელ მომენტში, ომში შვილის სასიკვდილოდ გაგზავნის წამში, მაინც

უნდა დაინახოს „ქვეყნის მხსნელნი“, რომ დაიტკბოს მით მან უკანასკნელი დღენი თვისნი. დედა შვილს სცილდება, იტანჯება, კვდება, და სიკვდილის ჟამს მაინც შვილს ამხნევებს და მტკიცედ ეუბნება:

„მე ვწუხარ მარტო მასზედ, რომ ჩემს სიბერესა
სანუგეშებლად მხოლოდ ერთი მოეცა შვილი,
მე ვწუხარ მასზედ, რომ ჩემ მამულს ამ ნეტარ დღესა
მხოლოდ და ერთი შეაკვდება ჩემგან შობილი“.

და თავისუფლებისადმი მისწრაფება იმდენად ძლიერია, თავისუფლება ადამიანისათვის და ხალხისათვის იმდენად საჭიროა, რომ ამ დედაბერსაც-კი ყველაფერს და ყველას ავიწყებს. მომაკვდავი დედა მხოლოდ ერთს დარდობს:

„ვაი, რომ ჩემი სიცოცხლისა შვე მაშინ ჩადის,
როცა ამოდის ჩემის ქვეყნის მზეი დიადი?..

ვაი, რომ ბინდი დღეთა ჩემთა სიკვდილს მიქადის,
როს ჩემის ხალხის დიდებისა სჩანს განთიადი!“

ასეთივე მძლავრი, მამულისადმი ყველაფრის შემწირავი სიყვარული ანთია პოემა „დიმიტრი თავდადებულის“ მომქმედი პირების გულში. განა მამულისადმი ასეთივე სიყვარულით გაბრწყინებული ტანჯვის გვარგვინი არ აღგია მოხუცს, რომელიც ხანხალით და ცახცახით მიდის ქედმოსახრელად გამზადებულ მეფესთან, ურჩევს თავისუფლება დაიცვას ბრძოლით, წაიყვანოს მისი შვილებიც საბრძოლველად, აჩვენოს მტერს, თუ „რა ლომებს ზრდას ქართვის ბუდე“... უომროდ ნუ დავმარცხდებით და, თუ ვერ ვძლებთ, დავიხოცნეთ სახელითა და დიდებით!“ ასეთივეა მეფანდურე, რომელიც თავის ფანდურზე მწარედ აკვნესებს სამშობლოს სიყვარულით და განსაცდელში ყოფნით გამოწვეულ ტკივილებს. ასეთივეა, თუ გნებავთ, თვით მეფე დიმიტრიც, რომელიც ხალხთან ერთად სწყვეტს ხალხისავე ბედს და თვითონ მსხვერპლად ეწირება მის ბედნიერებას.

რომ მართლა ამ ეროვნული გრძნობის საფუძვლებს ილია ქაეკეაძე უფრო მდაბიო ხალხის გულში ეძებს და პოულობს, ამის მკერმეტყველური საბუთია ილიას „მგზავრის წერილები“. ამ ნაწარმოებში უკვე მკათიოდაა ილიას ეროვნული გრძნობა, რომელიც ასე გატაცებით იზიდავდა თერგდალეულთა. ეს ეროვნული გრძნობა ილიამ მოხვევის პირით გაგვაგებინა. აწმყოთი პოეტი უკმაყოფილოა, წარსულში ეძებს ეროვნული გრძნობის საფუძვლებს და სახეს. ძველი სჯობია, რადგანაც „ადრიდა, — ეუბნება მოხვევე ავტორს, — ავად თუ კარგად ჩვენ ჩვენი თავნი ჩვენადვე გვეყუდნეს, მით იყვის უკედ.

ადრიდა ერი ერობდის, გული გულობდის, ვაჟი ვაჟადის, ქალაი ქალაბდის. ადრიდა?! ერთ-ურთს დავეყუდნით, ერთ-ურთს ვიხვეწებდნით. ადრიდა?! ქერივ-ობოლთ ვიფარევენით, ერთ-ერთს ლალ მტერთან ჩავეფარვიდნით... დაცემულ ვიურვებდნით, ატირდომილს ვიხიიშნიდნით და ესრად იყვის ბრძოლება კაცისა, ერთ-ურთობა. აწინა ერობა დაიშალის, მეძავ-მრუშობაი ჩამოვარდნის, ხარბობაი, ანგარი გვერენის, ერთ-სულობაი დავარდნის, მტრობა-ბძარვაი გახშირდნის... წარხდა ქართველთა სახელია ქართველთა წესთ-წყობაი.. რაია აწინა ჩვენი დარჩენა? კამად-სმად სასყიდვალ, ტყევი სასყიდვალ-გზაი, სასყიდვალ, ლოცვა-კურთხევაი სასყიდვალ, სამართალ სასყიდვალ, რაიდ დარჩების ბეჩაევი მახვეე?«¹

ზრა მარტო სოციალური ურთი-ერთობა იყო ძველად „ერობაში“ უფრო სალი და სამართლიანი, არამედ პოლიტიკური მმართველობის ფორმებიც იმ დროს თუმცა მარტივი, მაგრამ ხალხის სურვილის და ინტერესის ამსრულებელი იყო მუდამ. თანამგზავრი მოხვეევი ილიას აცნობს ხევის ცხოვრებას. სამების მონასტერს და ანახევებს და ეტყვის, რომ იქ იყო „განძთა საფარი, ერთა საბჭო“. ილიას კითხვაზე: „საბჭო რალა არის?“ მოხვეევი გადაუშლის ძველი ცხოვრების პოლიტიკურ სახეს: „საბჭოი? აქაიდ არნ სენაკ, სად სამართალი ბქეთაგან იბჭოდის. რაიც მძიმა საქმე ხევი ავარდის, მუნ იბჭობინდეს... როდეს ასტყდის ერობაჩი დიდ-დევა, დიდ-საქმე, დიდ-არჩევანი, ერობას იქაიდ გამართვან, აირჩივან ბქედა ბრძენ-ბერკაცნი, პეიტრობით სახელ დებულნი, დასხმონ მათ იმ სენაკი საბჭობად, რაიც მერე სამების სახელით, ხთისგან მათხავნილ მადლით ივნ ბქენი სთქმიან, გადასჭირდიან, არეინ შეშლიან, არეინ გადავლიან“²).

ძველი წყობილების „ერობის“ ასეთი იდეალიზაცია უდაოდ გამოწვეულია რუსეთის საზოგადო-აზროვნების, „თემური წყობილებით“ გატაცების გავლენით (ამაზე ქვემოთ).

ასე სქვრეტს ეროვნულ საკითხს ილია ქვეყნაძე, ასე უყურებენ მას საერთოდ თერგდალეულები.

აკაკი წერეთელიც, ეს მეორე დიდი წარმომადგენელი თერგდალეულთა ჩვენს ლიტერატურაში, მთელი თავისი ხანგრძლივი მოღვაწეობის განმავლობაში, რალაც არაჩვეულებრივი სიყვარულით ემსახურებოდა სამშობლოს, რომლის პოეტური განსახიერება მან საო-

1) ილია ქვეყნაძე—მგზავრის წერილები—გვ. 27-28 ტ II.

2) იქვე გვ. 25 ტ II.

ცნებო, სათაყვანებელ სატრფოში ჰპოვა. და ეს სატრფო არა-ხო-
ციელი, უსულო, მაგრამ ხორციელზე უფრო მგრძნობიარე, ძლიერი
და საყვარელი, სულიერზე უფრო მძლავრი და მაღალი—ეს „მისი
სატრფო უწინ ტურფა, დღეს კი ლეჩაქ-მოხდილი“, „ვისაც (პოეტი)
ეტრფის, ვინც უყვარს, ვისგანაც აწმყო გამწარებული აქვს, რადგან
მას ჰხედავს აოხრებულსა“—ეს მისი სამშობლოა.

პოეტმაც აი სწორედ ამ სამშობლოს შეაღია თავისი ნიქი, ძა-
ლა, სიყვარული. ტყედ და ველად გავარდნილი მისი აგზნებული ფან-
ტაზია დაეძებს „სულიკოს“, რომლის პოვნა მას „ენით გამოუთქმე-
ლი სიხარულით კვლავ გაუხსნის სიცოცხლეს“. თავისი სამშობლო
მგოსანმა გადააქცია სათაყვანებელ საგნად, თავისი გული მას დაუდ-
გა ტახტად და ნიქი—ჩაუქრობელ ლამპარად. აკაკის ნიქი იმ უდრო-
ობის ხანაში არა პირადი ცხოვრების, არამედ გარემოს საყვირად გა-
დაიქცა. მისი ჩანგი ბუკითა და ნალარით შეხმატკბილებული გაჰკი-
ოდა და ხარბად უძახოდა თანაზიართ შეღაბული, შეურაცყოფილი,
ტყვედ ქცეული, მოტყუებული სატრფოს დასახსნელად. აკაკი თავ-
დავიწყებით დასტრიალებს თავის დაავადებულ სამშობლოს და სა-
სოწარკვეთილებიდან და იმედგაცრუებულობიდან გამომყვანი კილო-
თი გაიძახის: „არ მომკვდარა, მხოლოდ სძინავს, და კვლავ ისევ გა-
იღვიძებს“-ო. პოეტი მუდამეჟმს სამშობლოს ერთგულ რაინდად
რჩება. გზა-გაბრუდებულ, გადაბირებულ და გადაგვარებულ მრავალ
თანამომძებებს ჩვენი მგოსანი მოუსვენრად აფრთხილებს:

„ნუ გგონია ეგ ია და ვარდები,
ღამერწმუნე, რომ ქინკრებში ვარდები“-ო¹.

და დაულალავი და დაუშრეტელი ენერგიით ყველას მოუწო-
ლებს:

„დეე მისთვის გავლარიბდეთ,
ზურგს მოვიდგათ საწყლის გულა,
პატიოსან ღარიბს რით სჯობს
გამდიდრებული იუდა“².

ამიტომ აკაკი მოუწოდებს ქართველობას ერთობასა და თან-
ხმობისაკენ.

„მწერიც კი ცხოვრობს თანხმობით,—
ფუტკარი, ქიანკველაო!..

¹) აკაკი წერეთელი—აღმართ-აღმართ მივდიოდი..

²) აკაკი წერეთელი—ავადმყოფი.

და ჩვენ რათ ვმღერით ცალცალკე:

„ოდელა დელა-დელაო?!“

ყველა კუთხის თანხმობა, მთლიანი საქართველო საქიროა ყველას საკეთილდღეოდ:

„ერთობა ჩვენთვის ტახტია,

მტრებისთვის — სახრჩობელაო!..

მტრებს „ვაი-დელა“ ვაძახოთ

და ჩვენ ვთქვათ: „დელა, დელაო!“¹.

აი ამიტომაც, რომ აკაკის შეგნებით ეს ეროვნული. სამშობლოსადმი სიყვარული უდიდესი გრძნობაა. ამიტომაც, რომ მისთვის ყველაფერი უნდა იქმნას შეწირული. ამიტომაც, რომ აკაკის ბაგრატი ამჟამად ამბობს: „კინც მამულს სულსაც არ სწირავს, იმას არ ჰქვიან მამულის შვილი“!..

თუმცა საქართველოს მაშინდელი მდგომარეობა თერგდალეულებს ვერ ანუგეშებდა, მაგრამ მათ რწმენა გამარჯვებისა, რწმენა უკეთესი მომავლისა გამუდმებით თან სდევდა და აფრთოვანებდა. ილია ღრმა რწმენით მიმართავს თავის სატრფო სამშობლოს:

ჩემო კარგო ქვეყანავ, რაზედ მოგიწყენია!..

აწმყო თუ არა გწყალობს, მომავალი ჩვენია,

თუმცა ძველნი დაგვმორდნენ, ახალნი ხომ შენია...

მათ ახალთ აღგიდგინონ შენ დიდების დღენია,

ჩემო თვალის სინათლევ, რაზედ მოგიწყენია?“².

თვით აკაკიც სევდა-ნალღველით მოცული გრძნობის სიღრმეში მკვეთრ იმედს გამოხატავს, რომ „მომავლის ბედის წერა არ გამქრალა“.

„ჩვენ კი ჩვენდა თავად გეტყვით:

გულსა სწამს და ჭკუას სჯერა,

რომ ჯერ კიდევ არ გამქრალა

მომავალი ბედის წერა!“³.

ეს ეროვნული გრძნობა აძლევდა მასალას აგრეთვე აკაკის იგავ-არაკებებს და სატირებსაც.

ილიასა და აკაკის ბუკისა და ნალარის მძლავრმა ხმამ მრავალში ჰპოვა გამოძახილი და ამავე ჰანგებზე ააუღერა მათი ჩანგი. თერგდალეულების ასეთმა მიმართულებამ რაფ. ერისთავშიაც, რომე-

1) აკაკი წერეთელი — ნათელა.

2) ილია ჭავჭავაძე — ჩემო კარგო ქვეყანავ..

3) აკაკი წერეთელი — ავადმყოფი.

ლიც აქამდის მწველი ტრფობის, ეშხის და ქეიფის მომღერალ მწერალთა გუნდს. ეკუთნოდა, მოახდინა ღრმა გარდატეხა და, მრავალსხეა ახალ მოტივებზე აღმოცნებულ ლექსთა შორის, ათქმევინა „სამშობლო ხევსურისა“, რომელიც ამ ეპოქის ჩვენს ლიტერატურაში თავისი სიმარტივით და სიძლიერით ერთ-ერთ მძლავრ და ნიჭიერ გამოძახილად უნდა ჩაითვალოს. მაშინ, როდესაც რუსეთის ბიუროკრატია ცდილობდა რუსიფიკაციის სისტემით ამოეფხვრა ქართველებში ყოველივე ქართველური, ყოველივე თავისებურობა და გადაგვარების საშუალებით გადაექცია ერთგულ შინაყმად; მაშინ, როდესაც ქართველნი, განსაკუთრებით მაღალი წოდების წარმოადგენელნი, მეტად ადვილად გაეზნენ მთავრობის მერ დაგებულ ქსელში, და, ჩინ მენდლებით და პატივმოყვარეობით დაბრმავებულნი, იარაღად გადაიქცნენ რუსეთის ბიუროკრატის ხელში,—რაფ. ერისთავის „სამშობლო ხევსურისა“, როგორც პროტესტი, საშინელი მტკივნეული მხილება ამ ვაებატონების უპრინციპობისა და ორგულობისა, დროულად და მოხდენილად გაისმა.

რაფ. ერისთავის ლექსში „სამშობლო ხევსურისა“ მეტად მძლავრადაა ასახული ადამიანის ინსტიქტური, ფიზიკური დაახლოება სამშობლოსთან. და ეს სტიქიურად, უშუალოდ ამოხეთქილი გრძნობის ხმა, რაღაც ტანჯვის გამოძახატველ აკომპანიმენტზე აკინძული, ბუნების შვილის ხევსურის პირით გვესმის:

„სადაც ვშობილვარ, გავზდილვარ და მისროლია ისარი,

სად მამა-პა მეკულების, იმათი კუბოს ფეცარი,

სადაც სიყრმითვე ვჩვეულვარ—ჩემი სამშობლო ის არი.

არ გავცელი სალსა კლდეებსა უკვდავებისა ხეზედა,

არ გავცელი მე ჩემს სამშობლოს სხვა ქვეყნის სამოთხეზედა...“

აქ, მთაში, თავის სამშობლოში, ხევსურს „უჯობს შავი სიკვდილი. ბარჯი სიცოცხლე უნწარის“. ამისათვის ის სამშობლოს არავითარ დიდებაზე არ გასცელის. რაფ. ერისთავი ხევსურს ამაყად ათქმევინებს:

„სამშობლო, დედის ძუძუი, არ გაიცვლების სხვაზედა,

ორივ ტუბილია, ძმობილო, მირჩეენის ორთავ თვალზედა“.

რუსეთის ბიუროკრატამ თავისი მიზნის განსახორციელებლად, ქარბღელების გადაგვარების მიზნით, უპირველესად ენის წართმევა მოინდომა, მოინდომა ენის განდევნა სკოლიდან, სასამართლოდან და სხვა ყველა დაწესებულებებიდან. მაღალი წოდების მოდუნებული

ნებისყოფა ადვილად გაჰყვა ასეთს ძალდატანებას და მალე დადგა გადაგვარების გზაზე. თერგდალეულებმა შეიგნეს, რომ ეროვნული თავისუფლების მოპოებისათვის საჭიროა დაცული და განმტკიცებული იყოს სამშობლო ენა, როგორც მძლავრი იარაღი ახალ ცხოვრებასთან ჩქარის ტემპით ზიარებისა. ამიტომ რაფ. ერისთავიც სხვა თერგდალეულებთან ერთად დედა-ენის მედგარ დამცველად გამოდის:

„მიყვარს მე ენა ჩემის ნშობლისა,
რომლითაც „ნანას“ შეტყოდა ისა,
აღერსს მაგონებს დედისას ტკბილსა,
ჩემის ტოლების მღერა-ელივილსა!..
ენით ვცოცხალვარ, მით მიყვარს ლხენა,
მიყვარს სამშობლოს მე დედა-ენა!“ —

მოურიდებელი მტკიცეთ დასძახის რაფ. ერისთავი¹.

ასეთივე მძლავრი, რაღაც სასოებრივი სიყვარული აქვს სამშობლოსადმი ქალადიდელსაც, რომელიც აგრეთვე თერგდალეულთა გუნდს ეკუთვნის. მისი „მოგონება“ ხალხურ ლექსად გადაიქცა. ხალხის გულის სიღრმიდან ამოკითხული გრძნობები, მიუხედავად იმისა, რომ ავტორის მიერ უხერხულ, მძიმე ფორმის ლექსშია აკინძული, მაინც ხალხმა ის გაიტაცა და თავის სიმღერად, მეტად გავრცელებულ სიმღერად გადაიქცია, როგორც სოფლად, ისე ქალაქად. „მოგონებაში“ ქალადიდელი (მ. ქოჩაქიძე), როგორც წრფელი თერგდალეული, საქართველოს ცხოვრების ახალ, ცოცხალ საფუძვლებზე გარდაქმნის მომხრეა, ისიც სწავლის აუცილებლობას და სარგებლობას უხატავს მკითხველს და ასე მიჰმართავს დედის პირობით ბავშვს (ახალთაობას):

„გიყვარდეს სწავლა, გულმოდგინება,
შრომა და ჯაფა ნუ გეზარება,
თუ შენი შრომა და შენი ტანჯვა
სამშობლოს რადმე გამოადგება...
ეცადე ძლიერ და გქონდეს სმენა,—
კარგია, შეილო, სწავლის შეძენა,—
მაგრამ ამას გთხოვ ყველაზე უფრო:
არ დაივიწყო სამშობლო ენა“.

¹) რაფ. ერისთავი თავისი მიმართულებით უფრო თერგდალეულებს ეკუთვნის, იმათთან და მათ უმულო გაელენის ქვეშ ჰქმნიდა. მაგრამ თერგდალეულთა გაელენით მასში მომხდარ გარდატეხის შემდგომ მისი შემოქმედების ძირითადი მოტივი — გლეხის მდგომარეობის ასახვა — მას ჩვენი ინტელიგენციის მეორე დასასაც — „ხალხოსნებსაც“ უახლოვეს.

ქალადიდელი, სამშობლოს სიყვარულით დასერილი, გულგატეხილი საზოგადოების დიდი ნაწილისგან საწმინდოსადმი ზურგის შექცევით, ქმუნვიანი, გულისტკივილით, მაგრამ მასთან სიხარულით და სიამოვნებით შეჰყურებს მერცხალს, რომელიც არ იეიწყებს „თავის მხარეს“, და ამბობს:

„მაგრამ მაშინ კი გული მიკვდება,
როდესაც კაცი გამანსენდება,
რომელს პირუტყვის გრძობა ბევრით სჯობს
მით, რომ საწმინდო არ აგონდება“¹.

აი ამიტომაც, რომ გადახვეწილი პოეტი² სცხოვრობს სამშობლოს მოგონებით, მისი ხახვის სურვილით. „ოჰ, ფრთა მომცა, ჩიტი ვიყო, მალ-მალ გაეფრინდებოდეო“, ნატვრით-ღა იკლავს პოეტი და უშრეტელ წყურვილს საწმინდოს სიყვარულისას, და სასოებით ოცნებობს: „ღმერთო, ისე ნუ მოხკლავ, ძნას ძიურად არ ვრგებოდეო“. ქალადიდელისათვის, ამ წუთისოფლით გატანჯულისათვის, თვით სიკვდილიც აღარაფერია. მას არც სურს მისი სიკვდილი ვისმე ენაღლეუბოდეს. პოეტი მაინც რაღაც ნაზი და მტკივნეული, დამშეული და დამაშვრილი გულით განგებასა სთხოვს:

„გამაცოცხლე, მანატრე,
თუნდ საფლავში ვდნებოდე,
აყვავებულ საწმინდოს
თუ კი მოვესწრებოდე!“³

მაშასადამე, უდიდესი ნატვრა ქალადიდელისაც იგივეა, რაც საეროდ თერგდაღეულებისა—საყვარელი მამულის აყვავება.

მამულის სიყვარული ქალადიდელსაც ისე ესმის, როგორც საეროდ თერგდაღეულებს: მამულის განმტკიცება და აყვავება შედეგია ერთმანეთშორის ძმობა-ერთობა-თავისუფლების განმტკიცებისა, აი, ქალადიდელი როგორ მიჰმართავს მოძმეს:

„გეზარებოდეს ყველასთან შური,
და როცა შეგხედეს ქუაცი უძლური.
იტოდე, რომ ის შენი ძმა არის“⁴.

1) მ. ქალადიდელი—მერცხალი.

2) ქალადიდელი სწავლისა და შემდეგ სამსახურის გამო დიდი ხანი ცხოვრობდა რუსეთში.

3) მისივე—სიმღერა გადახვეწილისა.

4) მისივე—მოგონება.

ქალადიდელი 60-იანი წლების ღვიძლი შვილია და, როგორც ასეთი, ადამიანის პიროვნების პატიოსნების მგალობელია. ის ადამიანის ღირსებას ზომავს არა სიღარიბე-სიმდიდრით, არამედ კაცური გრძნობით და ურყეველი პატიოსნებით. და ეს თვისებები კი თერგდალეულთა ეროვნულ გრძნობაზეა აღმოცენებული და გაშლილი. ამიტომ ქალადიდელიც მოხუცს მიჰპართავს—ახალთაობას პატიოსნებისა და შრომის პატივივისცემა ჩაუნერგოს:

„ მერწმუნე, ჩემო პატივცემულო,
ის შვილი მშობელს ვერ გაახარებს,
რომელიც მტრულობს, ძმებში ორგულობს
და მელასავით დროსა ატარებს“.

ესეც ხომ საერთო თერგდალეულების ჰანგია, ქართველის გადაგვარებით გამოწვეული. ამ გარემოებამ აკი ასე მძლავრად აამოძრავა აკაკის სატირული ნიჭი და შეაქმნეინა,—მთელი რიგი საუკეთესო სატირებისა, რომელთაც, უმეტეს შემთხვევაში, ეროვნული ხასიათი აქვთ. ასეთსავე მოვლენას ვხედავთ ქალადიდელის სატირებშიც: „სიზმარი—ანუ სატანიდან საჩუქარი“ და „დახლიდარის ანგარიში“. ერთი სიტყვით, პოეტური ნიჭი და შემოქმედება თერგდალეულთა მძლავრ იარაღად გამოიყენეს ეროვნული გრძნობის გასაღვივებლად და ეროვნული მთლიანობის და განთავისუფლებისათვის საბრძოლველად, არა მარტო 60--70 წლებში, არამედ შემდეგშიც. მაგრამ თერგდალეულთა მოღვაწეობას ჩვენ მხოლოდ განსაზღვრულ პერიოდში (1876—1878 წლებამდის) ვიხილავთ.

მართალია, ეროვნული გრძნობა თერგდალეულებმა მეტად მწვავედ წამოაყენეს, დიდი ენერგია და სურვილი შესწირეს მის გაღვივებას, მაგრამ როგორც „საქართველოს მოამბის“ ერთ-ერთ წერილიდან დავინახეთ, მათ ეს გრძნობა ვიწრო გაგებით არ ეხატებათ. „სამშობლო ქვეყნის სიყვარული, — ეუბნება სფირიდონი თაღეოზს,—უნდა გამომდინარეობდეს კაცობრიობის სიყვარულიდანაო“¹. ასეთსავე მიმართულებას და გაგებას ვხედავთ მხატვრულ ლიტერატურაშიც. მაგ. „აჩრდილ“-ში, სადაც იშლება მომავალი სახე საქართველოსი, პოეტი ასე მიჰპართავს მომავლის შემქმნელ შრომის შვილს:

„სხვას ძირს არ დასწევ, თვით ამაღლდები,
არც ვის ემონვი და არც იმონებ“.

¹) „საქართველოს მოამბე“—1963 წ. № 7.

ასეთივე ფართე ზოგადკაცობრიული ხასიათი აქვს ილიას მიმართვას დედისადმი ლექსში — „ქართლის დედას“:

„აქ არის, დედაე, შენი მაღალი
დანიშნულება და საღმთო ვალი!
აღზარდე შეილი, მიეც ძალა სულს,
საზრდოდ ხმარობდე ქრისტესა მცნებას,
შთააგონებდე კაცთა სიყვარულს,
ძმობას, ერთობას, თავისუფლებას, —
რომ სიკეთისთვის გული უთრთოდეს
და მომავლისთვის ბედთანა ბრძოდეს“...¹

აი ასეთი ხასიათისა იყო ეროვნული გრძნობა, რომლის ქურუმებად თერგდალეულები მთელი ხანგრძლივი შემოქმედების მანძილზე უცვლელად დარჩნენ¹.

1) უნდა აღინიშნოს, რომ ეროვნული გრძნობის გაშლა-განმარტებაში, როგორც ზევითაც მოვიხსენიეთ, პრაქტიკულ ცხოვრებაში თერგდალეულნი უკიდურეს სობაშიაც ვარდებოდნენ ხოლმე. განსაკუთრებით, როცა შელაზულის დამცველის როლში გამოდიოდნენ ხოლმე.

თერგდალეულთა დამოკიდებულება ბატონყმობასთან.

1.

წინა თავებში აღნიშნულმა თერგდალეულთა შეხედულებამ და სიყვარულმა ხალხისა და მამულისადმი მათში გამოიწვია ჩვენი ცხოვრების ნაკლთა დანახვა და მხილება, რომელიც ასე უჩვევრად და მჭუხარედ გაისმა ჩვენს წყნარს, ჩუმს და ძილით მოცულ, მოდუნებულ ცხოვრებაში. თერგდალეულთა მრწამსს და პოზიციას მშვენიერად გამოჰხატავს ილია ქავექაეაძე თავის ცნობილ „პასუხის პასუხ“-ში, რომელიც თერგდალეულთა სახელით ღირსეული პასუხი იყო გრ. ორბელიანის „პასუხი შვილთა“-სი. აი ამჟამად და დაკმაყოფილებით რას ეუბნებიან თერგდალეულნი ილიას პირით „მამებს“.

„ჩვენ ვვლეთ რუსეთი,
მაგრამ არც ერთი

- ხელობა თქვენი არ გვისწავლია;
ჩვენი ქვეყანა
შეკდარი თქვეგანა
- თქვენებრ ჩინებზე არ გაგვიცვლია.
ლიბერალობა,
პატრიოტობა
- სალანძლავ სიტყვად არ გაგვიხდია;
თქვენგან ჩაგრული,
დაბრმავებული
- ერი ჯვრებზედ არ გაგვიყილია.
ქვეყნისა ბედი,
და ხსნის იმედი
- თქვენებრ ხელში მჩვრად არ გაგვხდომია.
კაცის მხნეობა,
კაცის ზნეობა
- თქვენებრ ჩინებით არ გვიზომია.

როს მოვედით ჩვენ,
მსწრაფლ გიცანით თქვენ,
შორს დავიჭირეთ თქვენი ანბანი
რად ჰკვირობთ მასა,
რომ თქვენს ანბანსა

ვერ შეაჩვიეთ ვერვინ ჩვენგანი“.

ილია ქავჭავაძე რომ აღნიშნავს დაწვრილებით „მამათა უარყოფით და დრომოკმულ თვისებებს, გაემიჯნება „მამათა“ ბანაკს და „მამათა“ და „შვილთა“ ბანაკის მრწამსს შემდეგი სიტყვებით დაუპირისპირებს:

„ ღმერთი არმოზის,
ღმერთი ყალბობის
არ ურწმენია ჩვენსა თაობას;
ღმერთი მზაკვრობის.
და თვალთმაქცობის,
ღმერთი უქმობის უარუყვია,
ღმერთი ხარბობის
და მძარცველობის
თქვენთა მსგავსათათვის მას დაუთმია.
ხოლო გეწამს ღმერთი,
უქმთა წარმწყმედი,
ტვირთმძიმეთა და მაშვერალთა მხსნელი,
ღმერთი ტანჯულთა,
ღმერთი ჩაგრულთა,
ღმერთი უძლურთა შემწყნარებელი;
ყოველთა ძმობის,
თანასწორობის
მოძღვრობისათვის ქვეყნად ჯვარცმული,
ძლიერთ დამბნელი,
უძლურთ ამხსნელი,
თქვენგვარ კაცთაგან გამობილ-დევნული;
ორგულობისა,
ორპირობისა
ძირსა დამცემი და დამთრგუნველი,
ფარისეველთა,
სადუკეველთა
გამკიცხველი და გამნდევნელი“.

ასეთი ღმერთი თერგდალეულთა სურთ იწამონ არა სიტყვით, არამედ საქმით. ამ პასუხში თერგდალეულთა არა მარტო მრწამსია, არამედ მთელი ხასიათი „მამათა“ და „შვილთა“ და მათ შორის ატეხილი ბრძოლისა. და ეს ბრძოლა უნდა ძველის უარყოფით დაწყებულიყო.

მართლაც, გაჩაღდა კიდევ შეუბრალებელი და პირმოუფერებელი მხილება ჩვენი ცხოვრების იარებისა, მანენ ზნე-ჩვეულებათა, რომლებიც ჩვენი ცხოვრების, ხალხის კეთილ-დღეობის, წინააწევის საქმეს დაბრკოლებად ელობებოდა.

თავიანთ ასეთს მიმართულებას თერგდალეულნი მოურიდებლივ თავიანთ ორგანოს „საქართველოს მოამბის“ საპროგრამო წერილში რედაქტორის ილია ჭავჭავაძის პირით თავიდანვე აცხადებენ: „როდი უნდა იწყინოს ქართველმა,—ეკითხულობთ ხსენებულ წერილში,—როცა ჩვენი „მოამბე“ სხვათა შორის ხელოვნების შემწეობით დაუნდობლად გამოჰფენს ჩვენი ცხოვრების ჭუჭყსაცა. ქართველნი უსიყვარულობაში ნუ ჩამოგვართმევენ, როცა ჩვენი უურნალი მკათიოდ, საქვეყნოდ გამოსთქვამს მას, რაც ქართველში ცუდია და საზიზღარი¹. საქართველოში თუ სადმე ორსა და სამს უყვარს ქართველი, ჩვენ იმათში უკანასკნელი არა ვართ. ეს-კი უნდა ვსთქვათ, რომ ჩვენ ქართველში გვიყვარს მხოლოდ მისი სიკეთე, სიცრუე-კი ყველგან საზიზღარია, ქართველი იქნება მისი მექონე თუ ინგლისელი,¹ სულ ერთია ჩვენთვის, ორსე წყალში გადასაყარნი იქნებიან“².

და მართლაც, თერგდალეულნი, ეს ჩვენი მომავლის საძიკველის დამდები ახალი თაობა ენერგიით, ჩვენი ცხოვრების გარდაქმნის, მომავლის, თუნდაც ბრძოლით, მოპოების სურვილით აღტყინებული მტკიცედ შესდგა ჩვენი ცხოვრების მხილების, ცუდის გაგამომელაუნების გზაზე. მართალია, მათ, როგორც თვითონ ისინი აცხადებენ თავიანთი უურნალის მე-XI-ე №-ში, როდესაც ანგარიშს უკეთებენ თავიანთი ერთი წლის მუშაობას, გზა „გახილული“ დაჰხვდათ, მაგრამ თერგდალეულნი ღრმა რწმენით, რომ მომავალი

1) კურსივი ჩვენია.

2) „საქართველოს მოამბე“ 1863 წ. № 1.

შათია, რომ დაუზოგველად უნდა განვლონ ეს კლდე-ღრე გზა, სდიონ ახლა სხვა ვარსკვლავს, შენ მყოფადი და მისცენ ხალხს მომავალი, — შეუპოვრად მიდიან წინ. მათს მოქმედებაში გამოიკვანძა ის კვირტი ცხოვრებისა, რომელშიაც ჩაისახა სახე ახალი საქართველოსი და მისი შინაარსის ძიების აუცილებლობა. მიუღდგომლობა იქნება, თუ „საქართველოს მოამბის“ რედაქციის შემდეგს პირუთენელ განცხადებას სრულიად დავეთანხმებით: „თუმცა გზა გახილული გვექონდა, — მძლავრი, შეუძლებელი ითქვას, რომ დაუქმყოფილებელი კილოთი აცხადებდეს ავტორი მთელი ჯგუფის სახელით, — მაგრამ გულწრფელად და გაბედვით ვიტყვით, რომ სხვის მოსაწონად არც ერთის ჩვენის გულითადის აზრისათვის არ გვიღალატნია, სხვის მოსაფერებლად არც ერთი გრძნობა ჩვენი არ გაგვიყინდია, რომელიმე ანგარიშისათვის ყალბი ვერცხლად არ გაგვიყვანია. ჩვენ დაფრუმებულვართ, მაგრამ სვინილისისათვის არ გვიღალატნია. როგორც გონება ჩვენი სკრიდა, როგორც გული გვითხრობდა — ისე ვლაპარაკობდით, საცაჲ შეგვეძლო და კვლავაც ასე მოვიქცევით, — თუნდ რომ ამით ჩვენს ჟურნალს ბოლო მოელოს“¹.

თერგდალეულთა ეს წრე, რომელმაც საქმარისად მძლავრად აამოძრავა და ააღლევა მაშინდელი დაძაბუნებული ჩვენი ცხოვრება, თვითონ უქმყოფილოა თავისი მიზნისა და მოვალეობის შესრულებით. „ყველაზე დიდი ნაკლულოვანება, — აცხადებს რედაქცია, — ჩვენი ჟურნალისა ის იყო, რომ სხვათა შორის დროების ინტერესი არ ჰქონდა, — ეგ ინტერესია ყოველი ჟურნალის სული, ეგ აცხოველებს, ეგ აბრუნებინებს სულს. არც ერთი ჩვენი შინაგანი ცხოვრების გამოჩინება, არც ერთი თითქმის ფაქტი, არც ერთი საქმე, რომელიც ყველას თვალწინ გვიტრიალებს და რომელიც ყოველი ცოცხალი კაცისათვის საინტერესოა, არამც თუ ვერ ახსნა ჩვენმა ჟურნალმა, არამედ ვერც კი გაბედა, ² რომ მიჰკარებოდა, თუმცა ზოგჯერ სცადა კიდევ, ჰმავე მიზეზით, რომ „დრონი მეფობენო“. ამის გამო ჩვენს ჟურნალს ფერი დააკლდა, „მოამბემ“ შორიდან დაუწყო ტრიალი მას, რაც ახლო გასასიხვი იყო... კვლავ იქნება ჩვენს ჟურნალს, — იმედიაანად ათაგებს რედაქტორი ჟურნალის ანგარიშს, — დრო დაუდგეს და კარგი ნაყოფი მოიტანოს. ამის იმედი მით უფრო არის, რომ ბევრმა აღგვითქვა გულმოდგინე შემწეობა“³.

¹) „საქართველოს მოამბე“ 1863 წ. № XI — რედაქციისაგან.

²) აქ რედაქციას მხედველობაში აქვს ბატონ-ყმობის საკითხის დასმა.

³) „საქართველოს მოამბე“ 1863 წ. № XI. *

ეს ნაწყვეტი მრავალმხრივაა საინტერესო. მაგრამ აქ ჩვენ ორ გარემოებას გვინდა ხაზი გაუსვათ. პირველი ის, რომ რედაქციის იმედები მომავლითაა გამოწვეული, გარდა იმედიანი სულიერი განწყობილებისა, რომელიც დამახასიათებელია თერგდალეულთათვის, განსაკუთრებით მხატვრულ ლიტერატურაში (ილია, აკაკი), იმ გარემოებითაც, რომ ჟურნალის თანამშრომელთა რიგები თანდათან დიდდება. „კარგ ნაყოფს“ „საქართველოს მოამბე“ ჰრა მარტო „დარის“ დადგომით მოელის, არამედ „მით უფრო, რომ ბევრმა აღგვიტქვა გულმოდგინე შემწეობა“. — ო. მეორე ისა, რომ თერგდალეულთა ასეთს თვითკრიტიკაში, ასეთ დაუკმაყოფილებაში ჩვენ ვგრძნობთ იმ დიდს, მძლავრს, აღელვებულ და ათქვირებულ მაჯის ცემას, რომელიც 60-იან წლებს ასე ახასიათებს, რომელიც მძლავრი გაქანებით ახეთქებდა ახალთაობას ძველი ცხოვრების დრომოკმული და მავნე ტალღების მაგარ ქვითკირს. ასეთი შინაგანი და დინამიური დულილი ახალი თაობისა მასში იწვევდა სურვილს — დაემტვრია და დაემსხვრია ყველა ის დაბრკალებანი, რომელიც ასე საგრძნობლად ჰბორკავდა მის შემოქმედებას.

უნდა ისიც აღინიშნოს, რომ თერგდალეულთა თვითკრიტიკა ჟურნალის ფერმკრთალობის და დროების ინტერესის უქონლობის შესახებ გადაჭარბებულია. ეს თვითკრიტიკა თერგდალეულებისა, ჩვენის ფიქრით, დაუმსახურებელია.

მიუხედავად მართლაც „უდროობისა“, რადგანაც, როგორც თვით რედაქცია შენიშნავს, — დრონი მეფობენ“, „საქართველოს მოამბე“ მაინც ახერხებდა დროების ინტერესის ასახვას: თავის ფურცლებზე დროის მწვავე საკითხების გამოტანას, საერთოდ ძველი წყობილების კრიტიკას და მეტად დაურიდებელ კრიტიკასაც აწარმოებდა, ხან თუ პუბლიცისტური წერილების საშუალებით, ხანაც, უფრო კი მხატვრული შემოქმედების გზით. მხატვრული შემოქმედების შემწეობით ჩვენს საზოგადოებრივ ცხოვრებასა და აზროვნებაში მეტად მკაფიოდ, მწვავედ და მკვეთრად გამოტანილ იქნა ის უდიდესი ნაკივნილი საკითხი, რომელიც ცენტრალური იყო რუსეთის-სინამდვილეში 40 წლებიდან განსაკუთრებით 60-იან წლებში, — აქედან ჩვენშიაც, — ეს იყო ბატონ-ყმობის საკითხი. ეს საკითხი ჩვენი ცხოვრების სინამდვილეშიაც მწვავე იყო. აკი ამისაჲვის ეს საკითხი 1859 წლის მიწურულებში დანიელ ჭონჭაძის „სურამის ციხით“ სტიქიურად და აშკარად დაისვა ჩვენს საზოგადოებრივ აზროვნებაში და მხატვრულ ლიტერატურაშიც.

მართალია, 1863 წელს რუსეთში ბატონ-ყმობა უკვე გადავარდნილი იყო, მაგრამ ჩვენში ეს ინსტიტუტი მთელი თავისი პიროვნების შემლახავი და განმანადგურებელი მოპყრობით გლეხ-კაცისადმი კვლავინდებურად მძევნებარებდა ფაქტიურადაც და ფორმალურადაც. ბატონ-ყმობის უარყოფაზე ლაპარაკი, როგორცა ჩანს, სასტიკად იყო აკრძალული. როგორც ზევით დავინახეთ, მთავრობაზე ნაკლებ საზოგადოება არ იყო მომხრე ბატონ-ყმობის ინსტიტუტის შენახვისა. ზევით უკვე დავინახეთ, რომ ილია ჭავჭავაძის შემოქმედებითს ლაბორატორიაში უკვე პეტერბურგის პერიოდში დაგროვილი იყო ბოღმა და შხამი, აღამიანის პიროვნების ამ საშინელი, შემადრწუნებელი, შემლახავი მოვლენით გამოწვეული, და აგრეთვე მასთან ერთად საბრძოლველად აღელვებული გზნება პოეტისა. მაგრამ მას საშუალებას არ აძლევდნენ ეს ბოღმა საჯაროდ გადმოენთხია. ილიასა და სხვა თერგდალეულთა თავისუფალ და თამამ სიტყვას „ცისკარი“ ადგილს არ უთმობდა. „ცისკარის“ რედაქტორს ივ. კერესელიძეს დანიელ ჭონქაძის „სურამის ციხის“ დაბეჭდვისათვისაც ბევრი უსიამოვნება დაატყდა თავს.

მაგრამ „საქართველოს მოამბემ“ ამ საკითხის სავსებით დაძლევა თუ ვერ შესძლო, მისი ნაწილობრივ გახმაურება და გადაშლა მაინც მოახერხა, ყრუდ არ დარჩა. „ყრუდ ჩაძახილი“—ამოიძახა, და, შეიძლება ითქვას, საგრძნობლად, განსაკუთრებით იმ დროისათვის, მქუხარდაც.

და ვ ი თ ყ ი ფ ი ა ნ ი „საქართველოს მოამბის“ მე-4-ე №-ის შიმოხილვაში „სხვა და სხვა ამბავის“ სათაურით სწერს საერთო-საკაცობრიო პროგრესზე და ბოლოს საკმარისად მკაფიოდ ჩაურთავს შეხედულებას ბატონ-ყმობის შესახებაც: „საზოგადოებაში,—სწერს ის,— რომ ერთი ნაწილი სულ არ შრომობდეს და სხვის შრომით ირჩენდეს თავს და იმ შრომასაც რომ თავისუფლება არა ჰქონდეს, ე. ი. ურთიერთ ნება-ყოფაზე დამოკიდებული რომ არ იყოს, საზოგადოებისათვის ცუდია თუ არა?.. ეს მდგომარეობა ორივე ნაწილისათვის, მეტადრე მთელი საზოგადოებისათვის, სენია... ჯერ ისა, რომ მთელ საზოგადოებაში ყოველი კერძობითი კაცი უნდა იყოს მშრომელი თავისუფლად და, მაშასადამე, ნაყოფიერადაცა. და თუ საზოგადოებაში ყოველი იმისი წევრი ნაყოფიერადა შრომობს, საზოგადოებაც კეთილ-მდგომარეობაში შევა. საზოგადოების კეთილ-მდგომარეობას კერძობითი პირების კეთილ-მდგომარეობაც უნდა მოჰყვეს თანა. სწორედ ისე, როგორათაც ერთს სახლობაში ყოველი წევრი რომ

ნაყოფიერად წრომობდეს, მთელი სახლობა კეთილ-მდგომარეობაში შევა, და ამ სახლობის კეთილ-მდგომარეობასა, რასაკვირველია, იმ სახლობის წიგნების კეთილ-მდგომარეობაც თან მოჰყვება... ამ თავისუფალი წრომის მოკვეთა ჩვენ საზოგადოებაში ასი ათას გლეხს მოსდიოდა და იმათ ბებატონეებსა, მრავალ თავადსა და აზნაურსა. ამას უთუოდა გრძნობდა ქართველების კეთილშობილი ნაწილი და გლეხებს თავისუფალ შრომაზე დაყენება ეძლევათ. დროების დედა-აზრი როგორ მოქმედობს ამ მაგალითში, მკითხველო, იმას ებლა შენც ადვილად მიჰხვდები¹. ასე ათავებს თავის სწორ, მაგრამ დიდის კრძალვით გამოთქმულ აზრს დავით ყიფიანი.

რასაკვირველია, ამ სტატიის კილოში ვგრძნობთ, რომ პუბლიცისტს თავისუფალი გასაქანი არა აქვს; აშკარადა ვგრძნობთ, რომ ბატონ-ყმობაზე წერა სახიფათო, საშიში და აღკრძალული საქმე იყო. მაგრამ „საქართველოს მოამბის“ გარშემო შემოკრებილ თერგდალეულთა წ.დილი მაინც ვერ იჩემალება. იმ პირობებშია ცი თერგდალეულნი ახერხებენ ამ საკითხის დასმას.

მაგრამ ის, რაც თერგდალეულებმა პუბლიცისტის საშუალებით ვერ შესძლეს, მხატვრული შემოქმედების შემწეობით მარჯვეთ მოახერხეს. „საქართველოს მოამბეში“ პირველად დაიბეჭდა ილია ჭავჭავაძის საუკეთესო ნაწარმოებნი ბატონ-ყმობის წინააღმდეგ: „კაცია ადამიანი?“ (მთლიანად), „გლახის ნაამბობი“ (ხუთი თავი) და ნაწყვეტი „კაკო ყაჩაღი დან“ — „ერთი მოთხრობის დასაწყის“ -ს სათაურით. ეს მშვენიერი მხატვრული ტრილოგია იმ დროისათვის ძლიერი პოლიტიკური და სოციალური პამფლეტი იყო.

თავდაპირველად 1858—1859 წლებში ტყუილად და უაზროდ კი არ იკვანძებოდა ილია ჭავჭავაძის შემოქმედებაში ერთად ეს სამი ნაწარმოები მოთხრობა „კაკო“-ში. მაგრამ ერთმა ტილომ ვერ დაიბეჭდა ეს ცოცხალი მხატვრობა ჩვენი ცხოვრებისა, განსაკუთრებით მრავალფეროვანობა მისი ტივილებისა.

ილია ჭავჭავაძის შემოქმედებაში, როგორც უკვე ნათქვამი იყო, სწორედ ამ წლებში (1858—1860 წ.წ.) ხდება გარდატეხა, უფრო სწორი იქნება ვსთქვათ, გამორკვევა. მისმა შემოქმედებთმა ნიკის მოძრაობამ ამ დროს უკვე შესძლო ჩვენი ბინდიან და უხანობის ცხოვრებაში გამოენახნა გზა მომავალი შემოქმედებისა. მან შესძლო თავისი ნიჭით და შექმნილი ცოდნით გაეშუქებინა ის გზა, რომლითაც ამ წყვილიაღში სიარულს აპირებდა. ამ დროისათვის (1860 წლ.).

¹) „საქართველოს მოამბე“—1863 წ. № 4.

მან უკვე მოახერხა თავისი მძლავრი შემოქმედებითი ნიჭის შემწეობით გამოეხვედებინა აზრი წმინდა, მოწინავე და ცხოველი და აეგეგმა თავისი მომავალი ცხოვრება და მოქმედება. მთელი ბრძოლა, რომელიც ილიამ აწარმოვა ჯერ „ცისკრის“ ფურცლებზე და შემდეგ „საქართველოს მოამბეში“—იყო ცხოვრებაში გატარება შეთვისებული პრინციპებისა და მათზე აღმოცენებული სამოღვაწეო გეგმისა. და ამ შემთხვევაშიც ილია მკვეთრი გამომხატველია თერგდალეულთა სულიერი განწყობილებისა.

ახალი საქართველოს საფუძვლების აგიტაციის მიზნით, რათა მძლავრი პოეტური სახეების შემწეობით გაეტანა ხალხის ფართო მასებში თავისი მისწრაფებინი, „საქართველოს მოამბე“-ში მოთავსებულ მხატვრულ ნაწარმოებში ილია ქვეყნაძე მარტო ხალას ლოზუნგს-კი არ ისერის ცხოვრების მორევში, არამედ ჩვენი სინამდვილის ნიადაგზე აღმოცენებულ და განვითარებულ ცოცხალ ტიპებს გვაძლევს. ამ ნაწარმოებთა გმირების ცხოვრებისა და თვისებათა გადაშლაში პოეტი მკვეთრად შლის ჩვენი ცხოვრების უარყოფით მხარეებსაც განსაკუთრებით ბატონ-ყმობისას.

2.

თერგდალეულთა მიერ ჩვენი ცხოვრების სინამდვილის დახატვაში ორი მთავარი მოტივია, ერთი-ერთმანეთთან მკიდროდ დაკავშირებული. ეს გახლავთ ეროვნული და სოციალ-ეკონომიური (უფრო კი ბატონ-ყმობის) საკითხი. ორივე ეს მოტივი, ასე მტკიცედ გადაკეანძილი თერგდალეულთა და განსაკუთრებით ილიას შემოქმედებაში, გამომდინარეობს მათი ყველაფრის შთანთქმავი მისწრაფებიდან—ახალი საქართველოს შექმნის სურვილიდან:

„მას. აქეთ, რა კი შენდამი ვცან მე სიყვარული, — ამბობს პოეტი, —

ჰოი. მამულო, გამიკრთა მე ძილი და შვება!

შენს ძარღვის ცემას მე ყურს ვუგდებ სულგანაბული,
ლაშე თენდება ეგრეთ ჩემი და დღე ლამდება.

—

დაჟინებითა ფიქრი ფიქრზედ მოდის, გროვდება,
გრძნობა გრძნობაზედ შეუპოვრად იძვრის ჩემს გულში,
და მე არ ვჩივი, — მიხარიათ, რომ ეგრეთ ჰშვრება
ჩემი ცხოვრება შენსა ფიქრში, შენს სიყვარულში“.

ახალი საქართველო ილიას ღრმა რწმენით და შეგნებით უნდა აშენდეს თავისუფალ საქართველოს ფარგლებში პოლიტიკურადაც და სოციალურადაც. თავისუფალი ადამიანი და თავისუფალი შრომა აუცილებელია ხალხის თავისუფლებისათვის, მის მომავლისათვის. ხალხის წინმსვლელობისათვის და მის კეთილდღეობისათვის უპირველესად საჭირო იყო ხალხი განთავისუფლებულიყო იმ საშინელი მონობის უღლისაგან, რომელსაც ბატონყმობა ერქვა. ბატონყმობა ხალხის, მთელი ერის შემოქმედებითს ნიქს ადუნებდა, არჩობდა, ანადგურებდა, ხალხის ბედნიერების და კეთილდღეობის მოპოების პროცესს აბრკოლებდა. აი სწორედ ამით აიხსნება, რომ ილია ქავჭავაძემ და საერთოდ თერგდალეულებმა თუმცა ეროვნული განთავისუფლების პრინციპი გამოაცხადეს მთავარ პრინციპად, მაგრამ უპირველესად, როგორც აუცილებელი საშუალება ამ მიზნის მისახვევად, ბატონყმობის მოსპობა დაისახეს. ამიტომაც სასტიკი და შეურიგებელი, დაუნდობელი ბრძოლა გამოაცხადეს და აწარმოვეს კიდევ მათ ბატონყმობის წინააღმდეგ. ბატონყმობის ასახვას ილია ქავჭავაძემ მოანდომა უმეტესი ნაწილი თავისი შემოქმედებისა. მისი საუკეთესო საზოგადოებრივი ხასიათის ნაწარმოებნი ამ ხანში დაიწერა. ესენი ხორცშესხმულ და, რამდენადაც პირობებმა ნება მისცა, გამოტანილ იქმნენ ფართო საზოგადოებაში სწორედ „საქართველოს მოამბის“ საშუალებით.

ზევითაც აღვნიშნეთ, რომ თავდაპირველად 1858—1859 წ.წ. ეს სამი ნაწარმოები ერთს ნაწარმოებში იკვანძებოდა. მხოლოდ შემდეგ სამს თავისთავად დამოუკიდებელ მოთხრობად ჩამოყალიბდა. მათი თანდათანობითი, ქრონოლოგიური დასრულება შესაძლებელია სწორი გასაღები იყოს ილიას ბატონყმობის ასახვის გავებაში. „კაკო ყაჩაღმა“ საბოლოო სახე მიიღო 11 დეკემბერს 1860 წ.; „გლახის ნაამბობმა“—1862 წ. დამლევს; ხოლო „კაცია ადამიანი?“—საბოლოო რედაქცია ეკუთვნის 1863 წელს.

მაშასადამე, ჩვენც ილიას ბრძოლა მხატვრულ ძწერლობის საშუალებით ბატონყმობის წინააღმდეგ მისი შემოქმედების მეორე პერიოდში დავიწყეთ—„კაკო ყაჩაღით“.

პოემის გმირად აეტორს ორი გლეხ-კაცი—„ყაჩაღი“ ჰყავს. ყაჩაღად გავარდნა მათი იძულებითია. ამ პოემაში აშკარად და მკვეთრადაა გადაშლილი ის მიზეზები, რომელიც აიძულებდა გლეხს, მთელი თავისი არსებით მიკრულს მიწას, სახლ-კარს, ოჯახს, ყოველდღიურ შინაურ ცხოვრებას, დაეტოვებინა ყველა და ყველაფერი

და ყაჩაღად გავარდნილიყო. მათი ყაჩაღად გავარდნა გამოწვეული იყო ბატონის უსამართლო მოპყრობით, უადამიანო ძალმომრეობით ყმაზე, გლეხის სრული უუფლებო მდგომარეობით, რაც, როგორც მშვენივრად გვიხატავს ილია „აჩრდილშიაც“, გლეხს ბატონის მონად, ჩვეულებრივ მობეზრებულ საგნად ჰხდოდა.

ბატონ-ყმობის ძალმომრეობით გამხეცებული ბატონის უდიერობამ და შეურაცხყოფამ მოთმინებიდან გამოსულთ კაკოსაცა და ზაქროსაც გადააწყვეტინა შური ეძიათ. ბატონისადმი, გაეწყვიტათ კავშირი ცხოვრებასთან, ტყვისათვის თავი შეეფარებინათ ერთგულ მეგობრებით—მარდი ცხენით, უმტყუნო თოფით და ხლმით.

თუმცა ასეთი ცხოვრება ძუნწია, სავსე ნაკლებულობით, შიშით, მარტოობით,

„მაგრამ აქ ყველა გვიადვილდება,—

სადაც ჩვენვე ვართ ჩვენი ბატონი“—ო,

სრული კმაყოფილებით და „მშვიდი“ ცხოვრების დაკარგვის დაუნანებლივ ეუბნება მხედარს კაკო, გლეხისათვის თუ რამდენად წარმტაცი, მიზიდველია ასეთი, თუნდაც ძუნწი თავისუფლების მოპოება, თუმცა ის მეტად ძვირად დაუჯდება. ეს მშვენივრად ჩანს პოემის შემდეგი ძლიერი ადგილიდან. მხედარი ზაქრო, ცხოვრების უკულმართობას ვამოქცეული, მიეშურება კ უ ღ ი გ ო რ ი ს მთისაკენ. მას იქ თავისი მოძმე „ყაჩაღი კაკო“ ეგულება. ის ალაზნის ქალაში შეჰხედება მეურმეს. მეურმე ზაქროს ასწავლის კულიგორის გზას. თანაც გააფრთხილებს მხედარს, რომ იქ სცხოვრობს ყაჩაღი კაკო. მხედარი გლეხს უპასუხებს, რომ ის სწორედ მასთან მიდის და, რა გაიგებს კულიგორის გზას, სიამოვნებით სწრაფ იქით გაქუსლავს. პოეტი მეურმე-გლეხის გულს, ამ შეხვედრით აღვსებულს ნაღვლით, შურით და ნეტარებით, დიდი ოსტატის ხელოვნებით მეტად ამაღელვებელი და მგრძნობიარე ფერადებით გადაგვიშლის:

„თითქოს შეჰნატრდა იმას მეურმე,

„ახ ნეტავი შენ!“—წაიღუღუნა

და გაიქნია რა თავი მერმე

შურით ხარს შოლტი გაუტყლაშუნა

და მერე ისევ უფრო მწუხარედ

თვისი სიმღერა დააღუღუნა.“

ღიახ, დიდია შეწუხებულ, შეურაცხყოფილ, გაწბილებულ გლეხ-კაცობაში თავისუფლების მოპოვების სურვილი! ბევრის გულს მწარედ აკვნებს და მწარედ ახურებს მისი მოპოვების იმედი, თუ

გინდ დიდის მსხვერპლის შეწირვითაც. მაგრამ ძნელია კავშირის გაწყვეტა ცხოვრებასთან, შეზრდილ და შესისლხორცებულ, თუნდაც ისეთს გაქირვებულ, ძალღუმადღურ ცხოვრებასთან. არამც თუ ყველას, ცოტას, ძალიან ცოტას შესწევს ძალა, ნებისყოფა (ან საიდან ექნება მასიურად ნებისყოფა ყმას—მონას!), გამბედაობა უსამართლობას გაექცეს და ირჩიოს:

„უსახლკარობა, შიში, შიმშილი,
მარტოკა გდება მხეცივით ტყეში,
ყურდღელსავითა ფხიზელი ძილი
და იარაღი დღედაღამ ხელში“

ამისთანა ძლიერი დუღილი და ნდობა ხვედრია მხოლოდ გამონაკლისებისა, მხოლოდ რჩეულთა, რომელნიც იქმნებიან, იკირებიან, გვირისტით იკერებიან ხალხის ცხოვრების დუღილში და ჭირ-ვარამში, რომელთაც დედის რძის მაგიერ ხალხის ნაღველი ასაზრდოვებდა, დედის ნანის მაგიერ, ხალხის კენესა ზრდიდა. ეს რჩეულნი ხალხის მასების ცხოვრების მორევში, როგორც იდეალი, ცხოვრობდნენ. მათი სახე, შარავანდელით მოკული, გლებ-კაცს ბავშობიდანვე „ღვიძლ დედასავით ეთვისებოდა“. მათი წანებულო, მაგრამ მასთან ერთად მათი ვაჟკაცური ცხოვრების მოგონება გლებ-კაცობის გულს ბავშობიდანვე „ბევრს რასმე ჩასძახოდა, ხან მოალხენდა, ხან აღონებდა“. მეტად საინტერესოა პოემა „კაკო ყაჩაღის“ ადგილი— „მაშინ თორმეტის წლისა ვიყავი, როცა ბატონმა სახლს მომაშორა“... იქ, სახლს მოტაცებულ სოფლის პატარა გლების ბიჭების ცხოვრებასა და გართობაში ბუნების წიაღზე, ბატონის სახლს მოშორებით, ტყეში, ბატონის ნახირის მოვლის დროს, ამ ბიჭების გულში იქსოვება და ითვლება. სიყვარული თავისუფლებისადმი, დახმარება დაჩაგრულთადმი. დაჩაგრულთა სიყვარულის და დახმარების ლეგენდალურ გმირად ხალხს ყაჩაღი * რსენა გაუხდია:

„მარტო არსენას, თუ გახსოვს შენა,—
ეუბნება მხედარს კაკო,—
გლებ-კაცი, როგორც ძმა, ჰყვარებია,
გლებ-კაცის ბედი, ჭირი და ლხენა
შვილსავით კალთით უტარებია.
აბა კაციცა ისა ყოფილა
და ქუდიც იმას, ძმავ, ჰხურებია!“

არსენას ამბავი გლებ-კაცს ბავშობიდანვე ნათელი სხივივით ჩაჰშუქებია. მისი სახე და სახელი, ზღაპრად მოსული, ავსებდა მის ცხოვრებას:

„არსენა ჩენი, ის მხნე არსენა—
ჩენდამი, ძამო, ზღაპრად მოსული,
ის იყო ჩემი ჯავრი და ლხენა,
ის იყო ჩემი გული და სული“—

აღტაცებით მოუთხრობს მხედარი კაკოს. ასე განიცდის ამ რჩეულთ გლებ-კაცი და აი რატომაა, რომ კაკოს „გაცნობა არ არის ძნელი,—ეუბნება კაკოს ზაქრო,—შორს გავარდნილა შენი სახელი, ბავშვმაც-კი იცის, ვინ არის კაკო“.

რა არის მთავარი მიზეზი, რომ ეს რჩეული „ყაჩაღები“—კაკო, არსენა ხალხის გულში სათაყვანებელ საგნად არიან ჩასვენებულნი? მარტო იმიტომ, რომ თავისუფალნი არიან და გაწყვიტეს ყოველივე კავშირი ამ ძალღუმადურ ცხოვრებასთან? თუ ამ თავისუფლებას და მის მოპოვებას გარკვეული საზოგადოებრივი ნიადაგი და მნიშვნელობა აქვს? მარტო თავისუფლება თავისუფლებისათვის რომ ყოფილიყო, ილიამ კარგად იცის, რომ გლებ-კაცობა, ცხოვრების ღუბჭირში გამოტარებული და მიტომ უაღრესი პრაქტიკოსი, ამ „ყაჩაღებს“ ასეთი გატაცებით და სასოებით არ ეთაყვანებოდა, მისაბაძვე იდეალად მათ არ გაიხდიდა. მართლაც, აი რას ეუბნება კაკოს მხედარი, რომლის გულმა გული იცნო და მკლავმა—მკლავი, კაკოს კითხვაზე, საიდან ემცნაურება ის მას და მასთან მისვლა მას რამ გააბედვინა:

„შენზედ მოუბნობს კაცი და ქალი,
ვისაც ენა აქვს, შენ ყველა გაქებს;
შენი ამბავი, ეხლა მართალი,
ზღაპრად მიუვა ჩენს შეილისშვილებს.
შენზედ ამბობენ, რომ ხარ მამაცი,
გამოჰქცევიხარ უსამართლობას,
ამბობენ, თურმე გიყვარს გლებ-კაცი, —
ბარაქალა მაგ გულკეთილობას!..
რომ ბედში მყოფი შენ ძმად მიგაჩნდეს,
ეგ ვერაფერი სიყვარულია,
სიტყვა ის არის, კაცს ის უყვარდეს,—
ვინც ბედისაგან დაჩაგრულია!“

ასეთი იყო არსენა. მისმა ასეთმა მოქმედებამ აანთო კაკოს გულიც და გაიყოლია. მას მისდევს ზაქრო ზე ამგვარად იქმნება მძლავრი, მამაცი რაზმი უკმაყოფილოთა.

აშკარად ვხედავთ, რა განუყრელი, მკიდრო კავშირია ამ „ყაჩაღ-თა“ და ხალხს შორის. ხალხს ასაზრდოვებენ არსენა, კაკო, რადგანაც ისინი ხალხის ბედის გამზიარებელნი არიან; სამაგიეროდ, იმათაც ძალასა და მიმზიდველობას აძლევს ხალხი; ამ ძალასვე მათ აძლევს ზრუნვა „ბედისაგან დაჩაგრულ“ ხალხისათვის, რომლის ბედსაც ისინი „შვილსავეთ კალთით ატარებენ“.

აქ აშკარადა ვგრძნობთ, გვესმის დაბალ ფენებში ამოვარდნილი სიო თავისუფლების მოპოებისა; ვგრძნობთ, რომ ეს სიო შეუპოვარი ქართველის წინამორბედი. თავისუფლების მოპოების სურვილი არღვევს ყოველდღიური ცხოვრების ბორკილს, მსხვერპლად იწირავს მრავალს სიცოცხლეს. ხალხს წარმტაც გმირად გადაუქცევია ის, ვინც კავშირი გასწყვიტა მონობის ცხოვრებასთან, ვინც „ყაჩაღად“ გავარდა.

ცხადია, ილია ქავკავაძემ მხატვრული ლიტერატურა მშვენიერ საბრძოლველ იარაღად გამოიყენა. ვგონებთ, იშვიათი პუბლიცისტური სტატია შესძლებდა იმ დროს ისე მკვეთრად, გაბედულად, მქუხარედ დაეთრგუნა ბატონ-ყმობის უმსგავსოება, როგორც შესძლეს კაკოს, ზაქროს მხატვრულმა სახეებმა და, თითქოს შემთხვევით შემოტანილმა, ხალხის გულის და მხურვალე მაჯის ცემის ცოცხალმა ასახვამ არსენას სახით. განა იმ დროს სხვა გზით ამაზე მძლავრად შეეძლო კაცს გადმოესროლა ბატონ-ყმობის სქელი კედლით შემოზღუდულ ქვეყანაში ბატონ-ყმობის უარყოფა? განა შეიძლებოდა უფრო მკვეთრად და ღია ფერადებში გადმოეცათ გლეხ-კაცის უუფლებო, მონური დამოკიდებულება ბატონისაგან? გულნატკენი, შეურაცყოფილი ზაქრო ასე ათავებს თავის მძიმე ოდისეიას:

„მხეცი რამ იყო ბატონი ჩენი,
ერთი აჯამი, გულქვა, რეგენი,
იმას კაცებრი გული არ ჰქონდა,
რომ მამაჩემი შებრალეზოდა.

რა გავაგრძელო, თავადის შვილი
კარგი რა არის, ავი რა იყოს“-ო.

მაშასადამე, ის, რაც ვერ შესძლო „საქართველოს მოამბემ“, რომ პირდაპირ ეთქვა და აღენიშნა „თანამედროვეობის მტკივნეული საკითხი, „სწორედ შესძლო ამავე „საქართველოს მოამბეში“ მხატვრულმა ლიტერატურამ. მხატვრული გმირების სულის-კვეთების ასახვაში, ძალუმად ჩართვა თანამედროვე ლოზუნგებისა არა-ნაკლები (ვფიქრობთ, უფრო ძლიერიც) გამოხმაურება იყო იმ მტკივნეული

საკითხისა (ბატონ-ყმობის დათრგუნვისა), რომლის პროპაგანდა და სამსახური ერთ-ერთი მთავარი საკითხი იყო თერგდალეულები-სათვის.

განა ასეთივე მძლავრი პროტესტი არ ისმის ილია ქავეკაეძის „გლახის ნაამბობში“, რომელიც ავტორმა დაამთავრა 1862 წელს, და რომლის ხუთი თავის დაბეჭვდა „საქართველოს მოამბემ“ მოახერხა? ამ ნაწარმოებში ტილო სურათისა უფრო გაფართოვებულია, საკითხის გაღრმავება უფრო მევეთრია. ბატონყმობის უარყოფითი გამათახსირებელი გავლენა აქ მარტო გლახ-კაცებზე-კი არ არის ნაჩვენები, არამედ ბატონებზეც. მზა-მზარეული ცხოვრება სხვის (ყმის) ზურგზე და სხვისი (ყმის) ხარჯით ბატონის გონებას, ზნეობას, ნებისყოფას აღუნებს, აჩლუნგებს, ან ცალმხრივად ანვითარებს—მხოლოდ უხეშ-ვნებიანობის მატარებელ ჭურჭლად გადააქცევს. ვინ არის დათიკო, თუ არა გაგულქვევებული და გამხეცებული, შესაძლებელია, ბუნებით არა-ურიგო, ბატონი? სწორედ ბატონის ფსიქოლოგია, რომ მან ყველაფერი, რასაც-კი მოინდომებს, უნდა შეისრულოს, სწორედ ის სადავე-მიშვეებული, არაფრის შემზღულდავი აღზრდა, რომელიც ბატონიანთსა მეფობდა და რომელმაც ოჯახის კერას მოსწყვიტა ოჯახის მარჩენელი, კეთილი ბუნების გაბრო (და ათასი მისთანა სხვა) და ბატონიშვილს ქალაქში თანმხლებლად გამოატანა,—ლუპავდა ყმასაცა და ბატონსაც, არცერთს მათგანს ხეირს არ აყრიდა.

განა ბატონ-ყმობამ არ გადააქცია დათიკო აღვირ-ახსნილ, დაბალი ვნების დამაკმაყოფილებელ მხეცად? განა ამ ბატონ-ყმობამ არ შეასხა ავადმყოფი ხორცი მის ცოდვილ სულს? განა ბატონის ფსიქოლოგიამ არ მოსწყვიტა დათიკო ყოველსავე შინაარსიან ცხოვრებას და ვნებიანობის ქაოსში, გარყვნილი ცხოვრების მორევში, ბატონყმობით განმტკიცებულში არ ჩააყურყუმელავა? განა ბატონ-ყმობამ არ განამტკიცა დათიკოში შეხედულება, რომ ქალი ჟინის მოსაკლავად უნდა იყოს, რომ გლახის ქალი ჯერ ბატონისაა და მერე ვისიც უნდა იყოს? განა ბატონ-ყმობამ არ მიიყვანა დათიკო იმ დაცემამდის, რომ გაბროსაც კი გადაეღობა პატარა ბედნიერების მოპოების გზაზედ. გაბროს საცოლევც კი არ დაინდო?

განა დათიკოს მიერ გაბრიელისადმი უსირცხვილოდ ნათქვამში „ქალი ჩემია და მზითვესაც იმიტომ გპირდები, რომ ჯერ ჩემი იქნება“—მაჩვენებელი არ არის, რომ დათიკოს დაპყარგვია ყოველივე ნიშანა აღამიანობისა?

დათიკო გადაქცეულია ავთისებთან ხორცმეტად, რომლის მოშორებაც აუცილებელია ცხოვრების გასაწმენდად, ვინაიდან ისა ჰრყენის და მურდლავს არა ერთისა და ორის, არამედ მრავალის ცხოვრებას. და ბატონი ამ ბილწ, წუწუკ საქმეს ხშირად გლახკაცე-ბისავე ხელით აწყობს, იმათაცა ჰრყენის და თავისი უმსგავსი საქციელის მოზიარედ ჰხდის. რა არის, თუ არა უფრო ბილწი და გათახსირებული ხორც-მეტი, ბატონ-ყმობის გავლენით იმავე ხალხის ზურგზე ამოსული, გიტო—დათიკოს უმსგავსი უჩინანობის საქმეში ხელის შემწყობი?

თუ ბატონ-ყმობა გლახკაცს ანადგურებს, არა ნაკლებ მავნებელია ის ბატონებისათვისაც: ბატონ-ყმობა ბატონს უფრო აკარგვინებს ადამიანის სახეს. ვის შეუძლიან ისეთი გულქვაობა გამოიჩინოს საერთოდ ადამიანისადმი და განსაკუთრებით იმ ადამიანისადმი, რომელმაც მთელი თავისი ენერგია, სიყვარული, ერთგულება მას შეაღია, თუ არა ენებთანობით გამძვინვარებულ პირუტყვს, ბატონობით გათავებდებულს, როგორცაა დათიკო გაბროსადმი მოქცევაში!..

გაბრო მიჰხვდა, რომ დათიკოს ხელში მისი საცოლის ჩავდება უნდა. მიჰხვდა, რომ უჩინანობა მისი ამ შემთხვევაშიც ჩვეულებრივ აღვირახსნილია. მოინდომა მისი დაოკება. ძალა არ უნდა იხმაროს, თუმცა მისი მოკვლის სურვილმა გაბროს ფიქრში ელვასავით გაურბინა. მაგრამ თავი დაიჭირა. მას უნდა დათიკოში ადამიანური გრძნობა გააღვიძოს; გული მოუღბოს. ის თითქოს ჯერ კიდევ არ არის დარწმუნებული, რომ „ბატონ-ყმობის შუა სიყვარულის ხიდი არ გაიდება“. არ უნდა გაბროს, და შესაძლებელია, მისთვის ძნელიც იყოს, ცხოვრებასთან კავშირი გაწყვიტოს. მას დათიკოსადმი გულში კიდევ რაღაც გრძნობა უღვივის. და მათს შორის ასეთი დიალოგი გაიმართება:

— „დათიკო! სად მიგყევარ, ნუ გამწირავ, შემობრალე შენი გაბრიელ!..

— წყალსაც წაუღიხარ.

— გოგოს მარტო მე უნდივარ, დათიკო! ღმერთთან ცოლქმრობის პირობა მიგვიცია...

— ღმერთმა შენც შეგარცხვინოს და თქვენი პირობაც.

— დათიკო! შენ შენს ბედისწერას აუტეხიხარ.

— დამეკარგე აქედან!

— დათიკო!.. არ გეცოდება იმისი დროული მამა? იმისი მეტი შეილი არა ჰყავს. ნუ დაასხავ თავზე ლაფს, ნუ დაეწყევლინები...

— აქედან გამეცალე-მეთქი,— შემომპყვივლა.

— დათიკო! არ გებრალეხა ის ლეთის სული, უცოდველი გოგო? ნუ წაართმევ ნამუსს! მე მაჩუქე იმის თავი.

— მერე შენ გაჩუქებ.

— მერე და არა ეხლა?... ფუ, მაგ ნამუსს და მაგ კაცობას!..— შევძახე ესა იმედ-მოშორებულმა,— უამბობს გაბრო ავტორს,— გავიძერ ხანჯალი და გადავდგი ბიჯი თუ არა დათიკოსაკენ, მეორე ოთახიდან გამოცვივდნენ სამი დამალული ბიჭი, მომცვივდნენ უკანონოდ და გამაკავეს... თურმე ეს წინათვე განეზრახა დათიკოს, წინათვე ყველაფერი გაემზადებინა, რომ მე სამართალში მივცემოდი და ამით მე თავი დამ მოვეშორებინე. მე რა ვიცოდი?"¹

განა ამაზე მეტი ზნეობრივი დაცემა და გათახსირება შეიძლება?!.. დაბალი გრძნობა დათიკოში ყველაფერსა ჰკლავს. ის მხოლოდ გამძვინვარებული მხეცია.

რა მდგომარეობაშია გლეხი? შეუძლიან მას ბრძოლა ასეთს ძალნომრეობასთან, თავის დაცვა, სამაგიეროს გადახდა? არა. ის უუფლებოა, უილაჯოა, ის მართლაც სათამაშო, დროის გასატარებელი ნივთია: და მით უფრო მძიმეა და აუტანელი მისი მდგომარეობა, რომ მას თვალი აქვს, ჰხედავს და—არ უნდა დაინახოს; ყური აქვს, ესმის და—არ უნდა გაიგონოს: გული აქვს, ჰგრძნობს და—არ უნდა იგრძნოს. „გლახის ნაამბობში“ უხედადა ძლიერი ადგილები, რომელნიც გულშემზარავი სინამდვილით გვისურათებენ ამ უილაჯო, შეურაცყოფილთა და შეურაცყოფისათვის მსხვერპლად განმზადებულ გლეხ-კაცთა.

როცა დათიკო ეკლესიის გალავანში წირვის გათავების შემდეგ პეპიას დაურიდებლივი ცინიზმით ეტყვის— „კაი საპროშტავი ყოფილა“ შენი ქალიო, პეპია გამოურკვეველ, ნალველითა და შხამით შეზავებულ სასოწარკვეთილებაში ჩავარდება. პეპია კარგად იცნობს, რა დაუნდობარი, „ცოდვის შვილია“ დათიკო: ჰგრძნობს მოახლოვებული უბედურობის საფრთხეს, ჰგრძნობს თავის უილაჯობას, იტანჯება, და ამ ტანჯვისა და უილაჯობის გამოხატვა არამც თუ პეპიას, პოეტსაც უჭირდება. გამწარებული, უძლური მოახლოვებულ უბედურება - ძალნომრეობასთან საბრძოლველად, გაშმაგებული პეპია დაუზოგველად მუშტს-ლა იცემს გულში და მძიმე მწუხარებით გამოყოფილი ცრემლი თვალებს უწვავს. თამროს დახსნის მიზნით პეპიასთან მისული გაბრო აა როგორი სურათის მოწმე შეიქმნა: „მე,—ავვიწერს

¹) ილია ჭავჭავაძე—გლახის ნამბობი—ტ. II. გვ. 116—117.

გაბრო, — პეპიას შეევასწარ თვალი სახლის დერეფანში. ის საწყალი დაჩოქილიყო და ლოცულობდა. მე ფეხაკრეფით მივეპარე და აქეთ ზოდს ავეტუზე. კარგა ხანს ბუტბუტებდა და გულში ხელს იცემდა ის უბედური მამა, ბოლოს თითქოს თავი დაივიწყაო, გულამომჯდარმა მალლა ხმით შეჰბლაღლა უფალსა: — შენთვის მომიბარებია ჩემი უცოდველი თამრო!.. ნუ გაუმრუდებ გზას!.. ღმერთო, მფარველო მართლისაო, ნუ დამანახვებ ჩემი შვილის მიწასთან გასწორებას!..

„აღვა ის საცოდავი ადამიანის შვილი, ხელი თვალებზედ მოისო, თითქო ცრემლს იწმენდსო, ერთი კიდევ ჩაიკრა გულში ხელი და გაემართა სახლში შესასვლელად“¹.

როდესაც პეპიას გაბრო გაუმხელს, რომ ის მასთან საშველად, თავიდან უბედურების ასაცდენად მივიდა, სასტიკი სინამდვილის კარგად მცოდნე, ვაი-ვაგლახში გამოვლილი პეპია გაბროს უნდობლობით შეჰხვდება და ვით ეშმაკს, ისე გაურბის: „აი ხომ ჰხედავ, — ეუბნება პეპია გაბროს, — უილაჯო ვარ. ჩემი პირდაპირი მორევნა დიად აღვილია, მაგრამ მოტყუება-კი ძნელია. დაანებე მაგ გატკბილებულის ენით ჩემს ცდუნებასა, ჩემს საცოდავობაში მევე ნუ შემარევიანებ ხელს. მე რაღა ცდუნება მინდა? თქვენ რაღა ოსტატობა გინდათ? მე რა შემიძლიან თქვენთან, ქვეყანა თქვენკენ არის. პირდაპირ ზოდით და მოწამლული ისარი მკარით გულში. რაღა ეშმაკობა გინდათ? რაც გინდათ, ისა ჰქენით. მე ღმერთს მივანდე ჩემი გულის წყურვილი, — ეუბნება უილაჯო პეპია, — იმას გაეცით პასუხი?..“²

მაგრამ გაბროს სახის-გამომეტყველებამ, მისმა გულწრფელმა ლაპარაკმა ამ უნდო ადამიანის გულშიც ნდობის შუქი შეიტანა. პეპია, ექვითა და შინაგანი ბრძოლით მოქანცული, გაბროსაკენ მობრუნდება. უილაჯო, სასოწარკვეთილი პეპია ინსტინქტურად მძღავერად მოჰხვევს გაბროს ხელს და მკერდზე ზედ-დაკვდომით, ქვითინით ეტყვის: „შენს ღმერთს აპატივე, შენს ღმერთს!.. — ბლაოდა საცოდავად პეპია, — ღმერთი ხომ მოწამეა, შენგან ავი არა გამიგია რა, მაგრამ რა ვქნა? რა ვქნა მე უბედურის დღისამ? შვილი მელუპება, შვილი!.. ჩემი სისხლი, ჩემი ხორცი!.. ერთად-ერთი შვილი ცოცხალი მემარხება!.. გესმის ეს, ჩემო გაბრიელ! შვილს ვკარგავ, შვილს, მოდი და უნდო ნუ ვიქნები! შემინდე! შენს ღმერთს აპატივე, თუ გაწყინა რამე ბებერმა, კვეა დაკარგულმა, უბედურმა მამამა. რა ვქნა? ჩემი შვილია, ჩემი გულ-ღვიძლია, ჩემო გაბრიელ! ვის მივენდო,

¹) ილია ჭავჭავაძე — გლახის ნაამბობი — ტ. II გვ. 101.

²) იქვე იგი. 102—103.

ვის, ამ ცოდვით სავსე ადამიანის შვილებში? ძმას არ ვენდობი, ძმას მაგ საქმეში... მაგრამ მაკლუნებ თუ არ მაკლუნებ, შენ კი უნდა მოგენდო. აჰა ჩემი საბელი ყელისა?.. შენ იცი!.. გინდა, გველივით გამსრისე, გინდა—დამიხსენ წაწყმენდისაგან!.. შენ იცი და შენმა ყმაწვილ-კაცობის მაღლიანობამ. მე არა შემიძლიან რა, ხო ჰხედაე!“¹

აი მძლავრი სურათი, ადამიანის გონებისა და გრძნობის ამფორიაქებელი, მტკივნეული სიმკვეთრით მაჩვენებელი გლეხ-კაცის ადამიანის უფლება-აყრილობისა!

პეპიას წინადგრძნობა და სჯა, ცხოვრების ვაი-ვაგლახში გამობრძმედილი, გამართლდა. გაბრო ვერ იხსნის პეპიას და მის ქალს. გაბრო დათიკოს მიერ არა მარტო ვერაგულად, უანგარიშოდაც განიწირა, რა წამსაც-კი მათი ინტერესი ერთი-ერთმანეთს შეეჯახნენ ცხოვრების გზაზე. მუხთლად დაიჭერენ გაბროს, მას მიაყოლებენ პეპიასაც. დათიკოს საზიზღარი მოქმედებისათვის გზას გასწმენდენ. ყველა ბატონის მომხრეა, ანგარებით აღქურვილი ყველა ბატონის მორჩილია, ყველა მისი დამქაშია: გლეხი გიტო, დიამბეგი, მოსამართლე მაზრისა თუ გუბერნიის მმართველი, ციხის ზედამხედველიც-კი. ყველა განურჩევლად უპატრონო, უუფლებო, უდანაშაულო გლეხს ერევა, სტანჯავს, სჩაგრავს.

საკმარისად მძლავრ ღია ფერადებში გადაშლის ავტორი უდანაშაულოდ დასჯილ, უფლება-აყრილ გლეხ-კაცთა განცდას „გლახის ნაამბობში“.

„პირველ ხანებში, რომ მომგონებია—მოგვიტხოვბს გაბრო,— ჩემი უბრალობა და ის ტანჯვა, რომელსაც მე მიმცეს, დავცემულვარ იატაკზედ და უილაჯობით მიწა მიღრღნია, კბილით ხორცი მიგლეჯნია, თითებიდამ ჩემი სისხლი მიწოვნია. ასეთი დღე დამდგომია. დრო ყოფილა, რომ შხამს გამოვაყენებდი, შხამს, ჩემის დაშხამულის გულიდამ და წვეთ-წვეთად ჩავაწურებდი ჩემს დანღუპველსა, რომ იქ შემხვედროდა... ღმერთო მაღალო, ნურა ქრისტიან კაცს, ნურა ადამიანს ნუ მიაყენებ იმ დღეს, რაც მე ხანდისხან იმ სატუსალოში დამდგომია!.. შენი ჯოჯოხეთი იმასთან სამოთხეა“².

¹) ილია კავკავაძე—გლახის ნაამბობი გვ. 103—104.

²) იქვე—გვ. 119.

მძლავრი და სწორია შეფასება ბატონ-ყმობის ძალმომრეობის ქვეყნისა!

მკვეთრია და ნამდვილი, თუმცა შემზარავი, ამ ქვეყანაში გამეფებულ გლეხ-კაცობის ტანჯვათა ასახვა! მძიმეა განცდა პეპიასიც, რომელსაც ასე ვერაგულად ააგლიჯეს მამის-ერთა ქალი, ნუგეში, იმედი. მძიმეა, სულის შემზარავი გმინვა ჯალათებს გაქცეული, მომაკვდავი პეპიასი უღრან ტყეში. „ვაი, ნეტავი ეხლა ჩემი თამრო დამანახვა, — მოჰყვა ისევ პეპია, — ნეტავი ერთი კიდევ თვალით მაჩვენა, რომ სული ტკბილად დამელა! ჩემო კარგო შეილო, ჩემო მამის-ერთაჲ, თამრო! სადა ხარ ეხლა? რატომ შენს საცოდაეს მამას თვალებს არ დაუხუჟავე? რა შევეცოდე სამაგიერო ღმერთს? მაგრამ, ღმერთო, კიდევ შენ გეხეწები, უცოდველად ამყოფე ჩემი ობოლი გოგო!..“¹

ასეთი თავბრუდამსხმელია მათი მდგომარეობა. სამართლიანია და ავტორისა და თერგდალეულთათვის დამახასიათებელი, შემადრწუნებელი, სინამდვილის ხილვით და აღწერით მოწოლილი ბოლმის გამომძახილი პოეტისა: „ღმერთო! რამდენი ამისთანა ცრემლი იღვრება ამ შენგან გაჩენილ დედამიწის ზურგზედ, მაგრამ სიავე ადამიანისა აქამდის არ ჩაირეცხა“-ო.²

ილიას ყურადღებას არ გამოეპარება ერთი მეტად საინტერესო გარემოება გლეხ-კაცის ფსიქიკაში. ეს მოვლენა იყო შედეგი ხანგრძლივი, საუკუნოების განმავლობაში გლეხის მიერ ბატონ-ყმობის მონობის უღლის ტარებისა. აი რატომაა, რომ, მიუხედავად ასეთი წარმოდგენელი ტანჯვისა, დამცირებისა, ამ „უბედურთა“ გულში ჯერ კიდევ არა ჩანს ის „ბოროტება“, რომლის ჩანერგვასაც ხალხის გულში ილია მოითხოვდა დემონისაგან. ეს „ბოროტება“ მართლაც საჭირო იყო ბატონ-ყმობის, ხშირად საარაკო, ძალმომრეობის ამოსაფხვრელად. „ბოროტება“ იყო საჭირო, რომ ამ „უბედურთა“ გულში მას შურისძიება გაეღვიძებინა. უამისოდ ადამიანური უფლების მოპოება უფლება-აყრილთათვის შეუძლებელი იყო. ტყუილად-კი არ უკეთებს „აჩრიდლში“ (პირველ ვარიანტში) ილია შენიშვნას სიტყვებს „დემონს და ბოროტებას“ — „ეეს ყველას ესმის, ვინც საქმეშია ჩახედებული“-ო.

ავტორთან ერთად გული გტკივათ, როდესაც გესმისთ პეპიას სიტყვები ღალადებისა გამძვინვარებულ მხეცთა ცხოვრებასა შინა.

1) ილია ჭავჭავაძე — გლახის ნაამბობი — გვ. 127.

2) იქვე — გვ. 104. -

„გაბრიელ! — კიდევ რაღაც იმედით ეუბნება სულთმობრძავი პეპია, — ქვეყანაც დამილოცნია, თუ იმის ზურგზედ ჩემი თამრო უცოდველად დადის... თუ არა და წაწყმდეს ეს ადრე და მალე წასაწყმედი, მურტალის ადამიანის მურტალი სამყოფელი! მშვიდობით, გაბრიელ! შვილისაგან დაუტირებელი ვკვდები!.. უზიარებელი და მოუნანებელი მივდივარ სააქოდან!.. მაგრამ მაინც კიდევ თუ შენს ბატონს ჩემი გოგოს ნამუსი შეუნახავს, უთხარი, რომ, როცა პეპია კვდებოდა-თქო, შენა გლოცავდა-თქო“.

აი ასეთი იყო ის ტანჯვის გოლგოთა, რომელიც ბატონ-ყმობამ ამართა და რომელზეც, უხბოდ, გულში სურვილ და ბოღმა ჩაკლული მწუხარებით იყლიტებოდა ცხრა მეთათედი ხალხისა!

განა ადამიანის გულის შემადრწუნებელი, ასე მძლავრად გადაშლილი სურათი, ბატონ-ყმობის ცხოვრებიდან ამოგლეჯილი, დიდი და ძლიერი პროტესტი არ იყო იმ თანადროულობისა, რომელსაც თავისი ბეჭედი უნდა დაესვა „საქართველოს მოამბისათვის“ და უდაოდ დაასვა კიდევ? თუნდაც მიუხედავად იმისა, რომ „გლახის ნაამბობი“ ცენზურამ მთლიანად არ გაუშვა, და „საქართველოს მოამბეში“ მისი ბეჭედა მეექვსე თავზე შეჩერდა.

განა ასეთივე მძლავრი, მოურიდებელი პროტესტივე არ არის ბატონ-ყმობის წინააღმდეგ ილია ჭავჭავაძის მესამე ნაწარმოები — „კაცია ადამიანი?!“, რომელიც გამოქვეყნებული იყო იმავე „საქართველოს მოამბე“-ში? განა ლუარსაბ თათქარიძე და მისი ბრწყინვალე კნენა დარეჯანი, რომელნიც მოძრავ ლეშად გადაქცეულან, უძლიერესი დაგმობა და უარყოფა არ არის ბატონყმობისა, არა მარტო გლეხ-კაცის სასარგებლოდ, არამედ თვით ბატონებისაც? ბატონყმობა უნდა მოისპოს, რომ კაცმა ადამიანის სახე შეინარჩუნოს! — აი ძახილი, რომელიც აღშფოთებულად, გაბედულად, დასაბუთებლად ისმის ილიას „კაცია-ადამიანიში!“.

ბატონ-ყმობა თავისი ძალმომრეობის პრინციპებით გლეხ-კაცებს ანადგურებს, უაზრო მანქანად, თუთიყუშად, მრავალ შემთხვევაში — გაშინაურებულ, ბატონის ერთგულ პირუტყვად გადააქცევს, როგორც მაგალითად ლამაზისეულს. საკმარისია გაიცნოთ ლამაზისეულის გარეგნული აღწერა, რომ დარწმუნდეთ ზემორე-გამოთქმული აზრის კემშარბიტებაში. „სასაცილო რამ იყო ეს ლამაზისეული, — აგვიწერს ილია ჭავჭავაძე, — ერთი რაღაც უშნოდ ჩასუქებული, ჯმუხი, ქუქყიანი; ტანზედ ეცვა ხამის ჩითის კაბა, ქუქყისაგან ვერ გაირჩეოდა —

1) ილია ჭავჭავაძე — გლახის ნაამბობი — გვ. 128.

რა ფერისა იყო; კალთები აქა-იქ გამომწვარი ჰქონდა ზამთარში ცეცხლთან ახლო ვედებისაგან, ბოლოები სულ მოშალი და შემოფხრეწილი ჰქონდა; დახეულებიდან გამოჩანდა ერთი რაღაც დამპალის საბნის ნაგლეჯი, კაბის ქვეშა გარშემო ჩამოკიდებული, მითომ და იუბკაა... თავზედ ეკრა შიგა-და-შიგ ამოფლეთილი ჩითმერდინი, ქალბატონის გამონაცვალი. იმ ამოფლეთილებში მუთაქის მატყლსავეთ დასორსვლილი, შავი, — უკაცრაგოდ არ ვიყო, — წილიანი და დაუვარცხნელი თმა მუქა-მუქად ამოშვეროდა. ქუსლები — დახეთქილი, მუგუზალსავეთ შავი ფეხები, წენგოსაგან შეღებილი ხელები, ცხვირპირი ქვაბების მურით მოთხუპნილი. აი ამ გვარი იყო ის ცხოველი, რომელსაც დარეჯანი „ლამაზისეულს“ ეძახდა და რომელიც გულხელდაკრებილი დაჰყურებდა ბალან-გაცვიენულ ხალიჩასა“.

აი ცოცხალი, მშვენიერი ნიმუში იმისი, თუ რა მდგომარეობამდის მიდიოდა გლეხი ბატონის ხელში! ქეშმარიტად ცხოველია! მხოლოდ შესაძლებელია, უფრო ხშირად, ჩვეულებრივ შინაურ ცხოველთან შედარებით, უფრო დაჩაგრული და დაჩლუნგებული ინსტინქტით. აღარ არის საკირო მოვიგონოთ ლამაზისეულის მდგომარეობა სხვა და სხვა მომენტში: საწერ-კალმის მოტანის დროს, მკითხავის მოყვანის უამს და სხვა. სურათი ადამიანის გაპირუტყვევისა მეტად ძლიერია და არამც თუ ბევრის, თითქმის ყველაფერის მთქმელია. საკმარისია მკითხველი გაეცნოს ლამაზისეულის მხოლოდ გარეგნულ აღწერასაც კი, რომ მკვეთრად იგრძნოს ბატონ-ყმობის გამათახსირებელი გავლენა და შეურიგებელი ზიზლით აღიკურვოს ამ ინსიტუტისადმი.

მართალია, ზოგიერთს გლეხკაცს ბატონ-ყმობის უღელი სავსებით ეკრა სპობს. ბატონ-ყმობის ძალმომრეობა, თვითნებობა და გაჭირვებული ცხოვრება მათში ან აღძრავს სურვილს მათთან ბრძოლისას, შეურიგებლობისას, როგორც კაკო, ზაქრო, გაბრო, ან არა და ეშმაკობას ანვითარებს, განსაკუთრებით, როცა გლეხს გრძნობა-და გონება-დაჩლუნგებულ, დაძაბუნებულ ბატონთან აქვს საქმე, მაგ. დათო — თ. ლუარსაბ თათქარიძის „ერთგული ყმა“. მაგრამ ესენიც ფრთაჩამოყრილი, არაფერის გამკეთნი არ არიან. ახერხებენ მხოლოდ ცბიერებით მოიგონ გული ბატონისა. რასაკვირველია, ესენიც მონები არიან. მათ არ ძალუძთ გასწყვიტონ მონურ ცხოვრებასთან კავშირი.

მაგრამ ბატონ-ყმობა, ილია ჭავჭავაძის შეხედულობით, როგორც უკვე აღვნიშნეთ, თვით ბატონებისათვისაც არ არის ხელსაყრელი,

1) ილია ჭავჭავაძე — კაცია ადამიანი! — გვ. 174—175. ტ. II.

მათთვისაც განმანადგურებელია. მართლაც, განა დიდი განსხვავებაა ლამაზისეულსა და მის ქალბატონ დარეჯანს შორის? არა. ისინი ორივე ერთისა და იმავე გარემოების შვილნი არიან. არც დარეჯანს უყვარს დიდი სისუფთავე. მისი ტანსაცმელი გნებავთ, თუ სახლი თავისი მოწყობილობით მშვენივრად მოწმობს დიასახლისის სიფაქიზეს. მთელი პირველი თავი ამ მხრივ მართლაც რომ *chef d'oeuvre*-ია.

თავად ლუარსაბ თათქარიძის სახლ-კარის აღწერა მშვენივრად ახასიათებს მის მფლობელთ „ერთსულიან და ერთხორციან“ ცოლქმარს. რა გნებავთ აღინიშნოს? ძველი, გვერდზედ წამოღებული და წამოხრილი ჩაღური; ძველი, ზოგან გადაქცეული ტყრუშული ლობე; დაღრეჯილად გადმოკიდებული ქიისკარები; ძველი, „ჩინოვნისის გულსავით უწმინდური ეზო“; ბნელი, დაუგველი საცხოვრებელი ოთახი. თუ იმისი აგურებ-ამოვარდნილი ფილაქანი; ფანჯრები, გაქონილი ქალადით გაკრული, თუ ფანჯრის გაქონილი ქალადი, ნემსით დაჩხვლეტილი, ზედ ხან გამოყვანილი გულით, ხან ჯვარით და ხან წარწერთაც ამის მაგვარი: „დათვი ხეზე როგორ გავა, იავენანიაო“! ან იქნება „ფაქიზი ქეჩა და ხალიჩა“, რომელიც კნენას ადგომაზე, ყოველ „მის ბრწყინვალეების, ბრწყინვალე ფეხის ბრწყინვალე გადაღმაზედ ისე ლამაზად აბოლდებოდა ხოლმე, რომ კაცი ყურებით ვერ გაძღებოდა“? თუ „კბილებ-ჩამტვრეული ბებერი დედაკაცის დაღებული პირსავით ერთი ამოქვარტლური, მწუხარე და დაღრეჯილი ბუხარი“? ან იქნება იმათი ოთახის სამკაული, აქა-იქ გაფანტული ოთახში, თითქოს პატრონთ თავის მოსაწონად, მაგალითებრ: „ტალახიანი ყარაბაღული თეთრი წაღები, პირმოტეხილი სპილენძის თუნგი, ქონიანი შანდალი, სპილენძის საჩაიფი მოხარშული მყრალბალახა, ზურგიელის ნაქერი და სხვა ამ გვარი?

ერთის სიტყვით, სახლ-კარის მდგომარეობა უკვე მჭერმეტყველურად მოწმობდა „ერთსულიანი და ერთხორციანი“ ცოლქმარის გონებრივ სიზანტეს, უინტერესობას, მათს გონებრივ და ზნეობრივ დაჩლუნგებას, მათს ხრწნას, როგორც ხორციელად, ისე ფსიქიურადაც.

მართლაც, ამას თვით თავადი ლუარსაბ თათქარიძის და მისი კნენა დარეჯანის გარეგნული შეხედულებაც მოწმობს. „თავადი ლუარსაბ თათქარიძე.—აგვიწერს ავტორი,—გახლდათ კარგად ჩასუქებული ძველი ქართველი, მრგვალი,—უკაცრავად არ ვიყო ამ სიტყვაზედ,—როგორც კარგი ნასუქი კურატი. დარბაისელის კაცის შეხედულება ჰქონდა მის ბრწყინვალეებასა: თავი ისეთი მსხვილი,

რომ თითქოს იმის სიმძიმეს მორგევივით სქელი კისერი მხრებში ჩაუძვრენიაო; წითელი, თურაშაულ ვაშლსავით ხაშხაში ლოყები; სამკეცად ჩამოსული, ტრფიალების ამღვზნები ფაფუკი დაბაბი; დიდრონი თვალეები, ყოველთვის დასისხლებულნი, თითქო ყელში თოკი წაუჭერათო! გაბერილი, მეტად განიერად გადმოგდებული, დიად პატივსაცემი და პატივცემული ღიბი, კოტიტა და ქონით გატენილი ბალნიანი ხელები, დამორილი მსხვილი ფეხები—ესე ყოველი ერთად და თვითული ცალკე,—გესლიანად დაასკვნის ავტორი,—გახლდათ თავად ლუარსაბის „ცი თონაბერის სულის“ ღირსეული სამკაული. ის „მონაბერი სული“ არსად ჩანდა, თითქო ჩამკვდარაო, ისე გაშლილიყო მის ბრწყინვალეების ქონშია“¹.

ასეთივე გახლდათ მისი კენიან დარეჯანიც: „იგივე სიმრგვლე, იგივე სიმსუქნე, იგივე მოცინარე პირი და იგივე სისულელე“².

ამ „ერთსულიანი და ერთხორციანი“ ცოლ-ქმრის ცხოვრება მიმდინარეობს ასე: დღევანდელი დღე ჰგავს გუშინდელს და ხვალინდელი-კი—დღევანდელს. „ბედნიერი ცოლ-ქმარი“ სწორეთ ამით არიან კმაყოფილნი და ბედნიერნი. ყოველი ახალი ცხოვრებაში მათ აღელვებს, აჯავრებს, აწუხებს, შიშის ზარსა სცემს. სწორედ ასეთმა მზა-მზარეულმა ცხოვრებამ ყმის ხარჯზე და ზურგზე გამოიმუშავა ლუარსაბის და-მისი კენიან დარეჯანის ზნე-ჩვეულებანი და მთელი მათი გიწროდ შემოთარგლული უძარღვო მსოფლმხედველობა.

ლუარსაბის აზრით, „კაცი ძირგაყარდნილი ქვევრი იყო, რომელსაც დღე-ყოველ უნდა ჩააყარო ხორავი და ჩაასხა სასმელი, მაგრამ კიდევ მაინც ვერ აავსო. მისი ბრწყინვალეობა,—ჩვეულებრივი შხამიანი დაცინვით შენიშნავს ავტორი,—თავის თავზედ ჰხედავდა თავის ბრწყინვალე გონიერებით, რომ ამ მნიშვნელობას კაცი უსწავლელადაც კარგად ასრულებს, ნამეტნავად ჯოგისა და ყმის პატრონი, ყმისა, რომელსაც ჯოგში დიდი განსხვავება არაა ქვეს“³.

ლუარსაბს იმდენადა აქვს შესისხლ-ხორცებული ბატონ-ყმობით შექმნილი მუქთა-ხორა ცხოვრება, რომ მას ბატონ-ყმობის გადავარდნა ვერც კი წარმოუდგენია, თუმცა კი ახალი ცხოვრების ქროლვა, რომელიც მის აშშმორებულ, ხავსმოკიდებულ, მაგრამ მიყუდროებულ ცხოვრებასაც ჰხვდება, მასშიაც რალაც შიშის ინ-

¹ ილია ჭავჭავაძე—კაცია ადამიანი?! ტ. II. გვ. 150—

² იქვე—გვ. 152.

³ იქვე—გვ. 151—ქურსივი ჩვენია.

სტინკუს აღვიძებს. ნეტად მხატვრულია ცოლქმრის და მათი რძლის ელისაბედის ბაასი ბატონ-ყმობის გადავარდნის შესახებ. მშვენიერად, ძლიერ მხატვრულადაა გადმოცემული ბრძოლა მათში, ერთის მხრით რწმენის, რომ ბატონ-ყმობის გადავარდნა შეუძლებელია, — ასეა დაწესებული იმ თავითვე მამა-პაპით და მისი შეცვლა შეუძლებელია. „შე ვიცი, თათქარიძობას წამართმევენ! — გაჯავრებით ამბობს ლუარსაბი, — შარშან კი არ იძახდნენ, რომ საიქიოს ბატონები ყმებად შეიცვლებიანო, ყმები — ბატონებადაო, — ვენაცვალე ღვთის მადლსა, იქაც ისე არიანო ბატონი ბატონადა, ყმა ყმადაო, როგორც აქა“¹. კნეინა დარეჯანიც ამასვე ადასტურებს, რომ „ბატონ-ყმობა ღმერთს დაუწესებია და თითონვე ღმერთი რად მოშლისო?“ მეორეს მხრით, მიუხედავად ასეთი რწმენისა, ელისაბედის ცნობა, რომ „ხმა გავარდნილა, ყმები უნდა ჩამოგვერთოსო“, ლუარსაბში რაღაც გამოურკვეველ შიშსა ჰქმნის, იქნება მართლა მოხდესო. „რა არ მომხდარა, — ცოტა დანაღვლიანებული და ჩაფიქრებული ეუბნება ლუარსაბი დარეჯანს, — ცოდვილ ქვეყანაზედ ჩვენის ცოდვებისაგან? ეგეც შეიძლება, რომ მოხდეს, მაგრამ სიფრთხილეს თავი არ ასტკივდებაო, ნათქვამია; ხმა გავაგდოთ, რომ ტყუილია.“² შეშინებული ლუარსაბი მაშინვე დაუძახებს თავის ერთგულ შინა-ყმას დათას და დარიგებას აძლევს, ყველას უთხრას, რომ „ყმები ჩამოგვერთმევაო“³ რომ ამბობენ, ტყუილია... ხელმწიფეს მოუწერია, — მოიტყუებს კიდევ ლუარსაბი, — რომ დავარჩობ, ვინც იტყვის, რომ ეგ მართალიაო, ვინც გუნებაში მაგას გაიტარებსო“⁴. გაიმართება მშვენიერი დიალოგი. ავტორი ნიქიერად გადაპშლის დათას ჰკვიან და ცბიერი ბუნებას,⁵ რომელსაც ლუარსაბი და მისი კნეინა დარეჯანი ვერც-კი ჰხვდებიან.

ლუარსაბი ყველაფერს, რასაც კი ცვლილება შეაქვს მის ცხოვრებაში, მტრულად ექცევა. ამიტომ სწავლასაც ის უყურებს, როგორც „ახლანდელ კირს“. ლუარსაბი ყოველთვის, როცა კი სწავლაზე მოუხდება ლაპარაკი, ყოველთვის წყენით და გულისტკენით ამბობს ხოლმე: „რაც ეს რაღაც ეშმაკური სკოლები შემოიღეს, ბატონო, ქართველი კაცის ხეირი მაშინ წავიდა. ფერი კი აღარ შერჩათ ჩვენ შეილებსა და... ჰამით ისინი ვერა სკამენ, სმით ისინი ველარა სმენ, რა კაცები არიან?! წიგნი იციან?“⁶ და ლუარსაბმა რომ დაამტკი-

1) ილია ჭავჭავაძე — კაცია ადამიანი — გვ. 183.

2) იქვე — გვ. 184.

3) იქვე — გვ. 185.

4) იქვე — გვ. 185 — 188.

5) იქვე — გვ. 151.

ცოს, რომ მართლა სწავლა ჰქონდა და უიმისოდ ცხოვრება არამც თუ შესაძლებელია, უკეთესიც არის, თავმოწონებით ასე ასაბუთებს: „მე თუ წიგნი არ ვიცი, კაცი აღარა ვარ, ქუდი არა მხურავს, განა! ხორცი მე არ მაკლია და ფერი. წიგნი რა ვაჯკაცის ხელობაა,—ეგ ხომ ქალის საქმეა. ვენაცვალე უწინდელ დროს! ყველაფერი თავის დონეზედ იყო მოყვანილი, ყველა თავის ქერქში იყო. ვენაცვალე!... კაი ცხენი, კაი თოფი, მარჯვე მკლავი და კაცი იყავ პატიოსანი.“¹ აი ჩვეულებრივი, საუკუნოებით გამომუშავებული, იდეალი ბატონისა.

ლუარსაბის ცხოვრება „ქვეყნის უგემურ ყაყანს მოშორებული“, თითქოს ცხოვრების გარეშე იმყოფებოდეს. ის არა ფიქრობს ცხოვრებაზე და ცხოვრება არ ამჩნევს მას. ლუარსაბი განაგრძობს ცხოვრებას ინერციით. სცხოვრობს ისე, როგორც მისი მამა-პაპა. სხვანაირად მას არც უნდა. ის სრული კმაყოფილია. ღეთის მადლით ყველაფერი ბევრი აქვს: დოში, ბოზბაში, ჩიხირთმა, ორაგული, მოთალი, ცხვრის კანჭი, ღვინო, კაი პური და კარგი ყველი. ამაზე მეტიც მას არაფერი უნდა. მისი საუკეთესო დროის გატარებაა ცოლთან კამათი, თუ რომელი საქმელია უკეთესი. მათი ზრუნვა და ფიქრი მხოლოდ სმა-ჰამის გარშემოა². დილიდანვე,³ რა წამს გაიღვიძებდნენ ბედნიერნი ცოლ-ჰმარნი, მაშინვე ჰამას დაიწყებდნენ და მთელი დღე მათი საზრუნავი და სალაპარაკო—სადილი და ვახშამი იყო.

დღემუდამ მზამზარეულად დამზადებული ჰამისათვის ზრუნვამ ლუარსაბი იმდენად დააძაბუნა, რომ მთელ დღეს ტახტზე გორაობაში ატარებდა. არამც თუ ჩაცმას, აღვომასაც-კი ვერ ახერხებდა. ასეთმა მდგომარეობამ, უზრუნველობამ და უფიქრო-უდარდელმა ცხოვრებამ დააჩლუნვა ლუარსაბის გონება. ბედნიერი ცოლ-ჰმარის დროის გატარება, გარდა სმა-ჰამაზე მასლაათისა და კამათისა, ჰორების მოსმენა და ჰორაობა (მე-IV-ზე თავი), მტრობა და შუღლი ძმისადმი, ცრუმორწმუნეობა, მკითხავის რჩევით ხატში სიარული და ცრუ თავმოყვარეობით გამოწვეული ტრაბახი (მეოთხე თავი). აგრეთვე საინტერესოა და დამახასიათებელი ლუარსაბის ალერსიანი ხუმრობა და გართობა ცოლთან (ჰერში ბუზების თვლა და მრავალი საალერსო ეპიტეტები). ყველაფერი ეს მეტად მკვეთრად ამჟღავნებს, რა მდგომარეობამდის მიიყვანა ბატონები ბატონ-ყმურმა

¹) ილია ჭავჭავაძე—კაცია ადამიანი?!—თავი V, გვ. 151.

²) იქვე—გვ. 151.

³) იქვე—გვ. 188.

მუქთახორაობამ; უზრუნველმა, მზა-მზარეულმა ცხოვრებამ ისინიც, როგორც ლამაზისეული, ცხოველად გადააქცია. ლუარსაბის და მისი კნინა დარეჯანის ბუნებაში არც ერთი ძარღვი ცოცხალი ინტერესით არა ტოკავდა.

„მოკვდა ლუარსაბიცა,—ათავებს ლუარსაბის ცხოვრების აღწერას ავტორი,—ისე, როგორც იხოცებიან ბევრი ჩვენთაგანნი, რომელნიც არც თავის სიცოცხლით უმატებენ რასმეს ქვეყანასა და არც თავის სიკვდილით აკლებენ... ნუ თუ ნახევარი საუკუნე იმისათვის იცხოვრეს, რომ ოთხი ფიქვის ფიცარი ეშოვნათ და სამ-სამი ადლი მიწა? ან კიდევ ქვაზედ წაიწერონ, რომ „ჩყ“ წლამდინ თავადი ლუარსაბი თათქარიძე და მისი კნინა დარეჯანი ცოცხალნი ყოფილან და მერე დახოცილანო?“ სხვა ხომ არაფერი გვეტყვის, რომ ესენი ამ ქვეყანაში ყოფილან და უცხოვრიათ.“¹—შეუბრალებლად ამთავრებს ილია.

ასეთია ბოლო ლუარსაბ თათქარიძისა და მისი ბრწყინვალე კნინასი. ამ გმირების ცხოვრება და ხვედრი—ერთ-ერთი ნიმუშაა ჩვენი თავად-აზნაურობის ხვედრისა და ცხოვრებისა. ბატონ-ყმობამ, ბატონის ძალმომრეობამ ყმაზე, ყმის უფლების აყრამ, ყმა, მართალია, შებორკა, არ მისცა გასაქანი მის ნიქსა და შემოქმედებას, ხშირად უხმოდ ჩაჰკლა ყმის კაცური „გულის დუღილი“, მაგრამ ბატონის ცხოვრებაც სრულს გახრწნილებამდის, განადგურებამდის მიიყვანა.

„კაცია-ადამიანი?!“ მშვენიერი ეპოპეიაა ჩვენი ცხოვრებისა. აქ ნაპოვნია და მოცემული მიზეზი ჩვენი ცხოვრების იმ მოღუნების, დაძაბუნების, დამჩატების, რომელიც თერგდალეულთ დაჰხვდათ რუსეთიდან დაბრუნებისას. ეს იყო ბატონ-ყმობა, რომელიც „მამა-პაპურ“ ძილში და წყვდიადში ახვევდა მთელ ჩვენს ცხოვრებას. მომავლის მაჩვენებელ ვარსკვლავს გამოურკვეველ წყვდიადში ჰფარავდა და ცხოვრებას წინ არ უშვებდა.

ამ ტრილოგიის დედა-აზრი აშკარად ასეთია—სანამდის ბატონ-ყმობა არ მოისპობა, ჩვენი ცხოვრების გადახალისება, ახალი საქართველოს შინაარსის ძიება შეუძლებელია. ამ დედა-აზრის განვითარება ილიას შემოქმედებაში სქემატურად ასეთია: „კაკო ყაჩაღში“ დაპირისპირებაა ბატონისა და ყმისა. იქმნება ორი მოწინააღმდეგე ბანაკი: ყველაფრის შემძლებელისა, ძალმომრე და თვითნება ბატონებისა და უუფლებო, ასეთს ცხოვრებას შეურიგებელი, პროტესტანტი ყაჩაღი-გლეხისა. „გლახის ნაამბობში“ სწავლაც ვერ აჯანსაღებს

1) ილია ქავჭავაძე—კაცია ადამიანი?!—გვ. — 257—258.

დათიკოს, ის, როცა კი სრულუფლებიანი მებატონე ხდება, გამძვინვარებულ ჩვეულებრივ მხეცად იქცევა. გლებიც განაგრძობს ბრძოლას უფლებებისათვის. „კაცია-ადამიანი?!“—თ ილია გვაძლევს ბატონ-ყმობის განვითარების უკანასკნელ შედეგს—მზა-მზარეულმა ცხოვრებამ დააჩლუნგა ბატონის გონებაც, ნებისყოფაც და ზნეობაც. „კაცია-ადამიანი?!“—თ ილია ჭავჭავაძემ საბოლოოდ ანდერძი აუგო არა მარტო ლუარსაბ და დარეჯან თათქარიძეებს, არამედ მთელს ჩვენს ბრწყინვალე წოდებას, როგორც ასეთს. ბუნებრიობა და დამახასიათებლობა თათქარიძისა და მთელი მისი ოჯახისა იმდენად ძლიერია, რომ მის ტიპიურობას ყოველი მკითხველი ჰგრძნობს. ლუარსაბ თათქარიძე ნამდვილი განსახიერებაა ბატონ-ყმობის ნიადაგზე დასნეულებული და დაკნინებული ჩვენი თავად-აზნაურობის ცხოვრებისა და ფსიქოლოგიისა.

რომ ლუარსაბ თათქარიძე აქ შემკრებითი ცნებაა, რომ ის ტიპია, და რომ მას ასე უყურებდა თვით ავტორიც, ამას თვით ნაწარმოებში აქა-იქ გაფანტული ლირიკული ადგილებიც მოწმობს. მაგალითად: „იმდენი დღეგრძელობა ამის დამწერს ჰქონდეს, რამდენი იმის ტოლი თავადიშვილი იმის (ე. ი. ლუარსაბ თათქარიძის—მ. ზ.) ცხოვრებას შეჰნატროდა“¹, და სხვანი. მაგრამ ლუარსაბ თათქარიძე რომ ნამდვილი მხატვრული ტიპია, ჩვენი იმდროინდელი ცხოვრების მორევიდან ამოღებული, რომ „კაცია-ადამიანი“—ში დახატული ცხოვრების ქაობი საერთოა არა მარტო თათქარიძისათვის, არამედ მრავალთათვის, ამას ყველაზე უკეთესად და აშკარად გვიმოწმებს „კაცია-ადამიანის“ წინასიტყვაობა, რომელიც ოთხი რედაქციით არის შენახული². ვინაიდან ეს წინასიტყვაობა მეტად საგულისხმეოა დასმული საკითხის გასაშუქებლად, ამისათვის ამონაწერი რომ ძალიან დიდი არ გამოგვივიდეს, მოვიტანთ მხოლოდ იმის ნაწყვეტს.

ილია ჭავჭავაძეს ჩვენი ცხოვრება ეჩვენება „ხავს მოკიდებულ გუბედ“, საიდანაც მეტად ცუდი ომხივარი ამოდიოდა: კაცს სული შეუგუბდებოდა, გონებას და გულს ობი მოეკიდებოდა, მუხლი, წინ წასადგომად მოცემული, დაეხუთებოდა... შიგ მეტად მრავალი ცხოველი მოჩანდა,—ამბობს ილია,—მათ შორის ორფეხა ცხოველებიც იყვნენ, რომელთაც ჩვენში ადამიანებს ეძახიან. ამ ადამიანებში ნამდვილი კაცებიც მოჩანდნენ, მაგრამ ძალიან ცოტა... ამ წუმპეს ქართველები სამსახაროდ ცხოვრებას ეძახიან, როგორც იმ ორფეხა ცხო-

1) ილია ჭავჭავაძე—კაცია ადამიანი?—გვ. 153—ტ. II.

2) ილია ჭავჭავაძე—ტ. II.—გვ. 293—309.

ველებს, რომელნიც შიგა ლპებიან, ადამიანებს“. ავტორი მიუახლოვდა ამ გუბეს, შიგაც შეცურდა. სუნმა შეაწუხა. გამოსვლა დააპირა, მაგრამ მოინდომა იქიდან რამდენიმე ცხოველის გამოყვანა. რომ „სიარულს ტყუილად არ ჩაეგლო“, წაავლო ერთს მათგანს ყურზე ხელი და „ვაი-ვაის“ და „მეტკინას“ ძახილით ნაპირზე გამოათრია. მათ შორის იმართება საინტერესო დიალოგი:

— „ვინა ხარ?—გკითხე მე,—რა სულიერი ხარ?

— კაცი ვარ, ადამიანი,—მომიგო იმან.

— რომ არ გეთქო, ღმერთი, რჯული, ვერ მივხვდებოდი.

მართლა კაცი ხარ?

— თავი არ მამიკვდება! კაცი ვარ ადამის ტომისა, ყმისა და მამულის პატრონი; ლუარსაბ თათქარიძეს მეძახიან.

— თუ ადამიანი ხარ, მაგ დამპალ გუბეში ბაყაყებთან და ქიაყელებთან რა გინდა?

— ბიკოს!... მაშ სად უნდა ვიყო?

— კაცებთან, თუ კაცი ხარ.

— კაცები არ ზრიან, რომ აქ არიან? ათასია ჩემის თანა და ათასზედ მეტიც¹. ბრმა ყოფილხარ.

— ეგ ჯერ ვინ იცის, მე ვარ ბრმა, თუ შენა. შენ ერთი ეს მითხარ, მაგ გუბეში არიან ისინიცა?

— გუბეში რას ჰქვიან, გიყი ხომ არა ხარ? ჩვენი ცხოვრებაა ეგა.

— ზედაც გეტყობა.

— როგორც სხვას ეტყობა ზედა, ისეც მე...

— მაშ კაი ნიმუში ხარ შენ, ჩემო ლუარსაბ, თუ ეგრეა...

— რალა მე წამავლე, შე უღმერთოვ, ხელი, ათასია სხვა ჩემის თანა.

— აბა უფრო მაგისათვის წავავლე, რომ შენ ათასსა ჰგეგხარ და ათასი შენა! რაც ბევრს ეგვანები, უფრო კარგია. აქეთ მობძანდი, აქეთ, შენ ძვირფასი მარგალიტი ხარ.

წავავლე ყურზედ ხელი და გამოვსწიე. ლუარსაბი უგემურად დაიღმიჭა... და დამიყვირა... ლუარსაბის ყვირილზედ გამოცვივდა გუბიდან ადამიანების ხროვა და ერთის ხმით დამიკვივლეს.

¹) კურსივი ყველგან ჩვენია.

— შენ ეი, რა გინდა მაგისაგან? გაუშვი, ეგ ჩვენი ძმაცა ცი ა. არაინ არ შეასწროს თვალი, თორემ არ ვიცით, რასაკვიტ.

— თქვენ რა, რომ ეს დაინახოს ვინმემ, აბა თქვენ რა?

— როგორ თუ ჩვენ რა? ხარი ხართან დააბიო, ან ფერს იცვლის, ან ზნესაო. ყველამ იცის, რომ დაბადების დღიფვე ეგ ჩვენთან იყო დაბმული, ვინც მაგასა ნახავს — მითომ ჩვენც უნახვივართ. ყველა იტყვის, ვისთან ეს ყოფილა — ყველა ამისთანა იქნებაო. ეს ჩვენ არ გვინდა, გესმის თუ არა?

— კარგად შემატყობინეთ, არ მესმის.

— აი ღმერთმა ნუ გაგაგონოს! როგორ არ გესმის? ჩვენი ლაფი მაგას აცხია და მაგისი ჩვენა, გააგე?... მაგის შერცხვენა ჩვენი შერცხვენაა. ამოდენა ხანია, ვიმაღლებით ამ ოხერს ადგილას და ჩვენი სახელისათვის გუბიდამ თავი ვერ ამოგვიყვია, უცხომ არ დაგვინახოსო. დღეს კი შენ მოსულხარ, ქვეყანას უნდა გაჩვენოთო..

— მეც ეგ მიხარია, რომ თქვენ ესა გგავთ და თქვენ მასა. იმისათვის მეძნელება ამის თავის დანებება, რომ კაი ნიმუშია.¹

ამ წინასიტყვაობაში, რომელსაც თითქოს მაშინდელი აყაყანებული საზოგადოებისადმი პასუხის ხასიათიცა აქვს, მშვენიერად არის გადმოცემული ავტორის აზრი ლუარსაბ თათქარიძის პიროვნების და ცხოვრების ტიპიურობის შესახებ.

და განა „კაცია-ადამიანისათანა“ მძლავრი სატირა და აღშფოთება ბევრი დაწერილა და გამოთქმულა ბატონ-ყმობის წინააღმდეგ? განა ასე მკვეთრად ჩვენს მწერლობაში, პუბლიცისტური იქნებოდა, თუ მხატვრული, დანიელ ჭონქაძის გარდა, ვისმე უჩვენებია, რა საშინელებამდის მიიყვანა ბატონ-ყმობამ „კაცი ადამის ტომისა და მამულის პატრონი?“ და ეს ბატონ-ყმობის წინააღმდეგ უნიჭიერესი გვრგვინვა განა „საქართველოს მოამბეში“ არ გაისმა? და განა ეს არ იყო თანამედროვების უძლიერესი გამოძახილი, რომელმაც ფერიცა და ხორციც ძლიერი, მიმზიდველი, ცხოველი და ძარღვიანი მისცა „საქართველოს მოამბეს?“ ამაზე მეტი განა შესაძლებელი იყო იმ ცენზურის და საერთოდ იმ უხანობის პირობებში?

ამისათვის სამართლიანად არ მიგვაჩნია თვითკრიტიკა „საქართველოს მოამბის“ რედაქციისა (ე. ი. „თერგდალეულთა“) — „ყველაზე დიდი ნაკლულოვანება ჩვენი ჟურნალისა ის იყო, რომ სხვათა შორის დროების ინტერესი არა ჰქონდა... არც ერთი ჩვენი ცხოვ-

¹ ილია ჭავჭავაძე — ტ. II — გვ. 307 — 308.

რების შინაგანი გამოჩინება, არც ერთი თითქმის ფაქტი, არც ერთი საქმე, რომელიც ყველას თვალწინ გვიტრიალებს და რომელიც ყოველი ცოცხალი კაცისათვის საინტერესოა, არამც თუ ვერ ახსნა ჩვენმა ჟურნალმა, არამედ ვერც კი გაბედა, რომ მიჰკარებოდა, თუმცა ზოგჯერ კი სცადაო“...¹.

„საქართველოს მოამბე“ სწორედ იმისათვის აღარ გამოვიდა შემდეგი წლიდან, რომ მან არამც თუ სცადა ჩვენი შინაგანი ცხოვრების გამოჩინება (ე. ი. ბატონ-ყმობის შესახებ თავისი აზრის გამოთქმა), არამედ იგი საშინელი სინამდვილის გატიტვლებით, დაურიდებლივ, მკვეთრად გამოაჩინა მხატვრული შემოქმედების შემწეობით.

¹) „საქართველოს მოამბე“—1863 წ. № XI.

ხალხოსნური მიმართულების ელემენტები თერგდალეულთა შემოქმედებაში.

ჩვენი 60-იანი წლების ახალგაზრდობის, ე. წ. თერგდალეულების მოღვაწეობას და მსოფლმხედველობას ზევით რომ ვარკვევდით, აღვნიშნეთ, რომ „ცისკარსა“ და განსაკუთრებით „საქართველოს მოამბეში“ მათ მიერ გამოთქმულ სურვილებსა და მისწრაფებაში და აგრეთვე ამ პერიოდის ლიტერატურულ შემოქმედებაში, შესაძლებელია მოვნახოთ დასაწყისი ჩვენი ხალხოსნობისა.

ილიას „მგზავრის წერილებში“ უკვე დავინახეთ ხალხოსნური ტენდენცია მოხვევის მიერ ძველი თემურ წყობილების უპირატესობის აღიარებით ახალთან შედარებით.

ეურნალ „საქართველოს მოამბეში“ გზა-„გახიდული“, ჯერ კიდევ თებ-გაუმავრებელი ჩვენი თერგდალეულთა შემოქმედება ამ მხრივ საგულისხმიერო მასალას გვაწვდის. ზევითაც აღვნიშნეთ მათი სურვილი: „საჭიროა სკოლების გარდა,—აცხადებენ თერგდალეულნი „საქარ. მოამბის“ საპროგრამო წერილში,—ისეთი ღონისძიებაც, ისეთი საშუალებაც, რომელმაც... გამოფინოს საქვეყნოდ კაცის კეჟის ძვირფასნი მარგალიტები საყოველთაო მოსახმარებლად, რომ მრავალთათვის მისაწვდომი გახადოს ის, რაც დასაკუთრებული აქვს ცოტასა. ის საშუალება, ის ღონისძიება უნდა ცდილობდეს, თუ არა სრულიად ხალხთან, მომეტებულ ნაწილთან მაინც დაიჭიროს საქმე, შეიქნას შუამავალი მეცნიერებისა, ერთის მხრით, და ხალხისა და ცხოვრებისა, მეორეს მხრით¹. მაგ ძნელ საქმეს ასრულებს ყველგან ლიტერატურა... რა წამსაც მიხვდნენ, რომ... ხალხს მისი (ე. ი. ლიტერატურის—მ. ზ.) გაგება ეძნელება, მაშინვე

¹) კურსივი ჩვენია.

გამოჩნდა საქიროება იმგვარი ლიტერატურისა, რომელიც როგორც ენით, ისე აზრის გამოთქმით უფრო ადვილად უნდა ასრულებდეს ზემოთქმულ შუამავლობასა მეცნიერებასა და ცხოვრებას შორის. მაგვარ ლიტერატურას ჰქვია „პოპულარული ლიტერატურა“... იმიტომ რომ... მისი მიზანია... ძნელი მისახვედრი ცნობები საყოველთაო გასაგებად გაამარტივოს, გაადვილოს და ამით განავრცელოს საქირო სწავლა და ცოდნები ხალხშია... ორმაგ სამსახურისათვის ვნიშნავთ ჩვენ „საქართველოს მოამბესაც“¹.

ან კიდევ: „ჩვენ წინაღვე ვერას ვიტყვით,—ეკითხულობთ იქვე,—იმის მეტსა, რომ აწინდელი ცხოვრების წრეში ჩადგომა გვინდა, მისგან ყრუდ ჩაძახილის—ამოძახნა, მისის ვითარების ცნობაში მოყვანა, მოძრაობისათვის გზის გახსნა... აწინდელი ცხოვრების ვითარება,—აცხადებენ თერგდალეულნი,—არა მარტო სადღეისო მოსავალია, რომელიც დღესვე უნდა დაიხარჯოს, არამედ მასში მომავლისათვის თესლი ურევია, როგორც წარსულში ერივა აწმყოსათვის. თუ ჩვენი ეურნალი დაჰყურებს დღევანდელი ცხოვრების მოქმედებას, უფრო მაგ თესლისათვის დაჰყურებს, რომ ეგ გამოჰკრიფოს ხეალისათვის“² ან კიდევ: „ჩვენ მეცნიერებას და ხელოვნებას,—აცხადებენ ხალხის სასარგებლო მოღვაწეობისაკენ გადახრილი თერგდალეულნი,—მოვსთხოვთ არსებითსა პურსა ცხოვრებაში გამომცხვარს და მშიერთათვის მოსახმარსა და გამოსადეგსა“³.

ამგვარი ციტატების მოტანა „საქართველოს მოამბიდან“ კიდევ შეიძლებოდა, მაგრამ, ვგონებთ, ესეც საკმარისია დასკვნისათვის, რომ ხალხოსნობის იდეოლოგიის ელემენტები ჩვენ თერგდალეულთა მისწრაფებათა გრეხილშიაცაა ჩაქსოვილი.

ხალხოსნური სიმპატია და სულიერი განწყობილება ჩვენი თერგდალეულებისა (ილია ჭავჭავაძის, აკაკი წერეთელის, რაფ. ერისთავის, კალადიდელის და სხვათა) მხატვრულ შემოქმედებაშიაც მოსჩანს. და ეს ხალხოსნური სიმპატიები გამოტანილი იქნა თერგდალეულების მიერ არა მარტო შემდეგ 70—80 წლებ-

¹) „საქართველოს მოამბე“—1863 წ. № 1.—საქართველოს მოამბეზედ. გვ. 119 — 120.

²) იქვე — გვ. 122.

³) „საქართველოს მოამბე“ № 4 გვ. 124.

ში, როცა მათ დაკარგეს თავისებური სპეციფიკური ხასიათი, არამედ 60-იან წლებშივე „საქართველოს მოამბის“ ფურცლებზედაც-კი.

„გლახის ნაამბობი“ საინტერესოა არა მარტო, როგორც გადამხსნელი ბატონ-ყმობის განმანადგურებელი გავლენისა და მნიშვნელობისა, არა მარტო ბატონთა და ყმათათვის, არამედ მთელი საზოგადოებრივი ცხოვრებისათვის, — აგრეთვე იმიტაც, რომ „გლახის ნაამბობში“ ჩვენა გვაქვს მხატვრულ შემოქმედებაში მოცემული „ხალხოსანის“ პირველი ტიპი — მღვდლის სახით.

როდესაც „გლახის ნაამბობში“ გამოყვანილი მღვდლის ტიპზე გვაქვს ბაასი, ჩვენს ყურადღებას იქცევს შემდეგი გარემოება: ილია ქავეკავეძე თავის პოემაში „აჩრდილი“, რომლის პირველი ვარიანტი დაწერილი ჰქონდა 1858—1859 წ. წ., ხოლო მასზე მუშაობას ავტორი განაგრძობდა და უკანასკნელი რედაქცია დაამთავრა 1872 წ., მღვდელს გლეხის შემავიწროებელთა გუნდში (ბატონთან და ვაჟართან ერთად) აფავსებს:

„აგერა მღვდელნიც — ერთა მამანი —,
რომელთ ქრისტესგან ვალად სდებიათ
აჰა ერისა სულის აღზრდანი,
რა-რიგ გულ-ხელი დაუკრებიათ!
სად არის სიტყვა დიდი სწავლისა,
სიყვარულის და სამართალისა,
რომ მათ ბაგეთგან არ მომდინარებს
და ერს დაცემულს არ აღამაღლებს?“.

აქ კი, „გლახის ნაამბობში“, ხალხისათვის თავდადებული მოღვაწეობის გმირად სწორედ მღვდელია დასახული. რითი უნდა აიხსნას ეს გარემოება? ილია ქავეკავეძის კლერიკალიზმით? ვფიქრობთ, არა. პირიქით, როგორც დავინახეთ, ილია ქავეკავეძე სამღვდლოებას კარგად არ ახასიათებს. თვით „გლახის ნაამბობის“ მღვდლის უანგარო მოქმედება და პროგრესიული შეხედულებანი სავსებით ეწინააღმდეგება მის მიერვე დახატული სამღვდლოების ანგარიხს და ანგარიშიან მოქმედებას.

აი რას ეუბნება გლახუკაგაბროს, როცა ის უფულობის გამო ვერ ბედავს მღვდელთან სწავლისათვის მისვლას: „შენ ხომ ამბობ — ფულიო, — აღტაცებით ეუბნება გლახუკაგაბროს, — ფული კი არა, სანთლით ეძებს შენისთანა მოწადინესა, რომ წიგნი ასწავლოს. ვი-

საც არ უნდა, იმდენს ეჩიჩნება, იმდენს ეჩიჩინება, რომ ძალად ან-დომებს. მეც ასე მნახა აქ ქუჩაში... დამიწყო ლაპარაკი... ისე მოი-ნადირა ჩემი გული ტკბილის სიტყვით... ბოლოს სწავლებაც დამიწყ-ყო. რა მე?... ათიოდ პატარა ბიჭები, ამ ჩვენს უბანში მოგროვი-ლები, იმასთან დადიან და სწავლობენ. როგორც შენ, ისე იმან, იმათ-გან გროში არ იცის“...¹

ერთხელ გლახუკას ჯამაგირი რომ აელო, მოენდომებინა მღვდლისათვის ორი მანეთის მიცემა. მღვდელს გლახუკასათვის ერჩია ეს ფული თავის დედისათვის გაეგზავნა. როცა გლახუკას ეთქვა მის-თვის, რომ მან დედას თავისი წილი გაუგზავნა და ეს გადაანარჩუნა, რომ მღვდელმა ის „ლოცვაში მოიხსენიოს“, მღვდელს აი რა ეპა-სუხნა: „ლოცვა არც ფულზედ და არც ფულით არ იყიდება“-ო... „ღმერთი, ჩემო ძმაო, მარტო კარგი საქმით იღიდება და არა ფუ-ლითო“.

როცა გლახუკა თურმე არ მოეშვა, მღვდელს ერჩივა: „შენთვის შეინახე: თუ მეტია შენთვის, იმას მიეცი, ვინც მე და შენზე ლარი-ბია, მაგას უფრო მოგიწონებს ღმერთი. აგერ, ამ თქვენს ქუჩის ბო-ლოს, ერთი ლარიბი სახლობა არის, პურის შოვნის ილაჯი არა აქვთ, მე და შენ კი ყოველ დღე მაძღრები ვართ“...

„ეს ისეთაირად მითხრა,—განაგრძობს გლახუკა,—რომ არ დაიჯერებ, მაშინვე გამოვტრიალდი, ვიპოვე ის სახლობა და იმის-თვის გადადებული ორი მანეთი იმათ მივართვი“. ბოლოს გლახუკა ასე ათავებს მღვდლის დახასიათებას: „ნეტავი თვითონ ჰქონდეს რამე მაინც! ღვთის განაჩენი არა აბადია-რა. დღე-დღეურად ძლიეს ცხოვრობს“².

ცხადია, „აჩრდილის“ ავტორი მღვდელს ასეთ ფერადებში არ დაგვიხატავდა. ამ გარემოების ახსნა მე ასე მეხატება.

1) შესაძლებელია, ღვდლისა და რელიგიის სამოსელი ილიასა-თვის აუცილებელი იყო, რომ მას გამოეტანა ცხოვრებაში თერგდა-ლეულთა მიერ აღიარებული ხალხის საკეთილდღეო მრწამსი. სხვა-გზით მაშინდელი პირობების გამო ეს ძალიან ძნელი იყო.

2) მაგრამ ამასთან ერთად შემდეგი გარემოებაც, ალბად, ხელს უწყობდა: რუსეთის საზოგადო აზროვნებაში და ცხოვრებაშიც, რო-გორც თავის ადგილზე გვქონდა აღნიშნული, ამ დროს უკვე ირკვევა ტიპი ხალხში მოსიარულისა. ლოზუნგი—„ხალხში“, რუსეთის საზო-

¹) ილია კ ა გ კ ა ვ ა ძ ე, —გლახის ნაამბობი—ტ. II გვ. 51.

²) იქვე — გვ. 52.

გადოებაში, თუმცა ჯერ არ არის გადმოსროლილი, მაგრამ ეს ლოზუნგი საზოგადოების აზროვნებაში ვულკანურად ვითარდება. ამას ხელი შეუწყო იმ გარემოებამ, რომ რუსეთის საზოგადოების სამოღვაწეო ასპარეზზე ამ დროისათვის მძლავრად წამოზვირთდა „რაზნოჩინეცი“. ამან თავისებური რადიკალურ-დემოკრატიული დალიდაასვა რუსეთის საზოგადოებრივ აზროვნებასაც და შემადგენლობასაც.

ჩვენში კი იმდროინდელი ინტელიგენცია, ე. წ. თერგდალეულნი მხოლოდ თავად-აზნაურულია (დანიელ ჭონქაძე გამონაკლისია). ეს გარემოება, როგორც ზევითაც გვქონდა ნათქვამი, ერთი უდიდესი მიზეზი იყო ჩვენი 60-იანი წლების მოქმედების სიმჩატისა და სიღუნისა, შედარებით რუსეთის საზოგადო-აზროვნებასთან. თერგდალეულებს ახასიათებს კეთილშობილური დუღილი, გაღვავებული რუსეთის მოწინავე საზოგადოების აზროვნებით და, მის საშუალებით, დასავლეთ ევროპის უტოპიური სოციალიზმით. ასეთი სულიერი განწყობილება თერგდალეულთ კარგა ხანს შერჩათ, დაშლის შემდეგაც, რომელიც, ჩვენი აზრით, დაიწყო 1866—1867 წ.წ. მაგრამ უნდა ხაზგასმით აღინიშნოს, რომ თერგდალეულნი, აღზრდისა და ცხოვრების სოციალურ პირობათა გამო, მშრომელ მასებისაგან შორს იდგნენ, მათთან კავშირი არა ჰქონდათ და არც უნარი შესწევდათ დაკავშირებოდნენ მას. ქართველი ინტელიგენტის მოღვაწეობას მასებში იმ დროს სრულებით ნიადაგი არა ჰქონდა მომზადებული. ჩვენ თერგდალეულთ ამ მხვრივ წინამორბედი არა ჰყავდათ.

ვინ უნდა აეღო ხალხოსნურ მსოფლმხედველობას ნაზიარებ ილიას ხალხოსნურ იდეების გასატარებლად ჩვენში? ინტელიგენტი? — არ გამოდგებოდა, რადგან ის თავად-აზნაურთა წრიდან იყო გამოსული. მას ხალხი ნდობით ვერ მოეპყრობოდა. ხალხის ცხოვრებას ის არ იცნობდა. მასთან მისვლა მას არ შეეძლო. „რაზნოჩინეცი“ ინტელიგენტი, როგორც ტიპი, არ იყო. მიჰმართა მღვდელს, რომელიც სინამდვილეში ხალხთან ახლო იდგა. თუ სინიდიის არ უღალატებდა, იმას უფრო ადვილად შეეძლო ხალხთან მისვლა (უმეტეს შემთხვევაში, სოფლის მღვდელი ხალხის წრიდან იყო გამოსული). მართლაც, „რაზნოჩინეცი“ — სოციალისტურ მოძღვრების მიმდევარი ჩვენს სინამდვილეში სამოღვაწეო ასპარეზზე უფრო ამ წოდებიდან გამოდის 80—90 წლებში. სხვა გზა არ იყო. აკი პირველ „ხალხოსნებს“ და სოციალისტებსაც დაცივნის კილოთი „მღვდლისა“

და „ღიაკენის“ შვილებს ეძახდნენ სწორედ იმიტომ, რომ მათი უმეტესი ნაწილი სასულიერო წოდებიდან და სასულიერო სემენარიებიდან გამოვიდნენ.

ასეა თუ ისე, „გლახის ნაამბობში“ მღვდლის სახით ილია ქავკავაძე გვაძლევს, თუმცა მკრთალს, მაგრამ, ჩვენის შეხედულებითა მაინც ხალხოსანს.¹

ამიტომ გვგონია, ინტერესს მოკლებული არ იქნება, ჩვენი ყურადღება შევავყენოთ და უფრო ახლო გავიცნოთ, როგორაა „ხალხოსანური“ მისწრაფებანი მღვდლის პიროვნებაში მოცემული. აღვნიშნოთ მთავარი:

ხალხოსნობის ძირითადი მისწრაფება იყო—ხალხში გასვლა, „თუ არა სრულიად ხალხთან,—როგორც ჩვენს თერგდალეულებსაც აქვთ განზრახული,—მომეტებულ ნაწილთან მაინც დაიკვიროს საქმე, „შეიქმნეს შუამავალი მეცნიერებისა, ერთის მხრით, და ხალხსა და ცხოვრებისა, მეორეს მხრით, ძნელი მისახვედრი ცნობები საყოველთაო გასაგებად გაამარტივოს, გაადვილოს და ამით განავრცელოს საკირო სწავლა და ცოდნა ხალხშია“.

აი სწორედ ხალხში „საქართველოს მოამბის“ ამ პრინციპების გამოსატანად და გასანაყოფიერებლად ილიას „გლახის ნაამბობში“ მღვდელი გამოჰყავს. მღვდელიც ხალხში მიდის, მისი ეკონომიური და სულიერი ცხოვრების (გლეხთა ერთმანეთში მორიგება მის შემ-

1) მღვდლის ტიპი მკრთალად არის დახატული. ამის მიზეზი შემოქმედების ტენიკაში უნდა ვეძიოთ. მღვდლის შესახებ ცნობებს გაბროს ნალაპარაკევის წყალობით ვტყობილობთ. თვით უშუალო განვითარება მღვდლის მოქმედებისა მოთხრობაში არ არის. ეს, რასაკვირველია, სისუსტეა. გმირის მოქმედება მკითხველს უნდა იტაცებდეს. მკითხველი უშუალოდ უნდა იყოს მოწმე მომქმედი პირის მოძრაობისა. გადმოცემა სხვისი პირით, თუნდაც ავტორისა, გმირის მოღვაწეობის შესახებ, შთაბეჭდილებას ასუსტებს.

რით უნდა ახსნათ ეს გარემოება? ნუ თუ ილია არ გრძნობდა ამას? ჩვენის ფიქრით, ილია ამას კარგადა გრძნობდა, მაგრამ ეს ხელოვნებაზე შეხედულების უტილიტარულმა მიმართულებამ წარმოშვა. ილია ამ პერიოდში, უფრო მეტად ვიდრე სხვა დროს, გატაცებულია ახალი, მოწინავე იდეებით. მისი მძლავრი სურვილია ჩვენში დაამყაროს რუსეთიდან გადმოტანილი ხალხოსნური იდეები. ხალხოსანის ტიპს ჩვენი ცხოვრების სინამდვილე ჯერ არ იძლეოდა. ეს ტიპი შექმნილი იყო უფრო პოეტის შემოქმედების ფანტაზიაში. ასეთი ტიპის უშუალოდ მოქმედებაში ასახვა ხელოვნური გამოვიდოდა, ამიტომ ავტორმა ამჯობინა მასხედ თხრობა. აკი პირველ ვარიანტში, სადაც მღვდელი არ არის გამოყვანილი, მოთხრობა მოქმედებაში მიმდინარეობს. ალბად, თვით ავტორმაც იგრძნო ეს უხერხულობა და უკანასკნელი სახე ამჯობინა.

წეობით) მასწავლებელია.¹ ის, მართლაც, პოპულარიზატორია, შუამავალია მეცნიერებისა, ერთის მხრით, და ხალხისა და ცხოვრებისა მეორეს მხრით. დავიმოწმოთ თვით ნაწარმოები.

გლახუკამ გაბროში აანთო ცეცხლი წიგნის სწავლისა. მღვდლის პიროვნებით და მის გაცნობის სურვილით გაბრო ძალიან დააინტერესა. გლახუკამ გაბრო წაიყვანა მღვდლის გასაცნობად, და აი გაბრომ რა ნახა იქ: ეკლესიის გაღავანში მღვდელი ხალხ-გარშემორტყმული სწავლის საპირობებაზე ბაასობს. მღვდელი უქმაყოფილოა გლეხი პეტრეთი, რომელიც შვილს სასწავლებლად არ გზავნის. ხალხიც თითქოს პეტრეს შეხედულებას იზიარებს: •

— „რას მიბრძანებთ?—ხალხის ხმით გულგაკეთებულ პეტრე ეუბნება მღვდელს.—წელში ვერ გავსწორებულვართ, პირუტყვისავეით მალლა ვერ აგვიხდენია, სულ დედა-მიწას დავუყურებთ, თითქოს ჩვენი ბედი იქ დაკარგულა და ვეძებთო! ვინ ჩვენა და ვინ წიგნი!... ჩვენი კალამი—დაუღალავი გუთანია, მელანი კიდევ—გულ-ღვიძლიდან გამოწურული ოფლია!..

— მე მესმის, კვიანო პეტრე, შენი გულის ვითარება,—უბრძანა დაღონებით მღვდელმა და მოხერხებულად სარგებლობს შემთხვევით ხალხს შთააგონოს სწავლის უპირატესობა და აუცილებლობა ხალხის ეკონომიური კეთილდღეობისათვის,—მე მოზიარე ვარ შენი გულის ტკივილისა. შენ გუთანი გირჩევენია წიგნსა, იმიტომ რომ შენი გუთანი დღეს პურს გაქმევს... ეხლა ერთი ეს მითხარი: რომ არა გცოდნოდა, რომ ცეცხლში რკინა რბილდებოდა, საიღამ გააკეთებდი ბარ-საკვეთს, ცულსა, ეჩოსა, რომლითაც გუთნის ხესა სთლი? რომ არ გცოდნოდა, რომ ეგრე უნდა გამოყვანა გუთანსა, რით მონაედი მიწასა? რომ არა გცოდნოდა, რომელ მიწას როგორ უნდა მოხენა,—ღრმად ჩაშვება ბარ-საკვეთისა, თუ თხლად,—რა გეშველებოდა?

— შენი მტერი იქნებოდა, მე ვიქნებოდი.

— საიღამ იცი ეს ყველაფერი?

¹) მღვდელი ქალაქში ცხოვრობს, ქალაქის ეკლესიაში მოღვაწეობს. სცენა-კიწირვის გამოსვლის შემდეგაა, (გლეხ-კაცთა ყყანი, ლაპარაკი, მღვდლის გარშემო მათი შეკრება, მღვდლის საუბარი მათთან სწავლის საპირობებაზე, სწავლა-განათლების მნიშვნელობაზე, გლეხკაცის ცხოვრების გაუმჯობესებისათვის, გლეხ-კაცთა ახრი გუთნისა და ხენათესვის მნიშვნელობაზე მათთვის)—სოფელში უნდა ხდებოდეს. ასეთი მდგომარეობა, მღვდლის ქალაქში ყოფნა, არ არის ბუნებრივი. ეს მხატვრული lapsus-ი უნდა იყოს.

— როგორ თუ საიღამ?.. მამა-პაპით, შენი ქირიმე! მადლობა ღმერთს, თვალი მქონია—მინახავს, ყური მქონია—მსმენია, გულს-ყური მქონია—მივხვედრივარ, ხსოვნა მქონია—გონებანი ჩამჩნენია...

— კუქს გიძღობს ეგ შენი ცოდნა?

— მაგას რალა პასუხი უნდა, შენი კენესამე! თითონ შენ კარგად იცი, რომ უმავისოდ წყალში გადასაგდები ვიქნებოდი.

— ერთი ეს მითხარი კიდე: რამდენი შენზე უფრო მცოდნე კაცია ქვეყანაზედ?

— რა ვიცი, შე დალოცვილო? მგონი, თავზე იმოდენა ბალანი არა მქონდეს: მჯობს მჯობი არ დაეღევა.

— იმ მცოდნე კაცების ქირანახულობა, გამოცდილება, ცოდნა რომ შენსას ზედ დაემატოს,—კარგი არ იქნება? უფრო ადვილად არ გაიძღობ კუქს, უფრო ცოტა ოფლით ბევრს არ მოიძიკი?

— ღვთის წყალობა გქონდეთ, რომ კარგი ის იქნებოდა, მაგრამ ხათაბალა ეს არის, რომ თვალი იმათამდინ არ მიმიწვდება და ყური... ამოდენა დედამიწის ზურგზედ სად ვეძებო მე ისინი, რომ გამოვეკითხო რამე?

— მე რომ გაჩვენო იმისთანა რამ, რომ მთელის ქვეყნის ოსტატობა, კვიან კაცების ნაცადი, ცოდნა, თუ მოინდომებ, სულ მუდამ ხელთა გქონდეს, ერთი სიტყვით, რომელ კვიან კაცთანაც გინდა, შორიდანვე გალაპარაკო,—რას იტყვი?

— იმას ვიტყვი, რასაც მთელი ქვეყანა ლაპარაკობს: ეგ ხომ მისნობა იქნება.

აბა მაგისთანა მისანია წიგნი“¹.

ასე დააბოლოოვებს გამარჯვებული მღვდელი და შემოკრებილ გლეხ-კაცებსაც შეაგნებინებს სწავლის და წიგნის მნიშვნელობას თავისი პოპულარული გასაგონი ენითა და მაგალითებით.

თუმცა ციტატა დიდი გამოგვივიდა, მაგრამ ეს ადგილი მეტად საინტერესოა მღვდლის დასახასიათებლად, როგორც ხალხში ცოდნის გამტანის, ხალხთან და მის ცხოვრებასთან ახლო მისულისა. მღვდელს, როგორც ბევრს ხალხოსანს, პირადი ცხოვრება დაუვიწყრია (მარტო დედა ჰყავს?), ხალხის ბედნიერებისათვის იწვის. თვითონ სა-ნთლით ეძებს, ვისაც სწავლა უნდა. იმ უბნის ბავშვები შეკრებილი ჰყავს და გულმოდგინეთ ასწავლის. არა მარტო ბავშვებს ასწავლის, არამედ როგორც ვხედავთ, ხალხში გასულა, ხალხის ცხოვრებისა და გაკვირების ცოდნით და თავისი პირწყლიანი მადლიანი ლაპარაკით ხალხში სწავლის აუცილებლობის შეგნება და სიყვარული შეაქვს.

1) ილია კავკაძე, —გლახის ნაამბობი—ტ. II გვ. გვ. 54, 55, 56.

სწავლებაში მღვდელი არამც თუ სასყიდელს არა სთხოვს, პირიქით, როცა ამას გაუხსენებენ და შესთავაზებენ, ის უხერხულობას გრძნობს. უარს ამბობს გასამჯელოზე და ცდილობს მასთან ცოდნისა და ნამდვილი ცხოვრების დასაწაფებლად ახლად მოსულს ჩაუნერგოს, რომ ერთი-ერთმანეთისადმი დახმარება ყოველის მოვალეობაა. „ეგრეა ყველაფერი, ჩემო ძმაო,—ეუბნება მღვდელი გაოცებულ გაბროს,—დიდი თუ პატარა ერთი-ერთმანეთისათვის საჭირონი ვართ, თუ დღეს არა, ხვალ მაინცა. არა შემოძლიან რაო?.. კაი კაცობა არ შეგიძლიან?.. მაშ რაღა კაცი ჰყოფილხარ?.. მე შენ დამიჯერე, წადილი იყოს, თორემ შეძლება ყოველთვის იქნება. აი, ვთქვათ, შენ ხომ წიგნს ისწავლი,—შენც მონახე შენისთანა კაი ბიჭები და იმათაც ასწავლე, ვალს მაგითი მოიშორებ; ვითომ იმათთვისაც მე მისწავლებია და მე მიქნია სიკეთე. მეტი რა მინდა“...¹ ასეთი გზა მოქმედებისა ხომ ხალხოსნების ნამდვილი მისწრაფება იყო. ხომ იმათაც ასეთი გზით უნდოდათ ახალი ცხოვრების მკედელთა რაზმების გადიდება და რამოდენიმე წლის შემდეგ (სულ ხუთი ექვსისა)მძლავრი რაზმის შედგენა.

მღვდელი, როდესაც გაიგებს, რომ გაბრო ყმაა, „უგემურად გაიქნევს თავს“, და მით უფრო ხალისით დაიწყებს მასთან მუშაობას. ჯერ კიდევ გამოუცდელი გაბრო „ვეფხის ტყაოსნის“ კითხვის დროს ავთანდილის და შერმადინის ამბავს რომ წაიკითხავს, ალტაცებით წამოიძახებს: „ვენაცვალე შენს დამწერსა! აი ბატონ-ყმობა თუ იყოს, ამისთანა“-ო. მღვდელი დაფიქრებული ეტყვის გაბროს: „მართალი ხარ! უარესს ეგა სჯობია—მაგრამ იმას კი არა შეედრება რა, როცა ცა ქუდათ გაქვს და დედა-მიწა ქალაშნადა“. ამას მისდევს მშვენიერი დიალოგი, სადაც მღვდელს მიზნად აქვს გაბროს შეფანტვას ყმის უმწეო მდგომარეობა ხელზე გაგეშილ მიმინოს მდგომარეობის დახატვით პატრონის ხელში².

ამასთან ერთად მღვდელი ძმა და მეგობარია უბედურთა, დავრომილთა და დამცირებულთა. მისი კეთილი მოპყრობა მათდამი მოწმეთ რაღაც საგონებელში აგდებდა. „ბატონი რომ,—მწარედ იგონებს გაბრო,—სადილიდან ჩამორჩომილ ნესვის ქერქს მომიგდებდა, მაშინვე მუხლებზე საკოცნელად კინწისკვრით წამაბარბაცებდნენ. ამათ კი ობოლს, ოხერს ძმობა დამიპირა, ყმასთან არ ითაკილა ძმო-

¹) ილია ჭავჭავაძე—გლახის ნაამბობი—გვ. 65. ტ. II.—კურსივი ჩვენია.

²) მისივე — თავი VI—გვ. 81—86.

ბა, ყმასთანა, რომელსაც, როცა კი ბატონი მოიწადინებს, ქოფაკს ძალზედაც გასცვლის¹.

თვით ღარიბი, არაფრის მქონე, ღარიბებს, ქვრივ-ობლებს, ავადმყოფებს არა მარტო რჩევას, დარიგებას, არამედ წამალს და სხვა მატერიალურ დახმარებასაც-კი უწევს. საგულისხმეოა სცენა დაბეჩავებული, ღარიბი, ავადმყოფი ქმრის მყოფ დედაკაცთან, რომელსაც ნუგეში სცა თავისი რჩევით, დახმარებით და უფრო კი ადამიანური მოპყრობით, და როცა მღვდლისაგან ნუგეშცემული დედაკაცი გავიდა, ცოცხალ მაგალითზე და განცდის ქვეშ მღვდელი გაბროს ეტყვის: „კაი კაცი იყო მაგისი ქმარი. მართალია, გამოწურულ ოთლში ამოვლებულ ლუკმასა სჭამდა, მაგრამ კაი კაცობაც მაგაშია; მაგით რჩებოდა ის და არჩენდა თავის ცოლ-შვილსა, ეხლა რა ეშველება“². თითქოს ამით უნდოდა შეუმჩნეველად გადაება თავისი ნიჭიერი მოწაფის გული გაქირებული ხალხის გულთან.

აი კიდევ ერთი შემთხვევა მღვდლის თავ-დადებული მოქმედებისა. გაბროსთან მღვდელი მეცადინობს. ქუჩიდან ხმაურობა შემოესმის. მღვდელი საჩქაროდ გარედ გავა. ხედავს, აღელვებულ მდინარეში კაცი ირჩობა. ხალხი შეკრებილა და შეწუხებული უცქერის მსხვერპლს. მშველელი არავინ არის. მღვდელი დაუყონებლივ შეცურდება მდინარეში. დიდის ბრძოლით და თავის გამწირავი მოქმედებით გადაარჩენს კაცს, გამოიყვანს ნაპირზე და სანამდის არ დააბინავენს, არ წავა სახლში, მიუხედავად იმისა, რომ სველია და თრთის. ამის შემდეგ მღვდელი მძიმედ გახდება ავად. როცა მღვდელი ცოტა გამორჩება, გაბრო ეტყვის: „მეტის მეტი თავ-გამომეტებული ყოფილხარ. თუ შენი თავი არ გებრალეოდა, დედაშენს მაინც შეიბრალედი. უფრო ცოდვა არ იქნებოდა, რომ მოხუცებული დედა უპატრონოდ დაგეგდო ამ ტრიალ ქვეყანაზედ?“—ო— „ცოდვა ეგ კი არ არის,—უპასუხებს დასუსტებული მღვდელი,— ცოდვა ის არის, ჩემო ძმაო, როცა შვილი დედის ქირანახულს ყვავილებს არ გამოატანინებს, როცა დრო მოუვა... ღმერთმა შეძლება მომცა და ინება ჩემის ცოდვილის ხელით იმ კაცის მორჩენა. თუნდ ეგ არ იყო ს და მეც იქ თავი გამეფუჭებინა, რა ცუდ საქმეზედ გავიფუჭებდი თავსა! ხომ უნდა მოგკვდე დღესა თუ ხვალე, ის არა სჯობია ღვთისა და... გეტყვი ეხლა

1) ილ. ჭავჭავაძე—გლახის ნაამბობი—გვ. 84—86. }

2) იქვე—გვ. 63—64.

კი, კაცის სამსახურში (აქ მღვდელი გაწითლდა) ამომივიდეს სული...¹ სიცოცხლე, ჩემო ძმაო, არც დედისაა, არც მამისა, ქვეყნისა არის. ჯერ ქვეყანა, მერე დედა და მამა“².

ასეთია, შეიძლება მკრალი, მაგრამ საყურადღებო სახე პირველი ხალხოსანისა ჩვენს მხატვრულ ლიტერატურაში. ერთი კი ცხადია. ეს ის, რომ „ხალხოსანი“ თავის ბედს მჭიდროდ გადააბამს ხალხის მასების, მისმდაბიო ნაწილის და უბედურთა ბედს. ასეთი სულიერი განწყობილება დაცულია შემდეგი ჩვენი ხალხოსანი მწერლების ნ. ლომოურის, ს. მგალობლის შვილის, ე.კ. გაბაშვილის და სხვათა შემოქმედებაშიც.

2

თუ თერგდალეულთა შემოქმედებაში ხალხოსნური მიმართულება აშკარად და მთლიანად არ არის გატარებული, სამაგიეროდ გარკვეულად შეგვიძლიან ვსთქვათ, რომ ხალხოსნური იდეოლოგიის საფუძვლები ჩაქსოვილია მათს ნაწარმოებში. ამის დამამტკიცებელია ის დემოკრატიული ნაკადი, რომელიც თვალსაჩინოდ აფერადებს მათს შემოქმედებას.

დაჩაგრულისათვის ზრუნვა, შეხედულება, რომ მომავალი დაჩაგრულთ ეკუთვნის, მათი მომავლისათვის მომზადება, მათი ცხოვრების ასახვა, მათი უმწეო ცხოვრების გაუმჯობესობისათვის თანამოზიარეთა რაზმის გადიდება—ეს ხომ მთავარ დევიზად დაისახა რუსმა ინტელიგენციამ 60-იანი წლებიდან. ხომ ამასვე ემსახურებოდნენ ჩვენი თერგდალეულები!..

აკაკი წერეთელიც ამ მხრივ ღვიძლი შვილია თავისი დროისა. ხალხის უმწეო მდგომარეობის ამსახველი სურათები მის ნაზ და მდიდარ ლირიკაში უხვადაა მიმოხუნული.

„ჩვერულ ნაწინას“ აკაკი ბატონ-ყმობის გადავარდნის შემდეგ ახალ-შობილს შეიღებს უძღვნის. ცხოვრებას ახალს, თავისუფალს, ადამიანურს ულოცავს მათ. დამცირებასა და ნაკლებობაში გამოცდილ დედას შვილისადმი შემდეგს ათქმევინებს: „მამიშენის ბედის არ ხარ, შენ სხვა ბედს ელიო! შენი ვარსკვლავი სხვა არის!—ბედმა გიცინაო!“ ბატონ-ყმობის გადავარდნით ბედნიერი დედა აი მომავლის როგორ სურათს უშლის თავის ჩვილს:

„გაიზრდები, გენაცვალე, თავისუფალიო;
ბატონი ვერ შეგაწუხებს, ვერც გაგტებს ვალიო;

¹) კურსივი ჩვენა.

²) ილია ჭავჭავაძე—გლახის ნაამბობი, გვ. 81, 83. ტ. II.

შენს მტერსა და მოშურნესა დაუდგეს თვალიო;
კირისა და თვალისაგან გიხსნის უფალიო!
დიდი კაცის შვილს სკოლაში გვერდთ მოუჯდებო,
აბა შენ იცი, ბიჭოჯან, როგორ ეცდებო;
ძველ ბატონის შვილს სწავლაში ნუ ჩამორჩებო.
გლებსა ნიჭი არა აქვსო, არ აფიქრებო!..

შენი დაჩაგრული ძმები შენ უნდა იხსნაო“ და სხვა.

აკაკი გლების დედის პირით არა მარტო ბატონების ჩაგვრას აღნიშნავს, არა მარტო მათი მონობისა და უადამიანობის ულღიდ-გან განთავისუფლებას ხარობს, არამედ სხვა, მეორე ბატონის, უფრო უდიერის, „ჩინოვნიკის“ მტარვალობიდანაც. „ჩინოვნიკი“ ხშირად აორ-და-ასამკეცებდა გლების უმწეო და უბედურ მდგომარეობას. ამისათვის დედა ამ „ნანაში“ შვილს დარიგების დროს არამც თუ მათ უდიერ მოპყრობას ივიწყებს, არამედ მათდამიც უნდობლობას და სიძულვილს უწვევებებს შვილს გულში;

„ჩინოვნიკებიც არიან ჩვენი გამწვალეო:

ჩვენ საქმეზე როცა მივალთ, გვეტყვიან: „ხვალეო“,

და ჩვენ როცა დაგვსაქმებენ, მაშინ კი—„მალეო“

ამას შენ ველარ გეტყვიან, შენ გენაცვალეო.

შენ ველარ დაგიბრიყვებენ, თუ რომ თავი სცანო!“

ასეთი დიდი ისტორიული აქტით [გამხნეებულ და იმედმო-ცემული პოეტი დედას შვილისადმი სიმბოლიურად ათქმევენებს: „მამ ნუ გძინავს! გაიღვიძე! იცან ქვეყანაო!“.

აკაკი წერეთელმა გლების უმწეო მდგომარეობა კარგად იცის. ის ბავშობისას ძიძის ოჯახში, გლებ-კაცის ცხოვრების სინამდვი-ლეში ექვსი წლის განმავლობაში ტრიალებდა. ეს ცხოვრება პოეტს შეგნებასა და მენსიერებაში მეტად მკვეთრად ჩაეჭედა. მკიდროდ გაება კავშირი პოეტსა და გლების შორის, ეს კავშირი ხალხისა და პოეტს შორის არასოდეს არ გაწყვეტილა. ხალხის ცხოვრების მა-ჯის ცემა პოეტისათვის ნაცნობი იყო. ხალხის გაჭირვებული ცხოვ-რებით გამოწვეული კენესა პოეტის ჩანგზე ხშირად მკვეთრ გამო-ძახილს პოულობდა. ამიტომ აკაკის ლირიკაში საკმარისად მკაფიო-დაა ასახული გლებ-კაცის უმწეო მდგომარეობა.

პოეტის შეხედულობით, ამ ცხოვრებაში ყველა ფარისევლობს, ყველა ერთმანეთსა სჩაგრავს თავისი პირადი კეთილ-დღეობისათვის. ერთგვარი შეჯიბრებაც-კი გაუმართინათ სხვის უბედურებაზე პი-რადი ბედნიერების აშენებისათვის:

„მხოლოდ საწყალ მიწის მუშას
არავინ ჰყავს გამკითხავი,
მისის ოფლით თავს იკვებენ,
ქურქად მიღის მისი ტყავი!“¹.

მიუხედავად ცხოვრების ასეთი მძიმე პირობებისა, გლეხში მო-
რალური სიმძლავრე და გამბედაობა შენახულია. ის არ შეჰნატრის
ზოგიერთს, რომელიც „საწყალ კაცს ჯიბეს აქრის, ურცხვად ივსებს
ქისასა“... რომელსაც „არ უნდა სხვას მოსტაცოს, არ უნდა „სი-
ხარბით თვალები დაიბნელოს“. ის შეჰხარბს გუთანს, სახნისს, ხერხ-
სა, ხელეჩოსა, სატეხსა, ნაჯახ-ცულსა. მას, რაც მისი „ურმის არ
არის, სახლში არ შეუტანია“, მას არ უნდა ის, „რაც მას თავისი
ოფლით არ გაუბანია“² ის მუშაა, ამით მას თავი მოაქვს. მამლის
ყვილისას უნდა სამუშაოდ წამოდგეს, მეტს ძილს ერიდოს, როგორც
ქირსა და სხებასა. თხიზელ დარაჯად უნდა ედგას თავის თავს, თო-
რემ, როგორც თვითონვე გამოუცდია და უნახავს გლეხ-კაცის
ცხოვრებაში—„თუ თავი წაართვა, დააბეჩავეებს ტიალი“.

ყველა ეს გლეხისათვის სასიამოვნო, ცხოვრების შინაარსის და
კმაყოფილების განცდის მიმცემია. შრომა მას-კი არ აშინებს, რო-
გორც ფუფუნებასა და უზრუნველობაში აღზრდილთ, არამედ ამხნე-
ვებს, ძალას აძლევს.

ზოგიერთი ლექსი აკაკი წერეთლისა იმდენად ძლიერია გლეხ-
კაცის ცხოვრების სინამდვილის ასახვით, ლამაზია გარეგნული ფორ-
მით და მუსიკალურია წყობით, რომ ხალხმა, მათი დაბეჭედის უმალ,
ისინი. გაიტაცა თავის წიაღში, თავის სიმღერად გადააქცია და
მღერის, თითქოს მისი ტანჯვისა და უბედობის ჰიმნი იყოს. ასეთია
„მუშური“ აკაკისა, ეს გლეხის მძიმე ეკონომიურ და უფლებრივ
პირობებში შექმნილი ვაი-ვაგლახის მწუხარე სიმფონიაა.

„სიშინდსა თოხნა დაეუწყოთ,
ერთხმად დაეძახოთ მუშური;
ეგებ მაშინ დაგვაიწყდეს,
რომ გლეხნი ვართ უბედური!

მარტო ჩვენთვის არ ვმუშაობთ,
სხვისაც გვმართებს სამსახური,
ბატონი გვყავს, ვართ საწყალი
უპატრონო, უბედური!

1) აკაკი წერეთელი—ახალი გზა.

2) მისივე—მუშის ნატვრა.

ყველა თავში გვიჩაჩქუნებს
გარეშე და შინაური;
ცხელსა მიწას უხვად ალბობს
ოფლი ჩვენგან მონაწერი.

ჩენი ჯაფით მონაყვანი
სხვასთან მიდის საზრდო პური,
შიხ ცოლ-შვილს სიმშვილი გვიკლავს,
მაგრამ ვინ მიუგდოს ყური?

მათსა საზრდოს სხვა იტაცებს,
სტირის ცოლი მეძუძური,
შიმშილისგან რძე უშრება,
წივის შვილი უსუსური.

ღმერთს ბატონად მოუცია
ჩვენთვის ერთი აზნაური,
მისთვის სუყველა ჩენა ვართ—
მებეგრეცა და მსახური“.

მიუხედავად ბატონის ასეთი მოქმედებისა, გლებ-კაცი ყოველ-
მხრივ ცხოვრებაში იმდენადაა შევიწროვებული, იმდენად უუფლე-
ბოა, რომ უბატონო ყოფნაც თითქოს არ უნდა, რადგანაც „მაშინ
ყველა მისი ბატონია“ და სდგომარეობა მისი უფრო გაუარესდება.
მაშინ „გამკითხავი სადლა არის!“.. მაგრამ ასეთი უკუღმართი ცხოვ-
რების სქელ ნისლში მყოფი გლებ-კაცი გრძნობს, რომ მშრომელი
კაცის ასეთი პირუტყვივით დამონება შეუძლებელია. მას უკეთესი
ცხოვრების იმედი ესახება. მის მოლოდინში მას „შავი ბედი“ ველარ
ერევა, საოცრად ჰფარავს ჭირსა და უსაყვედუროდ დადის. საერთოდ
იმედი უკეთესი მომავლისა დამახასიათებელია თერგდალეულთათვის.
ქ ა ლ დ ი დ ე ლ ი ს შემოქმედებასაც ასეთი მისწრაფებათა ბე-
ჭედი აზის. მისი სიმპატია და გულისყური მშრომელისაკენაა მიმა-
რთული:

„ვინც მუდამ მიწასა სჩეჩავს,
ან ჩაქუჩით ქვას ამტვრევს,
ვინც კალოზე პურსა ლეწავს
და ლუკმა პურს თავს აქმევს,—

ვინც გუთანს მისდევს ოფლით
და მუშურს აღილინებს,
ვინც ტვირთითა და ოხერით
ცოლშვილს ძლივს და აპურებს“,—

ქალადიდელი ამათ უგალობს, ამათ შეჰხარის, ამათ აქებს და ადიდებს. პოეტი გადამდები ხალისით და პატივისცემით შესძახებს:

„აფერუმ მისსა შრომას,
ქება იმისს ოფლის წვეთს,
ქება მუშის მუშურ ხმას
და მის მარტოხელა ბედს!“¹

ამიტომაა, რომ ქალადიდელის მუზა გლახს-მშრომელს და მის „მთა-კორტოხზე წამოდგმულ უფიცრო და უყავარო, წვრილის წინელით ჩახლართულს“ ფაცხას, ვით ფარვანა სანთელს, დასტრიალებს. პოეტი ადარებს „არ მორთულ“ ფაცხას მოკაზმულს—გალაქული „პოლით“ სახლს. მას პირველი „ლარიბული, არ მორთული“ ფაცხა უფრო მოსწონს, ვინაიდან „მორთულ სახლში“ მცხოვრები „ქრელია და ორგული“, ფაცხაში კი—„კეთილი“.²

ამ ლექსში პოეტი ერთიერთმანეთს უპირისპირებს ორ წრეს— შეძლებულებს და ლარიბებს. პირველთ მდიდრული, კმაყოფილი და მხიარული ცხოვრება მას არ იზიდავს, ლარიბთა სადა ცხოვრება-კი მას იტაცებს. აქ, ლარიბთა ცხოვრებაში, პოეტი ჰხედავს საღს ნაკადს ცხოვრებისას და მას სწამს, რომ „მამულ-დედულის და შრომის მოყვარული“ სწორედ ამ ფაცხაში ცხოვრობს და იქიდან გამოვა.

ნათქვამიდან აშკარაა, რომ თერგდალეულთა გულისყური და სიმპატია მშრომელი ხალხისაკენაა მიმართული. მომავლის იმედს (და ეს იმედი მათ სწამთ) თერგდალეულნი მშრომელის შრომასა და შემოქმედებაზე ამყარებენ.

1) ქალადიდელი—ქება შრომას—„დროება“ 1869 წ. №40

2) მისივე—ფაცხა—„დროება“, 1870 წ. № 10

VII

თერგდალეულთა მსოფლ-მხედველობის აღწევა და მისი მიზნობა.

1.

თერგდალეულნი საქართველოში დაბრუნების პირველ დღიდანვე ლამობენ კავშირი გასწყვიტონ ძველს, სიზმრიან და ბურუსიან, პატრიარქალურ საქართველოსთან და შესდგენენ რეალისტური შემოქმედების და მოქმედების გზაზე, მისდიონ „ახლა სხვა ვარსკვლავს“, რათა შეან მათ მყოფადი და ხალხს მისცენ მომავალი. ამ მისწრაფებათა და გეზის დაცვა თერგდალეულთა მთელ თავის ცხოვრების და მოქმედების მანძილზე შერჩათ. ეს უფრო გარკვევით ასე შეიძლება გამოვსთქვათ: სამი საკითხი:—**დრომოქმული, პატრიარქალური ტრადიციებისაგან საქართველოს გაჯანსაღება ბატონ-ყმობის მოსპობა და ეროვნულად მთლიანი, თავისუფალი საქართველოს შექმნა. თერგდალეულთათვის ღირსეულ ბრძოლის და შემოქმედების (თვით პოეტური შემოქმედების) მთავარ საკითხად გადაიქცა.** ეს საკითხები მათს შემოქმედებას და მიმართულებას ქვაკუთხედად დაედო. თერგდალეულთა მოღვაწეობის აზრიც, შინაარსიც, ცეცხლიც და გასაქანიც იკვანძებოდა, იშლებოდა და იწვოდა ამ სამი მთავარი საკითხის გარშემო.

ამით აიხსნება, რომ ბუნებით და ძირითადი მიმართულებით რეალისტები, პირველი შვილნი 60-იანი წლების უტილიტარული მიმართულებისა, თერგდალეულნი-მწერალნი ილია და აკაკი ბატონ-ყმობის წინააღმდეგ ბრძოლამ, მისი დამხობის სურვილმა, ეროვნული გრძნობის გაღვივების წადილმა, პოლიტიკურად თავისუფალი საქართველოს აღდგენის მისწრაფებამ, წარსულისა და გლეხ-კაცის იდეალიზაციისაგან გადახარა. მათს შემოქმედებაში გლეხ-კაცი და მამულისათვის (ხშირად საზოგადო ინტერესებისათვის) თავდადებული ეკლის, მაგრამ გაბრწყინებული, გმირული ვაჟკაცობის და ადამიანობის გვირგვინითაა შემკული. და ეს იდეალიზაცია ილიასა და აკაკის შემო-

ქმედებაში მათი ბუნების რომანტიული მიდრეკილებით კი არ აიხსნება (ილია და, შეიძლება ითქვას, აკაკიც მთელი თავიანთი ბუნებით რეალისტები არიან), არამედ იმით, რომ ხანა იყო ბრძოლისა, ნგრევისა, მონობის კაპნის გაწყვეტისა. და თერგდალეული მწერლებიც, განსაკუთრებით ილია და აკაკი, ამ ბრძოლაში ჩაბმულნი, რეალურ საზღვრებს სცილდებოდნენ. ძველის უარყოფა, ბატონ-ყმობის დათრგუნვის აუცილებლობა, ბატონში, კარგშიაც-კი, უკაცურობის, გულქვაობის, უნიადაგობის, გახრწნილების მეტს ვერაფერს აჩვენებდა. გლახში კი—თითქოს მხოლოდ სინიდიის, ადამიანური ცხოვრების დაუშრეტელ წყურვილს, მონობის უღელთან შეურიგებელ ბრძოლას გადაუშლიდა.

ამ სამი საკითხის წამოყენება და გაშლა თერგდალეულთ ეკუთვნის. ამ საკითხთა გარკვევა-განვითარებაში თერგდალეულნი არამც თუ გულწრფელნი, არამედ მტკიცე და ენერგიულ მებრძოლებად მოსჩანან ჩვენი ცხოვრების სინამდვილის ისტორიაში.

თერგდალეულთა მოღვაწეობის განვითარების პროცესში კულმინაციურ საფეხურს ჩვენ ვხედავთ „საქართველოს მოამბეში“. აქ თერგდალეულნი სამსავე პოზიციებზე საკმარისად მძლავრნი არიან. მათ კარგადაა აქვთ გათვალისწინებული ბრძოლის საგანი. ამიტომ „საქართველოს მოამბე“ და მისი ხმა ერთი უდიდესი და უძლიერესი მნიშვნელობის მომენტია ჩვენი საზოგადოებრივი აზროვნებისა და ლიტერატურის განვითარების გრეხილში და კერძოდ თერგდალეულთა ცხოვრება-მოღვაწეობაში.

აი როგორ აფასებს „საქართველოს მოამბის“ მნიშვნელობას ჟურნალი „მნათობი“: „დაუვიწყარია ჩვენთვის ის წელიწადი, როდესაც „საქართველოს მოამბე“ გამოვიდა... ჩვენ მაშინ პირველად ვსცანით, რა ძალა და მნიშვნელობა აქვს ქართველებისათვის რიგიანს ჟურნალს, პირველად ვიწყეთ სჯა ჩვენს ცხოვრებაზე“.¹

ერთს წელიწადზე მეტი ვერ იბოგინა „საქართველოს მოამბემ“. ძალით დაიკეტა.

1864 წელს ამერეთში, ხოლო 1865 წელს—იმერეთში და 1866 წელს სამეგრელოში ბატონყმობაც, როგორც სახელმწიფოებრივი იურიდიული ინსტიტუტი, მოიხსო.

ბატონ-ყმობის გადაეარდნამ მეტად დიდმნიშვნელოვანი როლი ითამაშა არა მარტო ჩვენი საზოგადოებრივი, სოციალური და

¹) „მნათობი“—1869 წ. № 1.

ეკონომიური ცხოვრების განვითარებაში, არამედ თერგდალეულთა ცხოვრებაშიაც.

ბატონ-ყმობის გადავარდნით, ერთის (მცირე ნაწილის) მეორეზე (უდიდეს ნაწილზე) განუსაზღვრელი ბატონობის მოსპობით, თითქოს გადაიქრა თერგდალეულთა მისიის ერთი უდიდესი ნაწილი. მოისპო პიროვნების დამმონავებელი პირობები. პიროვნება განთავისუფლდა. გლეხში ცნობილ იქმნა ადამიანი. ამიტომ თერგდალეულთა მოღვაწეობა ბატონ-ყმობის გადავარდნის შემდეგ თან და თან ბრძოლის მწვავე ხასიათსა ჰქარგავს, თერგდალეულთა მოქმედებას ისეთი ბრძოლის ცეცხლი აღარ ახლავს. დადგა ახალი ხანა გამოღვიძებული ცხოვრებისა, ცხოვრების მოწესრიგებისა.

აი როგორ ახასიათებს ამ პერიოდს „დროების“ რედაქტორი სერგი მესხი: „ეს ის დრო იყო, როდესაც ჩვენმა ხალხმა ცოტათი დაიწყო თავის ძველი ცხოვრების წესისა და ხასიათის მიტოვება, და ახალს, თანამედროვე ცხოვრებას შეუდგა. ეს ის დრო იყო, როდესაც განათლებული ახალგაზრდა ქართველები გაჩნდნენ ჩვენში, რომელთაც, ცოტა არ იყოს, შეანძრირეს თითქო გაქვავებული და დამყავებული ჩვენი ცხოვრება. ხალხი გრძნობდა ახალ დროს, ახალ ცხოვრების მოახლოებას. თვალები და გონება რომ არა ჰქონოდა მაშინდელ ქართველს, მარტო ყნოსვითაც კი შეატყობდა, რომ რაღაც სხვა დრო და სხვა მოთხოვნილება გაჩნდა.“¹

2

რა იყო მიზეზი, რომელმაც ასე მკვეთრად აყნოსვინა ქართველ საზოგადოებას ეს „სხვა დროის და სხვა მოთხოვნილების გაჩენა“?

ჩვენ ზევითაც აღვნიშნეთ, რომ უკვე 50-იან წლებში თვალსაჩინოდ ეტყობა ჩვენს ცხოვრებას სოციალ-ეკონომიური გარდატეხა. ევროპის პოლიტიკამ ხელი შეუწყო ჩვენში ვაჭრობა-მრეწველობის გაღვივებას. თვით ჩვენმა მემამულეებმა იგრძნეს და დაინახეს, რომ ნატურალური მეურნეობის ჩქარი და მძლავრი რღვევა, დაიწყეს ევროპულ ყაიდაზე მეურნეობის მოწყობა. იწყება თვალსაჩინოდ კაპიტალიზაციის პროცესი. დატრიალდა ფული. გაჩნდნენ „რამოდენიმე ფულის მქონებელი პირი მრავალის შრომით და მოღვაწეობით“. ეს პროცესი დააჩქარა რუსეთსა და საქართველოს შორის ეკონომიური კავშირის თანდათანობითმა განმტკიცებამ. საქართველოს ეკონომიური ცხოვრება ძალაუნებურად გაჰყვა რუსეთის ცხოვრე-

¹) „დროება“—1876 წ. 4 მარტი,

ბას, და რუსეთის კაპიტალის გავლენა და მნიშვნელობა ჩვენი ეკონომიური ცხოვრებისათვის მეტად თვალსაჩინო შეიქმნა.

60-იანი წლების დასაწყისში ეს ეკონომიური გარდატეხა უკვე აშკარაა. ამ დროს ჩვენი ცხოვრების სინამდვილეში ფაქტია ფაბრიკა-ქარხნების არსებობაც-კი¹. აქედან ცხადია, ამ დროს უკვე არსებობს ფაბრიკა-ქარხნების ატრიბუტი—დაქირავებული შრომა. ამ დროს ჩვენი ცხოვრების სინამდვილეში გვხვდება მუშა, თუმცა, რასაკვირველია, ამ დროს რაზმი მუშებისა მეტად მცირეა.²

კაპიტალიზაციის პროცესის გაძლიერება და მუშათა რაზმების გადიდება თვალსაჩინოდ ვითარდება ბატონ-ყმობის გადავარდნის შემდეგ. ეს გარემოება გამოწვეულია ჯერ იმით, რომ ბატონ-ყმობის გადავარდნის აქტი მეტად კულ-მოკვეცილი გამოდგა. მან ვერ შესძლო ეკონომიურად გამძვალტყავებული მასების ოდნავ მაინც უზრუნველყოფა. ამ აქტმა გლახს მხოლოდ პირადი თავისუფლება მიანიჭა და უთხრა: რაც გინდა, ის გააკეთე, და როგორც გინდა, ისე მოიქეციო. მამული გლახს არა ჰქონდა, დარღვეული ნატურალური მეურნეობა მას ცხოვრების საშუალებას არ აძლევდა. ის იძულებული იყო მშვიერ-ტიტველს „ოხვრით, ქვითინით გამოეკიკა ტანჯვის ბუდედ გადაქცეული ტიალი ქოხი“ და ეული გასდგომოდა ახალს, „ღუხპირ ყოფნის გზას“.³

მეორე მიზეზია ის, რომ 70-იანი წლებისათვის ჩვენი სოციალ-ეკონომიურ ცხოვრება არსებითად შეიცვალა. ვაჭრობა-მრეწველობა საგრძნობლად განვითარდა. 80-90-იან წლებში ჩვენი ცხოვრება, როგორც სტატისტიკური ცნობები გვიმოწმებენ, უფრო ჩქარის ტემპით მიდის კაპიტალისტური წყობილების გზით. ამას ხელი შეუწყო შემდეგმა გარემოებამ: 1871 წელს გაყვანილი იქნა ტფილის-ფოთის რკინის გზა. 1878 წელს ბათუმის ნავთსადგური იქმნა შემოერთებული. ამას გარდა, ამიერ-კავკასიის და კერძოდ საქართველოს ეკონომიურ ცხოვრების განვითარებაზე დიდი გავლენა ჰქონდა ნავთის წარმოებას, რომელმაც ხარბად მოიზიდა რუსეთის და ევროპის კაპიტალისტები. 1879 წლიდან დაიწყეს კიათურის მარგანეცის ამოღება და აგრეთვე ტყბულის ქვანახშირის წარმოება. ამ წარმოე-

¹) რასაკვირველია, ეს ფაბრიკა-ქარხნები მეტად პრიმიტიული სახისაა.

²) Г у х л и ш а м с т р о в — „Обзор фабрик и заводов Тифлисской губернии“. ფ. მ ა ხ ა რ ა ძ ე — „საქართველო მეცხრამეტე საუკუნეში“ — „მნათობი“ 1926 წ. № 2, 3, ს. ხ უ ნ დ ა ძ ე — სოციალიზმის ისტორიისათვის საქართველოში“, 1927 წ. I-II ტ. ტ.

³) ნ. ჩ ხ ი კ ვ ა ძ ე — ბოგანო.

ბებმაც ხარბად ჩააბა, ერთის მხრით, შინაური და უფრო გარეული კაპიტალი. მაგრამ ამავე გარემოებამ მასთან ერთად აგრეთვე ჩაითრია ჩვენი გალატაკებული გლეხობა, გაამრავლა რაზმი მუშებისა. ააჩქარა პროლეტარიზაციის პროცესი. ბატონ-ყმობის გადავარდნის შემდეგ ცხოვრების მაჯის-ცემა სხვა-ნაირი შეიქმნა. ბატონ-ყმობის გადავარდნამ გააადვილა ფაბრიკა-ქარხნების ფართო ამუშავება, გადიდდა პროლეტართა რაზმიც. ადვილი შეიქმნა მრეწველობისათვის მუშა-ხელის მონახვა.

როდესაც ბატონ-ყმობის მოსპობამ თავად-აზნაურობას მოუსპო საშუალება სხვისი ოფლით ცხოვრებისა, აი, გ. წერეთლის შეხედულებით, როგორი გარემოება შეიქმნა: „გაფუჭებული და ღონე-გამოლეული ჩვენი თავად-აზნაურობა დარჩა ყოვლად უნუგეშო მდგომარეობაში: შრომა იმას არ შეუძლია, სწავლა და მოხერხება არა აქვს. ამის გამო ის. თანდათან ღარიბდება, საშუალება ხელიდან ეცლება და თანდათან ჰქრება იმისი სახელწოდებაც. ამ გარემოებაში მოგებული დარჩა ის უმთავრესი ნაწილი ხალხისა, რომელიც ძველთაგანვე გაქირვებაში და შრომაში იყო გაწაფული. ძველთაგანვე დაბალ წრეში ჩავარდნილი, გონიერი, სამართლიანი, მაგრამ უსამართლობით დაჩაგრული ჩვენი მუშა ხალხი, როგორც კი შეიქმნა თავისუფალი, სულიც მალე მოიდგა. ამ ეამად მხოლოდ ის შრომობს, ის იცებს, მას გაუდის თავის ღონის და გონების ძალა; მომავალიც ამ ჯანით ღონიერს ხალხზე ტრიალებს და იმდენი ბუნებითი კარგი თვისებაც აქვს, რომ მოუცილებლად ბურთი და მოედანი იმათ დარჩება... ჩვენი თავად-აზნაურობის დასუსტება, დაქვეითება და მუშა ხალხის სულის ჩადგმა, იმისი წინწამოწევა,—აი ერთი დიდათ სანუგეშო ნიშანთაგანი ამ დროებისა.“¹

ჩვენი ცხოვრების სიღრმეში მომხდარ ასეთს ღრმა ეკონომიურ გარდატეხას უნდა შესაფერი გარდატეხავე მოეხდინა ჩვენი ინტელიგენციის მსოფლმხედველობაში.

ბატონ-ყმობის გადავარდნის შემდეგ ჩვენი ინტელიგენციის წინაშე მთელი სიცხადით დაისვა საკითხი: ხალხი განთავისუფლებულია, მაგრამ ის ბედნიერი არ არის. ის მშიერი, ის ტიტველია! როგორ უნდა მიეცეს ხალხს, ამ ახლად გამოსულ მშრომელთა რაზმს, ბედნიერება? როგორ უნდა გაძღეს და გათბეს ის? როგორ უნდა დაირაზმოს ხალხი, რომ კეთილდღეობა თავისი განახორცი-

¹) გ. წერეთელი. ამ დროების მოძრაობა, „კრებული“ 1873 წ. № 3.

ელოს? აი საკითხები, რომლებიც წამოჭრილი იყო კაცობრიობის ცხოვრებაში და კაცობრიობის მოწინავე მოაზროვნე საზოგადოებას სტანჯავდა. ჩვენმა ცხოვრებამაც წამოაყენა ესევე საკითხები.

3.

როგორ შეხედნენ ამ საკითხებს ჩვენი თერგდალეულები? შეეძლოთ, თუ არა მათ განეგრძოთ ისეთივე ბრძოლა, როგორც ბატონყმობის, ძველი პატრიარქალური ტრადიციების წინააღმდეგ და ეროვნული, მთლიანი საქართველოს იდეის სასარგებლოდ? სამწუხაროდ, ვერა. უკვე ბატონყმობის გადაყარდნის შემდეგ, თერგდალეულთა მოღვაწეობაში, როგორც ზევითაც აღვნიშნეთ, განელებას ვამჩნევთ. რა იყო ამის მიზეზი?

აქ ერთი უმთავრესი მიზეზი იმაშია, რომ ჩვენი ცხოვრება ათორია დიდი რუსეთის ცხოვრებამ. ჩვენი ჩამორჩენილი ცხოვრება ახლა შედარებით მეტად აჩქარებული ტემპით წავიდა კაპიტალიზაციის გზით. ცხოვრების მაჯის ცემა მეტად ჩქარი შეიქმნა. ცხოვრება ისეთის ჩქარის ტემპით მიდიოდა წინ, რომ ჩვენი ინტელიგენცია ვეღარ ასწრებდა დამშვიდებული გზით განვითარებას და წინსვლას, უკან რჩებოდა. მეორეც ისა, რომ ჩვენშიაც დადგა ხანა დემოკრატიზაციისა, მშრომელი ხალხი და მისთვის ზრუნვა—მთავარ და მწვავე საკითხად გადაიქცა ჩვენს ცხოვრებაშიც.

თერგდალეულნი, მართალია, მაღალი მისწრაფებებით იყვნენ გატაცებულნი, გულწრფელად ებრძოდნენ ბატონყმობას, ძველ დროშოქმულ ტრადიციებს, ახალისაყენ ახალგაზრდული გაქანებით მიისწრაფვოდნენ, მაგრამ შთამომავლობის, აღზრდის და ცხოვრების პირობები (თავად-აზნაურთა წრე) მათ დიდს ბეჭედს ასვამდა და მათ გარკვეულ მიჯნას არ აცილებდა. ამას გარდა, როგორც საჩრთლიანად აღნიშნავს ნიკო ნიკოლაძე, — „ჩვენში 1861 წლის თაობას ისეთი წევრები სჭირდებოდა, რომელნიც დამზადებული და გაჩვეული უნდა ყოფილიყვნენ მაშინდელი საზოგადო საქმეების მართვაში. საუბედუროთ ეს თაობა ჩვენ ცხოვრებაში დაუმზადებელი შემოვიდა, იმან არც საზოგადოებრივი მეცნიერება იცოდა და არც თეორია, არც პრაქტიკული მდგომარეობა ჩვენი ხალხისა, არც ჩვენი საზოგადოების საჭიროება და სურვილი. მას მარტო კეთილი გული და პატიოსანი სურვილი ჰქონდა და გონების იარაღად იმას მარტო ორიოდ მეტნაკლებად ნათელი აზრი მიუძღოდა: გლეხების განთავისუფლების

სამართლიანობა, ბატონ-ყმობის უვარგისობა, მამულის სამსახური...¹

მართალია, ნ. ნიკოლაძის დახასიათება თერგდალეულთა, ცოტა არ იყოს, მკაცრია, მაგრამ სიმართლესთან-კი მაინც ძალიან ახლოა.

აი, ყველა აღნიშნული მიზეზების გამო თერგდალეულთ ახალ ცხოვრებას ვერ აართვეს თავი. ვერ შესძლეს სათავეში ჩასდგომოდნენ იმ მშრომელ მასას, რომელიც მძლავრად ირაზმებოდა ჩვენი ცხოვრების სინამდვილეში. ამიტომ თერგდალეულთა მთლიანი მოღვაწეობის პერიოდად უფრო სამართლიანი იქნება განვსაზღვროთ 1861—1865 წ. წ. შემდეგი წლიდან, ჩვენი შეხედულებით, იწყება თერგდალეულთა მთლიანი ბანაკის და სახის რღვევა.

მართალია, შემდეგ „დროება“—„კრებული“, „მნათობი“ და სხვა პერიოდული გამოცემანი განაგრძობენ „საქართველოს მოამბის“ დაწყებულ საქმეს—ახალი საქართველოს სახის და შინაარსის ძიებას. მართალია, ამ პერიოდულ გამოცემებში მომუშავენი თითქმის სუყველა თერგდალეულთა ბანაკიდან არიან გამოსულნი, მაგრამ, ცხადია, მათ დაკარგული აქვთ სპეციფიკური სახე თერგდალეულებისა.

ახლა მათ აღარ ახასიათებს ბრძოლის ის სიმკაცრე და მოუარიგებლობა, და, თუ გნებავთ, ის გარკვეულობა, რომელიც მათ 1861—1866 წლამდის ჰქონდათ. ცხოვრებამ თერგდალეულებს წინ გაუსწრო. ისინი უკვე ვეღარ ახერხებენ ცხოვრების „ყრუდ ჩაძახილი—ამოიძახონ“, „ცხოვრების წრეში ჩადგენ“, „თუ არა სრულიად ხალხთან, მომეტებულ ნაწილთან მაინც დაიჭირონ საქმე“. ისინი უდაოდ იმ დროინდელ ცხოვრების წრის გარეშე დარჩნენ, ხალხის ახალ მასებთან კავშირის დაკერა ვერ მოახერხეს. ერთის სიტყვით, ისინი ვერ გადაიქნენ იმ წრედ, იმ დასად, რომელიც უფრო გარკვეულობას შეიტანდა თანამედროვე ცხოვრების პირობების და მოთხოვნილებების ახსნა-გადაწყვეტაში.

პერიოდი 1866 წლიდან დაახლოვებით 1876 წლამდის შეიძლება დავახასიათოთ, როგორც, თერგდალეულთა მსოფლმხედველობის დაშლისა და ახალი იდეოლოგიის აღმოცენების, გამომუშავების პერიოდად. ეს პერიოდი ჩვენი საზოგადოებრივი აზრისათვის თანადროულ სოციალ-ეკონომიურ პირობებში გარკვევის და მის მოთხოვნილებების შესაფერი ახალი იდეოლოგიის დამუშავების პერიოდიცაა.

¹) ნიკო ნიკოლაძე, „ახალი ახალგაზრდობა“—„კრებული“ 1873 წ. № 1.

ამით ის არ გვიჩვენებს ვსთქვათ, რომ ვითომც თერგდალეულთათვის სრულებით უცხო ყოფილიყო მშრომელის და მისი მდგომარეობის საკითხი. პირიქით, მათს შემოქმედებაში უხვდა გვაქვს მასალები, რომელიც მჭერმეტყველურად გვიმტკიცებს, რომ ამ საკითხთა თესლიც პირველად თერგდალეულებმა გამოიტანეს ჩვენი ცხოვრების ხნულში.

ჩვენი ცხოვრების მოქმედების სარბიელზე თერგდალეულნი გამოვიდნენ ახალი პროგრესიული მისწრაფებით, კეთილი სურვილით გამსჭვალულნი. ამასთან ერთად, როგორც ზევითაც აღვნიშნეთ, წათს მოღვაწეობას ბრძოლის ყინი და სურვილიც ახასიათებს. თერგდალეულთა ასეთს სულიერ-განწყობილებას მკვეთრად გამოჰხატავს ილია ჭავჭავაძე „მგზავრის წერილებში“: „ჩემს ტვინში, — გადმოგვცემს სამოქმედოდ გამზადებული თერგდალეულთა ბეღადი, — სრული რევოლუცია მოხდა: ძირს მილაგებულნი ფიქრები მალლა მოექცნენ, მალლა მილაგებულნი — ძირსა. სიტყვამ „რევოლუცია“ არ შეგაშინოს, მკითხველო! რევოლუცია დაწყნარების სათავეა. ესეა ყველაფერი ამ ქვეყანაზედ: ღვინო ჯერ უნდა აღვლდეს, დაიაროს და მერე დაწმენდება ხოლმე“.¹

ცხადია, ასე სულიერად-განწყობილ თერგდალეულთა შემოქმედებაში მუშის, მშრომელის და შრომის მდგომარეობაც უნდა ასახულიყო. და ეს ასეც მოხდა. ამის შესახებ ნაწილობრივ უკვე ვილაპარაკეთ, როდესაც თერგდალეულთა შემოქმედებაში ხალხოსნურ ტენდენციებს და ელემენტებს ვარკვევდით. ზე, მართლაც, პირველად ჩვენს ლიტერატურაში და საზოგადო აზროვნებაში თერგდალეულნი შეეხნენ არა მარტო გლეხ-კაცსა და მშრომელს, არამედ მუშის საკითხსაც. ჯერ კიდევ 1860 წელს ილიას მოესმა მუშის „ნაღვლიან ხმაში“ მისი ცხოვრება, „ღლიურ ლუკმისათვის ტანჯვა, შრომა და მწუხარება“. პირველად ჩვენს მწერლობაში ილიას შემოქმედებაში გაისმა მუხთალი ბედით გადმოტყორცნილი მუშისადმი ძმური თანაგრძნობის ხმა ლექსში „მუშა“.

„ვინა ხარ შენა, — მიმართავს ილია მუშას. —

ჩემო ძმაო? სიდან მოსულხარ?

ბატონის მათრახს ვერ გაუძელ, გამოქცეულხარ,

მოშორებულხარ ჯალაბობას, შენსა სახლ-კარსა,

მინდორს, მამეულს და შეჩვეულს მიწასა, წყალსა?

აქ რად მოსულხარ?“..

ასეთი მიმართვის შემდეგ ილია ჭავჭავაძე მუქ-რეალურ ფერადებში ასწერს ლუკმა-პურისათვის მუშის ყოველღლიურ საწინებლ

¹) ილია ჭავჭავაძე — მგზავრის წერილები — გვ. 8; ტ. II.

ბრძოლას, მძიმე, აუტანელ პირობებში მის ცხოვრებას. ცოცხლად დგას მკითხველის წინაშე ორად მოზნეილი, ოფლის ხვითქ-მომდინარე მუშა, რომლის ცხოვრების განაჩენიც პოეტის თქმით ასეთია:

„შენს სიცოცხლესა დაღამებ ესრეთს შრომაში,
კაცი კაცურად ვერ იცხოვრებ ვერც ერთსა დღესა...
მერე ვინ იცის, რომელ ქოხში, რომელ სარდაფში
დაუწყებ ბრძოლას სასიკვდილოთ მოსულსა სენსა.
მარტო ეგდები და ლეიბად გექნება ნამჯა
და სახურავად, თუ კი მოგყვა, რუსის ფარაჯა!
მარტო იცოცხლებ და მარტოცა, ძმაო, მოჰკვდები!
ჯალაბი შენი ვერ დაგასხამს მღულარე ცრემლსა,
ვერ დაგტირებენ, საბრალონი შენი შვილები,
ამაოდ მათკენ სიკვდილის ჟამს გაიწვდი ხელსა“.

მართალია, საკმარისად ღია ფერადებშია გადმოცემული მუშის მდგომარეობა, პოეტის მხრით საკმარის სიტბოსა ვგრძნობთ. მუშისადმი თანაგრძნობის მომართვაში, მაგრამ ეს მაინც არ არის ის მუშა, რომელიც ირანზემბოდა ქარხანა-ფაბრიკებში. აქ არ არის კლასიური თვალსაზრისი დაცული. აქ პოეტი გამოდის პიროვნების და შრომის განთავისუფლების პრინციპიდან. ილიას მსოფლმხედველობაში, როგორც საერთოდ თერგდალეულთა მსოფლ-მხედველობაში, სხვადასხვა ვარიაციებით გადაიხლართა ლიბერალურ-ბურჟუაზიულ-რადიკალ-დემოკრატიული იდეოლოგია. ილიასათვის და საერთოდ თერგდალეულთათვის მუშის საკითხი გარკვეულად წამოიჭრა. ხშირად მათ მიერ მუშის საკითხის გაშლას და გადაწყვეტას რადიკალური ხასიათი აქვს; ხშირად მათ გაგებაში სოციალისტური ელემენტებიცაა მკვეთრად ჩართული. მაგრამ ეს ყველაფერი, როგორღაც უსისხლოა, უძარღვო. ჰგრძნობთ, რომ ამას თეორეტიული და არა რეალური, ცხოვრების მორევეში შექრის ხასიათი აქვს. ჯერ კიდევ არ არის გარკვეული პოზიცია და შეხედულება.

„დროება“-„კრებულის“ თანამშრომლები საკმარის ყურადღებას აქცევენ და თვალყურსაც ადევნებენ ამ ახალი მოვლენის მიმართულებას, სიამოვნებით და კმაყოფილებით უყურებენ ფაბრიკა-ქარხნების განვითარებას. „დროება“-„კრებულის“ თანამშრომელთა უმეტესი ნაწილი ქარხანა-ფაბრიკების არსებობაში ხედავდა ჩვენი საზოგადოებრივი ცხოვრების კეთილდღეობისაკენ წინ-წაწევის მიზეზს. დაინტერესებული იყო მუშის სამუშაო დღის და ჯამაგირის რაოდენობით, მის მუშაობის ჰიგიენური პირობებით და სხვა. მაგრამ ღრმა, სერიოზული შე-

ფასება ამ მოვლენისა მაინც თერგდალეულებს არა აქვთ. მათის შეხედულებით, ეს ფაბრიკა-ქარხნები აძლევს საზრდოს მრავალ უსახლკარო მუშას და ამიტომ ჩვენის მხრით—სწერს „დროება“—მირზოევის ფაბრიკისათვის ვისურვებთ წარმატებასა, რადგანაც როგორც გვესმის, ღარიბების შემწეობისათვის გაუმართავსო.¹

ასეთს გულუბრყვილო შეხედულებასთან ამ მოვლენის საკმარისად სერიოზული გაგებაც გვხვდება. იმავე დროების 1871 წლის 27 №-ში მოთავსებულია სტატია: „რა მოსპობს სიღარიბეს?“ და ვი რასა ვეითხულობთ: „სიღარიბის, როგორც სხვა ყოველგვარი კაცობრიობის უბედურების, მიზეზი ქვეყანაზე არის ქონებისა და ცოდნის უთანასწოროდ გავრცელება. იმ დროს, როდესაც ერთი ისე მდიდარია, რომ არ იცის, როგორ მოიხმაროს თავისი სიმდიდრე, ათასი სხვა უსახლკარობისა და შიმშილისაგან კვდება; იმ დროს, როდესაც ერთი სწავლული და მცოდნეა და ამით პოულობს საცხოვრებელს ღონისძიებას, ათი-ათასი სხვა უბედურებაში და ცრუმორწმუნობაშია ჩავარდნილი!... ქალაქის მუშა დიდიდან საღამომდე რომელსამე ფაბრიკაზე მუშაობს და იმის შრომით სარგებლობს ფაბრიკის პატრონი, რომელიც ამ რიგად სხვისი შრომით მდიდრდება. ცოტათ თუ ბევრად ყველგან ამნაირადაა ახლანდელ დროში განწყობილი ადამიანის ცხოვრება და რა გასაკვირია, რომ ქვეყანაზე ღარიბები მოიპოვებიან“.²

ასევე ღრმად ესმის ეს მოვლენა „გუთნის დედის“ თანამშრომელსაც, ანტონ ფურცელაძეს: „ყოველი უბედურება წარმოსდგება იქიდან, რომ ხალხს, ნამდვილს ხალხს არ ექირა არასოდეს უფლება ხელში და ხალხი აძლევდა თავის თავსა და თავის ქონებაზედ უფლებას თითო-ოროლათა, რომელთაც ძალაც ხელში ექირათ ხალხისა და სამართალიც; მაშასადამე, არც არაფერს შეეკუებოდნენ ხალხის სურვილს და არც შეასრულებდნენ ხალხის საჭიროებას, რადგან ხალხის სურვილისა და საჭიროების შესრულება იყო მათი საზარალო და სავენებელი.“

„რაკი ეს სცნეს მეცნიერთა, რაკი ეს სცნეს გამოკვლევით ხალხისათვის თავგამოდებულთა, მაშინვე დაუწყეს ამისი ხალხს შეგონება. იმათ პირდაპირ დაუწყეს ამისი ხალხს ქადაგება, რომ მანამ შენი საქმეები, შენი თავი, შენი ჯანი და შენი ქონება არ იქნება

¹) „რამოდენიმე უკანასკნელი ამბავი უფ. მირზოევის ფაბრიკაში“—„დროება“ 1872 წ. № 15.

²) „დროება“—1871 წ. № 27.

შენს ხელთა, მანამ სახალხო გამგეობა და ხალხის ძალა არ გეპყრობა შენა, მანამ არ მოგელის არავეითარი კეთილი, მანამ იქნები შენ შემძლე და ძლიერთ კაცთ ხელთ პირუტყვზედ უხმო და უსულო მაშინასავით სახმარი; მანამ შენცა და შენი შთამომავალიც იქნებით ნიადგ მშვიერ-მწყურვალნი და მოგელით ტანითა და გონებით გაწრიოკება და ბოლოს გიწერია სრული კჳუით და სხეულით... მოსპობა“.¹

აქ უკვე თითქოს მეცნიერული სოციალიზმის დასაყრდნობსა ვხედავთ: დაპირისპირებას შეძლებულისა და ღარიბისას, მადღრისა და მშვიერისასა; ერთი შრომობს, ჰეორე-კი სხვისი ნაშრომით ცხოვრობს. მაგრამ აქაც-კი თერგდალეულნი უტოპიური სოციალისტების, უშუალოდ, თუ რუსეთის გზით, გავლენის რკალს მაინც ვერ სცილდებიან.

არსებული უსამართლობის მოსპობის საშუალებად „დროების“ ფურცლებზე არა ერთხელ აღნიშნულა ამხანაგობების, ასოციაციების დაარსების აუცილებლობა. ასეთი შეხედულება ევროპაში და რუსეთშიც უტოპიური სოციალისტების გავლენის ქვეშ იყო იმ დროს გავრცელებული. „უკანასკნელ დრომდე,—სწერს ერთ-ერთი ენერგიული დამცველი ასოციაციებისა დ. ბაქრაძე—ამხანაგობის პრინციპი არ უცდიათ საზოგადოდ იქ, სადაც უფრო საჭირო იყო, ესე იგი, დაბალი ხალხის შრომაში. ეს ნაკლულოვანება უნდა შეაფასოს კოოპერაციამ, იმან უნდა აღადგინოს შრომის სიმართლე, განათავისუფლოს იმ უღლისაგან, რომელიც იმისათვის დაუდვია კაპიტალს; უნდა შესცვალოს ნივთიერებითი და ზნეობითი მდგომარეობა. თუ მუშა კაცს სურს იშრომოს, ჯერ მან ინსტრუმენტები ან იარაღი უნდა მოიპოვოს: იქონიოს მასალა; ამისათვის საჭიროა ადგილი, მაშინები; საჭიროა ღონისძიება იმისის და იმის სახლობის გამოსაკვებათ: ის ყოველივე მუშას უნდა ჰქონდეს, ვიდრე იმის შრომა სარგებელს მოიგდებს. ერთი სიტყვით, მუშას უნდა კაპიტალი. უკაპიტალოთ ეს ვერას გაარიგებს. რომელ მუშასაც კაპიტალი არა აქვს, ის კაპიტალისტზედ არის დამოკიდებული. ჩვენ დროს კაპიტალისტებს სრულებით ხელში უჭირავთ ყოველივე საქმე, ყოველივე შრომა. კაპიტალისტი მტერია მუშა ხალხისა. ეს არ უნდა იყოს. როდესაც მუშა ასოციაციის შუამდგომლობას მიმართავს, მაშინ კაპიტალი დაჰკარგავს თავის ძალას, შრომა მონობისაგან გამოვა, თავისუფალი გახდება და თვითონვე შეიძენს კაპიტალს“.² ამის შემ-

1) ანტ. ფურცელაძე—მამულის საერთო მფლობელობა—გვ. 13—14.

2) დ. ბაქრაძე—ისტორიული მოძრაობა განათლებისა—„დროება“ 1866 წ. № 17.

დევ დ. ბაქრაძე აღწერს ასოციაციური მოძრაობის განვითარებას ინგლისში, საფრანგეთში და გერმანიაში.¹ ასოციაციის პრინციპს იცავენ სხვებიც: პეტრიაშვილი, ს. მესხი, თარხან-მოურავი.

მიუხედავად იმისა, რომ ესენი კარგად ჰხედავენ კლასთა არსებობას, მათ შორის ბრძოლას, ერთის გაბატონებას მეორეზე, ერთის ბედნიერებას მეორის უბედურებაზე აშენებულს, მათ მაინც ვერ გაუგიათ სისწორით, რა მნიშვნელობა აქვს კლასთა შორის ბრძოლას საზოგადოებრივ ცხოვრების გარდაქმნის საქმეში; მათ ვერ გაუთვალისწინებიათ ის რევოლუციონური როლი, რომელიც პროლეტარიატს უნდა ეთამაშნა სოციალიზმისათვის ბრძოლის საქმეში. აქ გარკვეული მსოფლმხედველობის დაცვას ადგილი არა აქვს. ისინი განაგრძობენ უტოპისტი სოციალისტების დიდი გავლენის ქვეშ ყოფნას. ხშირად ეს გავლენა მათში რუსეთის ნაროდნიკულ იდეოლოგიაშია არეული—ნ. ნიკოლაძე, ანტ. ფურცელაძე, მომავალი ცხოვრება მათ წარმოდგენილი აქვთ უკლასო საზოგადოებრივ წყობილებად. ამიტომ ისინი ამ ასოციაციებში, რომელიც პანაცეიადა აქვთ წარმოდგენილი, იღებენ განურჩევლად ყოველს: მებატონეს, ყმას, კაპიტალისტს, პროლეტარს. ყველას მათ მოუწოდებენ შეთანხმებული მუშაობისათვის. „ასოციაციის წევრად—სწერს გრ. თარხან-მოურავი, —უნდა მიიღებოდეს ყველა კაცი, როგორც გლეხ-კაცობა, ისე თავად-აზნაურობა... უამისოდ ჩვენს ხალხში იქნება ისევე ის განწყობილება, რომელიც არსებობს ებლაც ამ ორს მხარეს შუა. როდესაც ასოციაციაში მიიღებიან ერთიკა და მეორეც, მაშინ იმათ შუა გავრცელდება ერთობა, ნდობა, რომელნიც საჭირონი არიან ჩვენი ეკონომიური წარმატებისათვის“.²

ამჟამად, „დროება“-ს, „კრებულის“-ს თანამშრომელთათვის სოციალიზმი, ყოველ შემთხვევაში, სოციალისტური ელემენტები, უცნობი და მიუღებელი რამ არ არის. მათ მეტად ფართო ბედნიერების მომნიჭებელი მომავალი ეხატებათ. მაგრამ ისინი ამ მომავლისაკენ მიდიან არა რევოლუციონურის (რევოლუციონერობას თერგდალეულნი მხოლოდ ბატონ-ყმობასთან ბრძოლაში იჩენენ) და კლასთა შორის ბრძოლის გაღრმავება-გამწვავების გზით, არამედ შე-

¹) დ. ბაქრაძე, „ისტორიული მოძრაობა განათლებისა“—„დროება“—1861 წ. № 19, 20.

²) „დროება“, 1869 წ. № 21.

თანხმების. ეს მომავალი ხშირად მათი კეთილის სურვილებით არის მხოლოდ გამთბარი და დაფერადებული.

ასეთივე სურათი იშლება თერგდალეულ მწერალთა მხატვრულ შემოქმედებაში¹. თერგდალეულნი ხელოვნებას (პოეზიას), როგორც ზევითაც გავარკვეით, მოთხოვნილებას უყენებენ: ხალხს „პური არსებობის“ მოაოებაში დაეხმაროს. ამ მიზნით ისინი მხატვრული შემოქმედების საშუალებით ჩენი ცხოვრების უარყოფით მხარეების გამოაშქარავენას ცდილობენ, რათა მათი დანახვით მკითხველში აღიძრას სურვილი მათი უარყოფისა, და ამ გზით ნიადაგი შეემზადებინათ ახალი. პროგრესიული ცხოვრებისათვის, რომელიც მათი შეხედულებითაც ძლევა-მოსილი მიადის. ამ მხრივ ილია ჭავჭავაძის შემოქმედება საგულისხმიერო და ნოყიერ მასალას იძლევა.

„შრომა, აწ ქვეყნად ტყვედა პერობილი,

მძარცველობის ქვეშ ჩაგრულ-ვნებულა,

ხოლო რღვეულა მისი ბორკილი

და დასამსხვრეველად გამზადებულა.

შრომისა ახსნა—ეგ არის ტვირთი

ძლევა-მოსილის. ამ საუკუნის,

კაცთა ლელვისა დიადი ზვირთი

ნაგ ახსნისათვის მედგრადა იბრძვის.

ველარ გაუძლებს ქვეყანა ძველი

განახლებისა გრიგალის ქროლას,

ველარ განუძლებს ქვეყნის მძარცველი

ქეშმარიტებით აღძრულსა ბრძოლას.

და დაიმსხვრევა იგი ბორკილი,

შემფერხებელი კაცთა ცხოვრების,

და ახალს ნერგზედ ახლად შობილი

ესე ქვეყანა კვლავ აღყვავდების“²

პოეტი აქაც, ასეთი რადიკალური აზრის გამოთქმის დროს, არა სცილდება პიროვნების და შრომის განთავისუფლების პრინციპს. ებრძვის ძველ „ქვეყანას“ იმდენად, რამდენადაც მის ბორკილებში

¹) ჩვენ ვხედმძღვანელობთ ილიასა და საერთოდ თერგდალეულთა იმ ნაწარმოებებით, რომელიც დაწერილია არა უგვიანეს 1678 წლისა. აგრეთვე უნდა აღინიშნოს, რომ მომავლის ასეთი სურათი, რასაკვირველია, თუმცა შენელებული, თერგდალეულთ, განსაკუთრებით ილიასა და აკაკის, შერჩათ ბოლომდის. იხ. ილიას „ოთარაანთ ჭვირვი“ და სხვა. აკაკის—„საქართველოს დღევანდელი სახე“, „მოხუცის გრძნობა“ და სხვა.

²) ილია ჭავჭავაძე—აზრდილი, ტ. I გვ. 125.

იძარცვება და ილახება ტყვე-ქმნილი, როგორც პიროვნება, ისე შრომა. პოეტსა სწამს, რომ ძველი, ადამიანის შემლახველი პირობები ცხოვრებისა უნდა დაინგრეს, სწამს, რომ ძველის ნანგრევებზე აღმოცენდება ახალი ქვეყანა. ეს ახალი ქვეყანა იქნება „შრომის სუფევა“, თანასწორადა ნიქთა მფენელი, რომელიც დაარღვევს „ძველი ქვეყნის“ პრინციპს მძარცველობისას და მჩაგვრელობისას და ქეშმარიტიდ განამტკიცებს „ძმობა-ერთობა-თავისუფლებას“.

აღლო აღლო ქვეყანამ ძველმა, — ამ ბობს ი. ქ ა ვ ქ ა ვ ა ძ ე, —
რომ დღე და დღე მის წყობა ირღვევა,

და ამ ზვიადმა საუკუნემა

უნდა შვას იგი შრომის სუფევა.

მაშინ, მაშერალო, შენც განკაცდები,

წართმეულ ნიქთა კვლავ მოიპოვებ,

სხვას ძირს არ დასწევ, თვით აღმაღლდები,

არც ვის ემონვი და არც იმონებ¹⁾.

აქაც ჩვენ ვხედავთ იმავე უწოდებრივო საზოგადოებრივ წყობილების იდეას, რომელიც მეთაურობს. შეათანხმებს საერთო ცხოვრებაში „ცხვარსა და მგელსა“, სრულ გაძარჯვებას მოუპოვებს მშრომელსა და შრომას. ეს იდეა იტაცებს ჩვენს ინტელიგენციას, რომელიც გატაცებულია რადიკალ-დემოკრატიული მისწრაფებით. სხვათა შორის, საინტერესოა ის არაჩვეულებრივი გამოძახილი (რასაკვირველია, იმ დროისათვის და იმ პირობებისათვის), რომელიც ჰპოვა 1871 წელს „პარიზის აჯანყებამ“ ჩვენს ჟურნალისტიკაში, „დროება“-„კრებულში“ და ლიტერატურაშიაც. როგორცა ჩანს, თავდავიწყებითსა და სამაგალითო ბრძოლას, რომელიც აწარმოვა პარიზის კომუნამ ძველი ქვეყნის დასამხობად, ჩვენი ინტელიგენციაც გაფაციცებით აღევენებდა თვალყურს და მის მიმართ დიდის სიმპატიებით იყო აღვსილი. გარდა საინტერესო წერილებისა, რომელთაც ცენზურის გამო საინფორმაციო ხასიათი უფრო აქვთ, ჩვენი ინტელიგენციის სულიერი განწყობილების დასახასიათებლად, გვაქვს ილია ქავჭავაძის ლექსი „პარიზი“, დაწერილი კომუნის დაცემის მეორე დღესვე, 1871 წ. 29 მაისს. ეს ლექსი მშვენიერად მოწმობს იმას, თუ პარიზის რევოლუცია აეტორის და თერგდალეულთა ყურადღებას რამდენად მძლავრად იპყრს ბდა:

ტვირთ მძიმე და მაშერალთ მხსნელი

დიდი დროშა დაიშალა...

¹⁾ ილია ქავჭავაძე — ჩრდილი გვ. 126 — ტ. I.

კვლავ ქვეყნისა მზაგრავ ძალამ
იგი დროშა დასცა დაბლა.

კვლავ ეწამა მოყვასთათვის
საოცარი იგი ერი,

კვლავ დაიდგა დიდ წამების
მან გვირგვინი მშვენიერი.

კვლავ ქვეყნისთვის დაიღვარა
წმინდა სისხლი წამებულის,
კვლავ დამარცხდა დიდი საქმე
ყოვლად მხსნელის სიყვარულის.

კვლავ ძირს დასცეს იგი მცნება,
ქვეყნის ხსნად მოვლინებილი,
რომლისთვისა თითონ ღმერთი
იყო ტანჯულ და ჯვარცმული.

კვლავ შეფერხდა ისტორია,
განახლების შესდგნენ ძალნი,
და კვლავ დღესასწაულობენ
გამარჯვებულნი მტარვალნი“.

ცხადია, ჩვენი ინტელიგენციის სიმპატიები საკმარისად რადიკალურია, მისი სიმპატია იმისკენ იხრება, რაც მომავალ ცხოვრებაში „შრომის სუფევას“ დაამყარებს, შრომის შეილს მიანიჭებს მოქმედების და შემოქმედების პოზიციას, რომელზედაც მაშვრალი „წართმეულ ნიჭთა კვლავ მოიპოვებს, განკაცდება, სხვას ძირს არ დასწევს, თვით ამალღდება. არც ვის ემონვის და არც იმონებს“.

მიუხედავად ასეთი რადიკალური სიმპატიებისა, უნდა გარკვეულად აღინიშნოს, რომ თერგდალეულთა ცხოვრებაში სწორედ 1866 წლიდან, როგორც ზევითაც აღვნიშნეთ, მათს მოქმედებას უფრო მოღუნება ემჩნევა. თერგდალეულნი ისეთს მებრძოლს მოქმედებას, როგორ. საცბატონ-ყმობის გადავარდნამდე იჩენდნენ, ახლა ვეღარ იჩენენ. აღარ არის ის მთლიანი მიმართულება, რომელიც მათ ასე აერთებდა „საქართველოს“ „მოამბის“ ფურცლებზე. ბატონ-ყმობის გადავარდნით გამოწვეული ჩვენი სოციალ-ეკონომიური ცხოვრების გაღრმავება ვეღარ ჩაეტია თერგდალეულთა ბურჟუაზიულ-ლიბერალურ ჩარჩოებში და დაუწყო მას დაშლა. დაშლა თერგდალეულებისა სწორედ სოციალ-ეკონომიურ საკითხების გაგება-გადაწყვეტაში მელავნდება. ამ დროს, 70-იან წლებში (1866-1876 წ.), თერგდალეულებს აღარა აქვთ გარკვეული სამოქმედო პროგრამა, მათ მსოფლ-მხედველობაში

არეულია როგორც ლიბერალურ-ბურჟუაზიული, ისე უტოპიური და ხალხოსნური სოციალიზმის ელემენტები.

ჩვენი თერგდალეულების დეკადანსს თუმცა მკაცრად, მაგრამ შშვენიერად ახასიათებს ნ. ინაშვილი: „ჩვენი ლიტერატორები, სწერს ნ. ინაშვილი 1870 წელს ნიკო ნიკოლაძეს, — სწორედ თვალეზ-ახვეულები არიან და საზოგადო საქმისა, როგორც არ მომკლავ, არა გაეგებათ რა.

„ეგენი არიან ბრმა წინამძღვარნი უბედური ხალხისა. რა ძალა აქვთ მაგათ სიტყვას? რამდენად ღრმა არის მაგათი აზრი? რამდენათ შორს და პირისპირათ გასქრის საზოგადო საგნების შინაარსს მაგათი ანალიზი, მაგათი კრიტიკა? რამდენათ ცხოველი და ნაყოფიერია მაგათი მოქმედება? რა საზოგადო იდეალი აქვთ მაგათ დახატული თავში? რა პროგრამა აქვთ მოქმედებისა? ვითარია მაგათი პოლიტიკური მიზანი? ვითარი საზოგადო ცვლილება ჰსურთ მაგათ?

„შენ თითონ მითხარი. მეტყვიან თუ არა ეგენი ამაზე პასუხს? ხეირიანად მაგ საქმეზე არც ერთი იმათგანი არ მომზადებულა... აი ვინ არიან წარმომადგენლები ჩვენი სახალხო აზრისა, აი ვისში გამოიხატება ჩვენი გონებითი მოძრაობა! მდგომარეობა მეტად სამწუხარო და საგრძნობელია. პატიოსან და მოაზრე კაცს ვალი აქვს მიაქციოს ამაზე ყურადღება, ვალი აქვს გვიჩვენოს ახალი გზა და ახალი ნათელი შეიტანოს ჩვენ ბნელ ცხოვრებაში“...¹

ნ. ინაშვილის გრძნობა ახალი გზის გამონახვისა და ახალი ნათელის შემოტანისა ჩვენს ბნელ ცხოვრებაში მაჩვენებელია ჩვენი ინტელიგენციის აზროვნებაში და ლიტერატურაში სხვა ახალი ერას დასაწყისისა. იწყება თაობათა ახალი გაყრა, რომლის სახეც 80-ანი წლებისათვის გამოირკვა. თერგდალეულთა დასი შესცვალა მეორე დასმა — ხალხოსნებმა.

¹) ს ი მ ო ნ ხ უ ნ დ ა ძ ე — სოციალიზმის ისტორიისათვის საქართველოში — ტ. I, გვ. 36-37.

ნაწილი მერაბ

ხალხოსნები

I

ხალხოსანთა გამიჯვნა თერგდალუშ ლევისაგან

1.

რა გზით უნდა წავიდეს ჩვენი ცხოვრება მომავლისაკენ? როგორი გზით უნდა დაიწყოს ჩვენი ცხოვრების გარდაქმნა, რომ გაძვალტყავებული ხალხის მასები გათბნენ და გაძლიერდნენ? ეს საკითხები საშინელის სიმძიმით და სიმწვავეთ მოსწოლოდნენ ჩვენი ცხოვრების კიშკარს და დამსხვრევას უქადდნენ. ამავე საკითხებმა 70-იანი წლები-სათვის გამოიწვიეს ჩვენი ინტელიგენციის აზროვნებაში დიფერენციაცია. ერთი ნაწილი—ი. ჭავჭავაძე, ს. მესხი, ნ. ნიკოლაძე, გ. წერეთელი, გრ. თარხან-მოურავი, პ. უმიკაშვილი თავს იყრის „დროება“-„კრებულის“ გარშემო. მართალია, მათ შორისაც არის ინდივიდუალური განსხვავება ზემორეალნიშნული საკითხების გაგება-გადაწყვეტაში: ზოგი მარჯვნივ იწევს, ზოგი მარცხნივ.—მაგრამ ესენი, როგორც ნიკო ნიკოლაძე გვიმოწმებს, მაინც თითქოს ერთს საერთო პოზიციას იღვენ. „განა ამ სტრიქონების დამწერი,—გადმოგვცემს ნ. ნიკოლაძე,—ყველაფერში ეთანხმება გ. წერეთელს, ილია ჭავჭავაძეს, აკაკი წერეთელს ან ს. მესხის? ან განა ესენი ყველაფერში ეთანხმებიან იმას? არა. ზოგიერთ საქმეში, ზოგიერთ კითხვებზე ჩვენ სხვადასხვა აზრისანი ვართ. მაგრამ ჩვენი საზოგადო მიზანი ყველას ერთი და იგივე გვაქვს და უნდა გვქონდეს. ამ საზოგადო მიზანს ჩვენ ყველანი, ჩვენი ძალისა და ცოდნის მიხედვით, ერთგულად ვემსახურებით“¹.

და მართლაც, „დროება“-„კრებულის“ თანამშრომელთ, მიუხედავად ინდივიდუალური მსოფლმხედველობის სხვადასხვაობისა, საერთო მიზანიც ჰქონდათ. და ეს მიზანი იყო—ეროვნული სა-

¹) ნიკო სკანდელი (ნ. ნიკოლაძე)—ახალი ახალგაზრდობა—„კრებული“ 1873 წ. № 1.

კ ი თ ხ ი. „მხოლოდ 1860 წლიდამ,—სწერს გ. მაიაშვილი,—სჩანს მოძრაობის ნიშნები ჩვენის მიძინარებულის ქვეყნისა... ეს მოძრაობა იყო ხალხში ახალი ეკონომიურის პირობების შეტანის პასუხად. აზრ-მა გაიღვიძა, სამშობლოსათვის მოღვაწენი გამოვიდნენ საზოგადო ასპარეზზედ. საზოგადო საქიროებამ მოითხოვა მათი გამოსვლა... მე უარს არა ვყოფ მათს გავლენას ჩვენი ქვეყნის საქმეების მიმდინა-რეობაზედ. არა, ინათ მისცეს მიმართულება და შესახე მოჭრაობას... მათის მოღვაწეობის წყალობით, მათის დაუღალავეს და კეთილშო-ბილურის მუშაკობის მეოხებით მოძრაობას ფერი დაედო, მაგრამ... გაკვადნიერდები და ვიტყვი, რომ, ცოტა არ იყოს, იმათვე მოქმე-დების წყალობით მოძრაობამ მიიღო ერთგვარი ხასიათი, მეტისმეტი, თუ შეიძლება ასე ვსთქვათ,—კულტურული და მხოლოდ მცირედ ხალხოსნური“¹.

და მართლადაც „დროება“-„კრებულის“ თანამშრომელნი უფ-რო ეროვნულ საკითხს აძლევდნენ უპირატესობას. ეს ჯგუფი ეროვნულ-კულტურული მუშაობისაკენაა გადახრილი. „დროების“ თანამ-შრომელთა ასეთი მოღვაწეობის შეფასება მშვენიერადა ჩანს „დროე-ბის“ რედაქტორის ს. მესხის „დროების“ ათი წლის (1876 წ.) დღესასწაულზე წარმოთქმული სიტყვებიდანაც: „ძალიან კარგად მე-სმის,—მიჰმართავს დამსწრე საზოგადოებას ს. მესხი,—რომ კერძოთ მე კი არ მიცხადებთ ამ თანაგრძობასა, არამედ უცხადებთ იმ დრო-შას, რომლის ქვეშ დღეს ყველანი შეკრებილნი ვართ აქ.

„ეს დროშა მარტო ერთს გაზეთს, ან რომელსამე მიმართულე-ბას ანუ თაობას კი არ წარმოადგენს! ამ დროშაზე არ აწერია არც ბატონი, არც გლეხი, არც ახალი და არც ძველი თაობა,—ეს არის დროშა ქართული ლიტერატურისა (ე. ი. ქართული აზროვნების, ქარ-თული ეროვნული საქმისა—მ. ზ.).

„შესაძლებელია,—და არა თუ შესაძლებელი, უეპკველიცაა, რომ ზოგს თქვენგანს არ აკმაყოფილებს „დროება“ და იმის მიმართუ-ლება! ზოგი თქვენგანი ახალს მოდგმას, ახალს თაობას ეკუთვნის და ზოგი ძველსა.

„მაგრამ, როდესაც ჩვენს საზოგადო ქართულს ლიტერატუ-რაზე ჩამოვარდება ლაპარაკი, მაშინ ამგვარი გარჩევა აღარ უნდა იყოს, მაშინ ჩვენ ერთის მიწის შეილნი, ენისა და ლიტერატურის მოყვარენი ვართ“-ო².

¹) გ. მაიაშვილი, —წერილი ჩვენ საზოგადო მოღვაწეთა მიმართ, — ივე-რია“ 1882 წ. №№ VII—VIII გვ. 166.

²) ს. მესხი, —ნაწერები—ტ. I, გვ. 343.

ჩვენი ინტელიგენციის (თერგდალეულების) ამ ნაწილის მუშაობა, თვით სოციალისტური იდეების წამოყენებაც-კი, რომელთაც ხშირად განყენებული ხასიათი ჰქონდა, ეროვნულ-კულტურული მოღვაწეობის თვისებების საქმეში ითქვიფებოდა. ჩვენი საზოგადოების ეს ნაწილი ასოციაციების და ამხანაგობების თეორიებითაც ხშირად სარგებლობდა ეროვნულ-კულტურული ხასიათის მიზნით, რომ ხალხში ფართოდ გაეტანა შეგნება გაერთიანებისა.

„იცხოვრეთ ძმურად, თანხმობით, ნუ იქონიებთ ერთმანეთ-შორის შურსა და უკმაყოფილებასა და მტერი, ხუთჯერ თქვენზე ძლიერიც რომ იყოს, ვერ მოგერევათ თქვენ“. რა კარგი იქნება,— განმარტავს ამ აზრს ს. მესხი,— რომ ეს ბრძნული სიტყვები მუდამ გვახსოვდეს ჩვენ და ამ დარიგებისა თანახმად ვიქცეოდეთ! რა კარგი იქნება, რომ ჩვენ ერთმანეთში უფრო მეტი თანხმობა და ძმური სიყვარული გვექონდეს“¹.

ამასვე დამღერის აკაკი წერეთელიც პოემა „ნათელაში“ ნათელას სიმღერით „ჩონგურს სიმები გაუბათ“...

თერგდალეულნი, როგორც ზევითაც აღვნიშნეთ, ბატონ-ყმობის გადაყარდნის შემდეგ ეროვნულ-კულტურულ მუშაობაში ჩაებმძიანისინი ლიბერალ-პროგრესისტებად რჩებიან. გატაცებულნი არიან ევროპის ქვეყნების პროგრესით, რომელიც ჩქარის ტემპით მიდის წინ წარმოების და მრეწველობის განვითარების გამო. ცდილობენ მათ ცხოვრებას თვალ-ყური ადევნონ, გააცნონ მკითხველს, აუხსნან და მიუთითონ მათი ცხოვრების გაუმჯობესების საშუალებებს და ერთგვარ აგიტაციას ეწევიან ჩვენი ცხოვრების სინამდვილეში მათის გადმონერგვის სასარგებლოდ. ამ ჯგუფს ალარა აქვს ის ბრძოლის ეინი, რომელიც თერგდალეულთ ახასიათებდა 1861—1865 წ.წ. ამ ჯგუფის უმრავლესობაში ხდება თანდათანობითი გადახრა ვიწრო ეროვნულ-ლიბერალურ-ბურჟუაზიულ მოქმედებისაკენ. განსაკუთრებით ეს ხდება 80-იანი წლებისათვის, როდესაც „დროება“ და „ივერი“¹ ერთმანეთს ხელს უწყვიდნენ და, ბოლოს, შეერთდებიან კიდევ.

ჩვენი ინტელიგენციის ერთი ჯგუფის ასეთი ეროვნულ-კულტურული გზით თანდათანობითი წინმსვლელობის სურვილი არ აკმაყოფილებდა მეორე ნაწილს, შეიძლება უფრო მკირეს, მაგრამ უფრო რადიკალურად განწყობილს. სწორედ 70-იანი წლების ულელტებილზე, 1869 წელს, ჩნდება ახალი ორგანო „მნათობი“. თავის მოწინავე წერილში „მნათობის“ რედაქცია აცხადებს, რომ „საქართ-

1) ს. მესხი, — მეყველთა ამხანაგობა — ნაწერები“ ტ. I, გვ. 6.

ველოს მოამბის“ შემდეგ ქართველ საზოგადოებას ჯერ კიდევ არა აქვს დამაკმაყოფილებელი ჟურნალი, რომლის საშუალებითაც შეეძლოს ფართოდ გაიტანოს ხალხში მისთვის სასარგებლო იდეებიო. „მნათობი“ თავის დევიზად აცხადებს ხალხისა და მის გალავით-ცნობიერების სამსახურს. „ჩვენი დრო,—საპროგრამო წერილში აცხადებს ნ. ინაშვილი, —არის კრიტიკული დრო; ჩვენ ვცხოვრობთ ძველსა და ახალს შუა. ძველი სამუდამოდ წავიდა ჩვენგან, მაგრამ ახალი გზა კი ჯერ არ გაგვიკვლევია. ჩვენ უნდა ვეცადოთ გაუნათლოთ ხალხს მსუელელობის გზა გონებითი, ზნეობითი და ნივთიერებითი წარმატებისათვის... ამისთვის არის კიდევ საჭირო ჟურნალი, რომ იმან შეიქვანოს ხალხი თავის ცნობაში, ახსნას და შეიმუშაოს ის კითხვანი, რომელნიც ყველაზე მომეტებულად შეეხებიან ხალხის ცხოვრებას, მის კეთილდღეობას და სხვა“¹.

მართლაც, მნათობის გარშემო შემოკრებილი იყო იმ დროისთვის რადიკალურად, უფრო თავისუფლად მოაზროვნე ნაწილი ჩვენი საზოგადოებისა, როგორიც იყინენ: ნ. ინაშვილი, მ. ქიქოძე, ან. ფურცელაძე და სხვანი (ეს ჟურნალი არ გამოდგა ხანგრძლივი 1869—1872 წ. წ.). ჟურნალ „მნათობის“ წერილებიდან აშკარადა ჩანს, რომ მას სურვილი აქვს ხალხთან ახლოს მივიდეს, მის ცხოვრების მოთხოვნილებათა დამაკმაყოფილებლის საქმეს ემსახუროს, ეცადოს ასწიოს ხალხის კულტურული და ეკონომიური დონე. „ბუნების მეცნიერების ნაწილში,—სწერს ნ. ინაშვილი რედაქციის სახელით,—იქნება ბუნების მოვლენების აღწერა, მათი მიზეზები, მნიშვნელობა, ხალხზედ გავლენა და საზოგადოდ იმ გვარი სტატიები, რომელნიც ჰმზებრიან ხალხში ცრუ და ამაო მორწმუნებასა. აქვე დაებეჭდავთ გიგიენურ სტატიებს, ანუ იმგვარ სტატიებსა, რომელთაც საგნად ექნებათ კაცის კარგა-მყოფობა და ხანგრძლივი სიცოცხლე... სხვადასხვა საგნის შესახები სტატიების ნაწილში ისეთსტატიებს დაებეჭდავთ, რომელთაც საგნათ ექნებათ: ჩვენი ცხოვრების აწმყო მდგომარეობა და მიმართულება და მისი გაუმჯობესებისათვის საჭირო მოთხოვნილებანი“². და მართლაც „მნათობში“ მოთავსებული იყო ამ მიმართულების მთელი რიგი სტატიებისა.

მართალია, მოსჩანს განმასხვავებელი ხაზი „მნათობსა“ და „დროება“-„კრებულს“ შორის, მაგრამ განსხვავება მათ მსოფლმხედველობათა შორის მცირეა, თვით მსოფლ-მხედველობა მერყევიან,

1) „მნათობი“—1869 წ. № 2.—გვ. 5.

2) იქვე—1869 წ. № 1.

არ არის ჯერ მტკიცე. „დროება“-„კრებულის“ მიმართულება და თანამშრომელთა ბანაკი უფრო ძლიერი გამოდგა. და „მნათობი“ მალე შეწყდა, „დროება“-„კრებულის“ მიმართულებაში გაითქვიფა. მიუხედავად ნ. ინაშვილის განცხადებისა, რომ „მნათობის რედაქცია თავის ჩასახვიდგან აქამომდე ჰგრძნობს, ძალიან უხერხო გარემოებას, მაგრამ მაინც მტკიცედ არის თავის საქმეზედ. ერთი-ორის სულით მახინჯის აზრი და წინააღმდეგობა ისე შეიმუხრება იმის სიმტკიცეზედ, როგორც ზვირთები შეიმუხრებიან ხოლმე კლდეზედ“-ო¹.

„მნათობის“ დაწყებული საქმე: ხალხთან ახლო მისვლა, მათ აწმყო ცხოვრებისათვის ზრუნვა, ხალხის კულტურული და ეკონომიური ცხოვრების გაცნობა-შესწავლა და მისი მომავლის მოწყობა, უფრო გარკვეულ მსოფლ-მხედველობაში ყალიბდება 80-ანი წლების დასაწყისშივე.

„თქვენი მოქმედება, ბატონებო,—მიჰმართავდა „დროება“-„ივერიის“ თანამშრომლებს გიორგი მაიაშვილი,—ძლიერ პატივსაცემია, თქვენი ღვაწლი ყველასათვის ცხადია. ჩვენც თანაუგრძნობთ მას. მაგრამ ამასთანავე ჩვენის მხრით დიდი უზრდელობა იქნებოდა თქვენის წმინდა განზრახვათა წინაშე—დაგვემალა თქვენთვის, რომ ის კითხვები და საგნები, რომელთაც თქვენ ეხლა სულით და გულით მისცემიხართ, ჩვენ უსაჭიროეს და არსებით საგნებათ არ მიგვაჩნია. ღაღადება სკოლებში ქართული ენის შემოღებაზედ, სახალხო სკოლების დაფუძნებაზედ, ქართულის თეატრის გამართვაზედ, სასარგებლო წიგნების გამოცემაზედ, ჩვენის ენის განვითარებასა და გამშვენიერებაზედ და სხვადასხვა. და ყოველივე ესენი ძლიერ საჭირონი და თანაგრძნობის ღირსნი საგნები არიან. მაგრამ ამ საკვებზედ გაჩერება, მათ გარშემო ტრიალი და მასთანავე კმაყოფილებით დახილი, რომ მხოლოდ ამებზე არის დამყარებული ჩვენი ქვეყნის ბედნიერებაო, იმასა ნიშნავს, რომ თქვენ მოქმედების პროგრამა ჯერ კიდევ არა გქონიათ შემუშავებული და მტკიცე ნიდაგზე დამყარებული. ეს მიუტოვებელი ცოდვა გახლავთ თქვენთვის. არც ერთს წრეს ხალხის ბელადთა, რომელსაც-კი სურა შეიქმნეს ქეშმარიტი გამომეტყუელი და წარმომადგენელი თავის ქვეყნის ინტერესებისა, არ ექნება მომავალი, თუ რომ იგი განზრახ ან გაუგებრობით უქცევს გზას ეკონომიურის საგნების ახსნას და გადაწყვეტას, რომლების გამოსარკვევლადაც იბრძვის ეხლა ყველა თანამედროვე პარტიები, მთელი კაცობრიობა“².

1) „მნათობი“—1869, № 2, გვ. 5-6.

2) გ. მაიაშვილი—წერილი ჩვენ საზოგადოებრივ მოღვაწეთა მიმართ—„ივერია“ 1882 წ. №№ VII—VIII გვ.—99—100.

გ. მაიაშვილი კარგად იცნობს „ჩვენ საზოგადოებრივ მოღვაწეთა“ მოქმედებას და მიმართულებას, იცის, რომ იმათ მსოფლ-მხედველობაშიაც არის ჩაქსოვილი მთელი კაცობრიობის ახლანდელი ბრძოლის საკირბოროტო საკითხები; მაგრამ ისიც კარგად იცის, რომ ამ საკითხთა გადაწყვეტას მათ თავი ვერ აართვეს.—გ. მაიაშვილი ცდილობს უჩვენოს მათ ქეშმარიტი დასარყუნობი ბაზა, რომელსაც თერგდალეულებმა ვერ მიაგნეს. „არ შეიძლება რეფორმა მოახდინო რომელისამე საზოგადოების ცხოვრების ნაწილისა, თუ იგი უცნობია და გამოურკვეველი. ამისათვის არის საჭირო სეინილისიერი და ყოველმხრივი შესწავლა ხალხის ეკონომიურის ცხოვრების ყოველ მხარეთა. მხოლოდ ამგვარ შესწავლაზე დამყარებით შეიძლება დაასკვნა ესა თუ ის დიდი აზრი, გამოიკვლიო ხელმძღვანელი პრინციპი და გზის მაჩვენებელი ნათელი ქეშმარიტი, რომლის შემწეობით შესაძლებელი იქნება მოიპოვოს კაცმა ზომანი და ღონისძიებანი საჭიროებათა დასაკმაყოფილებლად, დამაშვრალ და ტანჯულ მშრომელთა გაკირების და უილაჯობის ცრემლების მოსაწმენდად. მართლაც, ვიცით განა ცოტა მაინც წესიერად ეხლანდელი მდგომარეობა ხალხისა? შეგვიძლიან ვუჩვენოთ უახლოესნი მიზენნი ხალხის წუხილისა, გაკირებისა და გლარობებისა? მეტის მეტად უსასობაა ჩვენში შესახებ ამ გვარ წყაროთა და მასალათა“¹.

გ. მაიაშვილი თავის მეტად საგულისხმიერო სტატიაში, გამონახავს რა მომავალი ცხოვრების მშენებლობისათვის სწორ დასაყრდნობ ნიადაგს, საჭიროდ სთვლის დაწვრილებით იქნას შესწავლილი ჩვენი ხალხის ეკონომიური ცხოვრება და მისი ზნე-ჩვეულებანი (ხალხის ოჯახური და საზოგადოებრივი (თემური) ცხოვრება, მის წევრთა იურიდიული მდგომარეობა და უფლება). ამის შემდეგ ის იძლევა „შემოქმედების პროგრამასაც“, რომელსაც უმთავრესად ეკონომიური საკითხების გამორკვევის ხასიათი აქვს—შესახებ მდგომარეობისა—გლეხის, ვაქრის, ამქრის, ბოგანო-პროლეტარისა, და ბოლოს ასეთი მოწოდებით მიჰმართავს: „შევაწყოთ და შევეუთანხმოთ ჩვენი ნაწერების ხასიათი და მიმართულება ხალხის ინტერესებს და მოთხოვნილებათა, ვისწავლოთ და განვევითარდეთ ხალხთან ერთად, მასთან ერთადვე შევიმუშავოთ საზოგადოებრივი იდეალები, რომელნიც მხოლოდ ხალხის მიერ მიიღებენ უაღრესს ძალას და შეიძლებენ ყოველგვარ ბრძოლის და დვენის ატანას“².

¹) გ. მაიაშვილი—წერილი ჩვენ საზოგადოებრივ მოღვაწეთა მიმართ—„ივერია“ 1882 წ. № VII—VIII—გვ. 101—102.

²) იქვე, გვ. 123.

აი სწორედ ეს „ხალხოსნური“ მიმართულებაა საფუძველი იმ ახალგაზრდა ჯგუფისა, რომელმაც თავი შემოიკრიბა ჟურნალი „იმედის“ გარშემო და მოინდომა მათგან გამიჯვნა. „მათი (ე. ი. აზნაურული პერიოდის (1860-1881) მწერლებისა. მ. ზ.) დიდი ნაკლულევენება,—სწერს „იმედის“ ერთი საუკეთესო თანამშრომელი სტ. კრელაშვილი „იმედის“ საპროგრამო წერილში,—იმაში მდგომარეობს, რომ თავიანთ ნიჭიერებასთან და სწავლასთან სრულებით ავიწყდებოდათ დროება, გარემოება და ადგილი... მთელი ხალხი სწყდებოდა შიმშილითა და უმოსალობით, ამ დროს ჩვენი მწერლები გაცხარებული ბაასობდნენ ტიერზე და გიზოზე; ხალხს ავიწროებდა და სტანჯავდა ათასნაირი გაცხარებული უსამართლობა მოსამართლეებისაგან,—მწერლები ალტაცებულნი მოგვითხრობდნენ ლჳი ბლანზე, რომფორებზე და გამბეტაებზე; ხალხი იწვებოდა და იდაგებოდა უთვალავი ხარჯისა და ბეგარებისაგან,—მწერლები კი ბოკლსა და დარეინის თეორიების მეტს ვერას პოულობდენ სალაპარაკოდ; ხალხს უჭირდა დაწყებითი სწავლის მიღება, ჩვენ მწერლებს კი სრულებით დავიწყებოდა ესა და ელაპარაკებოდნენ ქართველს მკითხველებს მეცნიერებისა და ცხოვრების უკანასკნელ სიტყვაზე“¹.

აი სწორედ ამ ჯგუფისაგან გამიჯვნა და მასთან წინააღმდეგობა გამოაცხადა „იმედის“ ჯგუფმა. დაიწყო ბრძოლა „იმედისა“ და „ივერიისა“—„დროებას“ შორის.

„რატომ უკვირს უფ. აკაკის,—ეკამათება მიხ. გურგენიძე ძველ თაობას,—რომ „მღვდლის შვილები“—„ღიაკენები“ სალიტერატურო ასპარეზზე გამოსულან? ეს ხომ უეჭველად ასე უნდა ყოფილიყო. მაშ ვის შეეძლო აკაკისა და მის ამხანაგების ანდერძის აგება. ყოველივე წესის აგება მხოლოდ მღვდელ-ღიაკენებს შეუძლიანთ, და ბედის წერამაც საქმე ისე მოიყვანა, რომ „იმედში“—რომლის დანიშნულებაც არის—დასთრგუნოს ყოველგვარი გონებითი, ზნეობითი და მოქმედებითი მახინჯობა, მაშასადამე მწერლობისაც,—მიიღებენ მონაწილეობას „დროება“—„ივერიისაგან“ მოძულე-ბული ღიაკენები“².

„იმედში“ მოხდა პირველად ჯგუფობრივი გამოსვლა სამოღვაწეო ასპარეზზე ჩვენი „რაზნოჩინეცისა“. „იმედის“ თანამშრომლები თავიანთ ვინაობას და სო-

¹) სტ. კრ—შვილი—ქართული მწერლობა—„იმედი“ 1881 წ. № 1. გვ. 17

²) მიხ. გურგენიძე,—ერთი ჩვენი მწერლობის სენი,—„იმედი“ № 2, გვ. 100.

ციალურ მდგომარეობას აშკარად ამჟღავნებენ ჟურნალის პირველ-სავე ნომერში¹:

„არ გახლავართ მდიდრის შვილი,
არც თავადი, აზნაური,
ამის მეტად ჯერედ ხელში
არც მჭერია მე ჩონგური!..
მამა მყევანდა მიწის მუშა,
დედას მე არ მოვსწრებდევარ!..
დაბრიყვებას, სისაწყლესა
თვის უბეში გაუზდივარ.
ვისაც ესთხოვე ხელის მოწედა,
„წადი იქით, რეგვენო!
სოფლის ლხინში არ გაქვს წილი,
უნდა იყო უენო!“²

და ამ „უენომ, დაბრიყვებულმა“, სისაწყლესში გამოზრდილმა მიწის მუშის შვილმა ტანჯვასა და კენესაში შეიგნო კემშარიტება და გაემიჯნა იმათ, ვისაც გულით უნდათ „თვალ-მარგალიტი, ჩინ-აპელატი, მაზედ დადგმული ბედნიერება“; ის იქით არ მიისწრაფვის, რადგანაც: „სადაც თქვენა (ე. ი. შეძლებულნი--მ. ზ.) გრძნობთ თავს ბედნიერად, იქ ჩემი სული ამოიხრჩვება“-ო³. ეს თაობა თერგ-დალეულებისაგანაც კარგად გრძნობს თავის განსხვავებას, როგორც სოციალურს, ისე ფსიქოლოგიურსაც. აი რასა სწერს „სტუდენტი“, ახალი თაობის მისწრაფებათა გამომხატველი, პეტერბურლიდან:

„ის ჭია, რაიც თერგის ნაპირზედ
ილიას „მგზავრსა“ გულს უღირღნიდა,
ეხლა სრულიად მე არ მაწუხებს,
ის დრო ჩემთვისა მან დვე წავიდა.
მე ეს კითხვები კარგა ხანია
დამიძლევია, გამომიხსნია!..
ჩემ გულის ბოლმა, თქვენთან საკითხი,
სიტყვა სრულებით სხვანაირია:

¹) ჟურნალი „იმედის“ გამოცემა ჯგუფის სდომებია 1879 წლიდან, მაგრამ ვერ მიუხეზრებია. მრავალი სტატია, დაბეჭდილი შემდეგ „იმედში“, კერძოდ მ. ასათიანისა, როგორც წერილების თარიღები გვიჩვენებს, ეკუთვნის 1879 წ. „იმედის“ ჯგუფის აქტიური მუშაობა დაწყებული 1878 წელშივე.

²) მ. ასათიანი, — შიკრიკი, — „იმედი“ 1881 წ. № 1.

³) მისივე, — შეუპოვარი, — „იმედი“ 1891 წ. № VI.

მეჩენება ნება ლაპარაკისა?
ხალხთან საუბრათ მე მიმიშვებენ?
სწორედ სიტყვასა სამართლიანსა
განა მე მისთვის მათქმევეინებენ?¹.

აი ასეთია რეალური მიდრეკილებანი და მისწრაფებანი ახალი თაობისა, რომელიც ლამობს გზა ჩამოართვას წინათაობას, თერგ-დალეულთ, და ჩაუდგნენ ცხოვრებას წრეში. „იმედის“ გარშემო შემოკრებილ ახალ თაობას, „მართალია, არც ხანში შესული და არც მოხუცებული არა სძაგდა განუსაზღვრელი სიძულვილით, ძლიერ ბევრს იმათში პატივსაცა სცემდა“, მაგრამ სწამდა (და ამას ცხოვრების საერთო მსვლელობაც უმტკიცებდა), „რომ საქმის სისიყვარული, საქმით გატაცება დავიწყებამდის, საქმის დაწყება და ბოლომდის გატანა შეუძლიან ახალგაზრდობას, ოლონდ-კი იმან მოიწადინოს“². ამიტომ მ. იმედაშვილი (მ. ასათიანი) აღტაცებით მოუწოდებს პეტერბურელ სტუდენტს:

„სამკალი გვაქვს მეტად დიდი,
მომკლები კი არ გვიჩანან,—
თუმც მოსულან ორიოდნი,
გულ-ხელ დაკრებილნი დგანან!
ავდრიან დღის ეშინიანთ,
უცდიან მზის გამოსვლასა.
ამ ლოდინში დროც წაუვათ,
წაახდენენ მართლად ყანასა.
ვისაც გერჯით, მართლა, გული
სამუშაოთ მოდით აქა!..
წინ დაგხედებით, შამოგძახებთ:
გამარჯობა და ბარაქა!
კარგ ნამგლებთან წამოიღეთ
ტარიანი მჭრელი ცელი:
ყანას ნარი ჰოსეგია
არ დაგიკრათ, რომ მან ხელი!“³

და მართლაც, ჩვენი ცხოვრების ყანის სამკალად გამოვიდა ეს თაობა, რომელიც კარგად იცნობდა ჩვენს ცხოვრებაში მორეულ ნარ-ეკალს, კარგად იცნობდა მისი წარმოშობის მიზეზს. საერთოდ

1) შ. ი. ასათიანი, შიკრიკი „იმედი“ 1881 წ. № 2; გვ. 54. კურსივი ჩვენია.

2) იქვე, გვ. 55.

3) იქვე — გვ. 55-57.

ხალხის ტანჯული ცხოვრების წიაღიდგან გამოსვლა, მისი პირობების ახლო ცოდნა, გატაცებით ჩაბმა ჩვენი ხალხის ახალი ცხოვრების გზის გაკაფვაში, — აი რა ახასიათებდა ჩვენს ხალხსნებს.

ჩვენი ხალხსნები, სამოღვაწეო ასპარეზზე გამოსვლისთანავე, აღნიშნავენ, რომ ისინი სამოქმედო სარბიელზე ახალი მიმართულების, ცხოვრების და მოღვაწეობის ახალი გზის გამონახვისათვის გამოდიან. ჟურნალი „იმედის“ გარშემო შემოკრებილი ხალხოსანთა ჯგუფი არაერთხელ აღნიშნავს თავის ორგანოს ფურცლებზე, რომ ის ახალი ცხოვრების მქადაგებელია, ცხოვრების ახალი ფორმების მაძიებელია. ეს ჯგუფი ამაში ჰხედავს ერთ-ერთს მთავარ განსხვავებას თავისა და „ივერია“-„დროებას“ შორის. როდესაც 1881 წელს ტფილისში მოწყობილმა არქეოლოგიურმა ყრილობამ ქართულ ჟურნალ-გაზეთობასა და მის წარმომადგენელთადმი სათანადო ყურადღება არ გამოიჩინა, „იმედი“ სარგებლობს ამ შემთხვევით და აი რასა სწერს: „ახალს ჟურნალსა და გაზეთს — „იმედს“ და „შრომას“ თავი დაეანებოთ, თუ გნებავთ, რადგანაც ესენი მაინც და მაინც ძველს მაგდენათ არა სწყალობენ და ქადაგებენ, რომ საქმე სისხლშია და არა ძეაღშიო, სიცოცხლეში და არა სიკედილშიო, აწმყო მომავალში და არა წარსულშიო; მაგრამ „დროებას“ და „ივერიამ“ რაღა დაუშავეს იმათ, რომ ჩირათაც არ ჩაავდეს. ნუ თუ ამ ჟურნალ-გაზეთის თანამშრომლები, რომლებიც იმდენად „ყოველივე ძველის“ თაყვანისმცემლები არიან, რომ სურთ კიდევ ხელი მიაფარონ მას და დაიხსნან ის ახალი თაობის ავი თვალისა და ენისაგან, ღირსნი არ იყვნენ არხეოლოგებისაგან კეთილ მოხსენებისა?!“. ეს წერილი ვინმე ეკალაძისა მთავრდება ლექსითა, რომელშიც აშკარადაა გამოთქმული „იმედის“ ახლისკენ მისწრაფება: „მათ“ (ე. ი. „დროება“-„ივერიას“ მ. წ.) ვეხებით ამ უსტარით“.

ვიწვევთ ყველას დაგვეხმაროთ,

ვსდევნოთ იგინი „ისარით“.

მით მომავლისკენ გზა ვკაფოთ.“¹

„იმედის“ თანამშრომლებს კარგად ესმით, რომ „ახალი ჩვეულება, რომელმაც უნდა განაგდოს ძველი, ვერ მოთავსდება ძველ ქურქელში“. ეს გარემოება აუცილებლივ იწვევს ბრძოლას ძველსა და ახალს შორის. „იმედის“ თანამშრომლებს კარგად ესმით, რომ „ეს ბრძოლაც არ არის ადვილი საქმე, როდესაც მაგის გარდა, — სწერს სტ. ჭრელაშვილი, — საბრძოლი ბევრი სხვა რამა გვაქვს, მაგალითად ლუკმა-პურის შოვნა, კაცური ღირსების დაცვა და სხვანი“.²

1) ეკალაძე — ისარი — „იმედი“ 1881 წ. № 9 გვ. 34-37.

2) სტ. ჭრელაშვილი — მამულის შვილი — „იმედი“ 1881 წ. № 10 — 11 — 12;

II

ხალხოსანთა მისწრაფებანი.

1.

უნდა აღინიშნოს, რომ ჩვენი ხალხოსნები რუსეთის ხალხოსანთა იდეოლოგიის დიდი გავლენის ქვეშ აღიზარდნენ და განვითარდნენ კიდევ. როგორც სხვადასხვა ცნობებითგან ვრწმუნდებით, მათ რუსეთის ხალხოსნურ ორგანიზაციებთან გარკვეული კავშირი ჰქონიათ. „გამოდოდნენ რა იმ დებულებიდან,—სწერს შ. დავითაშვილი,—რომ საქართველო მქიდროთ არის დაკავშირებული რუსეთთან და რომ ქართველი ხალხის ხსნა სავსებით დამოკიდებულია რუსეთის სახელმწიფოებრივი წესწყობილების დაშობაზე (მეთის რეჟიმისაგან დაჩაგრული რუსეთის ხალხის განთავისუფლებისათვის), ქართველი რევოლუციონერები ფიქრობდნენ, რომ, ემსახურებიან რა რუსეთის რევოლუციის საქმეს ცენტრში, ამით ისინი ემსახურებიან ქართველი ხალხის ინტერესებსაც“.¹

რუსეთის ხალხოსანთა მოძრაობით და მოქმედებით გატაცებულნი, ჩვენი ხალხოსნებიც ცდილობენ ხალხში გასვლას. 70-იანი წლების დასაწყისში ჩვენი ცხოვრების სინამდვილეში ადგილი აქვს ხალხში სიარულის დასაწყისს. ეს სიარული ზოგან, შეიძლება ითქვას, ორგანიზაციულია. „ტფილისში მე კვლავ შევეუდექი,—სწერს შ. დავითაშვილი,—რევოლუციური ლიტერატურის გავრცელებას, ხოლო სასწავლებლების დახურვის დროს ზაფხულზე გადაეწყვიტე „ხალხში გასვლა“.

წავედი ქ. გორში აუარებელი არალეგალური ლიტერატურით და ვესტუმრე მასწავლებელ სოფრომ მგალობლიშვილს, რომელმაც გამაცნო მათე კერესელიძე და ივანე ხიმშიაშვილი. რამოდენიმე დღის შემდეგ გავსწიე სამოგზაუროდ ქართლის სოფლებში, მაგრამ საზაფხულო თვეების უდიდესი ნაწილი დაეყავი სოფ. ტყვიავში.

¹) შ. დავითაშვილი—მოგონებანი—„რევოლუციის მატინე“ 1923 წ. № 3 გვ. 204.

„ტყვიავში მოვიდნენ მშობლებთან კოლია ფავლენი შვილი, ტიფლისიდან და სტუდენტი რომან ფავლენი შვილი, რომელსაც მოჰყვა თავისი ამხანაგი გიგო გაბაევი (მელიკი). სტუმარმოყვარეობით სახელგანთქმულ ფავლენი შვილებს ესტუმრენ აგრეთვე სოფრომ მგალო ბლიშვილი, ვანო ხიმშიაშვილი, ანტონ ფურცელაძე, დავით ფურცელაძე, ილიკო მაჭავარიანი, ვასო დეკანოზოვი (რევოლიუციური ბროშურების მთარგმნელი) და სხვ.

„დაარსდა პატარა რევოლიუციური წრე ადგილობრივი მღვდელის—ვასო სამადოვის აქტიური მონაწილეობით. წრეს მიემხრენ ადგილობრივი წვრილი მემამულენიც—მიხეილ და ლუარსაბ ერისთავები, დები—კესო და ნატო გაბუნეები და ბაბო კორინთელი (ბოლოს ქართული სცენის არტისტები). რევოლუციური ლიტერატურა ხელიდან ხელში გადადიოდა, რევოლიუციური სიტყვები და სიმღერები თავისუფლად გაისმოდა.

„როგორც ტყვიავის, ისე სხვა სოფლების გლეხობაში რევოლიუციური აზრი იწვევდა ცოცხალ ინტერესს, მაგრამ მათ ვერ წამოაყენეს აქტიური მომუშავენი: გლეხები მიტის შეტად დატვირთულნი იყვნენ მუშაობით საარსებო პურისათვის“. ¹ ამათ გარდა შ. დავითაშვილი და სხვანი ასახელებენ კიდევ მრავალთ, რომელნიც ამ დროს გატაცებულნი იყვნენ ხალხში რევოლუციონური მოძრაობის გაღვივების მისწრაფებით. იქიდანვე გვაქვს ცნობები ამ ორგანიზაციათა კავშირის შესახებ რუსეთის ანალოგიური რევოლუციონურ ორგანიზაციებთან. როგორც მაშინდელ მოღვაწეთა მოგონებანი გვაუწყებენ, ისინი ცდილობდნენ არ ჩამორჩენოდნენ რუსი ხალხოსნების მოძრაობას.

„1876 წელს შემოდგომის გასულს საქართველოში მოხდა მრავალი გაჩხრეკა (ეს ალბად დაკავშირებული იყო რუსეთში მომხდარ გლეხ-კაცთა აჯანყებებთან და რუსეთის „რევოლუციონერთა“ მიმართ მიღებულ რეპრესიებთან). ამ გაჩხრეკას მოჰყვა მრავალი რევოლუციონერის დატუსაღება: ტფილისში დაატუსაღეს ეგნატე იოსელიანი და სტამბის მეპატრონე არსენ კალანდაძე, გორში—ვასო დეკანოზოვი, სოფ. მერეთში—დავით ფურცელაძე, სოფ. ტყვიავში—მღვდელი ვასო სამადოვი, სოფ. ქვიშხეთში—მიხ. ყიფიანი, ქუთაისში—ვარლამ გაბიჩვაძე და პოლიევქტ კვიციანი და სხვანი.“ ²

1) შ. დავითაშვილი—მოგონებანი—„რევოლიუციის მატინე“, 1923 წ. № 3 გვ. 201.

2) იქვე.

ამ პირველმა რევოლუციონურმა ორგანიზაციამ გორში გაშალა მოღვაწეობის ფრთა. იქ ის უფრო კულტურულ მოღვაწეობას მისდევს: წარმოდგენების გამართვას ხალხისათვის, კითხვების და საუბრების მოწყობას, თუმცა ეს ორგანიზაცია ხალხში რევოლუციონური ენის გაძლიერებასაც ცდილობს.

1878 წლის გაზაფხულზე მთავრობა კიდევ დაესხა თავს ამ ჯგუფს. ორენბურგის გუბერნიაში გადასახლა ეგნატე იოსელიანი და მიშა ყიფიანი. „ზოგიერთი ამხანაგი, — გადმოგვცემს შ. დავითაშვილი, — და, სხვათაშორის, სოფ. მგალობლიშვილი და ვანო ხიმშიაშვილი დატუსაღებულ იქნენ განუსაზღვრელი ვადით“. ვასო დეკანოზიშვილი და რომან ფაველენიშვილი ციხეში დასწულდნენ ქლეკით და მალე დაილუპნენ.

ამის შემდეგ რევოლუციონერთა რიგები თანდათან დიდდებოდა, რევოლუციონური მოძრაობა თანდათან ღრმავდებოდა და ჩვენი ხალხოსნების მოღვაწეობაც თავის კეთილ კვალს სტოვებდა დიადი საქმის, ხალხის განთავისუფლების და ბედნიერების მოპოების მიხწევაში, ხალხის მასების გაღვიძებაში თვით ხალხის მასების ამ დიადი საქმის გამარჯვების პროცესში ჩაბმით. ხალხოსანთა მოღვაწეობა ერთი საუკეთესო და საინტერესო ფურცელთაგანია ჩვენი ხალხის განმანთავისუფლებელი მოძრაობისა.

2. ✓

სანამდის თვით ჩვენი თემის — ხალხოსნები ჩვენს ლიტერატურაში — გადაშლას შევეუდგებოდეთ, გვინდა მკითხველის ყურადღება მივაქციოთ ერთს გარემოებას. ზევით აღვნიშნეთ, რომ ჩვენი ხალხოსნობა რუსეთის დიდი გავლენის ქვეშ განვითარდა. გავლენა იმდენად ძლიერი იყო, რომ ჩვენი მწერლები და საზოგადო მოღვაწენი ხშირად შეუცნობლადაც-კი მიდიოდნენ იმ გზით, რომელსაც რუსულ ჟურნალ-გაზეთების საშუალებით გაცნობოდნენ ხოლმე. მაგრამ მიუხედავად ასეთი გავლენისა, ჩვენს ხალხოსნობას თავისებურობა მაინც ატყვია. არის მათ შორის განსხვავება და ეს განსხვავება, შეიძლება ითქვას, თვალსაჩინოა. მაშინ როდესაც რუსი ხალხოსნების უმეტესი ნაწილი რუსეთს და მის განვითარების გზას უპირისპირებს დასავლეთ-ევროპას, აღნიშნავს რუსეთის სხვაობას, მის უპირატესობას დასავლეთ-ევროპასთან შედარებით; ამტკიცებს, რომ რუსეთმა დასავლეთ-ევროპისაგან არაფერი არ უნდა გადმოიღოს, რადგანაც, რუსი ხალხოსნების შეხედულებით (ეს შეხედულება ხალხოსნებმა რუსი

სლოვიანოფილებსაგან შეითვისეს), დასავლეთ-ევროპა უკვე ძალა-გამოლევულია, იხრწნება. რუსი ხალხოსნების რწმენით, რუსეთი უნდა წავიდეს არა დასავლეთ-ევროპის განვითარების გზით, არამედ ახალი, თავისი ისტორიული გზით, რომ შესძლოს ნამდვილი წინსვლელობის გზა გამოიხსოს.¹

ჩვენი ხალხოსნები-კი ასე მტრულად არ უყურებენ დასავლეთ-ევროპას. პირიქით, ისინი ცდილობენ მისი ცხოვრების გაკვეთილებით ისარგებლონ. „ჩვენ,—სწერს სტ. ჭრელაშვილი, „იმედის“ საპროგრამო წერილში,—არც ევროპიულ მეცნიერებაზედ და ცხოვრებაზედ ავიღებთ ხელსა, რადგანაც მხოლოდ მასში ვხედავთ კაცობრიობის გაუმჯობესობას და მალა აწვევის ძალას. მხოლოდ ამაზედ გვაქვს დამყარებული იმედი ჩვენი ძალღ-უმადლო ცხოვრების განათლებისა და ამაღლებისა“.² მაგრამ ახალი ცხოვრების დამყარებას საფუძვლად ჩვენი ხალხოსნებიც თხოულობენ თვით ჩვენი ხალხის ცხოვრების სინამდვილე და მოთხოვნილება დაუდვან. „არ შეიძლება,—სწერს გ. მაიაშვილი,—რეფორმა მოახდინო რომელიმე საზოგადოებრივი ცხოვრების ნაწილისა, თუ იგი უცნობია და გამოუკვლეველი. ამისათვის არის საჭირო—სენინდისიერი და ყოველმხრივი შესწავლა ხალხის ეკონომიური ცხოვრებისა ყოველ მხარეთა. მხოლოდ ამ გვარ შესწავლაზე დამყარებით შეიძლება დაასკვნა ესა თუ ის დედა აზრი, გამოიკვლიო ხელმძღვანელი პრინციპი და გზის მაჩვენებელი ნათელი ქეშმარიტი, რომლის შემწეობით შესაძლებელი იქნება მოიპოვოს კაცმა ზომანი და ღონისძიებანი საჭიროებათა დასაკმაყოფილებლად, და მაშვრალ და ტანჯულ მშრომელთა გაქირების და უილაჯობის ცრემლების მოსაწმენდათ. მართლაც, ვიცით განა, ცოტად მაინც წესიერად ეხლანდელი მდგომარეობა ხალხისა? შეგვიძლიან ვუჩვენოთ უახლოესნი მიზეზნი ხალხის წუხილისა, გაქირვებისა და გაღარბებისა? მეტის-მეტად უსასოებაა ჩვენში შესახებ ამ გვარ წყაროთა და მასალათა.“³

გ. მაიაშვილის ეს შენიშვნა, როგორც სტატიის სათაურიდანაც ჩანს, დაწერილია ჩვენი მოღვაწეების მიმართ, რომელნიც ხში-

¹) მიუხედავად ასეთი შეხედულებისა, რუსი ხალხოსნებიც მსოფლ-მხედველობა არ არის დამუშავებული ევროპის გავლენის გარეშე. ისინი გარკვეულად განიცდიან ევროპის უტოპიური სოციალიზმის და იდეალისტური ფილანოფიის გავლენას.

²) სტ. ჭ რ - შ ვ ი ლ ი — ქართული მწერლობა, „იმედი — ISSI წ. № 1. გვ. 100

³) გ. მაიაშვილი — წერილი ჩვენი საზოგადოებრივ მოღვაწეთა მიმართ — „ივერია“ I 82 წ. № 9, გვ. 101—102.

რად ოცნების მალალ ფარდებში დანავარდობდნენ, ხოლო ფაქტიურად მათი სურვილებისა და სინამდვილის, შესაძლებლობის შორის დიდი და გარდაუვალი უფსკრული არსებობდა.

ასეთსავე აზრს გამოსთქვამს „იმედის“ თანამშრომელი გრ. ყიფშიძეც. მისი სამართლიანი აზრით, ჩვენი მოწინავე ახალგაზრდობა ისეთი არ არის, როგორც უნდა იყვეს; მას ან სწავლა-განათლება აკლია და მეცნიერების იარაღით არ არის შექუჩვილი, ან, თუ აქვს განათლება, იგი ისე ვრცელი და ფილოსოფიურია, რომ სრულიად ვერ გამოუყენებია ხალხისა და ქვეყნის ხელმძღვანელობისათვის. „საჭიროა,—სწერს ის,—ჩვენი ქვეყნის შესწავლა და დამყარება ისტორიული, ეტნოგრაფიული და ეკონომიური მეცნიერებისა ჩვენში... ესევე არის პირდაპირი მოვალეობა იმ ახალგაზრდობისა, რომელიც უმაღლეს განათლებას იღებს რუსეთის სხვა და სხვა ქალაქებში“.¹

რუსი-ხალხოსნების ერთი დამახასიათებელი თვისება კიდევ ის იყო, რომ ისინი უარყოფითად უყურებდნენ კაპიტალისტურ წყობილებას, რომელმაც წარმოშვა პროლეტარიზაცია საშინელი ტანჯვითა და მწუხარებითა. მათი მიზანი იყო, ხალხი წაეყვანა ისეთი განვითარების გზით, რომ ეს განვითარების სტადია თავიდან აეცილებინათ. ასეთმა შეხედულებამ წარმოშვა კულტი თემობრივი წყობილებისა, რომლის საფუძვლების განვითარება, ხალხოსნების რწმენით, მისცემდა ხალხს საშუალებას უშუალოდ სოციალიზმში გადასულიყო.

ჩვენი ხალხოსანი-მწერლების მსოფლ-მხედველობაში, ზოგიერთისაში მაინც, თემობრივი წყობილების კულტს, მართალია, მნიშვნელოვანი ადგილი უჭირავს (ამას ქვევით დავინახავთ), მაგრამ კაპიტალისადმი ასეთი მტრული შეხედულება-კი მათ არ ეტყობათ. ყოველ შემთხვევაში, ისინი თითქოს კაპიტალის ძალის არსებობას ურიგდებოდნენ. „დღეს ყველა თვალხილულისათვის,—სწერს „იმედის“ თანამშრომელი დ. აბდუშელიშვილი,—ცხადია, რომ მეცნიერებით დაიარაღებული კაპიტალი, რომელმაც ხალხს ხელიდან გამოაცალა ძიწა და ხელფეხის მეტი არა დაუგდო რა, დღეს თუ ხვალ ჩვენი გვესტუმრება, და აბა რას გვირჩევს ჩვენი ლიტერატურა?—ხმასაც არ იღებს, ყურსაც არ ანძრევს... თითქოს ჩვენი ქვეყნის ყველა კუთხიდან იწერებიან სიღარიბეს და სიღატაკეს გლეხისას, რომელიც ღმერთს თაყვანსა სცემს, თუ კი დღიური ლუკმა-პურბი არ შეჰოაკლდა, ტანზე ძველი შალის ჩოხა და ფეხზე ქალამანი მაინც არ შემოაცვდა... ყო-

¹) გრ. ყიფშიძე—თავიდან თუ ბოლოდან (შენიშვნა ჩვენი სტუდენტების მიმართულებაზედ)—„იმედი“, 1881 წ. № 5, გვ. 105.

ველივე ეს კარგად ვიცით და კარგად ვხედავთ, რომ, მებატონის გადასახადს გარდა, ჩვენ გლახს საზოგადო და სახელმწიფო გადასახადიც არ აკლია; მაგრამ ჩვენი ახლანდელი ლიტერატურა, ნაცვლად მისა, რომ... გლახობის ნამდვილი ეკონომიური მდგომარეობა დაენახებინა, გვარწმუნებს, რომ ჩვენებური გლახი ბევრად უფრო მდიდრათა ცხოვრობს, ვინამ გგონიათო¹.

და აი „იმედის“ ერთ-ერთი საუკეთესო თანამშრომელთაგანი და ჩვენი ხალხოსნობის ერთ-ერთი ნიჭიერი გამომხატველი სტ. კრელაშვილი უფრანლი „იმედის“ შემდეგს ნომერში, თითქოს დ. აბდუშელიშვილის აღნიშნული წერილის საპასუხოდ, არჩევს არდაზიანის მოთხრობას „სოლომონ ისაკიჩ მეჯლანუაშვილს“ და შემდეგს საგულისხმიერო შეხედულებას გამოსთქვამს: „ერთი სიტყვით,—სწერს ის,—მეჯლანუაშვილი და კიდევ მეჯლანუაშვილი. ეს არის თავი და ბოლო ჩვენი ცხოვრების ბორბალისა. ეს ამშვენებს და აძლევს სპეტაკ ფერს დღევანდელ ჩვენ უფერულობას. ყველანი გულწრფელად ვიტყვი, რომ უამისოთ ჩვენ ჩალათაც არ ველირებოდით. ამიტომაც მეჯლანუაშვილს შეუძლიან ამჟათ და გულდაგულ შეკუროს ქვეყანას, რომლის უმთავრეს მოვალეობას შეადგენს—დაუთმოს ყველგან უპირველესი ადგილი... რომ მოკლეთა ესთქვათ, მეჯლანუაშვილი გახლავთ ყველაფერში მოწინავე პირი ჩვენი ცხოვრებისა, ნამდვილი იდეალი მთელი ხალხისა.

„რის წყალობით დაუქვრია,—განაგრძობს აზრის განმარტებას სტ. კრელაშვილი,—ჩვენს გმირს ასეთი მაღალი ადგილი, რით გამხდარა ასეთ მოწინავე პირათ?—ჯერ პირველათ იმითი, რომ იმას ზურგზე აკრამს ვეებერთელა ტოპრაკი, პირამდის გაქედილი თითქმის ერთი მთლიანი თეთრი ფულით; მეორე კიდევ იმიტომ არის იგი ძვირფასი, რომ ეს ამოტელა ფული იმას უშოვნია თავის საკუთარი ოფლით, თავის მეცადინეობით“².

სტ. კრელაშვილი ცხადლივ ხედავს, რომ ეს მოვლენა ჩვენი ცხოვრებას ბუნებრივი და აუცილებელი გზაა. ეს მოვლენა „ჩვენი ცხოვრების ნამდვილი ყვავილია“. „საქმე არც სოლომონის პიროვნებაზეა,—სწერს კათეგორიულღს ტონით სტ. კრელაშვილი,—ის არ იქნება, სხვა იქნება... საქმე თითონ იმ საზოგადოებაზეა, იმ ცხოვრებაზეა, სადაც ამისთანა პირები თამამად დაიარებიან, სადაც ცხოვ-

¹) დ. აბდუშელიშვილი — ბიბლიოგრაფია — „იმედი“ 1881 წ. № 1 გვ. 105.

²) სტ. კრელაშვილი — ჩვენი ცხოვრების ღვიძლი შვილი — „იმედი“ — 1882 წ. № 2, გვ. 59-60.

რება თითოთ გვაჩვენებს მათზე და თავმომწონეთ გვეუბნება: „აჰათ, ესე არს ძეალი ძეალთა ჩემთაგან და ხორცი ხორცთა ჩემთაგან! ამა- შია ჩემი დიდება და სასოება. ეს არის ჩემი ძალა და ღონე. აბა ვის შეგიძლიანთ ხმა გაგვცეთ ან სოლომონაებს ან მე. სოლომონი გა- ვამდიდრე, ავაყვავე... მაგივრათ, ათასი სოლომონისთანა ობოლი შემოვიწარცხე და ვინაცვალე“. სტეფანე კრელაშვილი ქვევით უფრო გარკვევით აღნიშნავს მეჯღანუაშვილთა წარმოშობის აუცილებლო- ბას: „მეჯღანუაშვილი კი არა, თვით უცუდესი ქვეყნის გამომწუწნავე რომ ერთს დღეზე ამოაგდოთ დედამიწის ზურგიდგან, მაინც ხვალე თქვენი გაშტერებული თვალები დაინახავენ, რომ იმათი ადგილები სხვებს დაუქერიათ, მათ სკამზე სხვები გამოქიმულან. იმიტომ რომ... ყველა ჩვენთაგანში ცხოვრების უარაქათობამ ღრმად ჩანერგა ფუ- ლის მოყვარეობა... ყველას ფული მიგვაჩნია უღონიერეს იარაღად ნეტარების და სიამის მოსაპოებლად“. და რომ მეჯღანუაშვილს და გაფულიანების მოვლენას სტ. კრელაშვილი უარყოფითად არ უყუ- რებს, რომ მეჯღანუაშვილების და დაბალი ხალხის შორის ერთგვარ ნათესაობასაც-კი ჰხედავს, ამას ის იქვე გამოსთქვამს: „ისა (ე. ი. მეჯღანუაშვილი—ჟ. ზ.) და ათასი იმისთანა სულყველა უბრალო, დაბალი ჩამომავლობისანი არიან. მათ მამა-პაპებს ჩვენსავეით შა- ვი სისხლი უღუღდათ ძარღვებში“¹. ავტორს მეჯღანუაშვილის უხეშობის გამართლებაც უნდა, ამ თვისების განვითარების მიზეზს მის გარემო აუტანელ ცხოვრებაში ჰხედავს: „ცხოვრებამ, — სწერს იქვე სტ. კრელაშვილი, — ქვეყნის ეკონომიურმა მდგომარეობამ გაუ- ქირა იმას (მეჯღანუაშვილს) საქმე იქამდის, რომ მარტო ტალახში დაინახა მან სიცოცხლის წყარო“.²

ასეთი შეხედულობით აიხსნება, რომ „იმედის“ თანამშრომლე- ბი დიდს ყურადღებას აქცევენ ვაქრობა-მრეწველობის განვითა- რებას. აკი „იმედის“ თანამშრომელს ჩვენი ცხოვრების წინმსვლე- ლობისათვის საჭიროდ მიაჩნია ბაზრის გაჩენა. „ხეირიანად მეურ- ნეობის წაყვანა, — სწერს ვინმე***, — რამდენადაც პატრონის ცოდნაზე, იმდენად ხეირიან მაზანდაზედაც და ნაწარმიების გასალებაზედ არის დამოკიდებული“. ამიტომ, მისი შეხედულებით, საჭიროა სასოფლო ბაზარი: „ერთი უმთავრესი მუწუკი, — ამბობს ის, — ჩვენი მეურნულ

¹) სტ. კრელაშვილი — ჩვენი ცხოვრების ღვიძლი შვილი — „იმედი“ 1881 წ. № 3-4 გვ. 25.

²) იქვე — გვ. 26.

ცხოვრებისა არის ისეთის ადგილის უქონლობა, საცა ყოველ მემამულეს შეეძლოს ქირნახულის რიგიანად გასაღება“¹⁾.

ამ აზრს უფრო გარკვევით ანვითარებს ნ. ხ—ი „ივერიის“ ეკონომისტს რომ აკრიტიკებს: „ჩვენ ვამტყიცებთ მხოლოდ იმ აზრს, —სწერს ნ. ხ—ი, — რომეკონომიურ ცხოვრებაში მიწის მუშაობა თანდათან ნელ-ნელა ჰკარგავს უწინდელს თავისდიდს მნიშვნელობას და საპატიო ნაწილს მფლობელობისას უნებლიედ უთმობს სხვა ეკონომიურ ფაქტორებს. მაგ. ქარხნულ მრეწველობას, ვაჭრობას და სხვს. ამას ცხადად ამტყიცებს ეკონომიური ისტორია“²⁾.

რუს ხალხოსნებთან შედარებით ჩვენი ხალხოსნების მსოფლ-მხედველობა განსხვავდება ეროვნული საკითხის გადაქრითაც. მაშინდელი საქართველოს პოლიტიკური მდგომარეობა მეტად უმწეო იყო. მთელი ხალხი დამონებული იყო პოლიტიკურადაც და ეკონომიურადაც და სრულს განადგურების გზაზე იდგა. ჩვენი თავად-აზნაურობა, ეკონომიურად დარღვეული და გაკოტრებული, ადვილად შეიქმნა მოსყიდული რუსეთის მთავრობის შიერ და თავ-დავიწყებით დაიწყო აცოცება ჩინოვნიკურ და ბიუროკრატულ კიბეზე. ისინი ცხოვრებას ისე უყურებდნენ, როგორც სოფ. მგალობლიშვილის მიერ დახატული გმირი ლექიაშვილი. „ბევრი ადამიანი ასეა:—გადუშლის ლექიაშვილი ცოლს თავისებური გაგებით ცხოვრების ფილოსოფიას, —ბევრი მოხვდება ცხოვრებაში: ზოგან ქი-მუნჯს წაჰკერენ, ზოგან წკიპურტს, იქნება სახრეც მოჰხედეს, მაგრამ აწინდელ ცხოვრებას მაინც არ უნდა ჩამორჩე. უნდა იწიო მალლა-მალლა და ახვიდე სასსახურის კიბის ზემო საფეხურზე“³⁾. ხალხი კი, თუმცა თითქოს უფლება მინიჭებული იყო (ბატონ-ყმობა მოსპობილი იყო), მაგრამ სილატაკე და უკულტურობა მას თავს მალლა ვერ აღებინებდა. ქვეყნის პოლიტიკური შევიწროებაც საშინელ მძიმე უღლად აწევბოდა სწორედ მას, ხალხს.

ამ გარემოებას არ შეიძლებოდა ჩვენს ხალხოსნებზე თავისი მწვავე დალი არ დაესვა, ნაციონალური საკითხი არ ჩაემატებინა და მტკიცედ არ ჩაეწნა. მათს მსოფლ-მხედველობაში. ოღდეს, ვინც უყუ-

¹⁾—„რამოდენიმე სიტყვა ჩვენს მეურნეობაზე“,—„იმედი“ 1881 წ. № 1 გვ. 59—60.

²⁾ ნ. ხ—ი—„ივერიის“ ეკონომისტი—„იმედი“ 1892 წ. № 9—10; გვ. 82

³⁾ სოფ. მგალობლიშვილი—წითელი სარჩული—გვ. 48. ტ. II.

რებს ჩვენს ცხოვრებას,—სწერს სტ. კრელაშვილი,—ქართველი კაცია, თუ უცხო ქვეყნელი, ყველას უკვირთ, რომ მთელი ჩვენი სამშობლოს შინაგანი, თუ გარეგანი არსებობის აქტი ხდება სხვა ქვეყნელების ხელით:—ვაჭრობა გინდა—სხვის ხელშია, გამგეობა ჩვენ ბედისა სულაც არ გვეკითხება ჩვენა, მისვლა-მოსვლაში სხვას შევეყურებთ. ერთი სიტყვით, დაგვწოლია კისერზედ ცხრათავიანი დევი და ჩოველ ჩვენ საქმეს იგი ასრულებს, რასაკვირველია, ჩვენდა საზარალებლად, იგი სუნთქავს ჩვენს მაგივრად, იგი ფიქრობს ჩვენი ტვინის საფიქრებელზედა და სხვანი. ეს დევი გახლავთ ჩვენი დაწყველილი ბედი, ჩვენი ცხოვრების გარემოებანი¹.

აი სწორედ ამ გარემოებამ მისცა ნიქიერ ხალხოსან-მწერალს სოფ. მგალობლიშვილს მასალა ასეთი გესლით და დაუნდობლობით დაეხატა ჩინ-მენდლებისათვის გამყიდველი ქართველი ინტელიგენტი ლეკიაშვილის სახით, მოთხრობაში „წითელი სარჩული“.

ლეკიაშვილებს, რომელთაც სამშობლოს სალაროში ხელუკუღმათვიანთი წვლილი შეჰქონდათ, მასების ბედის გამზიარებელი ხალხოსნების შეხედულებას სოფ. მგალობლიშვილი აპოლოს პირით ეტყვის: „ისტორიის კვლევა სხვა არის, კაცური კაცობა კიდევ სხვაა, შუადიდი ზღვარი უდევთ. რად გვინდა შენი ისტორიკოსობა, თუ ღღევანდელ დღეს პირნათლად არ ემსახურები, თუ შენ ახალ თაობას ჩაჰკლავ, ენას მოჰკლავ, ენას მოჰკლევჯ და წმიდათა-წმიდას შეუგინებ“².

ასეთია შეხედულება ჩვენი ხალხოსნებისა. ეროვნული გრძნობა ჩვენს ხალხოსნებში უდაოდ მძლავრი და საზრუნავი საკითხია. მაგრამ დაბრმავებული პატრიოტიზმი, შოვინიზმი მათ არ ეპიტნავენბათ. ხალხოსნები თვით ცხოვრების წიაღიდან არიან გამოსულნი, მათ გამოიარეს ხალხის ცხოვრების სიღუბეპირე, განიცადეს ხალხის ტკივილი. ამ გარემოებამ მათი ფიქრი და მისწრაფება ცხოვრების სინამდვილეს მიაჯაჰვა და მათ მიმართულებას რეალური ხასიათი მისცა. აკი საუკეთესო რეალისტ-მწერლებად ჩვენს ლიტერატურაში (ასევეა რუსეთშიაც) ხალხოსნები უნდა ჩაითვალნენ. ხ ა ლ ხ ო ს ნ ე ბ ს უ კ რ ი ტ ი კ ო დ, ხ ა ლ ხ ი ს ი ნ ტ ე რ ე ს ე ბ ი ს გ ა რ ე შ ე ა რ ა ფ ე რ ი ს წ ა მ თ. ა რ ც პ ა ტ რ ი ო ტ უ ლ ი, მ ა მ უ ლ ი შ ვ ი ლ უ რ ი გ რ ძ ნ ო ბ ა უ ნ დ ა თ ა ღ ნ ი შ ნ უ ლ პ ი რ ო ბ ე ბ ს გ ა რ ე შ ე. მათ არ მოსწონთ გადაპარ-

1) სტ. კრ-შვილი, — ძვირფასი მხარე ჩვენი წარსული ცხოვრებისა, „იმედი“—1882 №№ წ. 7—8 გვ. 38—39.

2) სოფ. მგალობლიშვილი—წითელი სარჩული გვ. 61.

ბებული, უსაფუძვლო ლაპარაკი ქართველი საზოგადოების გზა-და-ფანტული წვერებისა, რომელთაც პატრიოტობა პირადი სარგებლობის და სახელის მოხვეჭის მიზნისათვის უნდათ. ამ პატრიოტებს, ხალხოსნების შეხედულებით, ნამდვილი არსი ამ გრძობისა არა აქვთ შეთვისებული და გათვალისწინებული. „ვინც კერძო საქმეს ადგა, — გესლიანად სწერს სტ. კრელაშვილი, — და აკეთებს რასმე სამშობლოს სახელით, იმას შეუძლიან ერთი თვალის დახამხამებაზე უდიდესი სახელი დაიმსახუროს მამულის მხსნელებ შუა, და ვისაც განსაზღვრული სახელი არა აქვს, ან არ შეუძლიან, არც ის არის სამუდამოდ იმედმიხდილი, რომ მამულისადმი არ მიუძღვოდეს რაიმე ღვაწლი: იმას ნება აქვს მინიჭებული, რომ თავისი მდიდარი სუფრიდან თითო-ოროლა ნალირლნი ლუკმა, რომელიც ძალს უნდა რგებოდა, გადაუგდოს საწყალ ლაზარე-საქართველოს, ან თუ ფული ვერ გაუშეტებია, აქოს და აღიდოს ჩვენი პატრიოტები, სადაც კი შეჰხვდება, თეატრში უყვიროს ჩვენ აქტიორებს და მეტადრე აქტირებს „ბრაო“ და „ბისი“, შეერთებული ხმამალა ტაშის კვრასთან, და მეტიც საჭირო არ არის, მისი სახელიც პანთეონში გამოიქიმება. ამიტომაც ვხედავთ, რომ ჩვენი პატრიოტების რაზმს შეადგენს ჩვენი თავად-აზნაურობა. გლებობა ამ მაიმუნობას ვერც გაიგებს და არც მონაწილეობას მიიღებს. იმას უჩვენე ნამდვილი საქმე და ჭკვიანი აზრი¹. მაშინ სრულებით სხვა მოთხოვნილებებს წაუყენებენ იმათ, ვინც მოინდომებდა ნამდვილ პატრიოტებში ფეხის შედგმას, მაშინ თვითონ ეროვნული კითხვები სხვა ნიადაგზე აშენდებოდნენ“².

ამიტომ ჩვენ, ხალხოსნებს, რათა ცრუ პატრიოტების ყვირილს ფასი დაუქარგონ, პატრიოტულ გრძობაზე ლაპარაკი ზედმეტადაცი მიიჩნიათ. „თითქოს ქვეყანაზე, — გესლიანი კილოთი სწერს სტ. კრელაშვილი, — გარდა ათასში ერთი მახინჯისა, მოიძებნებოდეს სალი კაცი, რომელსაც ან თავისი სამშობლო არ უყვარდეს და მისი ენა... თითქო (ვისმე) შეეძლოს, რომ წაგვართვას, გამოგვწუნოს ისა, რაც ჩვენ სხეულს შეუთვისებია და ბუნებათ გადაუქცევია“³.

ჩვენი ხალხოსნების შეხედულებით, ეროვნული გრძობა ჩვეულებრივი, ბუნებრივი გრძობაა სალი ადამიანისათვის. და ამ ეროვნულ

1) კურსივი ჩვენია.

2) სტ. კრ—შვილი — მამულის 'შვილი — „იმედი“ 1881 წ. №. № 10 — 11 — 12, გვ. 94.

3) მისივე — ქართული მწერლობა — „იმედი“ — № 1, გვ. 92.

გრძნობის ღირებულება, მათი გაგებით, იმდენადაა ღირებულების მატარებელი, რამდენადაც ხალხის მდგომარეობის გაუმჯობესებას ემსახურება. „ერთი და იგივე მამულის შვილი, — სწერს სტ. კრელა-შვილი, — განირჩევიან ერთმანეთისაგან არა მამულის სიყვარულით, არამედ იმითი, თუ რომელი მათგანი მომეტებულ სამსახურს გაუწევს თავის სამშობლოს. მაშასადამე, — დაასკვნის ავტორი, — ჩვენი პირდაპირი მოვალეობაა გამოვიკვლიოთ ჩვენი ქვეყნის მდგომარეობა, მისი ისტორიული მიდრეკილებანი, ტრადიციები, მისი ჩვეულებანი, მატერიალური გარემოებანი, მისი ავი და კარგი, მოკეთე და მტერი, ერთი სიტყვით, მთელი მისი ავან-ჩავანი.¹ რომ ამით წარმოდგენილი გექონდეს მისი ფიზიონომია და, შეძლებისა და გვარად, მივცეთ მას ხელი, ვაჩვენოთ გაუმჯობესების საღსარი და შეუდგეთ იმ გზას, რომელიც დააყენებს წარმატებისაკენ.“² აქაც გარკვეულად და მძლავრად გვესმის ხალხის საკეთილდღეოდ მთელი ენერჯის მიმართვის აუცილებლობა, რომელიც წითელი ზოლივითაა გატარებული ჩვენს ხალხოსნურ ლიტერატურაში და რომელიც თავისებურ გეზს აძლევდა ჩვენი ხალხოსნების მოღვაწეობას ყოველ სფეროში.

ხალხოსნები არა მარტო ასეთს კულტურულ მიზანს და დანიშნულებას უყენებენ ეროვნულ გრძნობას და პატრიოტს, არამედ ისინი უფრო მეტის გარკვევით, და იმ დროისათვის გაბედულად, გამოსთქვამენ თავიანთ ეროვნულ სურვილებს. „ყოველ ისტორიულს და კულტურულს ერს, — სწერს ნიკო ხიზანაშვილი, — ბუნებრივი უფლება აქვს თავის უფალი, დამოუკიდებელი არსებობისა, ისტორიული და ეროვნული სახის, პირის და ცვისა... ჩვენ ღრმად ვართ დარწმუნებული, რომ ამ დედააზრის დასარღვევად არც ერთი მტერი კაცობრიობისა და, ცალკე ხალხის წარმატებისა ვერ წარმოადგენს არა რაიმე შესაწყენარებელ საბუთს, გარდა რომელიმე პოლიტიკური მოსაზრებისა. და ეს უკანასკნელი ხომ მეცნიერებაზე არ არის დამყარებული, მას ხომ დროებითი მნიშვნელობა აქვს.“³

1) კურსივი ჩვენია.

2) სტ. კრ — შვილი — მამულის შვილი — „იმედი“ — 1881 წ. №№ 10—11—12 გვ. 77.

3) ნ — ო ხ — ი. — მცირედი რაიმე ჩვენს „მამულის შვილობაზე“ — „იმედი“ 1882 წ. №№ 11—12 გვ. 51.

ჩვენი ხალხოსნები, როგორც ცხოვრების დუღილის მორევში გამოსულნი, აწკაოსი და მომავლის შვილები არიან. მათი მთელი გულისყური აწკაოს გაუმჯობესების და უკეთესი მომავლის გამოქედვისაკენაა მიმართული. ამიტომ ვერ ეგუებიან იმ პატრიოტებს, რომელთათვისაც „დიდება ივერიისა“ წარსულში იყო დამარბული და წარსულის დიდებით თავი დიდათ მოჰქონდათ და კმაყოფილების ალერსით ითვრებოდნენ. „არ შეიძლება,—სწერს ნიკო ხიზანაშვილი,—წარსული აღიარებული იქნას ცხოვრების დასაბამად და დასაწყისად, რადგანაც ეს წინააღმდეგი იქნებოდა საზოგადო წარმატების კანონისა!... ეს უკანასკნელი (ბედნიერი მომავალი) უნდა იყოს მიზანი ხალხისათვის მოღვაწე პირთა. ამისათვისაც საჭიროა წინ ცქერა და არა უკან ხედვა, გოდვა ჭ ტირილი კი არა წარსულზედ, მხიარული სიმღერა კეთილ მომავალზედ... თუ აწკაო შევითა და ბნელით მოცულია, ეს კიდევ იმას კი არ ამტკიცებს, რომ წარსული ელვარებად წმინდა ნათელით; თუ კიდევ აწკაო ქვევით სდგას წარსულზედ, აქედან ის დასკვნა არ გამოდის, რომ წარსული უნდა შეადგენდეს ჩვენს „წმინდათა-წმინდათასა“²

ჩვენს ხალხოსნებს ეროვნული გრძნობის გაგებაც არა აქვთ ეიწრო პატრიოტული, რომელსაც კაცი ზოოლოგიურ შოვინიზმამდის მიჰყავს: მომეტებულად აყვარებს თავისს ყველაფერს, ხოლო სხვისას, ავი იქნება, თუ კარგი, განუსაზღვრელად გულითა და სულით აჯაერებს. „იმედის“ თანამშრომელნი ხერხიანად სარგებლობენ ამ ცნების განმარტებით, რომ თავიანთი რადიკალურ-რევოლიუციონურ-დემოკრატიული მისწრაფებანი გამოსთქვან და გაჰფანტონ მკითხველ მასებში. „მე, როგორც ნამდვილი პატრიოტი (!),—გაკვირვებული და აღშფოთებული მოკამათის ტონით მიჰმართავს პატრიოტებს ტატალა³, — უნდა მიყვარდეს ჩემი სახელმწიფოსა ყველაფერი და ამ ყველაფერში უნდა იგულისხმებოდეს მთელი ის უწყესობაც... რომელიც ხდება გარეშე ჩემისა: მიყვარს ის სახარზობელა, რომელმაც მოუსწრო დღენი მშვენიერ ახალგაზრდას... მიყვარს ის უშველებელი ციხეებიც, რომლებშიც აგერ სული ხდებათ იმორტელა

1) აქ ნიკო ხიზანაშვილს და „იმედს“ მხედველობაში ჰყავსთ „დროება-ივერიის“ თანამშრომელნი და მათ მიერ ეროვნული გრძნობის შესახებ გამოთქმული აზრი.

2) ნ—ო ხ—ი.—„მცირედი რაიმე ჩვენ „მამულის შვილობაზე“—„იმედი“ 1882 წ. №№ 11—12 გვ. 53.

3) „იმედის“ ერთ-ერთი ნიკიერი თანამშრომლის ფსევდონიმი.

ხალხს, ბრალიანს და უბრალოს, სამართლის მოლოდინითა და განუსაზღვრელი უსაქმურობით. მიუვარს აგრეთვე ისა, რომ ჩვენში გამართლებას იპოვის ფულით, გინდა უშველებელი დამნაშავე იყოს... უნდა შეჯავრებოდეს,—განაგრძობს ტატალა თავის პოლიტიკურ-სოციალური მსოფლმხედველობის გადაშლას,—ხალხთა თვითმპყრობელობის აზრი, რომელიც ქადაგებს, რომ ხალხი... არა ჰგავს ცხერის ფარას, ანუ ცხენის ჯოგს, ამიტომ იმას უნდა ჰქონდეს სრული უფლება თავისი ბედ-იღბლის მომართვისა სურვილისამებრ თვისაო“.¹

და ტატალამ რომ უფრო გამოამზეოს თავისი შეხედულებანი, მეტად გაბედულად გაშლის თავის აზრების ფრჩხილებს: „რათ უნდა შეჯავრებოდეს?—კითხულობს ტატალა და თვითონვე არა ორაზროვნად უპასუხებს:—რათა და იმათა, რომ... ხალხი ჩვენს თვალში მართლა და მართო ცხერის ფარაა, რომელსაც ჰკრეკენ მოხერხებული მწყემსები... ვემტერებოდე იმ აზრს, რომელიც თხოულობს შემდეგ სამართლიან წესიერებას: რად განაჯც ყოველი სარჩო მოიპოვება მხოლოდ შრომით, რად განაჯც ყოველი ნივთი გაკეთებულია მხოლოდ მუშის ხელით, ამიტომ ყველაფერი უნდა შეადგენდეს იმის საკუთრებას, ვისაც ის გაუკეთებია.“² მანამდის ასეთ გვარად არ იცვლის ყველაფერი ფერს, მანამ უბედურება კაცობრიობისა კი არ იკლებს, დღითი დღე იმატებს... მე, როგორც ნამდვილმა პატრიოტმა, უნდა ყოველი ღონისძიება ვიხმარო ამ აზრის დანერგვისათვის... იმიტომ რომ ჩვენში სარჩოს მოპოება ცარცვა-გლეჯაზეა აშენებული და ზემოთ მოყვანილი საშიში აზრი ჩვენ მიწა-წყალზე არ დაბადებულა“.³

აქიდან ხალხოსნების რადიკალური და ფართო შეხედულებანი ეროვნულ საკითხში ცხადია.

ჩვენი ხალხოსნები არამც თუ ეროვნულ შეხედულებას ვიწროდ არ ჰფარგლავენ, პირიქით, მათი ღრმა რწმენით, რაც ბევრი ქკუა შეერთდება ერთად, ბევრი ხელი და ფეხი, ზურგი და წელი მიეცემა ერთს საყოველთაო შრომას, რაც უფრო დიდათ ეყვარება ყველას ერთმანეთი, მით უფრო ბევრი საქმე გაკეთდება, მით უფრო მომეტებული დღეგრძელობა ჩამოვარდება კაცობრიობაში. „ვისაც მართლა თავისი ხალხი უყვარს,—სწერს ტატალა:—იმას იმავე სიყვარულით უნდა უყვარდეს მთელი ქვეყნიერებაც, რადგან მისი

1) ტატალა—პოლიტიკა—„იმედი“ 1881 წ. № 2 გვ. 157—159.

2) კურისვი ჩვენია.

3) ტატალა—პოლიტიკა,—„იმედი“, 1881 წ. № 2 გვ. 159—160.

ხალხისათვის საჭიროა ქვეყნიერების დახმარება და ქვეყნიერებისათვის კიდევ იმისი ხალხისა¹. აი ნამდვილი პატრიოტობაც და მამულის სიყვარულიც ეს არის². ცხადია, ჩვენი ხალხოსნების შეხედულებაში ეროვნული გრძნობა უფრო ფართე ფარგლებში იშლება. ცხადია, ამ მხრივ, ხალხოსნები ეროვნულ საკითხს სულ სხვა ფართე გეზით სემენ. აკი ჩვენი ხალხოსნები პრაქტიკულ მოღვაწეობაშიაც ასეთს გეზს ატარებდენ. ადგილობრივი რევოლუციონური ჯგუფი ჩვენი ხალხოსნებისა მიზნად ისახავდა მოემზადებინა „მთელი კავკასიის მოსახლეობა, განურჩევლად ეროვნებისა, საერთო აჯანყებისათვის, იმ მომენტში, როდესაც შიდა რუსეთში დაპყრავდა ბრძოლის საათი“³.

ყველა აღნიშნულიდან უდაოა, რომ ჩვენი ხალხოსნებისათვის ეროვნულ საკითხს და გრძნობას, მაშინდელი პოლიტიკური მდგომარეობით გამახვილებულს, არ დაუკარგავს სიმწვავე და სიმკვეთრე. ეროვნული საკითხი ჩვენი ხალხოსნებისათვისაც მტკივნეული და საჭირობოროტო საკითხია, მაგრამ ეს საკითხი არა ჰნთქავს მთელ მათს შემოქმედებითს ნიქს და უნარს, როგორც ამას თერგდალეულების მოღვაწეობაში აქვს ადგილი. მათ პრიორიტეტი ხალხის (გლეხკაცობის) სოციალ-ეკონომიური მდგომარეობის საკითხს მიანიქვს და ამ საკითხის გადაჭრა დაუდეს საფუძვლად მომავალ ქვეყანას, სადაც ადამიანური ცხოვრება უნდა დამყარებულიყო (ნ. ლომოური, ს. მგალობლიშვილი, შაქრო, ტატალა და სხვანი).

3.

80-იანი წლებისთვის ჩვენი ხალხოსნები პოლიტიკაში გულბრყვილო ოცნების მიმყოფნი აღარ არიან. პოლიტიკაშიც სიფხიზლეს იჩენენ. ყოველსავე მოვლენას ზომავენ ხალხის და კაცობრიობის კეთილდღეობის თვალსაზრისით. როდესაც ეცნობით „იმედს“, გაგაკვირვებსთ და სასიამოვნოდ განგაცვიფრებსთ მის თანამშრომლების აზრის გამოთქმის სითამამე და გაბედულება. შეიძლება ითქვას, იმ დროინდელი რუსეთის პრესა ხშირად „იმედის“ თანა გაბედულებას ვერც კი იჩენდა. ამ გაბედულებასა და სითამა-

1) კურსივი ჩვენია.

2) ტატალა — პოლიტიკა — „იმედი“ 1631 წ. № 2, გვ. 161.

3) შ. დავითაშვილი — მოგონებანი — „რევოლუციის მატინე“, 1923 წ. № 3, გვ. 204.

მესთან ერთად ჟურნალ „იმედის“ თანამშრომელთა შორის ბევრია საკმარისად დაჯილდოებული პუბლიცისტური ნიჭით და პოეტური-თაქ. ამიტომ „იმედი“, როგორც მგრძნობიარე ბარომეტრი, ისე აღნიშნავს ხოლმე ყოველსავე საზოგადოებრივ საქირბოროტო მოვლენას. ყოველ შემთხვევაში, ამა თუ იმ მოვლენას თუ საკითხს შეძლებისა დაგვარად მოურიდებლივ ხალხის მასების საკეთილდღეოდ აშუქებს და სწვევებს ხოლმე.

იგივე ტატალა თავის პოლიტიკურ მიმოხილვაში იხილავს ომის რე მის მნიშვნელობის საკითხს რე საკმარისად თამამად გამოსთქვამს ხოლმე სწორს, მოწინავე, დემოკრატიულ შეხედულებას: „კაცი, რო ღრმად იყურებოდეს ქვეყნიერების ცხოვრებაში და არა ჰქონდეს გარშემო გასართობი, სწორეთ რომ ჰკუაზე უნდა შესცდეს: რა ნაირი სისაძაგლე გინდა, რომ იქ არა ტრიალებდეს! მაგრამ ამაზე უშველებელი და წარმოუდგენელი სისაძაგლე კი არ იქნება, როგორიც არის საზოგადოდ ომიანობა, კაცთა ჟლეტვა და მუსერა. მერე ისიც... დამყარებული სამხედრო მეცნიერებებზე!“¹.

ტატალა, გონება-მახვილობით აღნიშნავს რა კაცის მკვლელობის წინააღმდეგობას ადამიანის ბუნებასთან რე ხალხის ეკონომიურ ცხოვრების ინტერესებთან, ბოლოს დაასკვნის: „კიდევ ჯანი გავარდნოდა, რომ ომიანობას მარტო ხალხის ღროებითი გამუსერა და ხანგრძლივი ეკონომიური სიჯანდაგე მოსდევდეს,—ძნელი ის არის, რომ ამ უშველებელ ვაი-ვაგლახთან ერთი ისეთი თვისება სჭირს, რომელიც ყოველ სხვა ზარალს აღემატება და ყველაზე ძლიერ სწევს უკან მთელი კაცობრიობის გონებითა და ზნეობით ამაღლებას... ეს თვისება არის ხალხთა შორის სიძულვილი, ნაციონალური მტრობა, ისეთი ჭირი, რომელსაც ცალი და ბადალი არ გამოუჩნდება ქვეყნის უბედურებაში და რომელიც სრული შედეგია ომიანობისა“². აქედანაც ცხადია ინტერნაციონალური მიდრეკილება ჩვენი ხალხოსნებისა.

ამასთან ერთად „იმედს“ და მის თანამშრომლებს მთლიანად რევოლუციონური მოძრაობის ჟინი ჟღინთავს. ისინი ხალხში რევოლუციონური იდეების გაღვივებას მიზნად ისახავენ. არც ერთს მოვლენას, რომელიც მათ აძლევდა შესაძლებლობას ხალხის საკეთილდღეო მისწრაფებანი გამოეტანათ ცხოვრებაში, არა სტოვებდნენ უპასუხოდ და აუნიშნავდ. ცენზურა, რომელიც რუსეთის განჰანთავისუფლებელ საზოგადო აზროვნებას რკინის ბქყალებში ხუთავდა,

¹) ტატალა—პოლიტიკა „იმედი“ 1881 წ. № 2, გვ. 148.

²) იქვე—გვ. 157.

აქ, ჩვენში, თითქოს რალაც დაუდევრობას იჩენდა. მაგ. მიხ. გურგენიძე, „იმედის“ რედაქტორი, მოგვითხრობს ალექსანდრე II მოკელის აშბავს, მის შზადებას, ე. ი. რევოლუციონურ მოძრაობის პროცესს და აგრეთვე ახალი იმპერატორის ალექსანდრე III მუქარას. ყველა ამას, რასაკვირველია, აგიტაციის მიზანი აქვს. მაგრამ გურგენიძე ისეთს ებიურ ფორმას აძლევს, რომ მის საწინააღმდეგოდ ალბად ვერაფრის თქმა ვერ მოახერხეს, და ბოლოს იგავის ხერხიანობით დასძენს; „რუსეთის ლიტერატურა-კი ჩვეულებრივ ან უცხადებს რევოლუციონერებს თავის უკმაყოფილებას, ან კიდევ ურჩევს სამეფო სასახლეს მოსკოვში გადასახლდეს. როდემდის უნდა ვატყუოთ ასე ან სხვა, ან ჩვენი თავი. ამგვარი საშუალებები ბევრი დაიხარჯა, მაგრამ ყველა ამაო გამოდგა. რევოლუციონერები მაინც თავისას არ იშლიან. ვერც ამ საშუალებამ, რომელსაც აქამდის მართებლობა ხმარობდა რევოლუციონერთა მოსასპობათ, გააწყო რამე, როგორც ვხედავთ, დრო არის გაიღვიძოს ლიტერატურამ, გამოიფშენიტოს თვალები და შეუდგეს თავის წმინდა მოვალეობას—ამ შემადრუწუნებელი მიზეზის გამოკვლევას და იმის ძირში ამომფხერელი საშუალებების ჩვენებას!“¹.

ჩვენი ხალხოსნები და მათი ორგანო „იმედი“ იმ დროისათვის, რასაკვირველია, საკმარისად მკაფიოდ, ღრმად და სერიოზულად ერკვევიან საერთო სოციალ-ეკონომიურ საკითხებში; საკმარისად სწორი გაგება აქვთ რევოლუციონურ მოძრაობის მოვლენების და მათი გამომწვევი მიზეზებისა. აშას მშვენიერად ამქლავენებს ჟურნალი „იმედის“ თანამშრომელთა და სხვა ხალხოსანთა სტატიები. მოვიტან ციტატას სტ. კრელაშვილის პოლემიკიდან „ივერიასთან“. სტ. კრელაშვილი „ივერიას“ უკიჟინებს, რომ მისი აზრით „აქამდის გამოვადებული შეგირდები იყვნენ არეულობის უსტაბაშებად ტოლსტოის მეოხებით, ეხლა კიდევ ჩინოვნიკების ტყუილა ცილისწამებამ, სიცრუემ და გარყვნილებამ მოიგონა ვილაც სოციალისტები, მართებლობის წინააღმდეგნი, რომლებიც ტყუილ-უბრალოდ დალუპეს ციმბირში!“ „თავი არ უნდა ამისთანა სიბრძნის გამოთქმას!..—შხამიანად შენიშნავს კრელაშვილი,—მე იქნება მომატებული ზიზლით ვუყურებდე საზოგადოდ ყოველგვარ ბიუროკრატიას, ვიდრე გ. თ-მ-ი. მაგრამ საქმე აქ ჩვენს გრძნობაზე კი არ არის, საქმე იმაშია, თუ რამდენად ჩინოვნიკობაა პირველი და უკანასკნელი მიზეზი არეულობისა“. „რუსეთის ახლანდელი მოძრაობა,—განაგრძობს ის,—თითო

¹) მ. გურგენიძე—შინაური მიმოხილვა—„იმედი“ № 2; გვ. 142.

რამე წერილმანით არ აიხსნება: ამ მოძრაობას აქვს თავისი ნიადაგი, სადაც მას გაუდგამს ფესვები და იკვებება ათასნაირი ნაყოფიერი საზრდოთი. ჩვენ იმასა ვკითხულობთ, თუ ვინ ამზადებს ასე უხვად ამ საზრდოს?.. ტოლსტოი დიდი დამნაშავეა ამ საქმეში, მაგრამ ისიც ვიკითხოთ, ტოლსტოესა ჰქონდა ამოდენა შეძლება, რომ მარტო თითონ ეკვებნა ეს უშეელებელი ცეშაპი, რევოლუცია?— შეუძლებელია, რომ ერთმა კაცმა, ისიც სწავლა-განათლების სისტემით, მოახდინოს „სოციალური არეულობა“... უმანკო ანგელოზები რომა ყოფილიყვნენ ჩვენი ჩინოვნიკები, რუსეთი სრულებით დაწყნარებული იქნებოდა? რევოლუციონერები აღარ გაჩნდებოდნენ?.. ჩინოვნიკობასაც ბევრი დანაშაული აქვს ამ მოძრაობაში, იმანაც კაი საზრდო მისცა რევოლუციონერებს... მაგრამ მარტო ჩინოვნიკობას არ შეუძლიან ამოტელა მოძრაობის აღძვრა, სოციალური არეულობის მარტო თავისი ჯიბიდგან მიტანა... თუ მართლა არ შეიძლება ამ საგანზე ლაპარაკი,—მკვახეთ უწერს სტ. კრელაშვილი,—მაშ რათ ლაპარაკობთ? და თუ შეიძლება კიდევ და ამნაირათ არა, ჩემო ბატონო. ეს მართლა ბავშური ლიტერატურაა, როგორც სამართლიანად გაწყენინა უ. აბდუშელიშვილი“¹.

მართალია, ჩინოვნიკების უკუღმართი და უსინდისო საქციელი ერთ მთავარს გაკიცხვის ღ დაგმობის საგნად ღ მოვლენადგადა იქაც ხალხოსანი-მწერლებისათვის—ნიკოლოზის, სოფ. მგალობლის ვილის, შაქროსი ღ სხვათათვის, მაგრამ ისინი თითოეული ცალკე და ყველა ერთად კარგად ხედავდნენ, რომ ჩინოვნიკობა, როგორც ასეთი, არაფერ შუაშია. მათ კარგად ესმოდათ, რომ საერთო ხელსაყრელი მდგომარეობაა საჭირო და მაშინ ჩინოვნიკები თავიანთი შოვალეობის ქეშმარიტი შემსრულებელნი იქნებიან. „ჩვენ ვხედავთ,—სწერს ტატალა,—სხვა სახელმწიფოებს... სადაც ხალხს ვეღარ უყურებენ მგლის თვალებით, სადაც თითონ ხალხი ნებას არ აძლევს თავის დაჩაგვრისას, სადაც პოლიტიკა ძალაუნებურად ემსახურება ხალხის პირდაპირ მოთხოვნილებათა, სადაც ზრუნვენ მთელი სახელმწიფოების ამალლებას, განათლებას, სადაც ჩინოვნიკები ბატონებათ კი არ მიაჩნიათ, არამედ ხალხის წყნარ მოსამსახურებათ ითვლებიან“².

ცხადია და მკაფიო ხალხოსნების მისწრაფება—ცხოვრების მთლიანი გარდაქმნა ახალს საფუძვლზე. უმთავრესი, რაც იპყრობს

¹) სტ. კრელაშვილი—ბიბლიოგრაფია („ივერის“ IV ნომერი)—„იმედი“ 1881 წ. № 3—4—გვ. 61—63.

²) ტატალა—პოლიტიკის მაგიერ, „იმედი“, 1881 წ. № 1; გვ. 151.

მათს ყურადღებას, არის ხალხის ცხოვრების ეკონომიური მოუწესრიგებლობა. ამისათვის პირველ რიგში ხალხის ეკონომიური ცხოვრების გაუმჯობესების პრობლემა აქვთ მათ დასახული. ხალხის მდგომარეობის ეკონომიური უზრუნველყოფა, ხალხოსნების სამართლიანი შეხედულებით, ძირითადი საწინდარია ხალხის ბედნიერების და ამისთვის ადამიანური ცხოვრების პირობების მოპოებისა. მაგრამ ისინი, როგორც ცხოვრების უშუალოდ მკოდნენი, მისი წიაღიდან გამოსულნი, კარგადა ჰგრძნობდნენ, რომ სოციალურ-ეკონომიური კეთილდღეობის მოპოებისათვის ხალხი უნდა შეეცადოს პოლიტიკური თავისუფლების მოპოებასა. „ამ ემად,—სწერს არადელი,— თითქმის მთელ ევროპაში მცნებად არის აღიარებული... და ცხოვრებაში განხორციელებული ერთი აუცილებელი პირობათაგანი საზოგადოებრივი ცხოვრების კანონიერი, სამართლიანი და მართებულ მიმდინარეობისათვის. ეს პირობა გახლავთ თვით ხალხის, ერის მიერ მონაწილეობის მიღება საზოგადო, სახელმწიფო საქმეთა მსვლელობაში. ხალხი თუ ერი დას-დასებად, თემებად თუ სოფლებად დაყოფილი, ირჩევს თავის წარმომადგენლებს... ეს წარმომადგენელნი ხალხის აზრისა და გრძნობისა, მოთხოვნილებათა და სურვილთა, ერთად შეკრებილნი, შეადგენენ ერთს უზენაეს სახელმწიფო დაწესებულებას; ხელმწიფობითი აგებულობის მთავარ ორგანოს“¹.

აქ აშკარადაა გამოთქმული რესპუბლიკანური მიმართულება ჩვენი ხალხოსნებისა: ძალა-უფლება უნდა ხალხის ხელში იყოს; სახელმწიფოს და ხალხის ცხოვრების სრულ-უფლებიანი გამგებელი უნდა თვით ხალხი იყოს.

მაგრამ ხალხოსნები მარტო პოლიტიკური თავისუფლებით არა კმაყოფილდებიან. ისინი სოციალიზმისაკენ მიისწრაფვიან და ასეთ შეხედულებას ააშკარაებენ „იმედის“ ფურცლებზე.

„ბურჟუამ თავისუფლების ძალით,—სწერს ნიკო ხიზანაშვილი,—ტყავი გააძრო მუშა ხალხს. თუ რა შეუძლიან მარტო პოლიტიკურ თავისუფლებას, სჩანს იმ ფაქტიდან, რომ დიდი რევიოლუციის შემდეგ ბურჟუა სულ ლიბერალობს, სულ თავისუფლებას ღაღადებს, სულ ეწინააღმდეგება სახელმწიფო მზრუნველობას და არა მარტო პოლიტიკურ სფეროში, არამედ ეკონომიურშიაც. ნაყოფი ამ ღაღადებისა იშვა, მას ყველა ჰხედავს, იგი ბევრს მოსვენებას არ აძლევს, მისი მრავალთა ეშინიათ. ეს ნაყოფი არის ბურჟუას უკანონო შეი-

1) არადელი—პოლიტიკა—„იმედი“—№№ 7—8; გვ. 162.

ლი, რომელიც ითხოვს უფლებასა და რომელიც ქვეყანაზედ გააჩინა მუდამ ჟამს თავისუფლების ღალატებამ და ამ თავისუფლების, ძალით მეტად თავისუფლად დაბალ ხალხის ყველქამ, გლეჯამ. ამ ნორჩ არსებას ჰქვიან სახელად სოციალიზმი¹.

და ვინ უნდა იყოს, ხალხოსნების რწმენით და განსჯერებით, ამ მომავლის, ხალხის ბედნიერების, სოციალიზმის დამყარების ბურჯად? ვინ უნდა შესძლოს განვლა ამ ძალღ-უმადური ცხოვრების ნარ-ეკლიანი გზისა? ვინ უნდა შეიყვანოს ხალხი ალთქმის ქვეყანაში? ვისი შემწეობით უნდა მოხდეს სოციალიზმის განხორციელება? ვის გამოიყვანს სამოქმედო ასპარეზზე მომავალა?

აი საკითხები, რომლებიც ამ დროს კაცობრიობის ცხოვრების ატმოსფეროს ჟღინთავდა. ჩვენი ხალხოსნები ამ საკითხებს სწყვეტდნენ ისე, როგორც რუსი ხალხოსნები. „მინც უნდა ითქვას, — სწერს ნიკო ხიზანაშვილი, — რომ ჩვენ ში მომავალი გლეხ-კაცობას განავითარებს. დაბალი წოდება უნდა შეიქმნას კეთილ-ცხოვრების ბურჯად². ამას გრძნობს ყველა, ამას ღალატებს თვით ჩვენი მწერლობაც³. და არა მარტო გლეხ-კაცი უნდა შეიქმნეს მომავლის ბურჯად, არამედ თვით გლეხ-კაცის ცხოვრება და მისი წყობილება უნდა დაედვას საფუძვლად მომავლის შენებას. „საქიროა, — სწერს ნიკო ხიზანაშვილი, — ჩვენი გლეხ-კაცობის წარსული უფლებრივი მდგომარეობის შესწავლა, საქიროა მით უფრო, რომ მხოლოდ ამ შესწავლის შემდეგ შევიტყობთ, თუ რა გზას უნდა დაადგეს ჩვენი მწერლობა, რა მიმართულება უნდა მიეცეს ჩვენ შეერთებულ ღვაწლს“⁴.

გლეხ-კაცის ცხოვრების შეფასებში „იმედის“ თანამშრომელნი არ იზიარებენ „დროება“-„ივერის“ მიერ ჩვენი ხალხის ცხოვრების წარსულის გადიდებას, გაიდევალებას, მის „გუნდრუკის კმევას“. ასეთი გზა „იმედს“ დამახინჯებად მიაჩნია. მისი სამართლიანი შეხედულებით, ეს არც საქიროა და არც სარგებლობა მოაქვს. „ჩვენ ვიწყებთ, — აცხადებს ნიკო ხიზანაშვილი, — ვიწყებთ მით, რომ ვამბობთ: ჩვენი გლეხი იურიდიულად იყო ყოველ მხრივ დაჩაგრული არსება“⁵.

¹) ნიკო ხიზანაშვილი, — საფუძველი სიხალხო განათლებისა — „იმედი“ 1882 წ. №9-10; გვ. 35.

²) კურსივი ჩვენია.

³) ნიკო ხიზანაშვილი — უფლება და კანონი ძველ საქართველოში, — „იმედი“ 1882 წ. №11-12; გვ. 25.

⁴) — იქვე — კურსივი ჩვენია.

⁵) იქვე.

გლებ-კაცი, რომელიც, ხალხოსნების შეხედულებით, მომავლის ბურჯად უნდა შეიქნეს, ყოველ დროს დაჩაგრული არსება იყო. ახლაც, ბატონ-ყმობის გადავარდნის შემდეგაც, დაჩაგრული დარჩა. მართალია, ამ აქტს შემდეგ თითქოს მან პირადი (პიროვნების) თავისუფლება მოიპოვა, თითქოს ის ადამიანად იქმნა აღიარებული და ცნობილი, მაგრამ უფლებას ხომ მოპოება, შენახვა და დაცვა უნდა. ამას-კი ეკონომიურად გამაგრებული წელი ესაქიროება, რაც ჩვენს გლებს აკლდა. ამიტომ მონობის უღელი მას კვლავინდებურად კისერზე მიიმედ ედგა. აი სოფ. მგალობლი შვილი როგორ გვიხატავს გლებ-კაცის მდგომარეობას ბატონ-ყმობის გადავარდნის შემდეგ: „რაც დღე გადიოდა, სოფელი უკან-უკან მიდიოდა, ლარიბ-ლატაკდებოდა; ვისიც ოჯახში ხალხი მრავალი იყო, იმას კიდევ არა უშვებდარა; ვინც მარტოხელი იყო, მისი საქმე მთლად დაღუპული იყო: სული გაუნთავისუფლდა ხალხს, ხორცი კი ბატონს დარჩა; სულის ძალა ჯანის სიმრთელეზეა დამყარებული, თუ ხორცი უძღურია, სულიც უძალაა, მაგრამ ბოლოს ზ ბოლოს ხალხის სულიც ბრკყალეში ჩაიქირეს და მისი სულის თავისუფლება გალიაში ჩამწყვედიულ ბულბულის ყოფაში ჩაეარდა. ყოველ მხრივ შეეზღუდა თავისუფლება; საითაც კი გაიწევდა, მაგარ კედელს აწყდებოდა, როგორც გალიაში ჩიტი-ბულბული“.¹

და აი ამ დაჩაგრული არსების ვინაობის და მისწრაფებათა გამოსამყლავნებლად, მისი ინტერესების დასაცავად სამოქმედო ასპარეზზე გამოვიდნენ ჩვენი ხალხოსნები. აკი თავიანთ ორგანოს „იმედის“ პირველ ნომრის პირველსავე წერილში გვაცნობენ მას: „ის კაცი (ე. ი. ტეტეკაშვილი—ხალხის შვილი—მ. ზ.),--სწერს მ. ასათიანი,—მართლა ბედისაგან ძლიერ დატანჯული ვინმეა ზ, თუ მართლა მოახერხა როგორმე და ჩამოვიდა აქა, ბევრს ყურადღების ღირსს და თავ-ზარ დამცემ ამზავს გიამბობთო“.²

აკი გიორგი კრელაშვილიც, ერთ-ერთი თანამშრომელი „იმედისა“, ამ ხალხის სახელით აღფრთოვანებით და იმედით მიჰმართავს „იმედის“ ჯგუფს:

„ყველა მოგვხეარსლა უსამართლობამ...
მხსნელად გამოჩნდი... მაშ აჰა ხელი!

შაღავათს, ძმობას, პატიოსნებას

ეხლა კი მტკიცედ შენგან მოველი.

1) სოფ. მგალობლი შვილი—ჯორ-ზაქარა—გვ. 155 ტ. II.

2) მ. ასათიანი—შიკრიკი—„იმედი“—1881 წ. № 1, გვ. 7.

წინასწარ მთქმელად, გინდ იყო ერთი,
ნუ შეშინდები—ახსენე ღმერთი!

ბევრი ისურვებს შენსა დაჩაგვრას...
მაგრა დაუხედი, — ვერ დაგძლევს ავი,
იყავ ტანჯულთა მომხრე, ერთგული,
სიმართლეს დაბლა დაუქარ თავი!

წინასწარ.....

ხალხს ჩააგონე სიტყვა მართალი,
მაღალ აზრს მიეც გზა რიგიანი,—
გულში ჰქარ მტერსა მწვეტი ისარი
და იყავ მულამ პატიოსანი! .

წინასწარ.....“ 1 .

მართლაც, გამოდის „იმედის“ მთელი ჯგუფი—ხალხის შეილთა, მისი ცხოვრების მცოდნე და, მართლაც, გამოაქვთ საზოგადოებაში ბევრი ყურადღების ღირსი და თავზარ-დამცემი ამბავი ტანჯული ხალხის ცხოვრებისა. სწორედ ამ ჯგუფმა მიზნად დაისახა საზოგადოებისათვის გაეცნო ამ ხალხის მძიმე მდგომარეობა: მისი კულტურულად დაქვეითება, მისი ეკონომიური უილაჯობა, მისი სულიერი ტკივილები—თუ რა ჰლუპავს და რა ჰნთქავს მას, რა ანადგურებს მის სიცოცხლეს. ამასთან ერთად ეს ჯგუფი შეეცადა ეჩვენებინა ხალხის ბუნების და ცხოვრების დადებითი მხარეებიც, რომელთაც შეუნახეს და არ მოუსპეს მას (ხალხს) ცხოველმყოფელი ძალა. შეეცადა ღრმად ჩაეხედნა ხალხის ხშირად ცხოვრებისგან შევიწროებულ და გატეხილ გულში და ამოეკითხნა მისი მისწრაფებანი. და, უნდა ითქვას, ჩვენი ხალხოსნები გატაცებით წავიდნენ აღებული გეზით და მტკიცედ შეებრძოლნენ დაბრკოლებებს არჩეულ ნარ-ეკლიან გზაზე.

ჩვენი ხალხოსნების მოღვაწეობა მხატვრულ ლიტერატურაშიაც ორ შტოდ მიმდინარეობს: ერთია გზა კულტურული მოღვაწეობისა—ნიკოლოზოური, ყაზბეგი, ეკ. გაბაშვილისა და სხვანი;

1) გიორგი ჭრელაშვილი, — * * * ლექსი, — „იმედი“ 1881 წ. № 2.

2) აქაც და შემდეგაც წინამდებარე გამოკვლევაში, სადაც კი ვიხსენიებთ ყაზბეგს, ყველგან ვგულისხმობთ დიმიტრი ყაზბეგს, რომლის პრაქტიკული მოღვაწეობა და ლიტერატურული შემოქმედებაც ნიჭიერი გამოზახტველია კულტურ-ტრეკორული ხალხოსნობისა ჩვენს ცხოვრებასა და ლიტერატურაში, ეს საკითხი დაწერილებით განხილულია ჩვენს გამოკვლევებში: „ალ. ყაზბეგის ორიგინალობა და დიმ. ყაზბეგი“, „ალ. თუ დიმ. ყაზბეგი?“ აგრეთვე საინტერესო ცნობებს იძლევა ამ მხრივ გ. ნათაძის სტატია „ალ. ყაზბეგის ბიოგრაფია“—„მოამბე“ 1904 წ. № 10.

მეორე გზა-კი—ხალხში რევოლუციონურ მისწრაფებათა გაღვივებას ლამობს—სოფ. მგალობლიშვილი, მ. ასათიანი, შაქრო და სხვანი. თუმცა უნდა აღინიშნოს-კი, რომ ხალხოსან-მწერლების უმეტეს ნაწილში ორივე ეს მიმართულება ერთმანეთში მჭიდროდ იკვანძება. აგრეთვე უნდა აღინიშნოს, რომ უმეტეს მათგანათათვის გზა კულტურტრეგერული მოღვაწეობისა,—ეკონომიურად და კულტურულად ხალხის დაცემული და დაკნინებული ცხოვრების გაუმჯობესებისა, მთავარია და უფრო დამახასიათებელი. მდაბიო ხალხის ცხოვრებასთან ახლო მისვლა, შესწავლა და აღნიშვნა დაბალი ხალხის ცხოვრების იმ თვისებათა და მოვლენათა, რომელიც გაუმძღარი წურბელასავით მოჰკიდებია ხალხის ორგანიზმს და მას გაჯანსაღების საშუალებას უსპობს. ეს ხალხის „მოკეთები“ აგრეთვე ცდილობდნენ გამოეძებნათ და დაენახვებინათ ის საშუალებანი, რომელნიც საჭირო იყო მისი ცხოვრების გამოფხიზლებისათვის, ამოქმედებისათვის, გადახალისებისათვის.

აკი ამ მიზნით გატაცებული ჩვენი ხალხოსნების ჯერ მცირე, შემდეგ-კი კარგა მოზრდილი ჯგუფი, 70—80 წლების უღელტეხილზე, გადის ხალხში, როგორც თავისი პრაქტიკული მოღვაწეობით, ისე თავისი ლიტერატურული შემოქმედებით, ყველასათვის და უპირველესად მშრომელთათვის ახალი, ადამიანური ცხოვრების მქადაგებლად.

ხალხოსანთა სულისკვეთების და მისწრაფებათა გამომწვევ მიზეზებს მშვენიერად გვისურათებს ნიკო ლომოური თავის მოთხრობა „გიგო ღრუბელაშვილ“-ში.

გიგო ღრუბელაშვილი ტიპია გატაცებული ხალხოსნისა, რომლის ფიქრი და გონება ხალხის ბედს მჭიდროთ გადაჰკიდებია და მის ქირისუფლად შექმნილა. „მას წარმოუდგა,—გადმოგვეცემს გიგოს სულისკვეთებას ავტორი,—საცოდავი ქოხმახები, რომლებშიაც მცხოვრებნი ამ სოფლებისა წვა და დაგვით ათრევდნენ თავიანთი სიცოცხლის მწარე დღეებსა. ის ცხადად ხედავდა გლეხ-კაცის განუზომელ სიღარიბეს, მის დავრდომილობას, მისი აზრისა, გრძნობისა და გონების დაუძლურებას. ხედავდა მის გამუდმებულ მძიმე ჯაფასა, რომლისაგან იგი ჯანითა და აგებულობით სუსტდებოდა, წრიოკდებოდა და გადაშენების საზარელ უფსკრულს უახლოვდებოდა. შემდეგ მას გადაეშალა წინ საზიზღარი სურათი იმ ავაზაკთა კრებისა, რომელნიც მთელი თავიანთი მეცადინეობით ხელს უწყობენ მუშაკაცის უბედურობასა, მის დაჩაგვრას და

მიწასთან გასწორებასა. ბოლოს, მას წარმოუდგა ის შავბნელი გარემოებანი, რომელთაც დაჰბადეს ქვეყნად ერთის მხრივ ეხლანდელი მშიერ-მწყურვალ გლეხკაცი, ხოლო, მეორეს მხრივ, მისი ოფლისა და სისხლის მსმელი, მისი მკამელა ორფეხა ნადირი...

„არა, არა.—დაიძახა გიგომ ხმამალლა:—საქმე ძლიერ ცუდად მიდის. ასე რომ გაგრძელდეს კიდევ ოციოდე წელიწადს, ხალხი სრულიად დაეცემა, სასოებას დაჰკარგავს; სიღარიბე და უსამართლობა სამუდამოდ ბოლოს მოუღებენ მას. დაე, რაც მოსახდენია, მოხდეს. მე უნდა მივეშველო ხალხსა, ძმურად გვერდში ამოვუდგე და მის ფეხზე წამოყენებას შევწირო მთელი ჩემი სიცოცხლე. მე შევისწავლი სამკურნალო მეცნიერებას და თანაც გულდადებით ვიკითხავ პედაგოგიურ თხზულებათა. საჭიროა აგრეთვე უოდნა სამართლის კანონებისა, რომ მათის დახმარებით გლეხკაცი არავის არ დავაჩაგვრიზო. შევისწავლი ყველა ამას, მოვალ ჩვენს სოფელში, გავხსნი შკოლას და ვასწავლი დიდებსაცა და პატარეებსაცა. თავისუფალ დროს ვივლი სოფლიდან-სოფლად და სადაც კი შევხვდები ღარიბ ავადმყოფსა, უსაათოდ ვუწამლებ. ექვი არ უნდა, მალე სხვებიც დაადგებიან ჩემს ზხასა და ოცი, ორმოცი წლის ამგვარი მოღვაწეობით ხალხის მდგომარეობას, თუ სრულიად არა, ბევრნაირად მაინც გააუუმჯობესებთ. მერმე შეიძლება რაიმე დიდმა შემთხვევამ აწინდელი საერთო ვითარება ძირიან-ფესვიანათ შესძრას, შეარყიოს. მაშინ ჩვენც გავიბერტყავთ მშვიდობიანობის მტვერსა და თავგანწირული მამულისშვილებათ გამოვალთ ბრძოლის ველზე. აბა, მობრძანდით მაშინ, მტარვალებო, და თქვენის ცოცხალის თავით დაგვიდექით წინა. გიჩვენებთ მაშინ თქვენ სეირსა, თქვე შეჩვენებულებო, თქვენა...“¹

ამ ნაწყვეტში ნიკო ლომოური მეტად მკვეთრად იძლევა არა მარტო ჩვენი ხალხოსნური მიმართულების გამომწვევ მიზეზს, მის მიზანს და სამოქმედო გეგმასა, არამედ საერთოდ ხალხოსნობისასაც. ხალხოსანთა ამ დეკლარაციას თავისუფლად ხელს მოაწერდნენ არა მარტო ჩვენი, არამედ რუსეთის ხალხოსნებიც.

ასეთი მიზნისა და გეგმის განხორციელებისათვის ხალხოსნებმა გამოიყენეს ხალხში სიარულიც, ჟურნალიც და მხატვრული შემოქმედებაც.

¹) ნიკო ლომოური—გიგო ღრუბელაშვილი—გვ. 138-139.

III

ხალხოსნების შეხედულება ლიტერატურაში.

გარდა ხალხში გასელისა, მასთან დაახლოვებისა, მისი ცხოვრების შესწავლისა და მასთან და მისთვის პრაქტიკული მუშაობისა, ხალხოსნებს თავისი მიზნის განსახორციელებლად საჭირო და სასარგებლო იარაღად მიაჩნდათ მწერლობა. ხალხოსნები მწერლობის მნიშვნელობისა და დანიშნულების გაგებაში პირველი შვილები არიან თერგდალეულებისა, უკეთ რომ ესთქვათ, რუსეთის 60-იანი წლების საზოგადო აზროვნებისა. ისინი ლიტერატურას უტილიტარულ მიზნებს უსახავდენ. ლიტერატურა, ხალხოსნების შეხედულებით, როგორც თერგდალეულებისაც, იარაღია, რომლითაც ისინი უნდა ებრძოდენ ძველი, დრომოკმული ცხოვრების შემფერხებელ პირობებს.

როგორც თავის ადგილზე დავინახეთ, უტილიტარული შეხედულება ლიტერატურულ შემოქმედებაზე პირველად თერგდალეულებმა შემოიტანეს ჩვენს მწერლობაში. თერგდალეულნიც შეეცადნენ თავიანთი პოეტური ნიჭი გამოეყენებინათ მოძმის საკეთილდღეოდ, რომ მათს ჩანგურს ორ-ხმოვანად ეჟღერნა: მათ ჩანგურის ჟღერა მისთვის უნდოდათ, — „რომ დაჩაგრულს მის სიმღერით თვალს ცრემლები ეშრობოდეს, და მჩაგვრელს კი გულში ძვერით ისარივით ესობოდეს“.

მაგრამ ასეთი უტილიტარული შეხედულება თერგდალეულ მწერალთა შემოქმედებაში თავისი შემბორკავი შედეგებით ისეთი თვალსაჩინო არ იყო, როგორც ხალხოსან-მწერლებში. ეს მოვლენა შეიძლება აიხსნებოდეს იმ გარემოებით, რომ თერგდალეულთა წარმომადგენელი ლიტერატურაში, ილია ჭავჭავაძე და აკაკი წერეთელი (სხვებზე ეს არ ითქმის), დიდი პოეტური ნიჭით იყვნენ დაჯილდოვებულნი, ვიდრე ხალხოსნები. მიუხედავად იმისა, რომ სარგებლიანობის და აზრის უპირატესობის პრინციპი ჟღინთავს ილიასა და აკაკის შემოქმედებას, მაინც მათი შემოქმედება ხშირად მძლავრი და ფართო მხატვრულ სახეების საშუალებით იწლება მკითხველის წინ და ეს გარემოება ანელებს იმ უტილიტარიზმს, რომელიც მათ პოეტურ მო-

ღვაწობაშიაც მთავარი მამოძრავებელი ძალაა. მაგალითისათვის მოვიტანოთ რამდენიმე ნაწყვეტი:

„ერთ ბედ ქვეშა ვართ, ლაბავ, მე და შენ,
წილად გვარგუნეს შავი მიწა ჩვენ,
ერთგულად ვკიმოთ კაპანი ჩენი,
უსიხარულოდ დავლიოთ დღენი...“

შენ პირუტყვი ხარ და მე მეტყველი?!...
ეგ, ჩემო ლაბავ, ნუ შეგშურდება...
რად მინდა ხმალი, თუნდ იყოს მკრელი,
თუ სიმართლისთვის დამიჩლუნგდება?

მე ჩემის კირის, ჩემის წუხილის,
ჩემის კაცობის გულის დუღილის
სიტყვანი გულში მებადებიან,
მაგრამ გულშივე უხზოდ ჰკვდებიან.
შენ ვერ გაიგებ მეტყველის ტანჯვას,
როცა სიტყვასა მართალს გულში ჰკლავს!...
აქ მენდე, ლაბავ, ჩემი უღელი
შენს უღელზედა უფროა ძნელი“.¹

ილიას ეს ლექსი თითქმის მთლიანად მხოლოდ სარგებლიანობის პრინციპზეა აგებული. პოეტს მიზნადა აქვს მასში მძლავრი პროტესტი და გლეხ-კაცის ადამიანური ცხოვრების გაყვარებული ნდობა გამოხატოს. აქ ყოველი სიტყვა, ყოველი სახე წინასწარი განზრახული მიზნით და აზრითაა გამოწვეული. მაგრამ პოეტის დიდმა მხატვრულმა ინტუიციამ თავისი პოეტური გასაქანით გაანეწა და დაიცვა თავისი შემოქმედება უტილიტარიზმის უკიდურესობისაგან. ასეთი მხატვრული სახეებითაა აღბეჭდილი ილიას „მგზავრის წერილები“, „განდეგილი“, „ოთარაანთ ქერივი“. „კაცია ადამიანი?!“ ილიას ნაწარმოებთაგან წინა თავებში მოტანილი ადგილებიც მშვენივრად ადასტურებს ჩვენ მიერ გამოთქმულ შეხედულებას, ამიტომ ახალი მაგალითების მოტანით საკითხს აღარ გავაგრძელებთ.

მართალია, ილია, ხანდისხან, აზრისა და სარგებლიანობისადმი საშსახურით გატაცებული, ამძიმებს, და ზომაზე მეტადაც ამძიმებს, თავის პოეტურ შემოქმედებას; ალაგ-ალაგ მის შემოქმედებას ნაძალადეობაც ემჩნევა და... ძალიანაც ემჩნევა; მაგრამ დიდი ნიჭი პოე-

1) ილია კ ა ვ ე კ ა ვ ა ძ ე — გუთნის ღება — ტ. I, გვ. 33-34.

ტისა თავს ართმევს უტილიტარული შეხედულებით გამოწვეულ ტენდენციას, პოეტური ილუზიის ქვეყანაში აპყავს მკითხველი, თუმცა-კი მიწას არასოდეს არც თვითონ შორდება და არც მკითხველს აშორებს.

ესევე უნდა ითქვას აკაკი წერეთელზედაც. მასში პოეტური ცეცხლი და აღმაფრენა უდაოდ ძლიერია; ენა და ლექსი მისი მკვირ-ცხლია და მსუბუქი.

„ამაღლდით, გრძნობავ, გონებავ!...“

ასცილდით მზე და მთვარესა!...“

შეუკავშირდით ვარსკვლავებს,

მოციმციმ-მოელვარესა!

შეიტყვეთ საიდუმლობა

ზეციურ ტკბილი ხმებისა

და შეისწავლეთ კანონი

იმათი შეთანხმებისა!

მე მაშინ მხოლოდ გავბედავ,

ხელი შევახო ჩანგურსა

და მწარე ზარი ამ ქვეყნის

შევრთო იმ ქვეყნის ზევსურსა.

რომ მეც გალობით, გედივით,

დავავდო ქვეყნის საზღვარი,

ჩავდნე ჩემსავე ჰანგებში

და გაეპრე, როგორც ლამპარი“...¹

პოეტს მისთვის უნდა პოეტური აღმაფრენა, იმისათვის ეტრფის ამას, რომ ასცილდეს მზესა და მთვარეს, და შეუკავშირდეს ვარსკვლავებს, რომ შეიტყოს საიდუმლოება „ზეციურ ტკბილი ხმებისა“, შეისწავლოს კანონი „იმათი შეთანხმებისა“. და ყველა ეს მას მისთვის უნდა, რომ მაშინ აიღოს ჩანგური და „მწარე ზარი ამ ქვეყნისა შეუერთოს იმ ქვეყნის ზევსურსა“... მარტო ტკბილ ხმათათვის პოეტი არ ააქლერებს თავის ჩანგურის სიმთ.

საკმარისია მოვიგონოთ აკაკის „სულიკო“, „თავო ჩემო“, „აღმართ, აღმართ“... და მრავალი სხვა მისი ლირიკული ლექსი, რომელნიც ხალხმა თავის საყვარელ სიმღერებად გადააქცია, რომ დავ-რწმუნდეთ ზემო-გამოთქმული აზრის ჭეშმარიტებაში.

თუ თერგდალეულ-მწერალთა საუკეთესო წარმომადგენლებმა მაინც დაახწიეს თავი მათ მიერვე წამოყენებული უტილიტარიზმის

1) აკაკი წერეთელი—ნათელა—ტ. II. გვ. 253.

პრინციპს, და მხატვრებად (დიდ მხატვრებადაც, რომელთაც დღესაც არ დაუკარგავთ თავიანთი დიდი მნიშვნელობა და მიმზიდველობა) შეიქმნენ ჩვენს ლიტერატურაში, ამისივე თქმა არ შეგვიძლიან ხალხოსან-მწერლების შესახებ. მათს შემოქმედებაში უტილიტარიზმმა უფრო მძლავრად გაიდგა ფესვი.¹

ხალხოსნების შეხედულებით „მწერლობა არის ექიმობა მთელი ხალხის ავადმყოფობისა, როგორც მედიცინა კაცის ავადმყოფობისა“.²

ეურნალი „იმედიც“ მთლიანად, თავიდან ბოლომდის ასეთი შეხედულებით არის გაჟღენთილი და გატაცებული. „ყოველი მწერლობის დანიშნულება, — სწერს „იმედის“ საპროგრამო წერილში სტ. ჭრელაშვილი, — იმაში უნდა მდგომარეობდეს, რომ იგი თვალვებ-გაფაციცებული ჩაიყურებოდეს ცხოვრებაში, სულ-განაბული ყურს უგდებდეს იმის ჩარხის ტრიალს, ეფარებოდეს და ესარჩლებოდეს ყველა საკეთილო ფეხის გადადგმას, დაულაღავად ებრძოდეს ჭ წიხლსა ჰკრავედეს ყოველ სიბოროტეს და მავნე შეცთომილებას. მწერლობა, რომელიც დაუძინებლივ არა წინამძღვრობს ასეთი შეხედულობით თავის მოვალეობაზედ, არის უმნიშვნელო, ფუჭი და კიანი“.³ ასეთსავე შეხედულებას გამოსთქვამენ „იმედის“ სხვა თანამშრომელნიც, რომელთა შეხედულებით ლიტერატურა ხალხის კეთილდღეობის, სარგებლობის მომტანი საშუალებაა. „მწერლობამ, — სწერს ეურნალი „იმედის“ რედაქტორი მიხ. გურგენიძე, — უნდა გაუსწოროს ხალხს ხასიათი, უჩვენოს მას მისი ნაკლულევაანებები და მათგან განმათავისუფლებელი საშუალებები“.⁴

ასეთივე აზრი გამოსთქვა ჩვენი ხალხოსნების ერთ-ერთმა საუკეთესო წარმომადგენელმა გ. მაიაშვილმა, რომელიც, გაუგებარია, რატომ გამოვიდა მეტად საგულისხმიერო, შეიძლება ითქვას, ჩვენი

¹) ეს გარემოება, გარდა ზემორეალნიშნული მოსაზრებისა, შეიძლება აიხსნებოდეს კიდევ შემდეგი მოსაზრებით. ხალხოსნების უმეტესი ნაწილი თავისი სოციალური წარმოშობით „რაზნოჩინეცია“, ხალხის ცხოვრების ნაცარ-ტუტაში, სიღარიბესა და სიბინძურეში აღზრდილი და გამოტარებული. მან მუდამ ადამიანური ცხოვრების წრის გარედ მყოფმა, დამკირებულმა, სხვისი ნასუფრალით მცხოვრებმა, ახალი ცხოვრების პირობებით გაოფხიზლებულმა მოინდომა ცხოვრება და ყველაფერი უკუაგდო, რაც უშუალოდ ასეთი ცხოვრების მოპოებას არ ემსახურებოდა. თერგდალულების სოციალური წარმოშობა-კი (თავად-აზნაურთა წრიდან გამოსულნი) ასეთს ნდომას სიმჭევავს აკლებდა. აი რატომაა, რომ ხალხოსნები უტილიტარიზმს უკიდურესობაში უფრო ჩაეარდნენ.

²) სტ. ჭრელაშვილი - ქართული მწერლობა - „იმედი“ - 1881 წ. № 1, გვ. 99.

³) იქვე - გვ. 84.

⁴) მიხ. გურგენიძე - ერთი ჩვენი მწერლების სენი, — „იმედი“ 1881 წ. № 2. გვ. 89.

ხალხოსანთა საპროგრამო სტატიით „ივერია“-ში და არა „იმედში“. ეს გარემოება მით უმეტეს გვაკვირვებს, რომ გ. მაიაშვილი ამ სტატიისში—,წერილი ჩვენი საზოგადოებრივ მოღვაწეთა მიმართ“—თუმცა რბილს და მორიდებულს, მაგრამ მაინც კრიტიკას უყეთებს „ივერიის“ მესვეურთა მოღვაწეობას. „ლიტერატურა—სწერს ის, —უნდა შეიქმნეს უპირველეს ყოვლისა სახალხო ლიტერატურად, უკეთუ გვსურს, რომ მას ჰქონდეს გავლენა, ძლიერება, ფასი და მნიშვნელობა ჩვენი ქვეყნის საქმეების და საგნების გადაწყვეტის დროს. მხოლოდ ეს მაშინ მოხდება, როცა ლიტერატურა ერთად-ერთს ნამდვილს გზას და ქეშმარიტს მიმართულებას დაადგება, როცა იგი მიიღებს პატივ-დებაში ხალხის სურვილს და, რაც უფრო პირველია, დაიცავს მის ინტერესებს, ე. ი. როცა ლიტერატურის მიერ ხშირად და უმთავრესად წამოყენებული იქნება საასპარეზოდ ხალხის გულის მომგები საგნები—ეკონომიური და საზოგადოებრივი საქმეები“¹.

ასეთს გარკვეულს და, შეიძლება ითქვას, განსაზღვრულ დანიშნულებას და მიზანს უყენებენ ხალხოსნები მხატვრულ ლიტერატურას. და მართლაც ლიტერატურა და თავიანთი ლიტერატურული ნიჭი ხალხოსნებმა გამოიყენეს როგორც ბრძოლის საშუალება, რათა შეეტანათ სხივი და ნდობა ცოდნისა, განათლებისა, წინმსვლელობისა, ცხოვრების და პატიოსნებისა წყვილიადით მოცული, დაჩაგრული, დამონებული ხალხის მოღუენებულ და ჩამორჩენილ ცხოვრებაში. ხალხოსანთა მხატვრული შემოქმედება ბუნებრივი გაგრძელება იყო მათი პრაქტიკული და იდეოლოგიური ბრძოლისა და მოქმედებისა. ასე უყურებდნენ ხალხოსნები თავიანთ ლიტერატურულ მოღვაწეობას. ასეთი მნიშვნელობაც ჰქონდა მას სინამდვილეში. რასაც ხალხოსნები პრაქტიკული და პუბლიცისტური მოღვაწეობის შემწეობით ვერ ახერხებდნენ, იმის შევსებას და განმტკიცებას ცდილობდნენ მხატვრული მწერლობის დახმარებით.

ხალხოსნების სულიერმა განწყობილებამ და მხატვრულ შემოქმედებაზე შეხედულებამ თავისებური დალი დაასვა მათს ლიტერატურულ მოღვაწეობასაც.

ხალხოსანი მწერლები ლიტერატურაში ჩვენი ხალხის ყოფაცხოვრების ამსახველები არიან. გატაცებულნი ხალხის კეთილ-დღეობის იდეით, თავიანთ მხატვრულ შემოქმედებას ისინი ხშირად ისე უდგებიან, როგორც პუბლიცისტები. მხატვრული სახეები მათ შემოქმე-

¹) გ. მაიაშვილი—წერილი ჩვენ საზოგადოებრივ მოღვაწეთა მიმართ,— „ივერია“ 1882 წ. № 9—გვ. 124.

დებაში ხშირად ახსნა-განმარტებებით არის დაძენილი. ეს გარემოება, რასაკვირველია, ხალხოსან-მწერალთა შემოქმედებას მხატვრულობის მხრით ამდარებს. მათი შემოქმედების ეს თვისება გამოწვეულია მით, რომ ხალხოსან-მწერლობის ნაწარმოებში მოქალაქობრივი ინტერესი სკარბობს მხატვრულს. ეს კიდევ აიხსნება მით, რომ თვით ავტორი უშუალოდ ჩათრეულია ცხოვრების მორევში, უშუალო მონაწილეა ცხოვრების პროცესისა. ის უპირველესად დაინტერესებულია გაერკვიოს თვითონ და მკითხველსაც გაურკვიოს ესა თუ ის საზოგადოებრივი მოვლენა. ამიტომაც, რომ ხალხოსანი-მწერლის პოეტური ასახვა შერეულია სოციალური ხასიათის ჰუმბლიციტურ მსჯელობაში. ხალხოსან მწერალში მოაზროვნე ხშირად სწრდილავს მხატვარს, ხალხოსანი-მწერლის შემოქმედებაში მხატვრული სახეებიც კი არ ირევიან, არამედ უფრო ხალხის ცხოვრების მტკივნეული საკითხები.

ამ გარემოებამ გამოიწვია მათს შემოქმედებაში მხატვრობის მხრივ დაუმუშავებლობა: მშვენიერი, მაღალი პოეტური ნიჭით და აღმაფრენით დაჯილდოებულ ალაგებთან ერთად გვხვდება მეტად მოსაწყენი, პუმბლიციტური ხასიათის მსჯელობა, რომელიც მჯარე პოეტური სახეებით არის შეფერადებული. ხალხოსანი-მწერლისათვის ფორმა მეორეხარისხოვანია, მთავარია—შინაარსი. ისინი არა ცდილობენ ენა დახვეწონ, თავიანთი მხატვრული სახეები ლამაზ და ლიტერატურულ ფორმებში ჩამოაყალიბონ. საერთოდ მათს შემოქმედებას მხატვრულობის მხრივ დაუდევრობა ეტყობა. ეს გარემოება ხალხოსან-მწერალთა შემოქმედებაში მეტად საგრძნობია. ასეთსავე მოვლენას ეხედავთ რუსეთის ლიტერატურის ისტორიაშიც¹. ამ გარემოებას ხშირად დიდი პოეტური ნიჭით დაჯილდოებული ხალხოსანი-მწერალი მეორე-ხარისხოვან მწერალთა ბანაკში გადმოჰყავს—ფორმისა და საერთოდ მხატვრული კომპოზიციის თვალსაზრისით.

ეს აიხსნება მათი სოციალური მდგომარეობით. ისინი ხალხის ცხოვრების დუბქირში გამოსული ხალხის შვილები იყვნენ. მათი გავლიძებული შემოქმედების უდიდესი და უმტკივნეულესი სურვილი, ნდომა და მისწრაფება გამოიხატებოდა შემდეგს საკითხებში: როგორ უნდა მოტრიალდეს ცხოვრების ჩარხი, რომ ხალხმა აუცილებელი მოთხოვნილებანი ადამიანური ცხოვრებისა მაინც დაიკმაყოფილოს. და ხალხოსანი-მწერლები, ახლო მცოდნენი ხალხის ცხოვრების ქირ-ვარამისა, უნდობლობით და მტრულის თვალით უყურებდნენ ყველა მას, რაც ამ ქირ-ვარამიან ცხოვრებას უშუალოდ არ ემსახურებოდა,

რაც მას აცილებდა. აქიდან წარმოსდგა მათი სურვილი: მხატვრულ აღ-
მაფრენასაც ცხოვრების ჭირ-ვარამით მოქსოვილი ლაგამი ამოსდონ,
არ მიჰყვნენ რეალურ ცხოვრების დუღილის გარეშე მომქმედ ოცნე-
ბის დაუსრულებელ სრბოლას, რადგანაც მას ის ხშირად რეალურ
ცხოვრების რკალს იჭით გადაჰყავს. იროდიონ ევდოშვილივით ხალ-
ხოსან-მწერლებსაც თავისუფლად შეეძლოთ ეთქვათ:

„ნუ... ნუ იწვევ სულსა აპყვავებულ ოცნების მხარეს,
სადაც აღგილი არ აქვს ურვას, არც სიმწუხარეს!

აბა რათ მინდა ოცნებითა ერთ წუთს ესტკებოდე

და მერე ისევ ცხარე ცრემლათ დავიღვრებოდე?

აბა რად მინდა შენს ჰანგებში შთავინთქებოდე,

რა შესწყდე—კვალად შავ ფიქრთ ზღვაში შეეცურდებოდე?

ნუ... ნუ იწვევ სულს მიუწდომელს სერაბიმთ მთაზე.

ჰხედავ: მე ვსტირი—შენც დაუკარ გლოვისა ხმაზე!..“¹

და მართლადაც, ხალხოსანი - მწერლები, როგორც იროდიონ
ევდოშვილიც, მიწის შვილები არიან. ისინი მთელი არსებით მიჯა-
ქულნი არიან ცხოვრების ვაი-ვაკლახს და მასგან განმანთავისუფლე-
ბელ მისწრაფებას. მათ თავიანთი ჩანგი ხალხის გასაღვიძებელ,
ასამოქმედებელ, დასარაზმავ მძლავრ საყვირად გადააქციეს; მათ, ცხოვ-
რების ნაცარ-ტუტას ღველფში გამოვლილთ, ყოველისავე მორთულო-
ბისა და ხელოვნურობის უცნობთ და მტერთ, უნდა შეექმნათ, და
სინამდვილეში შექმნეს კიდევცა, მართალი და სამართლიანი ლიტერა-
ტურული მიმართულება, რომელშიაც აღფრთოვანებით და მდაბიო
ხალხის შვილის სტიქიური ბუნების გატაცებით ჩააწნეს ხანგრძლივი
პერიოდის საუკეთესო მოქალაქობრივი მისწრაფებანი. ამაშია ხალ-
ხოსნური ლიტერატურის ძალა და მნიშვნელობა. მხატვრული ლიტე-
რატურის საშუალებით ხალხოსნებმა მოახერხეს გამოეტანათ ფართო
მასებში ის, რის გამოტანაც მათ სხვა გზით ვერ შესძლეს ღ ვერც შესძლე-
ბდნენ იმ ობიექტურ პირობებში, რომლებშიც ისინი ცხოვრობდნენ.

1) ი რო დ ი ო ნ ე ვ დ ო შ ვ ი ლ ი—მუსიკას.

IV

ხალხოსნების მიერ ლიტერატურის გამომქმენება, როგორც საზოგადოებრივი იარაღისა თავიანთი მისწრაფებითა პროკაპანდისატორის.

1.

ხალხოსნებმა მხატვრული შემქმედების საშუალებით დაიწყეს ხალხის ცხოვრების აქტივობა. უპირველესად მათ ყურადღება ტანჯული ხალხის ეკონომიურ მდგომარეობას მიაქციეს. ამას ხალხოსნები აღნიშნავენ თავიანთი უურნალშიაც: „თითქმის ჩვენი ქვეყნის ყველა კუთხიდან იწერებიან სიღარიბეს და სიღატაკეს ჩვენი გლეხობისას, რომელიც ღმერთს თავყვანსა სცემს, თუ კი დღიური ლუკმა-პური არ შემოაკლდა, ტანზე ძველი შალის ჩოხა და ფეხზე ქალამანი მაინც არ შემოაცვდა“.¹

ეს გლეხობა შველას თხოულობდა. ხალხოსნებსაც მტკივნეულად ესმოდათ ხალხის ძახილი. ამიტომ ხალხოსნები მწერლობასაც ხომ საზოგადო სამსახურის მიზანს უსახავენ! მართლაც, მხატვრული ლიტერატურა საუკეთესო და ხელსაყრელ იარაღად გადაიქცა ხალხოსანთა მისწრაფებითა გამომქმენებისათვის, ტანჯული ხალხის ცხოვრების მკვეთრად გადაშლისათვის და მკითხველთა ფართო მასებში მის გატანისა და პოპულარიზაციისათვის. ხალხოსანთა მწერლების შემოქმედება სააგიტაციო ლიტერატურად გადაიქცა.

სოფრომ მგალობლიშვილი თავის თხუთხუთეულებში ცოცხალ სურათს გვაძლევს ჩვენი გლეხ-კაცის ცხოვრების ეკონომიურად დაქვეითებისას. მაგ. მოთხრობა „დ ე დ ა - მ ა ი ა“ მთლიანად გლეხ-კაცის ტანჯვის ცხოვრების ჩვეულებრივი, მძიმე და სწორი ოდისეიაა. ქერიეს მათა ღარიბაშვილს ვაი-ვაგლახით, წვითა და დაგვით, ქერიეობრივით ორი ვაეიშვილი გამოუზრდია: სოლომონა—27 წლისა და სანდალა—17-სა. წლებზე ფეხს იდგამენ დედა-შვილნი, დაუზოგველად

¹) დ. აბდუშელიშვილი, — ბიბლიოგრაფია — „იმედი“, 1881 წ. № 1 გვ. 105.

მუშაობენ, ლამეებსაც კი შრომაში ატარებენ, მაგრამ ვერა და ვერიქნა, წელი ვერ გაისწორეს. სილატაკეს და შევიწროებას ვერ ამოუვიდნენ. ისიც ვერ მოახერხეს, რომ სოლომონას როგორმე ცოლი შერთონ და ჯაფისაგან გატეხილ მათას ოჯახში მაინც გვერდში ამოუყენონ. აი, წამოიზარდა სანდალაც, ორივემ დაიწყეს გამგელებული მუშაობა. ორივე ებრძვის ცხოვრებას ლუკმა-პურისათვის. სანდალაც ლამის მეხრეა. ოჯახის ფეხზე დაყენების ოცნებით გატაცებული მათა და მისი შეილები გაორკეცებული ენერგიით მუშაობენ. მაგრამ სანდალა ლამის-მეხრეობაში ვატივდა. ერთს დილას რომ ადგა, „წელი ველარ აიტანა, ტანში საშინლად შეაზმორა, ცხვირში წაუჭირა და ხელ-ფეხი შეუმცივნა. სანდალა მიჰხედა, რომ რაღაც უბედურებაა მის თავს, სახლში წასვლაც დააპირა, მაგრამ ვერ უღალატა გუთანს. დაეძალა თავს“. სულ სხვა ფიქრებს გაატანა თავი, რომ ავადმყოფობა დაევიწყა. ებრძვის თავის თავს სანდალა, მაგრამ ავადმყოფობამ უმატა, ველარ დასძლია მას და ვიშ-ვიშით ბედისაგან დაჩაგრული წაფრატუნდა სახლში. სანდალას გულს მხოლოდ ის უღელვებს და უწუხებს, რომ ამ ავადმყოფობის გამო ერთი დღის ალო დააკლდება. სანდალამ ძლივს მიახწია სახლს. და აი შინ რა დაჰხედა მას: „შინ სულიერი არსება, — აგვიწერს სოფ. მგალობლი-შვილი, — არ მოიპოვება, რომ სანდალას მოუაროს. შევა სახლში, კენესით, უძახის დედას... იმედ-გაწყვეტილი დერეფანში მზის გულზე, რომელიც დერეფნის ბანში სვეტად ჩამომდგარა, წაეგდება. გღია სანდალა ცალიერ მიწაზე უქვეშაგებოდ, მათარაში გახვეული; სახე მაგრა დაბლუჯული და გულში მიხუტული უჭირავს. ამ დერეფანში შინაურ პირუტყვის ბაჟის კარია გამოღებული, საიდანაც გამოდის საშინელი დამახრჩობელი სუნნი. დერეფანშივე აქა-იქ, თითქო განგებ ამოუთხრიათო, საქონლის ფეხისაგან ამოჩიქნილია ორმოები; შიგ ჩაგუბებულია საქონლის შარდი და ქათმებისაგან ნეხვია ჩაყრილი: ეს ორმოები ბაყაყის ბუდის ფერია. მთელს დერეფანში ქათმებისა და გოკებისაგან გაქექილი და მოღაეებულია ნეხვი და ამ ნეხვს ზედ ზაფხულის მწვავე მზის სხივები ადგია; ადულებს გუბეებს, აყროლებს ნეხვს და აღენს შესაზარს სუნს. ამ სიმყარალეს სიხარულით ეხვევიან, დასტრიალებენ ცელქი ბუზები; დაბერილან წუმპის წოვნით და ფირუზის ფერი დასდებიან, სწორედ ის ფერი, რა ფერისაც თითონ წუმპეა. ბუზის ხრომ მიაგნო სანდალას, დაუწყო იმას წოვნა, მწარე კბენა და თავ-ბუდი აწყევლინა“.¹

1) სოფ. მგალობლიშვილი, - დედა-მაია, - გვ. 5-6. ტ. I.

აი ცოცხალი სურათი ჩვენი გლებ-კაცის ცხოვრების პირობებისა! გდია ასეთ პირობებში ავადმყოფი სანდალა უპატრონოდ, გულ-გაღვლილი, ქარს მიშვერილი; ელის დაღამებას, რომ საიდანმე დედა გაჩნდეს. სალამოსქამს მოვიდა მუშაობით ჯან-გამოცლილი, მუშაობით წელში გაწყვეტილი მისი დედა მათა. ასეთი უბედურობის დანახვა მათას ათასს ერთი-ერთმანეთზე მტკივნეულ ფიქრს აუჩევს თავში და აუღუღებს ისედაც სიცხისა და ჯაფისაგან აღუღებულს ტინის. მათას ყველაზე მეტად ის გარემოება აღელვებს, რომ შვილი ცუდს—მკისა და კალოობის, დროს გაუზნდა ავად. დაქანცული, უილაჯო მათა მეზობლებს მიატანს: გაიგოს და სთხოვოს რაიმე წამალი. მეზობლების მდგომარეობაც, თუმცა გაკერითა აწერილი, მაგრამ, მოცემული რამოდენიმე შტრიხი, ცხადად გვაგარძნობინებს, რომ ისეთივე უნუგეშოა, როგორც ღარიბაშვილებისა. ბევრი საუბრისა და რჩევის შემდეგ მათა ძლივს-ძლიობით იშოვის ერთს კენიწს შაბს და წამოიღებს შვილის საწამლებლად. ამასობაში-კი სანდალას ქირი, მიწაზე უსახურად გდებით, უფრო და უფრო უძნელდება, ტანში უფრო უჯდება. რა ქნას! მათა უღონობისა და ხელმოკლეობის გამო იძულებული გახდა წამლისათვის თითონ წასულიყო და „კედარი კაცისათვის“ თავი დაენებებინა. მათამ მოტანის უმალ მოამზადა შაბ-წყალი და აღერსით მიჰმართა თავის შვილს—სახლში შესულიყო წამლის მისაღებად. „ააყენებს და კრუსუნით შეიყვანს. დარბაზში აგია ქილობის ნაგლეჯი, იმაზე გადაფენილია გაცვეთილი ფარდაგი, მათას მზითვისა. სახურავად მოუტანა საბანი ისეთი ქუქყიანი და გაქვარტლიანებული, რომ კაცი ვერ მიხვდებოდა, პირველში რა ფერისა უნდა ყოფილიყო. საბანს ქუქყის გამო ზინტლის სუნი ასდიოდა. მათა თავით მოუდგამს ხის მუთაქას—სასთუმალს, ზედ ჩოხას გადააფარებს...“

აი ნამდვილი, შეუფერავი სურათი, ამოგლეჯილი ხალხის ცხოვრებიდან და რეალური ფერადებით გადმოტანილი მხატვრულ ნაწარმოებში! რამდენი გაქირვება, რამდენი მოულოდნელი და მოსალოდნელი უბედურება აქვს გლებ-კაცს თავს დატეხილი! მაგრამ მას ხშირად უბედურობით გამოწვეული მწარე ფიქრი ჩააქინდვრინებს თავს და უმალ ახალი უბედურება და გაქირვება ხელში სახრეს, ან ბარ-თოხს ააღებინებს და მუშაობაზე დააყენებს, როგორც „ყოველი მხრიდან“ დაბეჩავებულს სანდალას ძმას სოლომანს. ასეა. გლებ-კაცი თავ-აუღებლივ, ხშირად ანგარიშ-მიუცემლადაც კი პირუტყვივით

დაპყურებს მიწას, რადგანაც „ზეცა წაართვეს ძალით“ და გულში მუდამეამს იკლავს „კაცური გრძნობის დუღილს“.

ასეთსავე საშინელ, აღმაშფოთებელ სურათს გლახ-კაცის გაჭირვებული ცხოვრებისას შლის მთელ რიგ ნაწარმოებში შაქრო (ზაქარია გულისაშვილი). მისი მოთხრობებიდან: „მარტიიანთ პაპა“, „მეტოეე“, „ბედნიერი კუნჭული“ ხალხის განუწყვეტელი, გულის გამომლადრაეი. კენესა ისმის. მიუხედავად იმისა, რომ შაქროს მოთხრობები არა ბრწყინავენ დიდი მხატვრული ღირსებითა, მაინც, ვინც კი წაიკითხავს მის „მარტიიანთ პაპას“, ცოცხლად წარმოუდგება პაპას ცხოვრების უკულმართობით და ძალმომრეობით გარინდებული სახე, რომელშიაც კაცის უსამართლობამ ჩაჰკლა ადამიანური გრძნობის დუღილი და ცხოვრების ნდომა; ყოველ შემთხვევაში, მის გულის სიღრმეში გამოუნახა პატარა კუნჭული და შიგ ეს ნდომა და დუღილი მძიმედ ჩაამარხვინა; გამოხატვის, გამოჩენის საშუალება მოუსპო და ამიტომ დაბრიყვებულ-დაბეჩავებულ პირუტყვად გადააქცია.

ჩვენი გლახ-კაცის გაჭირვებულ მდგომარეობას ნიჭიერად გვიხატავს რაფ. ერისთავიცი. ის, თუმცა ბრწყინვალე წოდების წარმომადგენელია, თუმცა თავისი შემოქმედების ხანგრძლივი პერიოდის განმავლობაში სიყვარულს და მხიარულ დროისტარებას შესტრფოდა, მაგრამ ჩვენი ქვეყნის პროვინციების კარგად გაცნობამ, ხალხის მდგომარეობის შესწავლამ, ცხოვრების ახალმა პირობებმა რაფ. ერისთავსაც 80-იანი წლებისათვის ქედი მოახრეინა და თავი დააკვრეინა ხალხის ცხოვრების წინაშე.

რაფ. ერისთავმა მთელს რიგს ლექსებში ნიჭიერად შესძლო შესულიყო გლახ-კაცის კანში, განეცადა მისი პირ-ვარამი, ლხინსიხარული და მისივე ენით საზოგადოებისათვის ემცნო, თუმცა ცალმხრივად, მისი გაჭირვებული მდგომარეობა. რაფ. ერისთავმა მხატვრის ოსტატობით გადაშალა ჩვენი გლახ-კაცის ოჯახური ცხოვრება, რომლის წარმატება დამოკიდებულია ოჯახის წევრთა ფიზიკურ ჯანმრთელობაზე და რომელიც სრულებით არ არის დაზღვეული არცერთ უბედურ შემთხვევისაგან.

ცხოვრების ასეთი სინამდვილე მშვენივრად იშლება „სნეულ ოჯახში“:

„ოხრავს გოგონა ნინუა,— გვიხატავს ხალხის ენითა და კილოთი პოეტი, — ქმარიც ავად ჰყავს, შვილიცა.

რა ქნას მარტოკამ, უკენისსი მოხუცი დედამთილიცა“..

ტრიალებს გლეხის ოჯახში საწყალი, გამოუცდელი დედაკაცი. ზოგს ძმარს უსვამს, ზოგს ქარხლის ფოთოლს ადებს, ხან თავის მომზადებულს თხლის შეკამანდს ჰპირდება. მაგრამ უძნელდება ერთს ამოდენა საქმის გაძლოლა. თუმცა ნინუა არ უტყდება შრომასა და მწუხარებას, მაგრამ „დღისით მაშვრალს, ღამე-ნატებსა გამოვლია ღონეა“. არავინა ჰყავს საწყალს ქალს არც წყლის მომტანი, არც მკადის გამომცხობელი. დაიქანცა:

„კვენის ბეჩავი ნინუა, არსაით უჩანს მკურნალი,
სიცხით ეწვება ქმარშვილი და ეხოცება მწყურვალი!..“

ასეთსავე გაჭირვების შავ-ფიქრებს შეუბოჭავს სესიაც, რომელიც ხნავს, სთესავს, ებრძვის შავს მიწას, მაგრამ ეს აუტანელი შრომა მისთვის მაინც ფუჭია, რადგანაც:

„ვერ გადვირჩინე წლის სარჩო, ვერ გამოვიძღე კუჭია...
მიწის პატრონიც მე მწიწკნის, ჯინკველაც ჩემი მტერია,
მოხელე, მღვდელი და ერი—ყველა მე შემომცქერია“...¹

გლეხი უყურებს ცხოვრებას, აკვირდება გარემოს. ხედავს, რომ ის გამუდმებით შრომობს, ძალ-ღონეს არა ზოგავს, დღესა და ღამეს ასწორებს, მაგრამ მაინც მშვიერია. უყურებს ცხოვრების ტრიალს და ვერ მიჰხვედრია ქვეყნის განაჩენს. მიწა, რომელზედაც გლეხი მიწებებულა, რომელიც მას აცხოვრებს და რომელსაც ის თავისი სისხლით და ოფლით ერთგულად აპოხიერებს—სხვისაა, ქირაობს. თუ კარგი მოსავალია, მაშინ კიდევ არა უშავსრა, გაუძღვება მტერსაც და მოყვარესაც. მაგრამ როცა ბუნებაც უმუხთლებს და ქირანახულს გააფუჭებს, მაშინ რაღა ქნას, რით გაისტუმროს ღალა და სხვა ათასი გადასახადი, რომელიც მას არ ასცილდება? და დატანჯული გულიდან ბერუას ამოსკდება:

„ე შავი მიწა მაინც რომ სასყიდლად არა მქონოდა,
შავ სამარემდინ—რა ვიცი—მე რაღა დამაღონებდა?“²

ასეთისავე მუქი ფერადით ჰხატავს გლეხის უმწეო მდგომარეობას ხალხის შვილი იოსებ და ვითა შვილი ლექსში „შემოდგომა“ „ი. გლეხის“ ფსევდონომით. მართალია, მისი ლექსი მეტად მარტივია, სადა, პრიმიტიული, როგორც ფორმის მხრივ, ისე იდეურადაც. სამაგიეროდ ლექსის შინაარსი ხალხის გულის ზედ-ნადებია, სინამდვილით და სისწორით ამოკითხული და ასახული.

1) რ ა ფ. ე რ ი ს თ ა ი ვ ი,—სესიას ფიქრები—გვ. 189

2) მისივე—ბერუას ჩაფიქრება,—გვ. 189.

დადგება შემოდგომა. გლებ-კაცობა სიამოვნებით შეუდგება წლის ნაწვევ-ნადავის შეკრებას მინდორ-ველზე, ბალ-ვენახში, მაგრამ რა ქნას საბრალომ:

„ლალას აძლევენ თავადებს,
მასზე მეტსა მოვალესა—
და, თუ გადარჩა მცირე რამ,
იგიცა მიაქეთ სხვებსაო“.

გლები ჭაქასა და თხლესაც-კი ვერ იყენებს თავის საქიროები-სათვის. ყველაფერი მიაქეთ მისგან „ყოველი მხრიდან“ მისეულ მის მტერ-მოყვარეებს.

„წლით სარჩოს დაინარჩუნებს
სიმინდსა ანუ ფეტვსაო.
ამისთვის წვალობს საწყალი,
წელიწად თორმეტ თვესაო!!!“¹

ასეთია მთელი პროზა და პოეზია გლებ-კაცის ცხოვრებისა. ი. დავითაშვილმა კარგად იცის გლების ცხოვრების სინამდვილე, მისი ტანჯვა და სიხარული და ამიტომ გულუბრყვილოდ, თუმცა შეუფერადებლად, ჰხატავს თავის ლექსებში.

ხალხის საშინელი, დაბეჩავებული ცხოვრების ცოცხალი სინამდვილით სავსე სურათს გვიშლის ნიკოლოზურიც ხალხის საკეთილდღეო მოღვაწეობით გატაცებული გიგო ღრუბელაშვილის და მისი თანამგზავრი ახალგაზრდა ქალის სოფელ-სოფელ სიარულის დროს.

გიგო ღრუბელაშვილმა და მისმა თანამგზავრმა ქალმა გაიგეს, რომ ერთს სოფელში ხოლერა გაჩენილა და საშინელი მძვინვარებით ელეტავს უპატრონოდ დატოვებულ ხალხსა. მგზავრებმა მიაშურეს იმ სოფელს. „...აგერ მათ წინ გამოჩნდა უბედური სოფელიცა. პირველად მათ დაინახეს საბძლები და ოთხ ბოძზე შეყუტული ცარიელი ძარები და შექდეგ თვით საცოდავი ქობმანებიცა, რომლებშიაც ვითომდა ცხოვრობდნენ აქაური გლებები. კაცს ეგონებოდა—ეს ქობმანები განგებ აურ-დაურევიათ, განზრახ დაუდგამთ ასე უსწორ-მასწორადო...“

„სადგომის შემდეგ თქვენ ყურადღებას მიიქცევდა უსათუოდ მათ წინ დიდრონ ზვინებად დაყრილი საქონლის პარტივი, რომელსაც, როგორც მუდამ, ისე ახლა, შემოხვეოდნენ შინაური ფრინველები, ფეხ-ნისკარტით სთხრიდნენ, სჩიჩქნიდნენ და აქეთ-იქით აღიავებდნენ.“

1) ი. გ ლ ე ხ ი - შემოდგომა—„იმედი“—1882 წ. № 3.

ზოგიერთ ამგვარ ადგილებზე წვიმის წყალი შეტბორებულიყო და შიგ ჩამპალი პატივისაგან საზიზღარი მოშავო ფერი მიელო. ამ წუმპეებს ზემოდან დაყურებდა მკათათვის გახურებული მზე და მთელ სოფელში იდგა საზარელი სუნი, რომლისგან ჩვენს ნაცნობ ახალგაზრდებს ჯერ ისევ ორლობეშივე ეკმინდებოდათ სული. სახლების წინ შემოწნული ბაქები, კარმიდამო და სოფლის დახლქანილი გზები აგრეთვე ნაგვითა და სხვადასხვა გვარის უსუფთაობით იყვნენ მოფენილნი. ამასთანავე საითკენაც კი უნდა მიეხედნა ადამიანს ამ სოფელში, ყველგან შენიშნავდა საშინელ ილატაკებს.¹¹

მართლაც, მშვენიერი კონტურია იმ მივიწყებული ქვეყნისა, რომელიც, სილატაკით და სიბინძურით დარეტიანებული, გამოურკვეველ ბურახში იყო. გარეგანი აღწერილობა უკვე ამზადებს მკითხველს შინაგანი ცხოვრების საშინელი სურათის დანახვისათვის. მკითხველი გრძნობს, რომ ცხოვრების მძიმე პირობები უნდა გაიყნოს, მაგრამ სინამდვილის ნახვა ყოველსავე სევდიან მოლოდინს გადააქარბებს. მართლაც, რომ მნახველმა შეიძლება ჯოჯოხეთი სამოთხედ მიიჩნიოს ამის შემდეგ.

ილუსტრაციისათვის მოვიტანთ ორს ნაწყვეტს: „ამათ გაუარეს წინ ერთ მიწურ სახლს; უნდოდათ გზის გაგრძელება, მაგრამ ამ ადგილზედ მათ იგრძნეს რაღაც ცუდი, საეჭვო სუნი. გიგოლრუბელაშვილი ავიდა სახლის ბანზე, ნელი-ნელა აიფაფხა დარბაზის გვირგვინზე და, როდესაც თავი წინ წაიღო ერდოში ჩასახედავად, ის მიხვდა, რისაც იყო ეს სუნი. ჩაიხედა ერდოში და იმავე წამს გველ-ნაკბენივით გამოვარდა უკან.

— „ოხ, რა უბედურება დავინახე, რა უბედურება.—წამოიძახა მან ქალის გვერდზე და აჩქარებით გასწია ამ სახლის დერეფნისაკენ. მხვრელის მსგავსი დერეფანი ფეხების ფრატუნით და ხელების ცაცუნით ჩაიარეს და მიაწვინენ დარბაზის მძიმე კარებსა... კერას ახლო, დედაბოძთან, მათ დაინახეს ორი მიწაზედ გაშოტვილი, გაშეშებული ადამიანი. ერთსა ეცვა კაცურად, მეორეს ქალურად, ორივენი ახალგაზრდები იყვნენ. საზარელი სუნი, რომელიც აქა ტრიალებდა, ცხადი ნიშანი იყო, რომ ესენი სამი-ოთხი დღის გარდაცვალებულნი იყვნენ. ლეში მათი უკვე იხრწნებოდა, კაცი პირქვე ეგდო, ქალი გულ-აღმა და თავი ცოტა მაღლა ჰქონდა წამოწეული. ტუჩებს ხრწნა დაეწყოთ, ზევით-ქვევით აწეულ-დაწეულიყვნენ და დახრქენილი კბილები თავ-ზარ დამცემი სიცილით გამოიყურებოდნენ. ამ

1) ნიკოლოზოური—გიგოლრუბელაშვილი—გვ. 145-146.

სანახავემა თავზე თმები აუბურძგნა ჩვენს ახალგაზრდებს. ფერმიხდილნი იდგნენ ერთ ადგილას და მუწუგებივით გასცქეროდნენ უსულდგმულო ლეშის ჯოჯოხეთურ ღრეკას... უცებ ამ გლოვისა და მწუხარების სამფლობელოში, ამ ძღვეამოსილი სიკვდილის შეებნელ სამეფოში გაისმა ხმა, მაღალი, გატაცებული ხარხარი, კისკისი. ამ ხმამ ისეთი გავლენა მოახდინა ჩვენს ახალგაზრდებზე, თითქო ამოღებული ხანჯალი ჩაეკრა ვისმე მათთვის გულში. ერთი შეჰკივლეს და თავზარ დაცემულნი გამოცვივდნენ კარზედა. იმავე წამს დარბაზიდან გამოვარდა სრულიად დედიშობილა, თმა-გაბურძგნული მოხუცებული დედა-კაცი. ვენახის ეკლიან ღობეზე შეხტა და წელანდებური კისკისით გადაერია ვაზებსა¹.

აი ასეთი შემადრწუნებელი პანორამა გადაეშლება გიგოს და მასთან ერთად მკითხველსაც ჩვენი უპატრონოდ დატოვებული, სილატაკესა და სიბინძურეში ჩამხვრჩალი სოფლისა.

2.

უმიწა-წყლოდ დარჩენილი გლეხის ისედაც უნუგემო მატერიალურ მდგომარეობას საბოლოოდ ანიავებდა და განადგურების ნიადაგზე აყენებდა ხალხის მეტად დაბალი კულტურული დონე. ეს გარემოება პოზიერ ნიადგსა ჰქმნიდა ხალხის შეგნებაში. ცრუმორწმუნეობის და გაიძვერა მკითხავეების რწმენის განმტკიცებისათვის ეს მოვლენა-ეი უდიდესი და უსაშინელესი სენი იყო ჩვენი გლეხკაცობის ცხოვრებაში. ეს რწმენა დაუნდობლად სცარავდა ისედაც დაცემული და გადატაკებული გლეხკაცის ოჯახს. ან დამლუპველ მოვლენას ხალხოსნები შეებრძოლნენ როგორც სიტყვით, ისე საქმითა და კალმით. ხალხოსნები კარგადა გრძნობდნენ, რომ ბედნიერების მოპოებისათვის, წინმსვლელობისათვის საჭიროა ამ სენისაგან ხალხის განთავისუფლება, ამიტომ ამ სენის აქიმობაც დაიწყეს. ნიკოლოზი ერთი საუკეთესო წარმომადგენელია ჩვენს ლიტერატურაში ჩვენი ხალხის ამ მავნე თვისებასთან ბრძოლისა მხატვრული შემოქმედების საშუალებით. თუ რა მავნებელი მნიშვნელობა აქვს ცრუმორწმუნეობას ხალხისათვის, ნიკოლოზიური მშვენიერად გვიხატავს თავის მოთხრობაში „ალი“.

ხალხში გავრცელებული ცრუმორწმუნეობა წარუშლელ დაღს ასვამს გლეხკაცს ბავშობიდან. ბავშობიდანვე გაუნათლებლობის გამო ცრუმორწმუნეობა თავისი არა-ბუნებრივი ძალებით: ეშმაკით, ალით,

1) ნიკოლოზი — გიგო ღრუბელაშვილი, გვ. 150—152.

ქაჯით და სხვა ავი და კეთილი სულებით ავსებს მის შეგნებას. თუ როგორ იზრდება გლებკაცი ამ თქმულებათა ზეგავლენით, როგორ უმზადდება ფსიქოლოგიურად მას ნიადაგი ავი სულების რწმენისათვის, მშენიერად ხატავს ნიკო ლომოური „ალში“-აც და „ქაჯანა“-შიაც.

„გააბეს ალზე! ლაპარაკი,—მოგვითხრობს სიმონა,—და თითო რამე ალის ამბავი თითქმის ყველამა სთქვა... სიცილი, ხუმრობა ამ დროს სრულიად გაჰქრა. მათი ალაგი ხშირმა პირჯერის წერამ და წმინდის გიორგის სახელის მოწოდებამ დაიჭირა. ხალხი არა ხუმრობდა! ამან ძალიან, ძალიან შემაფიქრიანა. ველარც ვახშამი კვამე ხეირიანად და მთელი ღამეც მამლის ყვილამდე არ დამძინებია. ვფიქრობდი ალზე. თვალწინ მეხატებოდა ტყე. ამის შუა ალაგას ვითომ მოჩანდა პატარა, ანკარა, მოჩქრიალე მდინარე, რომელშიაც ერთს მოთარებულ ალაგას, დიდ-თმა გაშლილი იჯდა მშვენიერი მზეთუნახავი ქალი—ალი. ალი თავის ჟუჟუნა შავი თვალებით იცქირებოდა აქეთ-იქით. უნდა დაინახოს ვინმე ადამიანი, მივარდეს და დაახრჩოს... ამგვარი წარმოდგენანი მეხვეოდნენ გარშემო მთელი ის ღამე. პირველ მამლის ყვილის შემდეგ. ჩამეძინა, მაგრამ ვაი იმ ჩაძინებას! სიზმარში ენახე ალი და გულგახეთქილმა გავაჰყიტე თვალეზი. ტყე და ალი ახლა ერთმანეთთან მკვიდრად შეთვისებულ საგნათ გარდაიქნენ ჩემთვის. ერთის ნახვა მენატრებოდა, მეორესი მეშინოდა“¹.

ასეთი გაღიზიანებული, დაშინებული ფსიქოლოგიით და ფანტაზიით მეორე დღეს სიმონა ტყეში წაიყვანეს. დასტოვეს ის წყლის პირას. მამა-ბიძები ცოტა მოშორებით შეშის მზადებას შეუდგნენ. ალზე ლაპარაკით აფორიაქებულ სიმონას ფანტაზიას წყალში მოჭრილი კუნძი ალად მოეჩვენება. შეშინებული დაიწყებს ისტერიულ ყვირილს. უფროსებიც, ასეთსავე ატმოსფეროში აღზრდილნი, დაიჯერებენ. დაიწყებენ კუნძის კრას. კუნძის მოჭრის დროს ერთს ძმას ცულის პირი ტარიდან გაუვარდება, სიმონას მამას მოჰხვდება თავში და მოჰკლავს. შეშის მაგივრათ შინ უფროსს ძმას მკედარს მოიტანენ. მთელი სოფელი ამ შემთხვევას ალის ძალ-მოქმედებით ახსნის. ყველას და განსაკუთრებით კი სიმონანთ დიდს ოჯახს ეს გარემოება რალაც შიშის ზარს სცემდა.

აიწეწა არაშენდაანთ ოჯახი სულიერადაც და ეკონომიურადაც. „დავმარხეთ მამაჩემი,—მოგვითხრობს დაობლებული, უცნაური

¹) ნიკო ლომოური—ალი, გვ. 11—12.

მოვლენით აფორიაქებული სიმონა,—მაგრამ ამის შემდეგაც არ ჩამოგვეხსნა ის წყეული ალი. ჯერ სასათლაოზე ენახათ ის ვილაც მგზავრებს. შემდეგ გავარდა ხმა,—ვითომც მამაჩემი ალს ამოელოს საფლავიდან და წაელოს ტყეში. ეს ამბები ჩვენ შეგვატყობინა ზაქარია დიაკვანმა და გვიჩინა, რომ მიცვალებულის სულისათვის გვეწირებინა, საფლავი გვეკურთხებინა და შემდეგ საზოგადო წირვა გადაგვეხადა. ყველა ესენი სრულიად აღასრულეს ჩვენებმა“¹.

მაგრამ ვერც ამ გარემოებამ უშველა. ხალხში მაგრათა ზის ცრუმორწმუნოების ფესვები. მასთან ბრძოლა არც ევრე აღვილია. თვით ოფიციალური სარწმუნოებაც-კი უძლური გამოდგა. არაშენდაანთ და სოფელს ვერც საფლავის კურთხევამ, ვერც მღვდლის წირვამ და ვერც საზოგადო წირვამ ვერ უშველა. უბედურება ხომ უარესად ართმევს უკულტურო ხალხს აზრს. ასე მოუვიდა არაშენდაანთ ოჯახს და მთელ სოფელს.

არაშენდაანთ ასეთი აფორიაქებული მდგომარეობით უნდა ისარგებლოს აზნაურმა დიაკვანმა ზაქარიამ. ის ოცნებობს—არაშენდაანთ სახლკარი და ნაფუზარი ხელთ იგდოს. ამიტომ არაშენდაანი უნდა მკვიდრი ბინიდან როგორმე აჰყაროს. აი ერთხელ გათენებისას არაშენდაანთ დარბაზში შუა ბანიდან ვეგებრთელა ქვა ჩაუვარდათ და რახა-რუხით დაეცა საკიდელსა და კერასა. არაშენდაანთ ოჯახს თავ-ზარი დაეცა. როცა ერთ-ერთმა ძმამ შესძახა: „ვინა ხარ, ვინა, შე ოჯახ და სახლ-კარ დაქცეულო?“—ო, იქიდან გარჩევით და ქალურის ხმით მოისმა:—„მე ვარ ალი, გამოგზავნილი წმიდის გიორგისაგან, აიყარენით, აიყარენით, თორემ სულ ერთიანად ამოგხოცავთ!“—ო².

წარმოსადგენია, რა შიშის ზარი უნდა დასცემოდა მთელს ოჯახს! ეს შემთხვევა მეორე დღეს, სანამდე არაშენდაანი იტყოდნენ რასმე, თურმე მთელმა სოფელმა იცოდა. დაზარალებულმა ოჯახმა და მთელმა სოფელმაც გადასწყვიტეს, რომ ალი ახლა არაშენდაანთ სახლში ეწვია.

მთელს სოფელს ეს ხმა საშინელის სისწრაფით მოედო. ცრუმორწმუნე სოფელში წარმოუდგენელი, პირდაპირ ზღაპრული ქორის მაგვარი მითქმა-მოთქმა გაჩნდა. არაშენდაანთ უბედურების მიზეზად ხალხის შეუგნებელმა ფანტაზიამ ოჯახის მოხუცი დიასახლისი, სიმონას დიდელა, მაია დასახა. რას არ იგონებდა სოფელი საწყალი

1) ნიკოლოზური—ალი, გვ. 17.

2) იქვე— გვ. 18.

მოხუცის დამოკიდებულებაზე ავ სულერთან!.. ზოგი ამბობდა, რომ მათ თანაზიარად გაუხდია აღს შვილების ამოწყვეტაშიო, ზოგიც— მათ კუდიანიაო. „ბევრი ამ გვარი და ბევრიც ამაზე უარესები ის-მოდან იმ დღესვე. ამ უკანასკნელს ახლო აღარავინ ეკარებოდა. მი-მაგალი რომ დაენახათ, გარბოდნენ იმისაგან, როგორც გიჟისა, ან საოფლიანი ავადმყოფისაგან“¹.

ამ საშინელი ხმების და სოფლის ასეთი დამოკიდებულების გაგებამ საწყალი დედაბერი გამოუთქმელ სატანჯველში ჩააგდო. იმ დამესვე რალაც ცახცახმა აიტანა. საშინელ სიცხეში და აღის მოახლოების ბოდვაში მეორე დღესვე სული განუტევა. აღმა იმსხვერპლა არა მარტო ორი წევრი, არამედ, შეიძლება ითქვას, არაშენდაანთ ოჯახი მთლიანად: არაშენდაანი შიშით გადასახლდნენ იმავე სოფელში. ახალმა გამოუმშრალებელმა და დაუმთავრებელმა სახლმა გააცეცა ისინი. შეუდგათ ოჯახში რალაც ავადმყოფობა (აღბად საოფლე). სიცხეში ავადმყოფებს აღი მუდამ თან სდევდა და შიშის ზარსა სცემდა ყველას. ასეთს მდგომარეობაში მალე გარდაიცვალა ერთი ბიძა, მეორე გაგიჟდა, მესამე-კი, ზაქარია დიაკვნისაგან გაბრიყვებული (მკითხავის დახმარებით), აღის შიშით მთელი ოჯახით გადასახლება ყარაიაზე. იქ ის თითქმის სრულებით ამოსწყდება, მისი ორი ობოლი დარჩენილი შვილი ქალაქში ქუჩა-ქუჩა დარბიან.

ცრუმორწმუნეობა, როგორც ერთი უდიდესი სენი ხალხის ცხოვრებისა, ნიკოლოზოურს მეორე მოთხრობაშიაც („ქაჯანა ში“) აქვს დახატული. ავი სულების რწმენამ ხალხში განადგურებამდის მიიყვანა კიკოლას ოჯახი. ამ გარემოებამ დაცარა კიკოლა და მწუხარების ზეწარი გადაათარა მთელს მისს ოჯახს.

3.

მაგრამ საშინელება, მეტად სავალალო ის არის, რომ ყოველივე უბედურებისა და მარცხისაგან—ავადმყოფობა იქნება, სიკვდილი, საქონლის ჭირი, თუ სხვა რაიმე მოვლენა, ხსნის საშუალებას გლეხ-კაცი ეძებს არა ექიმის დახმარებაში, განათლების შეძენაში, ჰიგიენურად ცხოვრების მოწყობაში, არამედ მკითხავის რჩევაში. მკითხავი გლეხ-კაცის უბედურობის ტალ-კეესია. ამიტომ მკითხავისათვის დატაკს გლეხს ფულიც მოენახება და დროცა. მკითხავიც თავისი ცბიერებით, გაიძვერობით, დაუნდობელი ცარცვა-გლეჯით ტყავს აძრობს ისედაც „ყოველი მხრიდან“ გატყავებულ გლეხს.

¹) ნ. ლომოური—აღი,—გვ. 19.

ხალხის ცრუმორწმუნოებით და მკითხავისადმი ასეთი ნდობით სარგებლობს ისედაც ხელმე-გახსნილი ხალხის მტერი „სოფლის წურბელა“ და კავშირს იქერს მკითხავთან ხალხის საზარალოდ. მკითხავი, როდესაც ცბიერებით ვერ მოახერხებს საქმის ვითარება გაიგოს, მიიშველიებს ხოლმე ღმერთისა და ხატების ძალას, მათი განრისხებით ხსნის გლეხის უბედურებას, ისედაც შეშინებულ გლეხ-კაცობაში აძლიერებს არაბუნებრივი ძალების შიშს. განრისხებული წმინდანების გულის მოსაგებად (რაც გაუნათლებელ გლეხს მეტად სწამს) ხატებთან სალოცავად ჰგზავნის ხოლმე გლეხს და ისედაც დაცარულს ოჯახს ზედ-მეტი ხარჯით ანიავებინებს.

ასევე სარგებლობს მკითხავით ზაქარია დიაკვანი. ვერა და ვერ მოახერხა მან არაშენდაანთ საბოლოოდ აყრა და მათი სახლ-კარის და ნაფუზრის ჩავდება ხელში. მართალია, გლეხ-კაცისათვის შიში ალის მანეე ძალისა და რისხვისა დიდია, ძნელია გამკლავება ალის მუქარისა:— „თუ არ აიყრებით და არ გადასახლდებით, სუყველას გაგწყვეტო“. მართალია, სული ტკბილია, მაგრამ არა ნაკლებად ტკბილია გლეხობისათვის მიწა, რომელსაც ის გამუდმებით ანთხევს თავის სისხლს და ძალას, ძნელია მამა-პაპით გაკეთებული საბუდრიდან აყრა და ცხრა მთას იქით, როგორც ხალხი ამბობს, გადაეარდნა.

გლეხ-კაცი თავისი განსაზღვრული ცხოვრების პირობების გამო შინ მოკალათებულია. ნახევრად მშვიერი და ნახევრად ტიტველი ცხოვრების შენარჩუნება-კი მისთვის იმდენად ძნელია, რომ აღარა რჩება დრო სხვა რისთვისმე ფიქრისა და ზრუნვისა. ეს გარემოება მეტად ვიწროდ ჰფარგლავს მის მსოფლ-მხედველობას, გასაქანს არ აძლევს. ეშინიან, რომ ხმელი ლუკმა-პურიც არ დაკარგოს და პრიმიტიული ინსტინქტით ებლაუქება ძველს თუნდაც მანეე ჩვეულებებს, სულიერი და მატერიალური ხასიათის ტრადიციებს. ეს გარემოება მას ჰქმნის საშინელ კონსერვატორად. აი რატომაა, რომ ასე ძნელია მისთვის დაანებოს თავი მამა-პაპურ ჩვეულებას, გასწყვიტოს მასთან კავშირი, დასტოვოს მამა-პაპური ქოხი. ასეთი ნაბიჯის გადადგმას გლეხი გაბედავს მხოლოდ მაშინ, როდესაც მას ცხოვრება სრულებით გაანიავებს და ხელცარიელს დასვამს, როგორც არაშენდაანთ დათუას დაემართა.

ამით ისარგებლა ზაქარია დიაკვანმა. შეურჩია დრო. ერთხელ, როდესაც ჯან-გამოკლილი დათუა გაპარტახებული ოჯახის წინ იჯდა და მძიმე, გამოურკვეველ ფიქრს მისცემოდა,—ვერ დაეძლია ამ ფიქრს ვერც თავი და ვერც ბოლო, ზაქარია დიაკვანი მას თავზე

წაადგა და „ფლიდური ჯაგრიანის კილოთი“ უთხრა: „რა ამბავია, კაცო, თქვენი თავს?... ვფიქრობ და ვერა მომიფიქრია რა: რა არი და როგორ არი თქვენი საქმე?“ დაღონებული დათუა შესტირებს მეზობელს ოჯახის დაღუპვას და ამის მიზეზს ალის ბოროტ ძალას მიაწერს. ჩვენი უბედურება ალის გამოჩენილად იწყო, — ეუბნება ზაქარია დიაკვანს დათუა, — იწყეული ახლა უჩინარადა გვდევნის!“ — ო. ზაქარიასაც ეს უნდოდა. სარგებლობს დათუას ასეთი სულიერი განცდით და ურჩევს მკითხავს მიჰმართოს, სოფელ ეშმაკეულში რომ არის. დათუამ ზაქარია დიაკვანის რჩევით მკითხავთან ცოლის გაგზავნა გადასწყვიტა. დიაკვანი დაბრუნდა შინ, ფაცა-ფუციტ შეკაზმა ცხენი და კარგა ხშირს ბინდისას დაადგა სოფელ ეშმაკეულისაკენ მიმავალ გზას.

მეორე დღეს დათუას ცოლიც გაუდგება მკითხავის გზას. მკითხავის ეზოში ხალხი ზიზნიმებს. მკითხავი თითონ გამოიძახებს არაშენდაანთ დათუას ცოლს. ეს გარემოება ყველას, და განსაკუთრებით დათუას ცოლს, გააკვირვებს. შემდეგ მკითხავი არაშენდაანთ ოჯახის თავგადასავალს დაწვრილებით ეტყვის. უწინასწარმეტყველებს გადასახლების აუცილებლობას და ახალ ადგილზე კეთილს ბედს.

მძიმე და უკუღმართი ცხოვრებისა და „ალის დევნისაგან“ გატანჯული დათუა მოწყურებული თუნდაც ნახევრად მშვიერ და ტიტველ, დამშვიდებულ ცხოვრებას, თუმცა საშინელ სულიერ ტკივილებითაა შეპყრობილი, მაგრამ მაინც გადასწყვეტავს გადასახლდეს ცოლშვილით. მართლაც, გადასახლდება და იქ უნუგემოდ დაიღუპება. ასეთია გავლენა და შედეგი მკითხავთან ხალხის დამოკიდებულებისა.

მკითხავის ოინები მშვენიერადა აქვს ასახული ნიკოლოზოურს „ქაჯანა“-შიაც, სადაც ეკონომიურად დაბეჩაფებული და უბედურებისაგან გულ-გატეხილი კიკოლა მკითხავის რჩევით ხატში წასული თითქმის მათხოვრად გადაიქცევა. კიდევ კარგი, რომ თხოვნისაგან გაჯერებული სოფლის ბავშვების გონება-მახვილმა სიცელქემ გადაარჩინა სრულ განადგურებას ცხოვრების კალაპოტიდან ამოვარდნილი კიკოლას ოჯახი.

უფრო მძიმე სურათსა ჰპოლის სოფ. მგალობლი შვილი მოთხრობაში „დედა მაია“. ბეჩავს მაიას ვერ უპოვნია მიზეზი, თუ რამ მიიყვანა მისი ახალგაზრდა, ჯან-ლონით სავსე სანდალა სიკვდილის პირს. აზრ-დაბნეული, იმედ-დაკარგული, რადგანაც სოფლური საშუალებანი ვერასა შველოდნენ, თავზე მოულოდნელად დატეხილი უბედურების მიზეზს ეძებს. გადასწყვეტს, რომ უთუოდ და უთუოდ

იმის შვილს რომელისამე ხატის—წმინდანის მიზეზი აქვს. რომ გაიგოს, რომელმა ხატმა დაჰმიზეზა მის სანდალას, როგორც სხვა მისი მეზობლები, მაია მკითხავს გამოჰნახავს. მკითხავი ხომ მათთვის უკანასკნელი მისამართი ღონისძიებაა, რომელიც „რეცეპტებს“ (ბარათს) მიუწერს ხოლმე ხატებთან“. მკითხავის მოგონებაზე მაიას სახე გაუბრწყინდა. დარღები გადაეყარა.

მაიამ მოინდომა ჯერ შინაური მკითხავით, ფთილების ჩამომსხმელით, გასულიყო იოლად. მაგრამ ფთილების ჩამოსხმამ მაიას უბედურებას ვერაფერი უშველა. სანდალას მდგომარეობა თანდათან უფრო გაუარესდა. მაია ჰგონობს, რომ ის დაუძლეველი უბედურების წინაშეა, გრძნობს, რომ ის უსახსროა, უძლურია. მეზობლების რჩევათაც არაფერი სარგებლობა არ მოაქვს. მაიასათვის, როგორც სხვა მის მეზობლებისათვის, ერთი გზაა—მკითხავს უნდა მიჰმართოს. მეზობელმა ფეფელამ მაია ზერტელ მკითხავთან მიასწავლა. მაიას მთელი არსება მკითხავისაკენ იწევს. მაგრამ როგორ მოახერხოს: არც ურემი აქვს და აღარც გამყოლი ჰყავს. უფროს შვილსაც ვერ მოაყვამს; ზაფხულის დღეა, კირ-ნახული კარზე აქვს მომდგარი. პატრონობა უნდა.

მაია მალე იშოვის თავისავით უბედურს დარეჯანს თანამგზავრად.—რის გაჭირვებით ისესხებენ ისინი მკითხავისათვის ფულს და გაემგზავრებიან:—„ვაი ჩემი ბრალი!—ამოიკენესებს მაია, სახლში რომ დაბრუნდება,—სიყრმით, დაბადებიდანვე კი ვერა გავიხარე რა, და! ჩემი დღენი, მე უბედური დღისამა, წვა და დაგვაში გავატარე. რა ვარსკვლავზე ვარ დაბადებული?“ (ეს კენესა ხომ ჩვეულებრივი კენესაა გლეხის დედა-კაცისა!)¹.

უილაჯო მაია „უღირსს შვილს“, მომაკვდავს სანდალას, უპატრონოდ, მოუვლელად დასტოვებს. წავა მკითხავთან. ბევრს ტანჯვასა და დაგვას გამოივლის (მშენიერია მაიას მწვავე განცდები გზაში!). გაჭირვებით ნასესხებ ფულს მკითხავს მისცემს, თვითონ და საქონელი მოცდება. ხოლო მისი შვილი სანდალა საშინელ ტანჯვაში (წყლის მიმწოდებელი, ხმის გამცემი-კი არა ჰყავს), მოუვლელი, სანამდის დედა დაბრუნდება, გადაიცვლება. ასეთია მავნე მნიშვნელობა მკითხავისა ჩვენი ხალხის ისედაც შავ-ღლიან ცხოვრებაში.

4

ამ სენს, ჩვენი ხალხის ცხოვრების დამაჭვეითებელს და გამანადგურებელს ფიზიკურად და მატერიალურად, მოსდევს სხვა მავნე და

¹) სოფ. მგალობლი შვილი—დედა მაია—გვ. 26. ტ. I.

საზარალო ჩვეულებანი. მკითხავის „რეცეპტები“ ავადმყოფს კი არ არჩენს ხოლმე, ხშირად სიკვდილს უახლოებს ზე თავე ვალს მოახვევს. მკვდარს დასაფლავება უნდა, და გლებმა, აქვს, თუ არა აქვს (მას თითქმის არასოდეს არა აქვს), ქელები უნდა გადაიხადოს. ეს არის მეორე და დიდი სენი, რომელიც ჩვენი ხალხის ზურგს მკამელასავით ღრღნიდა ზე მის ყოველსავე ძალას სრუტავდა. ჩვენს ხალხს ამ დრომოქმული ტრადიციების—ნათლობის, ქორწილის, ხატობის, ქელების—შენახვა უმძიმეს ტვირთად აწვა კისერზე. „ი მე დ ი ს“ თანამშრომელნი, რომელიც გამოდიან ხალხის ცხოვრებაში ქეშმარიტი, მის საკეთილდღეო აზრების შესატანად, და ჟურნალიც. ამ მიზნისათვის უნდათ გამოიყენონ, ჟურნალის პირველივე ნომრიდან ცხოვრების ამ მოვლენას სასტიკად შეებრძოლნენ. „ქართველი ხალხის სიღარიბის მიზეზები,—სწერს მ. გურგენიძე,—ბევრი არიან, მაგრამ ზოგზედ ლაპარაკი არ შეიძლება, ზოგზედ უდროვოა, ზოგზედ კიდეც ძალიან საჩოთიროა. ჩვენ ამ დროებით შეგვიძლიან და გვინდა ვილაპარაკოთ მხოლოდ ერთს მიზეზზედ, რომლის მოსპობას შეუძლიან ქართველი ხალხი სიღარიბიდგან სიმდიდრისაკენ გამოაბრუნოს. ეს მიზეზი არის უთავბოლო, უზომო, შეუსაბამო, ტყუილი ხარჯი ნათლობაზედ, ქორწილზედ, დღეობაზედ და მკვდრის დამარხვაზედ. თვით დაბადებიდან კაცისა სიკვდილამდინ—იმის ცხოვრება ისე არის დაყენებული ჩვენ ქვეყანაში, რომ თითქო ეს ცხოვრება დამლუპავი ჩვეულებისათვის არის გაჩენილი“¹.

მართლაც, სადა აქვს იმდენი შეძლება ჩვენს „ყოველ მხრიდან“ შევიწროვებულს, გაძვალტყავებულს გლებ-კაცს, რომ ეს ხარჯი გასწიოს! ის იძულებულია მიმართოს ჩარჩს, მოვახშეს, რომელიც უსინიდისოდ სარგებლობს გლების გაქირვებული მდგომარეობით და დაუზოგველად ტყავს აძრობს (ხშირად ორჯელაც და, შეიძლება, მეტჯერაც-კი ერთსა და იმავე ვალში), ისედაც დაბეჩავებულს გლების ოჯახს. „ის,—სწერს მ. გურგენიძე,—ვინც (რომელიც იხდის ნათლობას, ქორწილს, ქელებს.—მ. ზ.) იღებს ვალს, თვეში თუმანზედ ათი შაჟრიდამ მანეთამდის სარგებელს იწერს... ნათლობა გათავდა, თამაშობაც ბევრი იყო, სმაც და ქამაც, მაგრამ ვალს კი გადახდა უნდა—და ხშირად ამ გვარი მსესხველეები გამოეთხოვებიან ხოლმე ან თავის საზრდოს მიმცემს მიწას, ან ვენახს, ან ბელელს, ან ცხენს, ან კამეჩს, ან სხვას, ან კიდეც თვით

¹) მ. გურგენიძე—ერთი ჩვენი სიღარიბის მიზეზი—„იმედი“, 1881 წ. № 1, გვ. 66.

სახლს¹. ამ მოვლენასაც შეურიგებელი ბრძოლა გამოუტხადეს ხალხოსნებმა. ამიტომ ეს მოვლენაც დიდის სიმკვეთრითაა ასახული ჩვენს ხალხოსნურს ლიტერატურაში.

აკი რაფ. ერისთავის ბერუაც მწარედ ჩივის: „ფული მემართა ვაქრისა „რივისთვის“ აღებულია, თაენში ჰურ-ღვინოს დამჯერდა, ეახშში მივეცი ფულია“².

ხშირად გაუმაძღარნი მოვახშენი ამასაც არა სჯერდებოდნენ, ხელახლა წამოუვლიდნენ გლეხს და სულით ხორცამდის გაპყიდოდნენ:

„არ შემარჩინეს ზედაშე,—ჩივის ბერუა,—გოკი, ქათამი,
წიწილა,

არც საბუღარში კვერცხები,—გამომილია სინსილა!..

გეო ვაქარი ჩემს სახლში ნაფარდობს, როგორც ქორია,
გზირიც, არყისგან გამტყვერალი, გორაობს, როგორც ლორია!..
რა ვქნა, რა წყალში ჩავეარდე, რით მოვიცილო ქირია!..
ყველა მე ჩამომეკიდა,—სოფლის მოხელე, გზირია“³.

ასეთი ხარჯის გაწევით დაცემულ გლეხის ოჯახს უფრო რეალურ ფერადებში შლის ნიკოლოზი. „დავმარხეთ მამაჩემი—მოგვითხრობს სიმონა,—მაგრამ ამის შემდეგაც არ ჩამოგვეხსნა ის წყეული ალი... გაეარდა ხმა—ვითომც მამა ჩემი აღს ამოეღოს საფლავიდამ და წაეღოს ტყეში. ეს ამბავი ჩვენ შეგვატყობინა ზაქარია დიაკვანმა და გვირჩია, რომ მიცვალებულის სულისათვის გვეწვირვინებინა, საფლავი გვეკურთხებინა და შემდეგ საზოგადო წირვა გადაგვეხადა. ყველა ესენი სრულად აღასრულეს ჩვენებმა; მაგრამ ვაი ამ აღსრულებას! ამან საშინელი დაღი დაასვა მთლად ჩვენს ოჯახს და მის მომავალ ბედს. აქამომდე უვალო ოჯახს ამ წირვებისა და კურთხევის მეოხებით ათ თუმანზე მეტი ვალი დაგვედო. ეს ვალი შემდეგ გაღიღდა, გარდაიქვა ორმოცათ, სამოც თუმანთ. გაეხდით ჩვენ დედა-ბუდიანად ერთი ურიის მონებათ და ყმებათ“⁴.

ვინ იყო ეს ურია, რომლის მონიდ და ყმად გადაიქვა არაშენდაანთ უვალო ოჯახი? იქნება, ეს უბედურება მოულოდნელია გლეხისათვის? იქნება გამოუცდელით მოსდის მას? საქმეც ის არის, რომ გლეხს ყველაფერი საშიშროება სხვებზე უკვე გამოცდილი აქვს,

1) მ. გურგენიძე—ერთი ჩვენი სიღარიბის მიზეზი—„იმედი“ 1881 წ. № 1, გვ. 67-68.

2) რაფ. ერისთავი,—ბერუას ჩივილი.

3) ნიკოლოზი—ალი, გვ. 17.

4) მისივე—იქვე

მაგრამ მანვე ჩვეულება (ქელეხი, ხატობა, ქორწილი, ნათლობა და სხვა) ისეთს მოთხოვნილებადაა გადაქცეული, რომ ის თვალთა მიდის ამ უბედურებისაკენ. „ყველამ კარგად ვიცოდით, - მოგვითხრობს სიმონა, — მისი (ხახამ გაბრიელას) უღმერთობა; ყველას გაგვეგონა, თუ სამი ლიტრა მარილის ფასი ხუთ წელიწადს როგორ გარდუქცია ოცდაათ თუმნად ერთ გლესსა! შემდეგ უჩივლა, წაართვა ვენახი, ნაფუძარი და ღეთის ამარა გაუშვა მათი საცოდავი პატრონი. ვიცოდით ყველა ესენი, კიდევ ბევრი სხვა რამე, მაგრამ რა გვექნა?.. გაჭირვების დროს მაინც ისევ მას მივმართავდით ხოლმე, რადგანაც კარგად ვხედავდით, რომ მის მეტი გზა ჩვენს ბედობაზე სხვა არ იყო გაჩენილი. მივმართეთ კიდევ, როდესაც გაჭირვება დაგვადგა! ათი თუმანი თანეი ვალი ხუთი წლის განმავლობაში სამოც თუმნად გაგვიხადა. დაგვაწერინა სამოცი თუმნის თამასუქი და შემდეგ წაგვიქირა ხელი“¹. და ბოლოს, მართლაც, ხახამ გაბრიელამ დაამთავრა არაშენდაანთ ოჯახის დამხობა.

ასეთივე მყვლეფავია არუთინა და შამუელი („ყოველი მხრიდან“). ესენიც ანდრია გლესს მიადგებიან მოსავლის მოკრების წინ თავიანთ „თეთრი აბაზების“ გასანაღდებლად. ანდრიას მორჩილ პასუხზე: — „გავლენწავ, შვილოსან, და ჩემი ფეხით მოგიტან ფულსაცა და პურსაცაო“, არუთინა, მისთვის დამახასიათებელ უკმაყოფილობით დაიღრიალებს: — „არა, ძმაოჯან, არა!.. შენი არწყული და მოტანილი რა თავში ვიხლი! როცა კალო შეაბა, შემატყობინე: მე მოვალ, ჩანახსა და ტომარას მოვიტან და სულ წმინდათ კალოზე ჩამაბარე“. აღელვებული ანდრია არუთინას ასეთი უხეში და უსამართლო მოთხოვნილებით, ინსტინქტურად უკმაყოფილების კილოთი ეტყვის: — „რას, ამბობ, კაცო? მე შენი ჩანახით როდისა ვარ გარბი-გებული? ექვს აბაზათ კოდი პური მოგცე და ისიც შენი უძირო ჩანახითა! ღმერთი აღარ არის შენში“². გრძნობს ანდრია არუთინას უსამართლობას, ხედავს მის უსამართლობას, მაგრამ რა გაეწყობა, მისი სული არუთინას ხელშია და ისიც იძულებულია დასთანხმდეს.

ანდრიას ასეთისავე თხოვნით მიჰმართავს მღვდელიც, რომლისგანაც ის დავალიანდა იმავე უბედური შემთხვევის გამო.

— „აბა, შვილო, — მიჰმართავს შენდობის მისაღებად მისულ ანდრიას მღვდელი, — რას ამბობ?.. განა დრო არ არის, რომ ი შენი

1) ნიკოლოზური — ალი გვ. 27-28.

2) მისივე — ყოველი მხრიდან, გვ. 342.

შვილის სამკვდრო მომცე?.. აგერ წელიწადი სრულდება, ანდრია, და შენ კი ჯერაც არა მოგიცია რა!“¹

მღვდელიც კი იმასა ცდილობს, რომ გლახს საწირავის გადასახადის სარგებელში ერთი ბურჯაკი მაინც გამოჰკლიჯოს. გლახიც იძულებულია მისცეს.

მაგრამ უბედურება ის არის, რომ ბეჩავს გლახ-კაცს ბელი ხშირად უმტყუნებს ხოლმე: წამოუშენს ნიაღვარი და სეტყვა, და მის ჰირნახულს, დიდის წვითა და დაგვით მოვლილს, სწორედ აღების წინ გაანადგურებს ხოლმე. ამ უბედურების შემდეგ მწარეთ დაღონებულმა გლახმა არ იცის, რა ქნას, რით გამოკვებოს ცოლ-შვილი, ან რით გაუსწორდეს „ყოველის მხრიდან“ მოსულ მკამელებს.

განა ისევე არ ავიწროვებს და არ ანიავეს ყაზარა მიკირტუმოვი ხარაზი დემეტრე ასკილაძის ოჯახს. დემეტრემ დაცოლშილიანების შემდეგ დაიწყო ხარაზობა. მოინდომა შეემატებინა „ცოტა რამ შეშუტი ღუქნისათვის. მაგრამ იმდენი ღონეც არ ჰქონდა. როგორც იყო, იშოვა ვალად ყაზარა მიკირტუმოვისაგან ხუთი თუმანი ფული, მაგრამ რაც მოიტანა, ისიც სულ ყაზარას სარგებელსა და „ნეუსტოიკებს“ მოუწია. ჩაიფლო ლაფში და ველარ ამოვიდა“².

ყაზარას ვალის გადახდამ და მისმა დავიდარაბამ გადაიტანა დემეტრე. ყაზარამ დემეტრეს ოხრად დარჩენილი ოჯახის სრული განადგურება მოინდომა არა მარტო ეკონომიურად, არამედ ზნეობრივადაც. ყოველივე უდიერობა და აუტანელი შეურაცყოფა მიაყენა წურბელა ყაზარამ დემეტრეს უარარაოდ დატოვებულ ცოლ-შვილს. მთელს ნაწარმოებში საშინელი შემადრწუნებელი ხითხითი ისმის სხვისი უბედურებით გაბედნიერებული და კმაყოფილი ყაზარასი.

განა სრულ განადგურებამდის არ მივიდა არაშენდაანთ ოჯახი ხახამ გაბრიელას გადამკიდე?

არაშენდაანთ ოჯახი ალის გაჩენის და მასზე მოყოლილ უბედურებათა შემდეგ ველარა და ველარ ამოვიდა ხახამ გაბრიელას ვალიდან. თითქმის მთელი შეძოსავალი არაშენდაანთი გაბრიელას ათი თუმნის ვალში მიდიოდა. მაინც ვერა და ვერ გადაწყვიტეს მისი ვალი. ბევრი ლანძღვა-გინება და მუქარა მიიღო არაშენდაანთ ოჯახმა გაბრიელასაგან. და, დასასრულს, ერთ კვირა დღეს მამასახლისმა დაუძახა დათუას საყდრის კარებთან გასულიყო. დათუა მა-

1) ნ ი კ ო ლ ო მ ო უ რ ი—ყოველი მხრიდან—გვ. 341.

2) ს ო ფ. მ გ ა ლ ო ბ ლ ი შ ვ ი ლ ი—დემეტრეს სახლობა, გვ. 7.

შინვე ადგა და წავიდა. გავიდა კარგა ხანი. დერეფნიდან მოესმათ რამდენიმე კაცის ხმა და ლაპარაკი. ცოტა ხანს უკან გაიღო კარები და დარბაზში შემოვიდა დათუა; მას შემოჰყენენ მამასახლისი, ორი მისი თანაშემწე, ხახამ გაბრიელა და ერთი ვილაც რუსულად ჩაცმული, სასამართლოს ბოქაული. „ათასი წელიწადი რომ ვიცოცხლო,—გადმოგვეცემს სიმონა, — ვგონებ, მაინც არ დამავიწყდეს ბიძაჩემი დათუას მაშინდელი სახის გამომეტყველება! სახისა კი არა მარტო, მთლად მისი არსების მდგომარეობა. ამ ნახევარ დღეს, ის, ოცდახუთმეტე წლის კაცი, სამოცი, წლის მოხუცებულს დამსგავსებოდა. წელში საცოდავად ზოკაკულს, გაყვითლებულს, თვალეზ მიცივებულს, დამპალ ხესავეზ გაჰქონდა ძანძარი. წინაპირველად ის თითქო ვერაფერსა ჰხედავდა: იჩერჩეტა, იჩერჩეტა და კინალამ კერას გადააწყდა. დედაჩემმა მათ შემოსვლის დროს ერთი ღრმად ამოიკენესა და მიჯდა თაროსთან“¹. საწყალი თავბრუ-დასხმული დათუა ცოლის ხმამ-ლა გამოარკვია. მიიხედ-მოიხედა და დაგლეჯილი დათვივით შეპლრიალა: „ვენახი გაგვიყიდეს, ვენახი, ვენახი... ვაი ცოლო და შვილო! ნაფუძარი გაგვ...“ ამის გაგონებამ მთელი ოჯახის წევრებში აღძრა ერთი საშინელი ტირილი და წიოკი. „კაცს ეგონებოდა, ამ ხალხს ცხედარი უდევთ წინაო“. აი გლეხ-კაცის მდგომარეობის უტყუარი სურათი.

ასეთია შედეგები ნათლობა-ქორწილისა და წირვა-ხატობისა, რომელსაც გლეხის ოჯახს მოვანზის ხელში ყმად გახდომა მოსდევს. და ამიტომაც, რომ ასეთი სიმწვავეით და მუქ ფერადებში ასახეს ხალხოსანმა-მწერლებმა ჩვენი ხალხის ეს შავ-ბნელი მხარეც.

5

მაგრამ არა მარტო ხალხის მტერი და სისხლის მწოვი ჩარჩები ავიწროვებენ გლეხ-კაცს და სარგებლობენ მის უილაჯობით და დაბეჩავებულობით, არამედ ადმინისტრაციაც, რომლის დანიშნულება ხალხის კეთილდღეობის და მის ცხოვრების უზრუნველყოფელობის სამსახური უნდა იყოს. პირიქით, ისიც თითქოს საწყალი გლეხის შესავიწროებლად არის დაარსებული. სამსახურს და თავის მოვალეობას ის ისე უყურებს, როგორც თავის პირადი კეთილდღეობის განმტკიცების საშუალებას გაძვალტყავებულის და დაბეჩავებულის ზურგზე და ხარჯზე.

1) ნ ი კ ო ლ ო მ ო უ რ ი—ალი, გვ. 30

სოფლისა და მაზრის ადმინისტრაციაც ერთ-ერთი უმწვავესი მუწუკია ჩვენი გლეხკაცის ზურგზე.

ადმინისტრაციის თვითნებობას და ძალმომრეობას სწორედ ლარიბი გლეხის მიმართ მშვენიერად გადაგვიშლიან ჩვენი ხალხოსანი მწერლები: ნიკო ლომოური, სოფ. მგალობლიშვილი, ყაზბეგი; შაქრო (ზ. გულისაშვილი) და სხვანი. მაგ. ნიკო ლომოურის „ქრისტიანი ლეკები“ მშვენიერ სურათს გვაძლევს გლეხკაცობის შევიწროებისას ადმინისტრაციის მიერ.

ლარიბ სოფელ ნიკრეულაში ყველაზე ლარიბად და ხელმოკლედ სცხოვრობს სვიმონა ლუკაშვილი—„მარტოხელა კაცი, წვრილ-შვილის და მცირე მამულის პატრონი. მართალია, ის ჯერ კიდევ ყმაწვილი ბიჭია, მაგრამ, როგორღაც მოხუცი, დაძაბუნებული კაცივით გამოიყურება: სიარულის დროს მუდამ მიწაზე დაიკტირება, თითქო დაუკარგავს რამე და იმის ძებნაში არის გართულიო“¹. სვიმონას გარეგნული შეხედულებაც-კი, მის გადატაკებულ სახლშიაც რომ არ შევიდეთ და მისი მშვიერ-ტიტველი ცოლშვილიც არ გავიცნოთ, საშინელი დაბეჩავებულის შთაბეჭდილებასა სტოვებს. „თქვენი-კი არ ვიცი, მკითხველო,—სვიმონას მეტად სწორ დახასიათებას გვაძლევს ნიკო ლომოური,—და მე კი, როცა სვიმონა ლუკაშვილს წარმოვიდგენ ხოლმე, მაშინათვე თვალ-წინ ამეყუდება უზარ-მაზარი სურათი ას-თავიანი დევისა, რომლის ტლანქ წიხლებ ქვეშ მიწაზე განართხული გდია სვიმონა; მდევი სქეპყავს მას, ჰქელავს უსულდგმულო ნაბადივითა. სვიმონა მაინც არა კედება, ცოცხალია, მაგრამ ვაი ამისთანა სიცოცხლესა“². სვიმონას ასეთ დახასიათებაში ხალხოსანი ნიკო ლომოური იძლევა დახასიათებას მთელი მშრომელი ხალხისას, რომელიც გაკირების უღელ ქვეშ იზნიქებოდა, და სიცოცხლეს მაინც ებრძოდა.

ამ სვიმონა ლუკაშვილის ოჯახიც ახალწელიწად ღამეს მხიარულ გუნებაზეა. გამუდმებული შევიწროებული ცხოვრებით შენახული და დამზადებული ხორაგით უნდა დაჰხვდეს ახალ წელს, რომ სიღარიბე აღარ დაეკვეთოს.

სვიმონას სიმამრიც სწვევია და გამხიარულებული ოჯახი სამზადისშია. — მოულოდნელად სვიმონას გარედან გზირის ხმა მოესმა. მან სვიმონას შეატყობინა: მამასახლისი მოვიდა, ცუდ გუნებაზეა და შენ გიბარებსო. სვიმონას გუნება მწარედ შეეცვალა. „ეგ პირის კომლ

¹) ნიკო ლომოური,—ქრისტიანი ლეკები, გვ. 181.

²) იქავე—გვ. 182.

ამოსახუთი,—სთქვა მან,—მე ვიცი ხერს არ დამაყრის. იმ დღეს ი ხუთი მანეთი რო ემართა ი კაცსა, ის ფული ამირთვა და გასამჯელოში ნახევარი მთხოვა; მე, როგორც იყო, ხელთ ვიგდე ფული და ერთი მანეთის მეტი არ მივეცი. გიჟი მოზვერივით დამიბრიალა თვალები და ხითხრა: დაიცა, შვილოსან, ჩამივარდები როდისმე ხელში და მე გიჩვენებ მაშინ შენ სიერსო¹⁾. სთქვა ეს და მწუხარებით, თავის გაქნევით გაჰყვა გზირს.

სვიმონას წინათგრძნობა გამართლდა. გზირი ზურაბა ლექსი-შვილის სახლის წინ სვიმონამ დაინახა ოთხი ცხენოსანი: მამასახლისი და სამი მხლებელი ჩაფარი. ჩვეულების თანახმად, რომელ სოფელსაც-კი მამასახლისი თავის მხლებლებით თავის მისვლით გააბედნიერებდა, ის სოფელი ვალდებული იყო უსასყიდლოთ გამასპინძლებოდა ამ დაუპატიჟებელ სტუმრებსაც და მათ ცხენებსაც. მამასახლისმა მოისურვა სვიმონასათვის ეჩვენებინა თავისი ძალა. როდესაც სვიმონა მძიმე თავის დაკვრით მიესალმა მამასახლისს, მან ბრძანებით უთხრა მას: „წაიყვანე ემ წამში ეს ოთხივე ცხენები, თბილ ბოსელში დააბი და ქერი და ბზე არ მოაკლო“.

„სვიმონამ თავი ძირს ჩაღუნა, ეგონებ, სრულიად უგრძნობლად, ქედა მოიხარა; თავი, კისერი ძალზე მოიჩეჩა: შემდეგ ერთი ნაბიჯი უკან გადადგა და დაღრეჯით წარმოსთქვა:

— „ერთი ნამცეცი ბოსელი მაქვს, ჩემი საქონელიც ძლივს ეტევა; არც ქერი მაქვს, ღმერთმა ხო იცის... ამიტომ გთხოვთ, მამასახლისო, სხვასთან ვისთანმე დააბმევირო შენი ცხენები.

— „შენები გამორეკე ბოსლიდამ და იმათი ადგილი მიეცი ჩვენ ცხენებს... ქერსაც მალე გაშოვნინებენ ჩემი ჩაფრები.

— „შე დალოცვილო—და, რო გამოვრეკო ამ თოვლსა და სიცივეში, ხომ სულ ერთიანად გამიწყდება ისედაც შიმშილისაგან დალასლასებული საქონელი. და, აბა, მაშინ რალა შავი ქვით და ნაცარი ცხელით გავცე პასუხი ან ღმერთსა და ან ხელმწიფესა.

„მამასახლისმა წარბი შეიკრა, გრძელ წვერზე დიდკატურად ჩამოისვა ხელი და მრისხანებით შეუძახა:

— „ჩაფრებო, აბა ერთი კარგა გაბერტყეთ ეგა“²⁾.

მამასახლისის ბრძანება მისმა ერთგულმა დამქაშებმა პირნათლად შეასრულეს. სამივენი მისცვიდნენ სვიმონას და შეუბრალებლად სტყუპეს ბეჩავი სვიმონა, „რომელიც ამ დროს ხან გველივით იხლა-

¹⁾ ნიკო ღო მ ო უ რ ი —ქრისტიანი ლექები—გვ. 187.

²⁾ იქვე -- გვ. 188.

კნებრდა, ხან ძირსა ცუცქედებოდა, თითქო კინტოურსა თამაშობსო, ხანაც ფეხებს აქეთ-იქით იქნევდა და ჯამბაზივითა ხტოდა“. სვიმონას ეს მდგომარეობა ამხიარულებდა მის ჯალათებს. ძლივს ცოცხალ-მკვდარი გააგდებინეს ჩაფრებს.

განთავისუფლებულმა სვიმონამ მწუხარებით და აჩქარებით გასწია შინისაკენ. სახლში რომ მივიდა, ქვითინით გადასცა ცოლ-შვილს გამოვლილი უბედურება და მთელი ოჯახი რალაც გამოურკვეველ მწუხარებას მიეცა.

მაგრამ ეს არ აკმარა მამასახლისმა ბეჩავ სვიმონას. დათეთქვილმა, შეურაცყოფილმა სვიმონამ ვერც კი მოახერხა გამორკვევა, რომ კარი გაიღო და მის სახლში შევიდა მამასახლისის მიერ გაგზავნილი ორი ჩაფარი. დაუპატიებელმა სტუმრებმა მოურიდებლივ, ცინიკურად მიმართეს სვიმონას: „აბა, მამასახლისისათვის ვახშამი მზად არის, თუ არა?“—ო. მოსთხოვეს ინდოურები. უილაჯო სვიმონამ ხელი მიუღო საახალწლო სამზადისზე და უთხრა წაეღოთ, ხოლო ინდოურებზე, რადგანაც არა ჰყავდა, უარი განაცხადა. ჩაფრებმა ყველაფერი წაიღეს, რაც საღირველი დანიხხეს. სვიმონაც თან წაიყვანეს, ალბად მამასახლისისაგან ასე იყვნენ დარიგებულნი. მიიყვანეს ის მამასახლისთან და მოახსენეს, რომ „სვიმონა ლუკაშვილმა ინდოური არ მოგვეცაო“. განრისხებული მამასახლისი წამოვარდა და შეჰღრიალა: „ჩქარა თოკი!“ როდესაც თოკი მიუტანეს, მრისხანედ დაიძახა: „მოიყვანეთ ეგ ლორი, ეგ ლობიო-ქამია ტეტია და მაგრა მიაკარით ბოძზე“... ჩაფრებმა მყის შეასრულეს სურვილი ძლიევა-მოსილი მამასახლისისა და მაგრად მიაკრეს თოკით ბოძზე. მამასახლისი არ დაკმაყოფილდა. „თავი ძირს აქვს დაღუნული მაგ ლორსა,—ბძანა მამასახლისმა,—აუკარით თავიც მალლა: მე მინდა, რომ ჩემ წინ გამოქიმული იდგეს სალდათივითა“¹. ყველა ეს დაუყოვნებლივ იქმნა სისრულეში მოყვანილი. საშინელ, საზარელ სურათს წარმოადგენდა საბრალო სვიმონა: „ფერ-მიხდილი, უძრავად გაშეშებული,—ავციწერს ავტორი,—ის უფრო ბოძზე აკრულ უსულდგმულო ცხედარსა ჰგავდა, ვიდრე ცოცხალ ადამიანსა. თოკ-მოჭერილ მკვლავებიდან სისხლი ძირს დაშვებულ ხელებში ჩამოჰვებებოდა; ამის გამო განზე გაპარკყული თითები რუმბებივით დაბერილიყვნენ და ორთავე ხელები ნახშირივით დაშავებოდა.“ ასეთ მდგომარეობაში სვიმონამ ორი-სამი საათი გაატარა და კიდე, შესაძლებელია, დიდი ხანი იქნებოდა, რომ შეუბრალებელი, ბეჩავი სვიმონა გზირს არ შებრალებ-

¹) ნიკო ლომოური — ქრისტიანი ლეკები — გვ. 192.

ბოდა და ცრემლითა და ვედრებით არ გაენთავისუფლებინა ჯალათების ხელიდან.

ასე დაოსებული, გამწარებული და გაწბილებული სვიმონა, უფრო მკვდარი, ვიდრე ცოცხალი, დაუბრუნდა თავის დაწიოკებულ ოჯახს. სვიმონა სრულებით უძღურია დაიცვას თავისი უფლებანი, თავისი ოჯახი განადგურებისაგან. ავტორმა, სვიმონას მდგომარეობა რომ უფრო გასაგები გახადოს, მეტად მშვენიერი შედარება მოგვცა: „მე მინახავს ძროხა, რომელიც დასაკლავად მიჰყავდათ. ის თითქო ცხადადა გრძნობდა თავის მომავალს უბედურებას... საცოდავის ხმათ ზმუოდა, ფეხები უკანა რჩებოდა, მთვრალი კაცივით ბარბაცებდა. სწორედ იმ ძროხასა ჰგავდა იმ წამში ჩვენი საბრალო სვიმონა“¹, —ათავეს ხალხის უბედური ბედის მტკივნეულად შემგრძნობი ნიკოლომოური.

ასეთსავე სურათს გლახ-კაცის შევიწროებისას ჰშლის შაქროც თავის მოთხრობებში, რომლებშიაც ცხოვრებასთან საბრძოლველად გამომწვევი კილო გვესმის. ავტორი ბაცაკა მეტივეს ავადმყოფობის დროს, სიცხეში ბოდვის საშუალებით, გადააშლევინებს მძიმე სურათს გაჭირებული ცხოვრებისას. „—ე, მიყვარს ჩვენი ცელქი თეძამი, —ბოდავს მეტივე, —დიდხნისაა, ბევრიც იცის, ბევრიც უნახამს... რამდენ გულ-საკვლავ ამბებს გვეტყვი უწინდელს და ეხლანდელს?! ბევრჯელ გამოვარდნილა ბატონის სახლიდან ბატონისგანვე ნამუსშერცხენილი მოახლე და უღვრია შენ ნაპირებზედ მწარე ცრემლები... რამდენჯერ მოუბანია შენის წყლით ბატონისაგან ან იმის მოურავისაგან ნაცემ ყმას სისხლიანი თავ-პირი! თითონ ბატონის სახლიდან რამდენი კვენესა და ავი ამბები გსმენია?!... ეხლანდელი იასაულებისაგან; გლახების დაწიოკების ხმაც ხომ გსმენია?... ჩინოვნიკებისაგან მათრახის შლაპა-შლუპის ხმა; გლახისაგან ბედის წყევლა, როდესაც წასულა ის სამართლის საპოებლად სასამართლოში, დაბრუნებულა, ჩამომჯდარა დაღონებულა შენ ნაპირებზე ხმელა პურის წყალში ამოსასველებლათ! ჰე, რამდენი სხვა... ახ, ნეტავ ლაპარაკი შეგეძლოს, უთხრა ყველას“...² და ასე ამ რიგად მეტივეს შაქრო გადააშლევინებს ხალხის მძიმე და უკუღმართი ცხოვრების ოდისეიას.

არა ნაკლები მუქი ფერადებით აგვიწერს შაქრო მოსამართლის უსამართლობას მეორე მოთხრობაში — „ბ ე დ ნ ი ე რ ი კ უ ნ კ უ

1) ნ ი კ ო ლ ო მ ო უ რ ი — ქრისტიანი ლეკები — გვ. 187.

2) შ ა ქ ო — მეტივე — „იმედი“, 1881 წ. № 3, გვ. 29—30.

ლი“. „ეხლა ერთი აცხელი კაცის ვენახი მქონდა დაგირავებული ოცდახუთ თუმანში, მინამ გადაწყდებოდა, კოკა ორ მანეთათ ტკბილი უნდა მეზიდა. ოცი კოკა წაღებული მქონდა, მეორე წელს, კოკა ტკბილი თუმანი ვახდა. გლეხი მოვიდა ჩემთან და ფულები მომიტანა და ვენახის დახსნას მთხოვედა. მე უარი ვუყავ.—ან რა გიყი ვიყავ დამეთმო, ნატარიუსში უსლოვია მქონდა დაწერილი. გლეხმა მაინც ტკბილი არ დამანება და ფულები ნატარიუსს მიუტანა.—მე ნატარიუსთან არ მიველ და როცა გლეხი შინ წავიდა, ნატარიუსი ჩემსკენ დავიყოლიე. იქვე, მიროვი სულში მივიყვანე და ვათქმევიანე, რომ გლეხი არც ფულს მაძლევდა და არც ტკბილს, თავის ნებით—უსლოვიას არღვევს. სულმა ორმოცდაათი თუმანის ლისტი პრედვორიტელნი ვზისკანიით მომცა და ორ კვირას უკან პრისტავით აცხაში მიველ გლეხის ქონების ასაწერათ. ოცი კოკაც ჩაუფაქე, რადგან კანდრახტის გვერდზე კვიტანცია არ იყო“¹. ასეა ყველა—მამასახლისიც, „პრისტავიც“, ნატარიუსიც, მოსამართლეს და სხვაც გლეხ-კაცის გამქელავი და შემავეწროებელი იყო.

6

ხალხოსანი-მწერლები უფრო ღრმად მიდიან ხალხის ცხოვრების წიაღში. რაც ღრმად და შორს მიდიან, ისინი მით უფრო მეტ ტკივილებს და იარებს პოულობენ მის ცხოვრებაში. გარდა გაუმაძღარი ჩარჩისა, უზრუნველი, უდიერი ბატონისა, ანგარებით აღსაყვ მღვდლისა, მხეცი, დაუნდობელი მამასახლისისა, გზირისა და საერთოდ ადმინისტრაციისა, გლეხს მეტად ავიწროებს სოფლის ახალი ბატონი,—გლეხ-კაცობის წრიდან გამოსული, თანამოძმეთა ზურგზე ამოსული ავთვისებიანი ხორცმეტი, ეგრედ-წოდებული „თავი კაცები“. ესენი გამდიდრებულნი არიან უმეტეს შემთხვევაში. მემამულესთან დაახლოვებით ან მოურაობით, ან სხვა რომელიმე უზნეო გზით. მოურავის უარყოფითი ტიპის დახატვა გავრცელებული თემაა ჩვენს ხალხოსნურ ლიტერატურაში.

გლეხთა წრდიდან გამოსული მოურავი, მოწყურებული ძალაუფლებას, შეპყრობილი დაუძლეველი სურვილით—დაახწიოს როგორმე თავი საუკუნოებით მასზე გაბატონებულ სიღარიბეს, სრულებით ჰკარგავს ადამიანურ გრძნობას და მთლად მტაცებელ პირუტყვად გადაიქცევა.

¹) შ ა ქ რ ო—ბედნიერი კუნძული—„იმედი“ 1881. წ. № 9, გვ. 15.

მოურავი ხშირად ბოროტად სარგებლობს თავისი მდგომარეობით. ბატონის სახელით საშინლად ავიწროებს მოძმე გლეხებს. მას შემდეგი ანგარიში ამოძრავებს: თუ ბატონს ერგება და გულს მოუგებს, მის ნდობას დაიმსახურებს, მით არა-ნაკლები სარგებლობა იქნება მისთვის. ამიტომ მოურავი ბატონს გლეხ-კაცობის შევიწროებაში არამც თუ ერთგულად ემსახურება, აქარბებს კიდევ ბატონის მოლოდინს და სურვილებს. ესეც ერთ-ერთი მტკივნეული იარა იყო გლეხკაცის გაძვალტყავებულ ზურგზე.

მოურავის დახმარებით ბატონი გლეხებს დიდ ლალებს აწერს. სადაც ერთი დღისა აქვს გლეხს, იქ ორი დღისასა სწერს!¹ „ყოველი მხრიდან“ შევიწროებული ანდრია, როდესაც მოიშორებს კარზე-მომდგარ თავის მკანელებს—მღვდელს, ჩარჩ არუთინას და შამუელს, თავის ქნევით იტყვის: „წუხელის ბატონის მოურავიც ეგდო აქა. ძაან დაგვემუქრა: სულ ნაცარ-ტუტას აგადენთ, თუ ყველა მოსავალი დროზე არ მოგიერთმევიათ ბატონისათვისაო. სამიოდოთხი თუმანი ჯიბეში ჩაიქისა: მოსავალში გამოგიბრითო. ევა მდიდრდება და ი ჩვენი დოღრიალა ბატონი კი მიწასთანა სწორდება“².

მოურავის მკვეთრს სახეს, მართლაც რეალურ ფერადებში დასურათებულს, შიგ ნიჭიერად ხალხის ბოღმა-სიძულელით ჩაწნულს, გვაძლევს სოფ. მგალობლიშვილი „ჯორ-ზაქარა“-ში თავესტატე მარუშაძის მოურავის, სოსიკას, დახატვით.

ახალი დრო დაიწყო. ქალაქმა, საცა ევროპული ცხოვრება იკიდებდა ფეხს, ყველა მიიზიდა: ერთი—ფუფუნებისათვის, მეორე ლუკმა-პურის შოვნისათვის. თავ. ესტატე მარუშაძეც გადასახლდა ქალაქში. მამულის მოვლა-კი ჩააბარა გლეხს სოსიკას, რომელიც, როგორც მარუშაძეები სიამოვნებით აღნიშნავდნენ ხოლმე, „ლორის ტილივით დაძვრებოდა“. სოსიკამ დიდი უნარი გამოიჩინა. დიდი კაცი გახდა. „სამოურაოში რო წავიდოდა,—ავგიწერს სოფრომ მგალობლიშვილი,—შორი-ახლო მისდევდა ბიჭი ცხენითა; თითონაც, რასაკვირველია, სანაქებო ცხენზე იჯდა. იმ დროს სოსიკა ბატონიც იყო, პატრონიც და ერთიც კიდევ ზედ-მეტი რალაქა. ეხლა თავადი ესტატეც და ხალხიც სოსიკას აღარ ეძახდნენ, ეხლა ის ყველასათვის „იოსებ პატიჩი“ გახდა, და ვაი იმის დედას, ვისაც სოფელში წამოსცდებოდა „სოსიკა“, სულ მათრახით გააქრელებდა ხოლმე და თან დააყოლებდა: „შე მამაძაღლო, მე შენი რა სოსიკა ვარ, ჰა!!“³.

¹) სოფ. მგალობლიშვილი—დედა მია—გვ. 8-9.

²) ნიკოლოზური—ყოველი მხრიდან—გვ. 343.

³) სოფ. მგალობლიშვილი—ჯორ-ზაქარა—გვ. 152, ტ. II.

რამ აიყვანა სოსიკა, ერთს დროს „ლორის ტილივით“ შპრომელი, ასეთ სიმალღებზე? რამ გაასუქა ის ასე? რატომ მოექცა ყველა გლებებს თავს? რით დაიმსახურა თავადი ესტატესი და მისი კნინას ასეთი პატივისცემა და ნდობა? რასაკვირველია, ყველა ეს შედეგი იყო სოსიკას „ერთგულებისა“. „სოსიკაც,—გვიხსნის ავტორი,—აფასებდა ბატონის სიყვარულსა: ტყავიდან ძვრებოდა, ოლონდკი ბატონისათვის ესიამოვნებინა, შეემატნა რამე იმის ქონებისათვის, გაემდიდრებინა იმისი სახლი. რა კი თითონაც გემო გაიღო სიმდიდრისა, თითონაც ფეხი ჩადგა ბატონობაში, რაკი ისე დააყენა ყველგან საქმე, რომ „ბატონ მოურავს ვახლავართ, ბატონი-მოურავი აღდგერძელა ღმერთმა“—სულ ეს ესმოდა გლებებისაგან, უფრო და უფრო უმატა მხნეობას: გლებების ყვლეფასა. შებრალება და შეწყნარება ვისიმე, ტკბილად და ძმურად მოპყრობა, ქვრივ-ობლის გაკითხვა იმის დროშაზე არ ეწერა. მხოლოდ, როგორც ზემოთაც ვთქვი, თითო სოფელში კაცი ჰყავდა გააზატებული, ნათლი-მამად მოკიდებული, რომ მყუდრო ბინა ჰქონიყო. ეს ნათლიმამაც იმ სოფელში ერთ რამეს ნიშნავდა: სოფელი ეფერებოდა და ხანდახან ხიდად ხმარობდა მოურავთან საქმის გასაქეთებლად“¹. უნდა ვიფიქროთ, რომ ამ ნათლიმამებთან „მოფერება“ და მათი „ხიდად“ გამოყენება სოფელს იაფად არ დაუჯდებოდა. თუ სოსიკას „თავად ესტატეზე ნაკლები შეძლება არაა ჰქონდა“, სოსიკას ნათლი-მამებიც, ალბად, კარგად მოითბობდნენ ხელს გლების ცხოვრების ცეცხლზე და ისინიც კარგად გასუქდებოდნენ. წყაროკი მხოლოდ ერთი იყო—ისედაც გალატაკებული, შევიწროვებული გლებ-კაცის ცხოვრება.

მოურავის ასეთსავე გაიძვერა ტიპს არტემას სახით შაქროც გვაძლევს მოთხრობაში „ბედნიერი კუნჭული“: „შენთან რა დავმალო,—მოუყვება არტემა თავის თავგადასავალს ავტორს,—და მე, ეს ოცი წელია, რაც ყარაბალიდგან მოველ კუნჭულში. როგორც გინდა სთქვი, ნიფხავი არ მეცო! ერთი ყისინის ჩონხაში გახვეული, რვა ხარი მოვიყვანე გასასყიდათ. ს. აცხაში დავყიდე და ილბალიც იქ ვიპოვე... მე ისეთი გონება და შნო მაქვს, რომ ყველგან ბედს ვიშოვიდი. აცხაში ბედზე მიველ ცხონებულ თავად თალიაძესთან... თავი დაბლა დაუქარ, ცოტა—ბევრი, დღეს—ხეალ, კნინასაც და კნიაზსაც ცოტა გულში ჩაუვარდი; ან რატომ არ ჩაუვარდებოდი?—

1) ს. ო. მ. გ. ა. ლ. ო. ბ. ლ. ი. შ. ვ. ი. ლ. ი.—ჯორ-ხაქარა—გვ. 153: ტ. II.

როცა დამიძახებდნენ, სალდათივით გამოვიქიშებოდი ხოლმე და, თუ დამსაქმებდნენ, თავ-გადაგლეჯილი გავრბოდი. რბილი ენა, თანაც მორცხობა, სიამოვნება—ეს სულ ისე მიემართე, რომ კნენინა იტყოდა ხოლმე: „ეგ ჩვენი ოჯახიდან მოსაშორებელი არ არისო“. „ფეი, რა მომაშორებინებს, ვაჟო“, ეტყოდა კნიაზიც! მერე მე ყმების, ბიჭების და მოურავების ბეზღება დავიწყე და ისე მოვიგე ბატონის გული, რომ მოურაობა შე დამრჩა. მოურაობაში კარგი გროშები ვიშოვე. ეს სოფელიც კარგად გავიცან—ბევრი დავინათლიავე და ერთ მშვენიერ ღღეს კნიაზს ვუთხარი: დამითხოვე სამსახურიდან, ბატონო, მე დუქანი მემარჯვება და აცხაში დუქანს გავმართავ.—ოღონდ კაი დუქანი გამართე, თართის დოშები, ხიზილალა მოიტა და მე თითონ მოგიმართამ ხელსაო, მიპასუხა კნიაზმა... ნელნელა, ნელ-ნელა და ეხლა ისე მომიმართა ღმერთმა ხელი, რომ მთელი უეზდის ვენახები, მიწები შე მაქვს დაგირავებული“¹. აი ჩვეულებრივი გზა, რომელსაც სთელავდნენ ეს „სოფლის წურბელები“.

მოურაეებს გარდა სოფელს აწუხებენ, მის ზურგზე საზრდომენ, როგორც მძლავრი ავი პარაზიტები,—ცბიერობით, უსინიდი-სობით, უპატიოსნო საქმეებით გასუქებულნი. მათ ხელში უჭირავთ მთელი სოფელი, რადგანაც ისინი მატერიალურად უზრუნველყოფილნი არიან და უდიერად სარგებლობენ გლეხ-კაცის უილაჯო და უპატრონო მდგომარეობით. მათთან ბრძოლა სხვას, ჩვეულებრივ გლეხკაცს ცალკე და ერთადაც-კი არ შეუძლიათ. ასეთი „წურბელების“ ტიპს მშვენიერად გვიხატავს სოფ. მგალობლიშვილი „ლამის მეხრე ცეცოში“, ფილუა ეშმაკურაშვილის და ისაკა ბლუნძელაშვილის სახით. ისაკა ბლუნძელაშვილი შეუჩნდა ბერძენ ბერებს, რომელნიც წინად ძალის-ხევას მფლობელობდნენ. დაიმსახურა მათი ნდობა და გლეხთა „ნაგლეჯ-ნაცარცვით“ მშვენიერად მოაწყო თავისი ოჯახი. „სახლკარი წამოიქიშა, კურათივით გასუქდა. შვილებს მამულ-ადგილი დაუნაწილა“. ისაკას თავისი მოხერხებით და ცბიერებით სოფლის ზოგიერთა „ავყია“ ხალხი გადაბირებული ჰყავს. მათ ის სიკეთეს ჰპირდება ღ დაწარჩენებისათვის სრულებითაც არა ზრუნავს. პირიქით, „ხო ჩვენი კაცია,—სამართლიანად ეუბნება გაბრაზებული ძალის-ხეველ გლეხკაცობას ცეცო გოდერძიშვილი,— ჩვენი სოფლის შვილია, ჩვენი მეზობელიც არი, მაგრამ ჩვენი სისხლის მწოველი კია, ჩვენი სისხლით გასუქებული კია!“ ამიტომ ხმა, რომ ძალის-ხევა ისევ ბერძენ ბერებს დაუბრუნდებათ. გლეხობას

¹) შაკრა—ბედნიერი კუნძული—„იმედი“ 1881 წ. № IX, გვ. 13-14.

მწუხარებით აფიქრებს, შიშის ზარსა სცემს. ეშინიათ, ისაკა ბლუნძელაშვილი კიდევ არ გახდეს სოფლის უდიერი ბატონიო. თავისუფლების მოტრფიალე ახალგაზრდა გლეხ-კაცი ცეცო ცდილობს შეაგნებინოს სოფელს ისაკას მავნებლობა და ურჩევს მის წინააღმდეგ წავიდეს საერთო ყრილობაზე.

მაგრამ სანამ ბერძენი ბერები მოვიდოდნენ, მანამდისაც აქვს სოფელს საფიქრებელი, „ე უპრავლიაუჩი“ უჭირებთ მათ საქმეს.

— „ის არ გვიკირებს,— უპასუხებს მონობასთან შეურიგებელი ცეცო,— თუ მკითხამ, ჩვენივე მეზობელი გვიკირებებს საქმეს, ჩვენი! აძალღებული ფიდუა ეშმაკურაშვილი ჩვენის ხელით ანწუხნუა ასაგები, ანწუხნე!.. უპრავლიაუჩმა რა იცის, ვის რამდენი დღისა აქვს ნახნავი, დღიური რამოდენაა, რა ალაგას და რა მიწას რა ფასი ადევს; სულ ჩვენებით ვილუპებით, სულ და სული ხილად ეგენი ცდებიან და იმასაც რა ენაღვლება“¹.

აი ასეთი იყო ჩვენი გლეხკაცის მდგომარეობა: „საითაც გაიქცეოდა, იქით წაიქცეოდა“, ვისაც მიმართავდა, ისა სჩაგრავდა, იბრიყვებდა, არბევდა, მის უბედურებაზე თავის ბედნიერებასა ჰქმნიდა.

7.

ცხოვრების უკულმა ტრიალმა, უსამართლობამ გლეხ-კაცი იმდენად შეაძრწუნა და გული გაუტეხა, რომ ის უნდობლად და ურწმუნოდ გადააქცია. მას არა სწამს, რომ მისთვის ვინმე იზრუნებს, რომ ვისაც კი შეუძლიან, მას არა სცარცვავდეს, არ ავიწროებდეს, არა სთელავდეს მის პიროვნებას. გლეხ-კაცის ასეთს განცდას ნიკოლოზ მოური მშვენივრად გვიხატავს თავის მოთხრობებში. გიგო ღრუბელაშვილი და მისი თანამგზავრი ქალი ხოლერიტ ავადმყოფს გლეხს ექიმი ეგონა და არ უნდა მიიღოს მათი წამლობა: „თქვენ, ალბად, დოხტურები იქნებით,— შეშინებული ავადმყოფი მიჰმართავს მათ,— თავი დამანებეთ... მომშორდით... იქნება ღმერთმა შეიბრალოს ჩემი საწყალი ცოლშვილი“-ო. გიგო ღრუბელაშვილი მწუხარებით და გლეხში გულწრფელობის და ნდობის გამომწვევი სურვილით ეუბნება: „ჩვენ დოქტორები არა ვართ, ჩემო ძმაო, ჩვენ შენი ძმები ვართ. შენი სიკვდილი კი არა, შენი ფეხზე წამოყენება გვინდა. ჩვენ გვინდა, რომ შენ როგორც დოვლათით, ისე ჭკუა-გონებით, ღონიერი გახდე... ჩვენ გვსურს რომ შენი მადლიანი მარჯვენა ძლიერებით

1) სოფ. მგალობლიშვილი — დამის მეხრე ცეცო — გვ. 72.

შეიმოსოს: მოკეთეს სიყვარულით მოეხვიოს და მტერს ბოროტ გულში გააღმასებული მახვილი ჩასცეს“¹.

ასეთი მიმართვა გლეხისადმი, ასეთი შეხედულება და მისწრაფება წმინდა ხალხოსნურია. ასეთი ეკლიანი გზა და ბედიც ხომ ხალხოსნურია, როგორც ჩვენში, ისე რუსეთშიც.

მიუხედავად ასეთი ძმური და ნუგეშიანი მიმართვისა, ავადმყოფი გლეხი მაინც „თვალე-დაჭყეტილი, გაშტერებული შესცქეროდა მოლაპარაკეს და, როდესაც ის გაჩუმდა, მან კიდევ უკან დაიწია, ცოტა გაიღიმა და დიცივნით წამოსთქვა:— „ჰეი, ჰეი! როგორ გაგიღესია ეგ ენა და! ღმერთო შენი თავდები, შენ ან აღუკატი იქნები, ან მწერალი“...² გლეხი გადაბრუნდა მეორე გვერდზე, პირი კედლისკენ მიიქცია, და ველარ გადმოაბრუნეს აქეთ, ისე მაგრად მიეკრა კედელს. დაღონებულმა მგზავრებმა კარგად დაინახეს, რომ გლეხს იოტის ოდენა ნღობა არა ჰქონდა მათდამი, და განაგრძეს გზა საშველი გულითა და ხელით გაშლილი.

მაგრამ ასეთივე უნდობლობით ჰხედება ხოლერით დაზარალებული ნამტირალევი მოხუცი დედაკაცი ჩვენს ხალხის ბედის ახალგაზრდა გამზიარებელთ. მათ მოისურვეს ხოლერით დაზარალებულ სოფლის უპირველესად უსუფთაობისაგან გაწმენდა და ნამტირალევი დედაბერს ჰკითხეს, სად არიან კაცები, რათა მიეშველნენ სოფლის დასუფთავებაში, რადგანაც „აი ამ წუნწუხებმა,—უხსნის გიგო ღრუბელაშვილი,—აი საშინელმა უსუფთაობამ იცის ხოლერის გაჩენა“-ო. ამის გაგონებაზე „დედაბერმა,—გადმოგვეცემს ავტორი,—გაოცებით შემოხედა, მწარედ გაიღიმა და უთხრა:

— „თუ ამისგან არის, მაშ შარშან და იმაზე წინაც რატომ არ იყო ხოლერა. ეს უსუფთაობა ხომ მაშინაც აქ იყო.

ამაზე გიგოს რალაც უნდა ეთქვა,—განმარტავს ავტორი,—მაგრამ დედა-კაცმა აღარ დააცალა, გატრიალდა და უკანიდან ბუზღუნით მოაძახა:

— „ნეტა ერთი რას დაეხეტებით, მასხარობთ. ამ მეორეთ მოსვლის დროს ვისა სცალიან თქვენთვისა...“³

აი ასეთი უმადურობა და უნდობლობა დახვდათ ისედაც ეკლიან გზაზე ხალხოსნებს. ჩვენი ცხოვრების სინამდვილის ცოდნამ არა ერთხელ აღანიშნინა ეს გარემოება ჩვენს მეორე საუკეთესო ხალხოსან-მწერალს სოფრომ მგალობლიშვილს. „ათას რეაას სამოცდა

¹) ნიკო ლომოური—გიგო ღრუბელაშვილი—გვ. 149.

²) იქვე—გვ. 150.

³) იქვე—გვ. 148.

ათსა და ოთხმოციან წლებში—სოფელ-სოფელ გამოჩნდებოდნენ ხოლმე თითო-ოროლა „ერთობის“ მქადაგებელნი; სთესავენ „თესლსა კეთილსა“, თესლსა „ერთობისა“. ხალხის გული სალი კლდესავით შეხვდა ამ ერთობის მთესველებსა, არ იკარებდა თვისთა მოყვასთა სიტყვებსა და სდევნიდა კიდევცა“¹. სოფ. მგალობლიშვილი ასეთსავე აზრს გამოათქმევიანებს გლეხებს ყრილობაზე მოთხრობაში „წითელი სარჩული“.

აი ასეთია ჩვენი გლეხის ცხოვრება სინამდვილეში და სინამდვილით და ხშირად ობიექტური სისწორით ასახული ჩვენს ლიტერატურაში. აი ხალხის სენთაგან მოქსოვილი მძიპე, თავზარ-დამცემი ქსელი, გაუვალი წყვილიადი, ნისლივით რომ გადაჰფარებოდა ჩვენს ცხოვრებას და შიგ არც მზის შუქს და არც მაცოცხლებელ სიოს არ უშვებდა. ხალხი, გაუვალ ჩიხში მომწყვდეული, უადამიანო პირობებში წყდებოდა, იელიტებოდა. მისი კენესა და გმინვა გამუდმებით ესმოდა ყველას, ვინცკი ხალხის ცხოვრებასთან მისვლას მოისურვებდა. აკი ნიკო ლომოურის გრიგოლ ღრუბელაშვილმა უმალ იგრძნო, დაინახა და განიცადა ხალხის უმწეო მდგომარეობა!

ბუნებრივია და გასაგები გიგოს სულიერი განცდა, გამოწვეული ჩვენი სოფლის ნამდვილი და შესაზარავი სახის დანახვით. „შავი ფიქრებით მოცული მისი გონება,—გადმოგვცემს ავტორი,—მხოლოდ ერთს საგანს ჩასციებოდა, მხოლოდ ერთს საგანს ჰხედავდა. მას თვალწინ ედგა დიდი უზარ-მაზარი საფლავი, რომელსაც ყოველის მხრიდან შემოხვეოდნენ სხედასხვა ხორცშესხმული ბოროტებანი: უსამართლობა, მტარვალობა, ძარცვა-გლეჯა. ამათის ბრძანებით ათასობით მოჰყავდათ დამხდარ-დაყვითლებული, ჯაფისაგან წელში გამწყვდარი ხალხი, შეუბრალებლათ ჰყრიდნენ ამ საფლავში და საზიზლარი სიცილ-ხარხარით ცოცხლებსავე აყრიდნენ ზემოდან მიწასა. ირგვლივ ისმოდა საშინელი კენესა, გმინვა, წყევლა, შეჩვენება. და ყოველივე ეს გახურებული შამფურებივით უვლიდა მთელს ტანში გიგო ღრუბელაშვილსა, უვლიდა და თანაც თვალებიდან მდუღარე კრემლის ნაკადულები გადმოსდიოდა“².

და ეს კრემლი გიგო ღრუბელაშვილისა—კრემლი სიყვარულისა, თანაგრძნობისა—დაჩაგრულ და დაბეჩავებულ ხალხისადმი, ხო-

1) სოფ. მგალობლიშვილი—ჯორ-ზაქარა ტ., II გვ. 154.

2) ნიკო ლომოური,—გიგო ღრუბელაშვილი—გვ. 152-153.

ლო სიძულვილისა და აღშფოთებისა მჩაგვრელთადმი, — დამახასიათებელი იყო ხალხის მოკეთე ხალხოსნებისათვის.

აი ამ ღრუბელაშვილებმა მეტად მტკივნეულად შეიგნეს და განიცადეს ამ ჩიხიდან ხალხის გამოყვანის აუცილებლობა. მათ წინაშე მთელი სიმწვავეით და სიცხადით წამოდგა საკითხი: რა გზით უნდა მოხდეს ხალხისათვის ბედნიერების ქვეყნის შენება? რა გზით და როგორ უნდა შევიდეს ხალხი ძმობა-ერთობა-თავისუფლებათანასწორობის სამეფოში?

8.

ხალხოსნების დევიზი იყო, როგორც ეს მკაფიოდ გამოხატა გ. მათაშვილმა, „სეინილისიერი და ყოველმხრივი შესწავლა ხალხის ეკონომიური ცხოვრების ყოველ მხარეთა. მხოლოდ ამ გვარ შესწავლაზე დამყარებით შეიძლება დაასკვნა ესა თუ ის დედა-აზრი, გამოიკვლიო ხელმძღვანელი პრინციპი და გზის მაჩვენებელი ნათელი ქეშმარიტი, რომლის შემწეობით შესაძლებელი იქნება მოიპოვოს კაცმა ზომანი და ღონისძიებანი საჭიროებათა დასაკმაყოფალებლად, და მაშვრალ და ტანჯულ მშრომელთა გაჭირვების და უილაჯობის ცრემლების მოსაწმენდათ“¹.

მართლაც, ხალხოსნები შეეცადნენ მისულიყვენ ხალხის ცხოვრებასთან ახლო. ასახეს მისი ცხოვრების სენნი, დამაბრკოლებელი მიზეზები და გარემოებანი. სურათი, როგორც დავინახეთ, შემადრწუნებელი აღმოჩნდა. მაგრამ ამასთან ერთად ხალხის ცხოვრებასთან ახლო მისულმა ხალხოსნებმა, ხალხის კულტით, მისი ძალისა და ნიჭის უპირატესობით გატაცებულ შემთხვევებში, აღმოაჩინეს გლეხის ცხოვრებაშიაც ლაფთან ერთად მარგალიტებიც.

„თუმცა საზარელია ჩვენი გლეხის ცხოვრების სურათი, — სწერს სტ. კრელაშვილი, — მაგრამ მისი ზნეობითი ძალა მეტად გამოსაჩენი და დიდია. გლეხის პატიოსნება, ნამუსი, სიტყვაში სიმაგრე, მოწყალება, სიყვარული, შებრალება და სხვა ზნეობითი ღირსებანი ბევრით მაღლა დგანან თვითონ ჩვენი განათლებული საზოგადოების თვისებებთან. ამას ურწმუნებენ „შაქრობებიც, გურგენიძეებიც, მოჩხუბარიძეებიც“².

¹) გ. მათაშვილი — წერილი ჩვენი საზოგადოებრივ მოღვაწეთა მიმართ, „ივერია“ — 1882 წ. № LX — გვ. 101-102.

²) სტ. კრელაშვილი — ახალგაზრდურ მოხუცებულობაზედ — „იმედი, 1882 წ. № 6. გვ. 94.

და მართლაც, ხალხოსნებმა თავისებური გატაცებით და ხალხის ცხოვრების საფუძვლების უპირატესობის შეგნებით მხატვრულ შემოქმედებაში განასახიერეს ჩვენი ხალხის ზნეობითი ძალა, მათი ცხოვრების და ჩვეულებათა საზოგადოებრივი ხასიათი ისე, როგორც რუსმა „ნაროდნიკებმა“ რუსი ხალხის ცხოვრებაში იპოვეს თემური წყობილება (община), რომელიც, მათი შეხედულებით, ხელს უწყობდა გლენტა შორის ურთი-ერთ დახმარებას, ადამიანურ და გულ-შემატკივარ დამოკიდებულებას, და ეს ასახეს, რათა გლენტა-კაცის ცხოვრების სამართლიანი და სალი საფუძვლები დაენახებინათ.

ჩვენი ხალხოსანი მწერლების უმრავლესმა ნაწილმაც გადმოიღო ეს მიმართულება და გატაცებით დაიწყო ამოკრეფა ხალხის ცხოვრების წიალიდან ასეთი მისაბაძავი და სასარგებლო ჩვეულებებისა, რომელთაც შეინახეს გლეხი.

მოდმისადმი შებრალება, მოწყალება და სიყვარული, მიუხედავად არა-ხელსაყრელი პირობებისა, ძალუშად ანთებს და აღელვებს გლეხის გულს. გლეხი წილებზე ფეხს იდგამს, არაფერი აქვს, უწყალოდ ღარიბია, შრომა თავს ზევით არ აღებინებს, მაგრამ, თუ ჰხედავს მოძმეს ღარიბს, ქვრივ-ობოლს, დაჩაგრულს,—ის გულცივად არ ეკიდება მათს მდგომარეობას. დავრდომილს და წაქცეულს წიხლს აღარ დაჰკრავს, ცდილობს ძმური დახმარების ხელი გაუწოდოს. მშვიერისა ზ დაჩაგრულის მას, თვით მშვიერისა ზ დაჩაგრულს, უფრო ესმის.

რაფ. ე რ ი ს თ ა ვ ი ხალხის ასეთს საზოგადოებრივ-სასარგებლო თვისებას ჰხედავს მამითადის ჩვეულებაში. დიდის ვაი-ვაგლახით, წვითა და დაგვით თინამ გამოზარდა შვილი. გააყოლა გუთანზე. ერთი დღის მიწა მოუხნეს. სათესლეც სოფელმა მისცა. დათესა თინამ, „ზღვა გასკდა“, ყანები შემოვიდა. ყველა სამუშაოდ ემზადება. საწყალი თინა კი უსახსროა. მუშა არა ჰყავს. ყანა, ლამის არის, გაუფუქტდეს. ჩამოუარა თინამ სოფელს, დაუძახა მამითადს. მიუხედავათ იმისა, რომ გლეხისათვის ზაფხულის განმავლობაში ყოველი წუთი ძვირფასია, ის აჩქარებს თავის მოსავლის აკრებას, რომ მუხთალმა ბუნებამ არ გაუფუქოს და მშვიერი არ დასტოვოს. მაინც თინას:

„დილა-ადრიან მოადგენენ კარზედ რჩეული ბიჭები,
„პოოპუნათი“, კიყინით მოუდგენენ ქვრივის ყანასა,—
არ შევხვედრივარ მამითადს მე არსად ამისთანასა“¹.

ხალხის ურთიერთი დახმარება, ადამიანის თავისუფალი და მთლიანი პიროვნების შემნახველი პირობები ღარჩენილია ხალხის

¹) რაფ. ე რ ი ს თ ა ვ ი—თინას მამითადი—გვ. 175.

თემურ წყობილებაში. თემური წყობილება, საუკუნოებით შენახული და გამოუმუშავებული ჩვეულებებით, სალი ნიადაგია საზოგადოებრივი ცხოვრების ჩვევათა გაფართოება-განვითარებისათვის, ხალხის ბუნების გაფაქიზებისათვის, ადამიანური სახის შემუშავებისა და შენარჩუნებისათვის. ამიტომ თემური წყობილების კულტი მძლავრად მოსწავს რუსი-ხალხოსანი მწერლების შემოქმედებაში. ამასვე ვხედავთ ჩვენს ლიტერატურაშიაც.

თემური წყობილების სიფაქიზე, სიმძლავრე, უპირატესობა მთელი სიმძლავრით იშლება ყ ა ზ ბ ე გ ი ს შემოქმედებაში¹. ოდნავადაც რომ გადახედოთ მის შემოქმედებას, აშკარად ვიგრძნობთ და მკვეთრადაც დავინახავთ ავტორის გატაცებას, მოწიწებითი პატივისცემას ხალხის მდიდარი, უშუალო ბუნებისა და ნიჭისადმი, მის ცხოვრების ქურაში გამოსული ზნე-ჩვეულებისადმი. ამ ჩვეულებებს რკინის კანონის ძალა მოუპოვებიათ ხალხის წევნებაში, ძვალსა და რბილში შესისხლხორცებიან მათ. ამ ჩვეულებებით სცხოვრობს ხალხი, მათს წინააღმდეგ ვერავინ წავა.

ყ ა ზ ბ ე გ ი ს რომელი ნაწარმოებიც უნდა ავიღოთ—„ელ გ უ ჯ ა“, „მამის მკვლელი“, „ხევის ბერი გოჩა“, „მოძღვარი“, აშკარად დავინახავთ ავტორის ხალხოსნურ მსოფლ-მხედველობას, მის მიერ ხალხის ზნე-ჩვეულებათა ღრმა, ზედმიწევნითს ცოდნასა და გაგებას. ყ ა ზ ბ ე გ ი ს შემოქმედებაში მკაფიოდ გვესმის ავტორის ძლიერი სურვილი, მისი უაღრესად წრფელი რწმენა:—ხ ა ლ ხ მ ა თ ა ვ ი ს ბ ე დ ნ ი ე რ ე ბ ი ს ა თ ვ ი ს ა რ უ ნ დ ა დ ა ჰ კ ა რ გ ო ს ე ს ჩ ვ ე უ ლ ე ბ ა ნ ი (რასაკვირველია, რომელნიც საზოგადოებრიობას ანვითარებს და აღვივებს ხალხში), უნდა შეინახოს, როგორც უძვირფასესი, ისტორიით მიღებული განძი და მათზე ა ა გ ო ს თ ა ვ ი ს ი მ ო მ ა ვ ა ლ ი ა დ ა მ ი ა ნ უ რ ი ც ხ ო ვ რ ე ბ ა. „გახსოვდეთ, ხალხნო,—მიჰმართავს ხალხს სიმონ ჩოფიკაშვილი (ყოველ ექვს გარეშეა, თვით ავტორია),—რომ თემის სიტყვა ვერ გატყდება, ვერა!.. თემის სიტყვას ყველანი ისე უნდა დამორჩილდნენ, როგორც ღვთის სიტყვას. „თემობა არის ერთობა, ერთად ჰივსაც, ლხინსაც გაახარებთ“². ეს გახლავთ ქადაგება იმ „ობშირინის“ სასარგებლოდ, რომლის კულტიც დიდის გატაცებით წამოყენებული იყო რუს „ნაროდნიკების“ მიერ

1) აქ მხედველობაში გვაქვს ის უჯუფი ნაწარმოებთა, რომელსაც დ ი მ ი ტ-რ ი ყ ა ზ ბ ე გ ს ვ ა კ უ თ ე ბ თ: „ელგუჯა“, „მამის მკვლელი“, „მოძღვარი“, „ელი-სო“, „ხევის ბერი გოჩა“ და სხვა.

2) ყ ა ზ ბ ე გ ი — ე ლ გ უ ჯ ა, გვ. 106.

და რომლის ერთ-ერთ საუკეთესო გამომხატველად ჩვენს მწერლობაში და საზოგადოებრივის აზრის ისტორიაში უნდა ჩაითვალოს ყაზბეგი¹.

ავიღოთ პატარა ნაწყვეტი „ხევის ბერის გოჩა“-დან. ეს ნაწარმოები ულამაზესი და ქემშარიტი ეპოპეიაა ჩვენი მთიელთა ცხოვრებისა. ავტორი მშვენიერად, წარმტაცი, ცოცხალი ფერადებით გადაშლის მკითხველის თვალწინ ჩვენი მთის ხალხთა ცხოვრებას: ამ პირობებში აღმოცენებულ და განვითარებულს მის შორსმკვრეტავს, მახვილს განებას, მის გულს თავისი მდიდარი და მომხიბლავის თვისებებით, ფაქიზი, უანგარო, უხადო გრძნობით, სამაგალითო ვაჟკაცობით და დადარბაისლური, ბრძნული ზნე-ჩვეულებებით:

„მოხუცმა შეანძრია დროშა და ამ საერთო სიჩუმეში გაისმა პატარა ზარების წკრიალი, რომელმაც შეაკრთო მუხლ-მოყრილი ხალხი და ძარღვებში ჟრუანტელსავით დაურბინა.

— „ამწყალობებენ, ამწყალობებენ! — გოჩა ამწყალობებს! — ჩურჩულმა ხალხში ნიავსავით გაირბინა და შესწყდა.

„გოჩამ კიდევ შეანძრია დროშა. კვლავ გააწკრიალა ზარები და პირუჯარის გადაწერით მოჰყვა წყნარად, ტკბილად და ღინჯათ ხალხის დალოცვას:..

„როდესაც გოჩამ დალოცვა გაათავა, ხალხს უამოუცხადა ნუგზარ ერისთავის სურვილი.

„აქამდის მშვიდად და წყნარად მყოფი-ხალხი ერთბაშად შეინძრა, ერთბაშად აღელდა და უკმაყოფილობის გამო კარგახან ბორგავდა.

— „გაჩუმდით! — რამდენჯერმე გაიმეორა ხმა-მალლა გოჩამ და ცოტა ხანს შემდეგ, დაიწყო: — ღმერთი დიდია და გულუხვი!... რაი უნდა ჩვენგან ნუგზარაის, რაისთვის გვეკრება ოჯახში?... ჩვენც ვიცნობთ ქართველთა მეფეს ღ ღღემც გაშაუებია იმ მოხევეს, უკულმართადამც მოჰქცევია იმ ქართველის დედას წუთი, რომელმაც მეფის გაკირებაში შვილი შეიბრალოს, ხალხისათვის სახლიც, ნაშობიც არ გასწიროს!... ვემსახურებით ჩვენთა მოძმეთა და აგრემც უნდა იყოს... მაშ ძმა რიისია, თუ გაკირვების დღესაც ძმას არ მიეშველები?...

— „მაგრამ ნუგზარაი კი თავს იგდებს და, დღეს გაძლიერებულს, გაუმაძღარი თვალი ჩვენკენ მოუქცევია, ორი მეზობელი ერთ-ერთს უნდა წაჰკიდოს, მოხევე და მთიელი ერთ-ერთს შეახო-

¹) დაწვრილებით ამ საკითხის გაცნობა შეიძლება ჩვენს გამოკვლევაში: „ალყაზბეგის ორიგინალობა და ღიმ. ყაზბეგი“. გვ. 106—162.

ცოს და თავად კი გაბატონდეს... რას იტყვით, ჯამაათნო?... ნუგზართან ბრძოლა ადვილი არაა, მთიელთაც ძმობა დავიწყებიათ და ჩვენზე გამოლაშქრებას აპირებენ... დავემორჩილდეთ?

„დამშვიდებული ხალხი ისევ შეირყა და აღელდა; გრგვინვასავით გუგუნო ხალხისა გაერთებული იყო და ჰაერს მხოლოდ ერთი მედგარი სიტყვა არყევდა.

— „არა, არა, არა! — განუწყვეტლივ ისმოდა ხალხში.

ერთბაშად მინდორზე ხალხის წინ ერთი ყმაწვილი ბიჭი გამოვიდა, რომელმაც ხელით ხალხს გაჩუმება ანიშნა და დაიწყო.

— „გოჩაუ! რაისთვის გვეკითხები მაგას!... ხევა ძმობა იცის და ღთის მადლმა მოკეთედ მყოფს მეზობლისთვის ჩვენგან ყველა თავს გადასდებს... მოკვდეს ის კაცი, ვინც მეზობელს ლალატად შეაღებებს!... მაგრამ ის მოხევეც დაიმარხოს, ვინც ყმად გახდომა ისურვოს!... ნუგზარაი ცხოვან გახელებულა და ჰგონია ჩვენი დამორჩილება ადვილი იქნების. მთიელთაც დავიწყებიათ ჩვენი კაცობა და პურ-მარილი: ჩვენზედ მოდიან... ერთხელ დაბადებულებს, ერთხელ გვინდის სიკვდილი... გავწყდეთ, ხალხო, და ცხო ხალხს კი ნუ ვიბატონებთ.

— „გავწყდეთ, გავწყდეთ! — იყო ამ სიტყვების საერთო პასუხი. მოლაპარაკეს მიუახლოვდა ვიღაცა მოხუცი, დაეყრო ჯოხზედ და მიუბრუნდა:

— „ონისე! ღთის მადლმა, კარგი მამის შვილი ხარ და თავადაც კარგი ვაჟობა გეტყობის... ჰაი, ჰაი, რომ ვაეკაცს შერცხვენის სიცოცხლეს სიკვდილი ურჩევნია, გაწბილებას — ცოცხლივ მიწაში ჩამარხვა... რაიც სთქვი, ღთის მადლმა, კარგადა სთქვი და აგრეც უნდა ყოფილიყო!... მაგრამ მთიელნი ჩვენი ძმები არიან, იმათ მაცდურად შესდგომია ნუგზარაი. ჯერ ვეცადნეთ მათთან მორიგებას და ოსების კი რაი მორიდება გვინდა...

„ამ სიტყვებზე ხალხი ორ დასად გაიყო. ერთი ითხოვდა პირდაპირ შებმას განურჩევლად, ვინც უნდა ყოფილიყო მოწინააღმდეგე, მეორეს კი მოძმედ შეცდომისათვის მორიგების უტდელად შებმა არ უნდოდა. ხალხი კარვა ხანს მღელვარებდა და არავითარ გადაწყვეტილებას არ ადგებოდა. გაისმა ისევ ზარების წკრიალი, რომელმაც ხალხში ისევ სიჩუმე ჩამოაგდო.

— „ხალხო! — დაიწყო გოჩამ, — გვიანობისა აღარაა, მტერი კარსაა. გამოვიდნენ თემის თავები... მტერსა და მოყვარეს დახვედრა უნდა... თემის კაცი! — დაიბარა იმან.

„ამ სიტყვების შემდეგ ხალხიდან გამოვიდნენ ჯგუფ-ჯგუფად ამორჩეულები და გასწიეს წმიდის სამების სამკოში, სადაც ხევის ბერი გოჩას თაოსნობით ხევის ბუდი უნდა გადაწყვეტილიყო.

„მოთავეთ დიდხანს ლაპარაკი არ დასჭირდათ, რადგანაც ყველას წინაღვე ან სიკვდილი, ან თავისუფლება ჰქონდა გადაწყვეტილი. იქნენ ამორჩეულნი ჯარის მოთავენი, ბელადნი, ჯამანდარნი და შუა-კაცი, რომელნიც მთიულებთან მოსალაპარაკებლად უნდა გაეგზავნათ.

„ყველაზე უფროსობა და განკარგულების მიცემა კი, უფლები-სამებრ, გოჩამ მიიღო თავის თავზედ.

„ამ ჩვეულების მოლაპარაკებისა და გადაწყვეტის შემდეგ, რომელშიც ხალხის სურვილი ზეწადილი გამოითქმოდა, გოჩამ შუაკაცები მთიულებს გაამგზავრა ზეწადილობა კი დაითხოვა, რათა სამის დღის განმავლობაში მომზადებულიყვნენ, მოწყობილიყვნენ და ქუდზე კაცი სანის მინდორზე გამოსულიყო; რადგანაც მტერს ამ ადგილებში უპირებდნენ გზის შეკვრას.“¹

სწორედ ხალხოსნები შეეცადნენ ახლო მისულიყვნენ ხალხის საიდუმლო გულის ცემასთან, ასეთი სიყვარულით, ცოდნით, გავებით გადაეხსნათ ხალხის მდიდარი გული, ამოეკრიფათ და ამოეკითხათ ასეთის სიყვარულით და სიცხადით მისი გულისნადები და, რაც ვერ მოახერხეს პუბლიცისტური სტატიების შემწეობით, ასე მომხიბლავად განესახიერებინათ მხატვრულ სახეებში.

მოვიგონოთ კიდევ შემდეგი სცენა „ხევის ბერი გოჩა“-დან:

როდესაც გოჩა მოულოდნელად გაიგებს, რომ მის შვილს, პირადი ვნებათა-ღელვით გატაცებულს, გამოეპარა მტერი, რომელმაც მათ მხრიდან მრავალი მსხვერპლი შეიწირა, ზარდაცემული მოხუცი მთლად კანკალმა აიტანა ზეწადი კარგა ხანს გონს ვერ მოსულიყო. ბოლოს ძალზედ ამოიხენეშა, მოისვა შუბლზედ ხელი და ყვედრებით წარმოსთქვა:

— „მაშ ეგრე გაიგონე ჩემი დარიგება? წყულებიც იყავ, ყველასაგან მოძულეებულო, დედ-მამის საფლავიდან ამომგდებო!... რა სასჯელი არის, რომ შენ გადაგიწყვიტოთ...—ამ სიტყვების შემდეგ მოხუცი მსაჯულებს მიუბრუნდა:— მოძმეთ სისხლი ცაში ღმერთს შესჩუჩუხებებს და სამართალს ითხოვს; გადაწყვიტე, თემო!—კარგა მღელვარების და ჩოჩქოლის შემდეგ თემის თავნი მიუახლოვდნენ გოჩას და წყნარად წარმოსთქვეს:

¹) ყ ა ზ ბ ე გ ი—ხევის ბერი გოჩა—გვ. 871—873.

— „გოჩაუ! შენ შეილს ხევი არ გაუყიდნია... მხოლოდ ყმაწვილ-
კაცობას გაუტაცნია და თავდავიწყებაში ჩაუგდია... ..

— „მით უფრო მეტი საბუთია, რომ მკაცრად გადახდეს... კაცს
ულვაში ნამუსისათვის გამოოუვა... ონისე ეხლავე მკვდარია... მაგის
სასჯელი—ცეცხლში დაწვა!

— „გოჩაუ, —სცადეს მოხუცის შეყენება, მაგრამ პირგამეხებული-
ხევის ბერი ცეცხლებსა ჰყრიდა თვალთაგან.

— „უნდა მოკვდეს, მოკვდეს შეუბრალებლად... და თუ თქვენ
ვერ გაგიბედნიათ სამართლიანად მოიქცეთ... მე მიყურეთ... — მო-
ხუცმა გაიძრო ხანჯალი, გაქანდა შვილისაკენ და შესძახა:

— „მოძმეთ მოლაღატე სიცოცხლის ღირსი არ არის!

„ამ სიტყვებთან ერთად იელვა ხანჯალმა და ონისემ მიწაზედ
ფართხალი დაიწყო; მოხუცის მახვილს შვილისათვის გული ორად
გაეპო“.¹

ვის შეეძლო ასე ღრმად და მწვავედ განეცადნა, გაეგო გოჩას
ეს სულიერი განცდა და ამ განცდისათვის მიეცა ისეთი ცოცხალი,
მკითხველის მთელი არსების შემბოქვავე ხატება, როგორც „ხევის
ბერი გოჩა“—„შია მოცემული—„გაბრწყინებული მოხუცის სახე, ზრუნ-
ვითა და კმუნვარებით საესე“—„თუ არა ნამდვილ გლეხ-კიცის იდეა-
ლიზაციით გატაცებულს ხალხოსანს, რომელიც პირად ბედნიერება-
საც-კი მხოლოდ საერთო ბედნიერებაში ხედავდა.

ხალხოსანთა ასეთი განცდის ღ მისწრაფებათა კვანძს მშვენივრად
ახსნის უნიკიერესი პუბლიცისტი, კრიტიკოსი და რუს ხალხოსანთა
წინამორბედი—ბელინსკის წერილი: „სინამდვილემ გამოგვაღვიძა,—
სწერს ბელინსკი გერცენს,—თვალეზი აგვიხილა, მაგრამ რისთვის?..
უკეთესი იყო ამ სინამდვილეს ჩვენთვის სამუდამოდ დაეხუჭნა თვა-
ლები, რომ სიცოცხლეს მოწყურებული გულის აფორიაქებულნი მის-
წრაფებანი არარაობის ძალით ჩაგვეკლა... სოციალობა... აი ჩემი-
დევიზი. რას მარგებს ის, რომ მიწიერი ჰენიოსი სცხოვრობს ცა-
ზედ, როდესაც ბრბოს ლაფში სული ამოსდის? რას მარგებს ის, რომ
მე შესმის იდეა, რომ ჩემთვის მისაწლომია იდეათა სამყარო ხელოვ-
ნებასა, რელიგიასა და ისტორიაში, როდესაც მე არ ძალმიძს გავუ-
ზიარო ყველას, ვინც ჩემი ძმა უნდა იყოს ადამიანობის მიხედვით,
ვინც უნდა იყოს ქრისტეს მიერ მოყვასი ჩემი, მაგრამ ვინც ჩემთვის
უცხოა და მტერი თვისის უმეტრებითა? რას მარგებს ისა, რომ
რჩეულთათვის არსებობს ნეტარება, როდესაც ამ

¹) ყ ა ზ ბ ე გ ი—ხევის ბერი გოჩა,— გვ. 906.

ადამიანთა უმეტეს ნაწილს ვერც კი წარმოუდგენია მისი შესაძლებლობა? შორს ჩემგან ნეტარება, თუ კი ეს ნეტარება ათასში მხოლოდ ერთს მე მეკუთვინის! არ მინდა მე ეს ნეტარება, თუ კი ამ ნეტარებას ვერ გავუზიარებ ჩემს უმცროსს ძმებს!“¹

9

ყაზბეგის ნაწარმოებთა ზერელე გადაკითხვა-კი გვაცნობს ავტორის გარკვეულს შეხედულებას მაშინდელ წესწყობილებისადმი. განსაკუთრებით აღმინისტრატული მოხელეების შესახებ ყოველი ნაწარმოები ცხადად მაჩვენებელია იმისი, თუ როგორის უარყოფით უყურებს ავტორი სამსახურის პირთ. ავტორი ყველგან ხაზ-გასმით აღნიშნავს, რომ ოფიციალური კანონის წარმომადგენელნი ყველგან და ყოველთვის, განსაკუთრებით სუსტთან, სწორედ იმასთან, ვისაც ესაქიროება მათი დახმარება და შევლა, უსამართლობის, ბოროტების, საზიზღრობის, უადამიანობის, გახრწნილების და სრულ ზნეობრივ გათახსირების განსახიერებანი არიან.

ვინ არის გაგი ჩოფიკაშვილი („ელგუჯა“); გორჯასკ ლულუ-შაური თავის ცოლით („ციკო“), თუ არა გონებრივად და ზნეობრივად გახრწნილნი, დაცემულნი პიროვნებანი, რომელთაც მთლად დაკარგული აქვსთ ადამიანური გრძნობა და გაგება?

ვინ არის „გამხდარი, ვალეული, პატარა ტანის, პატარა ურიულის წვერით და გრძელის ცხვირით ახალი დიამბეგი, რომლის სიჩყვა-პასუხი მუდამ ცმუკვა და მოკრძალებით ლაპარაკი“ ამტკიცებდა, რომ ის მსახურობს მხოლოდ და მხოლოდ იმისათვის, რომ იშოვოს რამე, მალღებშიაც ჰქონდეს პატივი და მშველელიც ჰყავდეს“, რომ როცა მოუნდება თავის ბოროტი საქციელის დაფარვა, მოახერხოს.

ვინ არის, თუ არა სინიდის-დაკარგული, პატიოსნებას, ადამიანურ გრძნობას მოკლებული, უსამართლობის ჩამდენი დიამბეგი, „მამის მკვლელში“ გამოყვანილი; ან იქვე მთელი რიგი რუსის ყაზახებისა, მათის აღვირ-ახსნილი, გათახსირებული ოფიცრებბოთურთ, რომელნიც შედიან სოფელში გლეხ-კაცობაში, ვითომც წესიერების და მშვიდობიანობის დასამყარებლად, მაგრამ საშინელი, აუტანელი, გულისშემზარავ უწყესობის, უსამართლობის, გარყვნილების, პიროვნების საარაკო შემბლაღავის საქმის ჩამდენნი კი არიან?!

1) Письмо Белянского к Герцеву от 8 сентября 1841 г.—კურსივი ზენია.

არა მარტო უცხოელები იქცევიან ასე საზიზღრად, არამედ მათთან სამსახურს ჩვენს ხალხზედაც დიდი გამბრწყნელი გავლენა აქვს. ვინ არის გირგოლაი („მამის მკვლელი“-დან), თუ არა ამ რუსის ადმინისტრატული სამსახურით დაცემული მთიელი, რადგანაც მას აღარა აქვს აღარც დანდობა, აღარც პირი და აღარც პატივისცემა მთიელთა და მათი ზნე-ჩვეულებებისა?! ან გელა („მოდღარიდან“), რომელიც უსირცხვილოდ გაიძახის: „მე იასაული ვარ, ხელმწივის სამსახურში მყოფი კაცი და სხვა მოხვევსთან უნდა ჩავითვალო“-ო და სრულებით ბუნებრივად სთვლის—ყოველივე პრივილეგიები უსინდისოდ მოითხოვოს.

ეს ისეთი ძლიერი მოტივია ყაზბეგის შემოქმედებისათვის, ისე მუქად გატარებული მასში წითელი ხაზივით, რომ მთელის სიცხადით გეიხატავს ავტორის შეურიგებელ, მტრულ განწყობილებას ოფიციალური სამსახურისადმი. აშკარაა, ავტორს მთელი თავისი ფაქიზი არსებით ეზიზღება ოფიციალური თანამდებობის პირი. და ეს ხომ დამახასიათებელი იყო ხალხოსნებისათვის რუსეთში და აგრეთვე ჩვენშიაც.

თუ ყაზბეგის ნაწარმოებთ ჩვეუკვირდებით, აშკარად შევამჩნევთ, რომ ავტორის შეხედულებით ისეა მოწყობილი ამ სამსახურის საქმე, რომ ყველა ბოროტად იქცევა, ირყენება, მის გავლენის ქვეშ სინიღისსა და ადამიანურ გრძნობასა ჰკარავს.

აი გელას („მოდღარი“-დან) შესახებ ავტორი რას ამბობს:

„რამტენიც მეტი ხანი გადიოდა, იმდენად გელა უსამართლობას ეჩვეოდა და მეტად აწვალებდა თავის ცოლს, იძულებულს ხდიდა ათასგვარი ერთი-მეორეზე უსაფუძვლო სურვილი ხმა-ამოუღებლოვ აღესრულებინა. გელა სანამ ფასანაურში ჩავიდოდა, გაიცნობდა ბატონებს, ამათს ცხოვრებასა, ქალებთან დამოკიდებულებასა და არშიყობასა ჰნახავდა,—ნამდვილი მთის კაცი იყო, მთიელის რწმუნებთა და შეხედულებით, მაშინ ქალი იმისათვის იყო პატივისცემი ქმნილება, ცოლი—მეუღლე კაცისა, რომელიც თავის მოთავეს გვერდში უნდა მოსდგომოდა, მასთან ერთად ეშრომნა, ემუშავნა და, მაშასადამე, ოჯახშიც იმისი თანაბარივე უფლება ჰქონოდა¹. ეხლა სრულიად სხვა იყო! მან გაიგონა ბატონების ლოთობისა და ჰარიალაღე-თარიალალოს დროს, რომ ქალი მხოლოდ

1) კურსივი ჩვენია.

კაცის სასიამოვნოდ იყო გაჩენილი, ნახა, რომ ცხოვრებაში მართლა ამ მიმართულებით ხელმძღვანელობდნენ; არაყთან და ლეონოსთან ერთად საქმითაც იგემოვნა ამ გვარი ცხოვრების სიტკბოება—და ფრიად შეიცვალა, ახალს ნაგემოვნებს დაემორჩილა“.¹

ეს ნაწყვეტი საინტერესოა ხალხოსნური მსოფლმხედველობის თვალსაზრისით ორი მხრივ: ავტორი სოფლის, თემურ წყობილებაში აღზრდის და ცხოვრების პირობებს უპირატესობას აძლევს, როგორც ადამიანის მორალური სიმაღლის დამცველს და შემნახველს. სანამ გელა ფასანაურში ჩავიდოდა და გაიცნობდა იქაურ ცხოვრებას, მინამდის ის „ნამდვილი მთიელი კაცი იყო მაღალი ზნეობრივი თვისებებით. შემდეგ-კი ბარმა, ქალაქმა ადგილმა გარყვნა ის.

სოფლის ცხოვრების უპირატესობას, შედარებით ქალაქთან, სოფ-
მგალობლიშვილიც აღნიშნავს მოთხრობაში, „გმირისეულის ქალი“. გმირისეულის ქალმა სალომემ გასწყვიტა ყოველივე ქვეშირი თავის დედასთან. გადასახლდა ქალაქში იქ ბევრი გაქირვება გამოიარა და დარწმუნდა, რომ „აქაც, ამ დიდ ქალაქში, რომელიც მას სიმდიდრის ბუდედ მიაჩნდა, სადაც მას ყველანი ერთობრივ კმაყოფილნი ეგონა, სადაც ყველა ბედნიერი უნდა ყოფილიყო, ამ ქალაქშიაც მრავლად ყოფილან გაქირვებისა და მწუხარების შეილნი; დარწმუნდა, რომ აქ უფრო ბლომა ხარკს ჰკრებავს სიღარიბე, რომ კაცს აბიწიერებს, სულს უფუქებს, ნამუსს ართმევს; დარწმუნდა, რომ სოფლად ეს ხარკი სიღარიბისა აგრერიგად არა ჰხედება ხალხსა. იქ მისი სული შეუმწიკველია და შეუბღალველი. ხოლო იქამდის ვეღარ ჩავიდა მისი გონება, რომ განესაზღვრა: რა იყო მიზეზი, რომ სიღარიბე აქ, ქალაქში, ხშირად აბიწიერებდა დაბალს მუშა-მოწალმართე ხალხსა, და იქ, სოფლად კი, იგი ამ მხრივ ხელ-შეუხლებელი, წმინდა იყო“². და თუ სალომეც არ დაიმსხვრა ქალაქში, ეს მხოლოდ იმიტომ, რომ ის სოფლის პატრიარქალურმა, მის ძეალსა და რბილში გამჯდარმა ატმოსფერომ, შეინახა.

სოფლის პატრიარქალური ცხოვრების, ქალაქთან შედარებით, უპირატესობა და ქალაქის დამრღვევი გავლენა სოფლის ხელ-შეუხებელ ცხოვრებაზე ნიკო ლომოურსაც აქვს აღნიშნული მოთხრობა „ბერუა ქრისტესიაშვილის პატრიარქალურ და ღონიერ ოჯახში რღვევა შეაქვს მის შვილიშვილს დათიკოს, რომელმაც რამდენიმე წელიწადი ქალაქში იც-

1) ყაზბეგი—მოძღვარი, გვ. 491.

2) სოფ. მგალობლიშვილი—გმირისეულის ქალი, ტ. I, გვ. 190.

ხოვრა და დაბრუნებისას ველარ ეგუება ბერუას ოჯახში გამეფებულ ტრადიციებს და ურჩობას უწევს (თხოულობს გაყრას და სხვა). ასეთი შეხედულება სოფელისა და ქალაქის ცხოვრებას შორის დამახასიათებელი იყო ხალხოსნებისათვის როგორც ჩვენში, ისე რუსეთში.

მეორეს მხრით, ზემორე მოტანილი ნაწყვეტი ყაზბეგის თხზულებიდან საინტერესოა მით, რომ ამ ნაწყვეტში ჩვენა ვხედავთ მალაქ, ადამიანურ შეხედულებას ქალზე-ცოლზე: ამ ნაწყვეტში აშკარადაა გამოხატული სურვილი—ქალში ცნობილი იქნას მისი ადამიანური უფლებები, რომ მას „თანაბარი უფლება ჰქონდეს“, რაც ასე რაინდულადაა შენახული მთიელთა ცხოვრებაში. ხალხოსნებმა, როგორც რუსეთში, ისე ჩვენშიაც წამოაყენეს ქალთა საკითხი, დიდი მომხრენი იყვნენ იმისა, რომ ქალიც გამოსულიყო სამოქმედო ასპარეზზე, დაეწყო შინაარსიანი და უფლებრივი ცხოვრება. აკი მამაკაცთან ერთად ქალებმაც დაიწყეს საზოგადოებრივი-რევოლუციონური მუშაობა და ხალხში სიარული. როგორც რუსეთში, ისე ჩვენშიაც ქალის უფლებრიობის სასარგებლო პროპაგანდას დიდი ყურადღება ჰქონდა მიქცეული ხალხოსნების მიერ.

ქალის მდგომარეობას, მისი როლის და უფლების საკითხის გარკვევას დიდი ყურადღება მიაქცია ჩვენს მწერლობაში ე.კ. გაბაშვილის ამავე მთელ რიგ მოთხრობებში. ე.კ. გაბაშვილისას ყაზბეგთან ერთად ამ საკითხის გაშლაში ჩვენს მწერლობის ისტორიაში საპატიო ადგილი უჭირავს.

ვინც კი გაეცნობა შხალოს, ელისოს, ნუნუს, მაყვალას შარავანდედით მოცულს სახეს და მათს ეკლიან ცხოვრების გზას, ნუ თუ მთელი თავისი შეგნებით არ განიმსკვალება ქალისადმი პატივისცემით და რწმენით, რომ ქალიც ისეთივე პიროვნებაა, როგორც მამაკაცი და მათ „თანაბარივე უფლება“ უნდა ჰქონდესთ?!

და არა მარტო ქალის პიროვნება, არამედ საერთოდ ადამიანის პიროვნება მთელი თავისი სიფაქიზით, სიღრმით, მთლიანობით, კომპრომისის მიუღებლობით ცოცხლად არის განსახიერებული მეორე გვგუფის ყოველ ნაწარმოებში. ვინ არის, მაგალითად, მოხუცი პაპაი („მამის მკვლელიდან“), თუ არა ცოცხალი განსახიერება მთიელის მაღალი და თავისუფალი შეხედულება-გრძნობისა, პიროვნების უფლებისა და მათის დაცვისა?!

როდესაც გირგოლაი, ცბიერ მახიას მიერ ზურგგამაგრებული, ძალას ატანს, რომ ნუნუ მისცეს მის ძმას ცოლად, მით უმეტეს რომ მისგან ურვადი კიდევ აიღო, იქ დამსწრე მოხუცი პაპაი, რომ გაი-

გებს უარის მიზეზს ონისესაგან—„რადი ექნა, ქალაი თავს იკლავს! არ ნდომულობს მაგის ძმას და ძალად საიდან დაეჯერო?!—გარკვეულად და მტკიცედ წარმოსთქვამს: „თუ ქალს არ უნდა, ეგ ცხოა. სიყვარული ძალად არ იქნების! რა ვუყოთ რომ (ურვადი) აიღეს? პირველი ხომ არაა მაგისთანა საქმე ხევში?... ბევრჯელ ყოფილა მაგისთანა საქმე ხევში!.. ბევრჯელ ყოფილა მაგისთანა საქმე ჩვენ თემობაში. ღთის მადლმა, თემს ჯვარდაწერილებიც ბევრი გაუყურია და გაუშორებიათ ერთ-ერთისაგან, თუ კი სიყვარული და გემრიელობა არ ექნებათ, რალა ცოლ-ქმრობა იქნება?“¹

აი როგორი მაღალი პატივისცემა და გაგება აქვთ მთიელთ პიროვნების თავისუფლებისა, გრძნობისა და ცოლ-ქმრის შეუღლებისა! პაპაი, როდესაც თავხედ გირგოლაის მუქარას გაიგონებს: „ეხლა ქრისტიანების ხელში ვართ,—უსირცხვილოთ და შესაშინებლად აცხადებს გირგოლაი,—ღმერთმა უშველოს რუსებს, ახლა სუყველა ზაკონის კანონზედ არის. მე წინანდელს ჩეულებას კი არ მივყვები, წავალ, ერთს სიტყვას ვეტყვი დიამბეგს, ნაჩალნიკს, და ქალსაც წავიყვან და ონისესაც დავლუპავ!“—პაპა იმ იმედით, რომ მის მიერ მოსაზრებულ სიტყვებს გირგოლაიზე გავლენა ექნებოდა, ეუბნება: —„გირგოლაი, ნუ, ნუ სჩადი მაგას! ღთის გულისათვის, ნუ სჩადი: აბა ძალით ჯვარისწერა რადი ქრისტიანობაა, რა სამართალია? ან რისთვის გინდათ ან დიამბეგი, ან ნაჩალნიკი? რაისთვის გინდა იმათთან ჩივილი? შენმა მეზობელმა თუ გაწყენინა რამე, შენივე მეზობლები შეყარე, მონახე უფროსი კაცები და რაიც იმათ გითხრან, ის გაიგონე“². როდესაც სახელმწიფო სამსახურის კაცობით გათავხედებული და განხრწნილი, გათახსირებული დიამბეგ-ნაჩალნიკების ზურგის გამაგრებით, გირგოლაი მაინც მკაცრად წამოიძახებს: „მე ზაკონის გზა კარგად ვიცოი“,—პაპაი აღშფოთებით ეტყვის: „ზაკონის გზა ის თუა, რომ ქალს, რომელსაც არ უყვარს შენი ძმა, ძალად ჯვარი დასწეროთ იმაზედ“³... პაპაი, როდესაც დაინახავს შეშინებულს, სუსტ ონისეს, რომელიც მზადაა უპატრონო ობოლი ძმისწული ნუნუ მსხვერპლად განადოს უხეშ ძალდატანებისა, იმის შიშით, რომ „ის ხელმწიფის სამსახურშია და ჩვენ მაგასთან ბრძოლის თავი ვინ მოგვცაო“, წამოხტება, გაჯავრებით და სიბრაზით მიმართავს ონისეს: „ფუი შენს ნამუსს? ქუდი არა გხურავს თავზედ? დიაცი ყო-

1) ყ ა ზ ბ ე გ ი—მამის მკვლელი—გვ. 237.

2) იქვე—გვ. 236.

3) იქვე—გვ. 237.

ფილხარ, ონისე, დიაცი!.. ძალამ ისე როგორ უნდა შეგაშინოს, რომ ოჯახიდან ქალი გაიყვანო და ისეთს კაცს მისცე, რომელიც თქვენ ქალს არ უყვარდეს?.. აჰუ! მშიშარაი ჰყოფილხარ, მშიშარაი. მოკვდეს შენისთანა კაცი!“ და პიროვნების უფლების შემლახველ გირგოლაზე საჩხუბრად მიიწევს, უპატრონო ნუნუს უფლების დასაცაყად.

აქ ცოცხლად, მშენიერადაა გადმოცემული ის თავისუფალი, საღი ატმოსფერო, რომელიც თემურ წყობილებაში აღამიანს ქლინთავდა და ზნეობრივად ასე აფაქიზებდა. თუ გვინდა შევიყვაროთ თავისუფლება, თუ გვინდა გავიგოთ, როგორი უნდა იყოს თავისუფალი პიროვნება, თუ გვინდა შევიყვაროთ და შევითვისოთ მოძმე თავის ინტერესებით, თუ გვინდა განვამტკიცოთ ჩვენი საზოგადოებრივი ინსტიტუტები და ჩვეულებანი, იქ, ხალხის წიაღში, ხანგრძლივი, გაქირვებული ბრძოლის, ცხოვრების დუღილში გამომუშავებული ცხოვრების ფორმებში უნდა აღმოვაჩინოთ ეს, ავალორძინოთ, შევითვისოთ და განვაფართოოთ. ასე უყურებს ყაზბეგი და ეს ისმის მისი შემოქმედებიდან.

სწორედ ამ თემურმა წყობილებამ შექმნა ელგუჯა, მარტია, სიმონ ჩოფიკაშვალი, იაგო, კობა, ნუნუ, მაყვალა, გოჩა, მოძღვარი, რომელნიც თითქოს თავიანთ პიროვნებაში ატარებენ რალაც წმინდა საიდუმლოებას და ეშინიათ ამ საიდუმლოებას არ შეეხოს და არ შებილწოს უწმინდურმა თვალმა, ყურმა, შეხებამ. ყოველ შემთხვევაში, ასე ესმის მათს შემომქმედს—ყაზბეგს.

ყაზბეგს, როგორც ნამდვილ ხალხოსანს, კარგად ესმოდა, რომ ნამდვილი ხალხოსანი, ნამდვილი ექიმი ხალხის ცხოვრებისა და მის წყლულებისა, რომელიც ნამდვილი უანგარობით, მოძმის მდგომარეობის გაგებით, მისდამი სიყვარულით გულ-დასერილი, ნამდვილის გულთამხილაობით შესძლებს გადახსნას ხალხის გული, გადაეხსნას მთელი თავისი არსებით მის ბედსა და უბედობას,—უნდა გამოვიდეს თვით ხალხის წიაღიდან. აქი ხალხისათვის უანგარო თავდადებულის სულიერი განცდა და მისი ხალხისადმი სიყვარულით გამოწვეული ტკივილები არაჩვეულებრივი ოსტატობით დაგვისურათ-ხატა მან მოძღვრის სახეში. მოძღვარი იდეალური ტიპია ხალხოსნისა, რომელმაც თავისი მე და ინტერესები ხალხის მეს და ინტერესებს მკიდროდ ჩააწნა.—„ონისესთან განშორების შემდეგ მოძღვარი ჩვეულებრივზედ მეტად დაფიქრდა, აშკარად დაეტყო, როგმ გონებას რალაცა განსაკუთრებითი ღუმილი უმღელვარებდა.. ა შ კ ა-

რად სჩანდა, რომ მაზედ ემოქმედნა ონის ეს აღსარებას და მისგან აღიარებული ბევრს ზრუნვას, მოსაზრებას და გამორკვევას ითხოვდა!. უეკველია, მთიელისაგან ნათქვამი მეტად მძიმე და ძნელი რამ უნდა ყოფილიყო და მის მისატყვევებლად მოხუცის გულს ლოცვა და ძალის მოპოება სჭირდებოდა.

„მოძღვარს კარგად ესმოდა, რომ ცოდვათა მისატყვევებლად, სულის დასამშვიდებლად და ხასიათის გასამაგრებლად მხოლოდ აღსარების თქმა და წმინდა საიდუქლოს მალეა არა კმაროდა; გამოცდილი და ნიქიერი მცოდნე კაცის გულისა მოწაფეს მხოლოდ მაშინ ანებებდა თავსა და თავისუფალ ცხოვრების ნებას აძლევდა, როდესაც სრულიად დარწმუნდებოდა, რომ ერთხელ გრძნობას მოსულმა არამც თუ გაიგონა მაღალი სწავლა და კაცის მოკალეობა, არამედ სრულიად შთაიგონა, რწმუნებად გადაექცა და ძვალსაღრბილში გაუჯდა.¹ უამისოდ მას არ ესმოდა მაღალი მნიშვნელობა და სარგებლობა არცერთის საქრისტიანოს მაღალთა დებულებათა და დარწმუნებული იყო, რომ ყოველგვარი წესის აღსრულება უნაყოფოდ დარჩებოდა.

„ის იყო ექიმი სულით დავრდომილთა...

„ონოფრეს (მოძღვარს) უნდოდა ავადმყოფის სიახლოვე, რომ მის ცხოვრებისათვის თვალი არ მოეშორებინა. მშობლების მზრუნველობით და მოვლით გაემაგრებინა სხეული და მხოლოდ მაშინ დაენებებინა თავი, გაეშვა თავისუფლად, როდესაც ბრძოლისათვის სრულიად მომზადებული შეიქმნებოდა, როდესაც შესძლებდა ცხოვრების შეუბრალებელ ტალღებს მტკიცედ დახვედროდა, მასთან ბრძოლას მოახერხებდა.

„ონისემ არ იკისრა მოძღვართან ცხოვრება, უარჰყო მისი წინადადება და, ალბად, მიზეზიცა ჰქონდა რამე, — მაგრამ ამან აღაშფოთა უბედურათათვის მზრუნველი, მათს შეწუხებისათვის გულმტკივნეული. ყოველთვის ამ გვარის ფიქრების შემდეგ მტკიცეს და ბეჯითს ონოფრეს, კაცს, რომელსაც ძალა ჰქონდა და ჰგრძნობდა თავის სიძლიერეს, რწმუნება ისევ უბრუნდებოდა და იმედი ხელახლა ეძ-

1) კურსივი ჩვენია.

ლეოდა¹. „არ ინებებს უფალი, რომ ერთხელ გრძნობაზედ მოსული ხელ-ახლად განიშოროს და განსაცდელში ჩააგდოს! ერთხელ გრძნობას მოსულს გზა ხელ-ახლად დააკარგეინოს და განსაცდელს მისცეს!—და იმედ-მიცემული გავიდოდა წყაროს-თან, სადაც მოწაფეს მოთმინებით ელოდდა ხოლმე“².

ვისი იღუმალი გულია ასე თავბრუდამხვევი ხელოვნებით გადახსნილი აქ, თუ არა ნამდვილი ხალხოსანისა³, რომლის გონებას რაღაც განსაკუთრებითი დუმილი, მდელვარება და კმუნვარება ავსებდა, ხალხის ტანჯული სულის აღსარების გაგებით გამოწვეული, და „ბევრს ზრუნევას, მოსაზრებას და გარკვევას ითხოვდა“ მის-გახ; რომელსაც კარგად ესმოდა, „რომ ცოდვათა მისატყვებლად, სულის დასამშვიდებლად და ხასიათის გასამაგრებლად მხოლოდ აღსარების თქმა და წმინდა საიდუმლოს მიღება არა კმარა“⁴.

ვისი არის ეს სახე - გამოცდილი და ნიჭიერი მკოდნე კაცის გულისა“, რომელიც „მოწაფეს მხოლოდ მაშინ ანებებდა თავს ღა თავისუფალ ცხოვრების ნებას აძლევდა, როდესაც სრულიად დარწმუნდებოდა, რომ ერთხელ გრძნობას მოსულმა არამც თუ გაიგონა მაღალი სწავლა და კაცის მოვალეობა, არამედ სრულიად შთაიგონა, რწმუნებად გადაექცა და ძვალსა და რბილში გაუჯდა“, ურომლისოდაც მას არ ესმოდა მაღალი მნიშვნელობა და სარგებლობა არც ერთის მაღალის მოძღვრებისა—თუ არა ნამდვილი მოწოდების ხალხოსანისა მთელი თავისი თავდაღვიწყებითი პრაქტიკული მუშაობით?

ვინ არის ეს ონოფრე—ექიმში სულით დაერდომილთა, რომელსაც უნდოდა ავადმყოფის სიახლოვე, რომ მის ცხოვრებისათვის თვალი არ მოეშორებინა, მშობლიურის მზრუნველობით და მოვლით გაემაგრებინა სხეული და მხოლოდ მაშინ დაენებებინა თავი, გაეშვა თავისუფლად, როდესაც ბრძოლისათვის სრულიად მომზადებული შეიქმნებოდა,⁴ როდესაც შესძლებდა—ცხოვრების შეუბრალებელ ტალღებს მტკიცედ დაჰხვედროდა, მასთან ბრძოლას მოახერხებდა—თუ არა ტიპიური ხალხოსანი თავისი უანგარო მზრუნველობით უბედურათათვის და მათდამი წრფელი გულ-მტკივნეულობით?

¹) კურსივი ჩვენია.

²) ყ ა ზ ბ ე გ ი—მოძღვარი—გვ. 583—584.

³) აქ, რასაკვირველია, მეტად შევეთრად თვით ავტორის დ. ყაზბეგის სახეა განსახიერებელი, როგორც ტიპიური ხალხოსანისა.

⁴) კურსივი ჩვენია.

ვინ არის ეს მტკიცე და ბეჯითი ონოფრე, — „კაცი, რომელსაც ძალა ჰქონდა და გრძნობდა თავის სიძლიერეს“ და ამ გვარი ფიქრების შემდეგ „რწმუნება ისევ უბრუნდებოდა და იმედი ხელ-ახლად ეძლეოდა და იქედ-მოცემული გავიდოდა წყაროსთან, სადაც მოწაფეს მოთმინებით ელოდდა ხოლმე“, — თუ არა წრფელი გატაცებით აღტყინებული და ანთებული ხალხოსანი, რომელსაც, სულიერად მართალსა და ძლიერსა, ზურგი შეექცია ყველა იმ საქმეებისათვის, რასაც საქმიანობას უწოდებდნენ, სწორედ იობის მოთმინებით და არაჩვეულებრივი სიყვარულით აღტურვილი გადიოდა მდაბიო ხალხში კეთილი თესლის სათესავად, არაჩვეულებრივის სიმტკიცით და სულგრძელობით ებრძოდა აუარებელ დაბრკოლებებს თავის სამოციქულო ნარ-ეკლიან ასპარეზზე და არასოდეს არა ჰკარგავდა ღრმა და ურყევ რწმენას, რომ მისი მრწამსი და გზა მართალია, რომ ადრე თუ გვიან გაიმარჯვებს და დასთრგუნავს გაბატონებულ ბიუროკრატიობას და უსამართლობას.

აი სწორედ ამ ონოფრეების გატაცებითდა ღრმა რწმენით ანთებულმა გულმა დასწვა და დასძლია ყველა ის დაბრკოლებანი, რომლითაც ასე უხვად იყო მათი ნარ-ეკლიანი გზა მოფენილი. და ამ ონოფრეებმა ამოიღეს ძალა და ნიჭი, სიყვარული და სამართალი ძვით ხალხის გულიდან, ხალხის ცხოვრებიდან, რომელთანაც ახლო მისვლა ხალხოსნებმა მოითხოვეს, როგორც სალი ფუძე ახალი ცხოვრების მშენებლობისათვის.

ამისათვისაა, რომ ნიკო ხიზანაშვილი უკმაყოფილოა მთავრობის (ალექსანდრე II) რეფორმებით და იმათიც, ვინც ამ რეფორმებით კმაყოფილია და მათ „თაყვანსა სცემს“. „მკითხველი ადვილად მიჰხვდება, — სწერს ნიკო ხიზანაშვილი, — რა მიზეზის გამო ჩვენი ხალხი ახალმა სამართალმა არ დააკმაყოფილა. ეს მიზეზი მდგომარეობს იმაში, რომ ახალმა სამართალმა სახეში არ მიიღო „ხალხოსნობის პრინციპი,“ — ცხოვრება. ჩვენი გლეხ-კაცისათვის ახალი სამართალი უცხო და უცნობი იყო... ხალხს არ ექირვებოდა „სამთავიანი“ სასამართლოში სიარული, საქმის გარჩევასაც ღიდი ვაი-ვაგლახი და ხეტიალი არ უნდოდა... ამ „ხალხის მსაჯულთ“ კარგად ესმოდათ — ვინ მართალია, ვინ მტყუანი. კარგად იცოდა იმისათვის, რომ საქმე მათ თვალწინ ხდებოდა... თუ რომელიმე მოსამართლე, ანუ მსაჯული მიდგომას და უსინდისობას გამოიჩენდა, თუ რომელიმე საქმე სიყალბით გადასწყდებოდა, მაშინ თითონ ხალხის გაკიცხვა და მისი რისხვა იყო „აპელაციაც“ და

კასაციაც“¹. რასაკვირველია, მოსამართლე, მოშორებული „იური-
დიულ ფორმალიზმს“, დაწყარებული თავის სინიღისზე, სცდი-
ლობდა ხალხის რისხვა და განკიცხვა არ დაემსახურებინა და
საქმე გადაეჭრა ისე, როგორც საზოგადოების სინიღისი და ხალხის
ჩვეულება მოითხოვდა. იურიდიული ფორმალიზმი, რომელიც ეხლა
გლუხ-კაცობას ტვინს უზნევს, „კანცელარული ბიუროკრატიზმი“
სასამართლოებში, რომელიც გლუხ-კაცობას ასე ძვირად უჯდება,
იმ დროს ხალხმა არ იცოდა“¹.

და განა მართო ნიკო ხიზანაშვილი გამოთქვამს ასეთს აზრს?
განა ყაზბეგის შემოქმედება მშვენიერი ასახვა არ არის ხალხის სამარ-
თლის და სამართლიანობის, თითქოს პრიმიტიულის, მაგრამ სწორის
მიუდგომელის, მართლა რომ სამართლიანის. სად ჩამოყალიბდა ასე-
თი მაღალი ზნეობით ურთიერთი დამოკიდებულების კოდექსი გოჩასი
(„ხევის ბერი გოჩა“), პაპასი („მამის მკვლელი“), ონოფრესი („მოდღეა-
რი“) და სხვათა, თუარა ხალხის ცხოვრების მორევეში, მის მძლავრ
დულილიში? საიდან შეიძინა და ამოკრიფა ხალხმა, როგორც მასამ,
ცოდნა და გაგება სამართლიანობის და ღირსეული მოძღვრისა,
რომელსაც თავის „რისხვაში“, თუ „განკიცხვაში“ ხატავდა ხოლმე
(„ხევის ბერი გოჩა“—ონისეს გასამართლება; „მოდღეარი“—გელას
გასამართლება და სხვა), თუ არა ამავე ცხოვრების დულილიდან!..

ჩვენს ხალხოსნურ ლიტერატურაში ხალხის სამართლის და
სამართლიანობის უპირატესობა, პრიველეგიურ კლასთან შედარებით,
თუმცა ხანდისხან მკაცრის, მაგრამ მუდამ სინიღისიერი და სწორის,
წითელი ხაზივით არის გატარებული.

ნიმუშისათვის ვისარგებლოთ სოფ. მგალობლი შვილის
შემოქმედებით: სოფელ ძაღლის-ხევის მცხოვრებნი, შეწუხებული და
შევიწროებული ფილუა ეშმაკურიშვილისაგან, ცდილობენ მშვიდობიან-
ის გზით მოირიგონ. მაგრამ ფილუა არა ჰყაბულდება, შევიწროებას
განაგრძობს. სოფელს არ აძლევს საშუალებას, ჩვეულებისამებრ აირ-
ჩიოს მეველეები ღ მერუეები და „იუღის კერძი ხალხისაგან დაიფარონ.“
მოთმინებიდან გამოსული სოფელი შეიკრიბება და აი ცეცოს პირით
როგორ მსჯელობს: „დაიცა, მაგის დროც მოვა... ე მიხასი არ იყოს,
ძველ ადათზე გავიაროთ, ავირჩიოთ სანდო პირები,—აქ ბევრი კაი
კაცი გვაყავს,—მეველეებად და მერუეებად; ემოიანა კაცებს,—უჩვენა
თითით ფილუაზე,—სახლის კარი შეეუ რათ, მეზობლად ნუ გავატა-

¹) ნიკო ხიზანაშვილი—ჩვენი გლუხ-კაცობა და ახალი სამართალი—
„იმედი“ 1882 წ. № 3, გვ. 10—11.

რებთ, გუთანში ხარს ნუ შეუბამთ; მუშად ნუ გავყვებით, შენ ხარ ჩემი ბატონი; კირსა და ლხინში ნუ მივხედავთ. რა არის, ვითომ ნუ ყოფილან ეგენი სოფელში, ისე ვიანგარიშოთ... ჰა, ხალხნო, რას იტყვიო? კარგი იქნება?

— „აი, მე-და-ჩემმა სიყმემ, მართალი სიტყვა, — დაიძახა ხალხმა.

— „უწინ სუ ვგრე არ იყო, — სთქვა ჩვენმა ზემო ნაცნობმა ბერიკმა, — შეუკრამდით სახლსა და გაგიხარიან, მალე მოვარჯულვდით ხოლმე! ადამიანი ხო ეშმაკი არ არის, პეპელა ხომ არ არის, რო კედელს მიეკრას, უმეზობლო გლეხ-კაცს ერთი წუთის გაძლება არ შეუძლიან.

— „მამ, ხალხნო, ე კუმოს ღეთის-მშობლის მადლმა ამოსწყვიტოს იმის ცოლ-შვილი, დედა შეერთოს ცოლათა, ვინც ეს პირობა არ დასდოს და არ შეასრულოს, — დაიძახა ცეცომა.

— „ჰანგრე იყოს, ჰანგრე; — შეჰყვირა ხალხმა ცეცოს პასუხად. „ამოირჩიეს მარჯვე ბიჭები მეველე-მერუეებად; ამოირჩიეს ის პირნიც, რომელთაც უნდა ყური ეგდოთ, რომ იმათ, ვისაც სახლი შეუკრეს, ხელი არავინ გაუმართოს“¹.

ასეთია ხალხის მშვიდი და უსისხლო სამართლის გზა. უფრო ღია ფერადებშია ხალხის ცხოვრების ხელისშემშლელის გასამართლება გადმოცემული სოფ. მგალობლიშვილის მიერვე მეორე მოთხრობაში „ჯორ-ზაქარა“. როდესაც თავადმა ესტატე მარუშიძემ გლეხი დალაქი ხოხელა და მოურავი სოსიკას დახმარებით გლეხი ზაქარა ჯილაურის ოჯახს შეურაცხყოფა მიაყენა, შეიკრიფა მთელი სოფელი. ხალხი ერთმანეთს არ აცლის ლაპარაკს. ყველა აღშფოთებულია ასეთი თავხედობით. მაგრამ თავადზე ისე არ არიან გულ-ამღვრეულები, როგორც თავის მოძმე-მოლაღატე გლეხებზე — ხოხელასა და სოსიკაზე. „კანონის წინაშე გავერთიანდით, — გულის ტკენით და ბოლმით საფსე ზაქარა მიჰმართავს ხალხს, — გვეგონა, მთა და ბარი გასწორდაო, მაგრამ ფუქი გამოდგა ჩვენი იმედი: მამული ბატონს დარჩა; უმამულოდ კი ფრთა-შეკვეცილს ქათამს ვგვევართ, რომელიც, ისეც ფრენას გადაჩვეული, ღობეზედაც ველარ შეფრინდება... ჯანი გაეარდეს, ამ უმამულობასაც როდისმე მოუვლით; სოფელი განიერია, მივდგებ-მოვდგებით, მაგრამ ნამუსს როგორ მოუვაროთ, როგორ დავიცვათ მყრალი მგლებისაგან, აი ეს არის საფიქრებელი!!... კანონის წინაშე ერთნი ხართო, ეგენი კი, ე ბატონ-მოურავები, თავისას არ იშლიან. სოფელმა თუ თავი არ გაიმაგრა, ნამუსი გაწყვება სოფელ-

¹) სოფრომ მგალობლიშვილი — ღამის მეხრე ცეცო — გვ. 100.

ში, სირცხვილს ვკაშთ და ჩენი სოფელი თითით საჩვენებელი გახდება...

— „ოღონდაც, ოღონდაც! — დაჰკრა კვერი ზაქარას სიტყვებს ხალხმა, — უნდა ავლაგმოთ ეგენი, უნდა ავლაგმოთ: წამოაყენეთ ჯერ ის ჩენი გამყიდველი დალაქი ხობელა! მოიყვანეთ აქ, უნდა დღესვე გაეასამართლოთ ჩვენის სამართლითა! — ყვიროდა ხალხი და ბობოქრობდა.

— „ჩავექოლოთ, ჩავექოლოთ ის შეჩვენებული ხობელა! — ამბობდა ერთი.

— „სახლი თავზედ დავაქციოთ, სახლი! — ყვიროდა მეორე.

— „არა, საქვეყნოთ ლაფი დავასხათ, გამოვწყვიტოთ ჩვენში, ავიძულოთ, პირიანივით, დეე, ტყე-ტყე იაროს მგლებთან და დათვებთან. ერთხელ სიკვდილი მაგისათვის ჯილდო იქნება... იკენსოს, გაილიოს, გაიხვეწოს ძაფივით სიკვდილის ლოდინში, — ამბობდა მესამე.

— „მარტო დალაქს კი არა, სოსიკასაც არ აწყენს ლაფის დასხმა! — გაიხმაურეს ქალებმა...

„ხალხის მსჯავრი, — სწერს სოფ. მგალობლიშვილი, — სწრაფი და მკვეთრია: შუადღის ჟამს რუს პირას ხალხს გაეკეთებინა ლაფი, შემდგარი სხედასხვა უწმინდურობისაგან... ხალხს დიდი წრე გაეკეთებინა. შუა რუში იდგა წელამდე გატიტვლებული ხობელა დალაქი, ხელები უკან ჰქონდა გაკრული, იდგა თავშიშველა, ხალხისაგან შეჩვენებული და განრისხული; ადამიანებს სახე აღარ ედო, თვალები დაეხუჟა, თავი ჩაქეინდრა და გულში ჯოჯოხეთის ცეცხლი უტრიალებდა“¹.

ხობელამ დაინახა და იგრძნო ხალხის განრისხება, სთხოვა პატიება დანაშაულისა, „მაგრამ ხალხი უღმობელია, როცა მის წმიდათა-წმიდას შელახავს ვინმე“.

ასეთივე შეხედულებისაა ხალხის სამართალზე ნიკოლოზო-ურცი.

სოფელ გორისძირას მცხოვრებთ წყალი არა აქვთ მინდვრების სარწყავად. პირნახული მთლად ელუპებათ. საშინელი გაკირვება მოვლით. წყალი მთლად მიგდებული აქვს თავადი კონა ხმამალალა-შვილის მამულს. დიდი ფიქრისა და რჩევის შემდეგ სოფელმა გადასწყვიტა თავადის რუდან ნაწილი მიუზღდოს თავის ბალ-ვენახებსაც, რომ ისარგებლოს სოფელმაცა და თავადმაც. შეიკრიფნენ გლეხები,

¹ სოფ. მგალობლიშვილი — ჯორ-ზაქარა — გვ. 136-137.

შეიარაღდნენ ბარითა და ნიჩბებითა. შეჰკრეს პირი და შეუდგნენ საქმეს. თავად ხმამალალაშვილებმა შეურაცხყოფად მიიღეს გლეხების ასეთი საქციელი და თავიანთი დამქაშებით შეებრძოლნენ სოფელს. სოფელმაც წინააღმდეგობა გაუწია. გაჩნდა დაუნდობელი ბრძოლა. ორივე მხრით მსხვერპლი შეიქმნა. ამ ბრძოლის დროს, სამი გლეხ-კაცი:—მამასახლისი, ხუმარა ნინიკა და სოსიკა გაიპარნენ და თავიანთ სიმიინდს დაუწყეს რწყვა. როცა ბრძოლა თავადსა და გლეხთა შორის გათავდებდა, გლეხ-კაცები აღელვებით შეჰნიშნავენ სამი მოლალატე გლეხის საქციელს. ეს ფაქტი მთელ სოფელს ააღელვებს და გადასწყვეტენ—სამივე მოლალატე დასაჯონ: დაუყონებლივ დაუკლან ყოველ მათგანს ან ძროხა, ან ხარი. მიუხედავად იმისა, რომ ეს სასჯელი ყოველი მათგანისათვის მეტად სასტიკი იყო, მაინც სოფელი თავის გადაწყვეტილებას სისრულეში მოიყვანს. მართალია, მკაცრია სოფლის გადაწყვეტილება, მაგრამ აუცილებელია, რომ ხალხის, თემის პირი სხვამაც არ გასტეხოს და ერთობა არ დაარღვიოს. სწორედ ეს პირგაუტეხლობა, ერთმანეთის გატანა—მთავარი ღერძია, რომელზედაც ტრიალებს ადამიანური ტრადიციები სოფლის და თემური წყობილებისა. და ხალხის საკეთილდღეოთ, ჩვენი ხალხოსანი მწერლების შეგნებით, ამ ჩვეულებებმა რკინის კანონის ძალა უნდა შეინახოს, რადგანაც ცხოვრება იქ უფრო სამართლიანია, ვიდრე არსებულ ოფიციალურ, ბიუროკრატიულ კანონმდებლობაში.

მაგრამ, ჩვენი ხალხოსნების შეხედულებით, ეს საკმარისი არ არის. ცხოვრება წინ მიდის, მხოლოდ ამ ჩვეულებათა შენახვით ვერ დაკმაყოფილდება. საჭიროა ხალხის ცხოვრება მიჰყვეს ცხოვრების განვითარებას, საჭიროა მისი წინსვლა. საჭიროა ამ საღ ჩვეულებებზე დამყნობა ახალი ცხოვრების მონაპოვართა, ზიარება საერთო-საკაცობრიო კულტურისა.

10

ჩვენი ხალხოსნების ერთ-ერთი მთავარი საშუალება ხალხის ცხოვრების უკულმართ პირობებთან ბრძოლისათვის—იყო სკოლების დაარსება და სწავლა-განათლების გატანა ხალხში. აკი მთელი ჯგუფი ხალხოსნებისა წავიდა სოფლად სახალხო სკოლის და ხალხში სწავლა-განათლების საქმის საფუძვლების ჩაყრის მიზნით. აკი სკოლისა და სწავლა-განათლების საჭიროება ხალხის კეთილ-დღეობისათვის, მისი ეკონომიური ცხოვრების გაუმჯობესებისათვის ჩვენს ლიტერატურაში უკვე 60-იანი წლებიდან (ქურნალი „საქართველოს

მოამბე“, მოთხრობა „გლახის ნაამბობი“ და სხვა) წითელი ზოლივით მოსდევს.

აკი ეურნალი „იმედის“ თანამშრომლებმაც უდიდესი ყურადღება მიაქციეს სკოლას და მის მნიშვნელობის ახსნა-განმარტებას. „მიეცით ხალხს საშუალება, — მქადაგებლის კილოთი სწერს გადაღმელი, — რომ ჩაიხედოს სწავლით თავის ნაკლულევანებაში, დაინახოს თავისი მდგომარეობა, სწავლა იყოს იმისივე სარკე... ხალხი და სახელმწიფო მხოლოდ მაშინ მიაღწევენ კეთილ მდგომარეობამდის, როდესაც ყველა მცხოვრებელი (население) თანასწორად მიიღებენ სწავლა-განათლებას, საშუალო სკოლებში თუ არა, სახალხო სკოლებში მაინც. ამიტომ, ვიმეორებთ, რომ ამ მიზნის მისაღწევად ის კი არ არის საკმაო, რომ თვითეული პირი გამოვიდეს თავისი მდგომარეობიდან და მიაღწიოს უმაღლეს განათლებამდის, არამედ საჭიროა, რომ მთელი ხალხი (масса) იყოს თანასწორად გონება-გახსნილი და შეეძლოს თავისი სწავლის მოხმარება“¹.

ჩვენს ხალხოსნებს ძალიან კარგად და მკაფიოდ ესმით, რომ ნამდვილი სკოლა შეიძლება შეიქმნეს მხოლოდ მაშინ, როდესაც გაბატონდება ის აზრი და შეხედულება, „რომ სახელმწიფო უნდა იყოს მთელი ხალხისათვის და არა რომელიმე წოდებისათვის“². ჩვენი ხალხოსნების შეხედულებით და გაგებით, ნამდვილი სახალხო განათლება მაშინ გატარდება ცხოვრებაში, როდესაც სახელმწიფოებრივი ცხოვრება აშენებული იქმნება იმ საფუძველზე, რომელიც სწავლის თავისუფლებას ყველა წოდებას მიანიჭებს. „სადაც ხალხის განათლება, — სწერს ნიკო ხიზანაშვილი, — უფრო ფართო თავისუფლებაზედ არის დაფუძნებული, იქ სახელმწიფოც და ხალხიც მთელს და საღს სხეულს წარმოადგენს“³.

საგულისხმეირაა აგრეთვე ისიც, რომ ჩვენი ხალხოსნებისათვის აშკარაა ჩვენი ხალხური სკოლის და მისი ბუნების სხვაობა შედარებით რუსეთის სკოლასთან, მათი შეხედულებით, ჩვენი სკოლა რუსეთში მიღებული სკოლის შაბლონზე და მიხედვით არ უნდა იყოს

¹) გადაღმელი — ჩვენი სასოფლო სკოლები — „იმედი“ 1881 წ. № 5: გვ. 60.

²) ნიკო ხიზანაშვილი, - საფუძვლები სახალხო განათლებისა — „იმედი“ 1882 წ. № 5, გვ. 8.

³) იქვე — გვ. 16.

აგებული. „ისეთი განსხვავება უნდა იყოს ჩვენებურის და რუსეთის შკოლების შუა,—სწერს გადაღმელი,—როგორც განსხვავებაა ჩვენსა და იმათ ზნე-ხასიათის, ჩეულებასა, ენასა და თვისებას შუა“¹.

ამ თემით „იმედი“ ხერხიანად სარგებლობს, სახალხო სკოლის პოპულარიზაციას ცდილობს და არსებულ სკოლებს საკმარისი სისწორით ღ გაბედულობით აკრიტიკებს. „სახალხო სკოლები,—სწერს დავით აბდუშელიშვილი,—მგონია მისთვის უფრო გახსნეს ჩვენში, რომ წარდგინებაში სასწავლებლების რიცხვი მეტად აღმოჩენილიყო და მტერს არ ეთქვა, კავკასიის განათლებაზე არა ზრუნავენო. სწავლა ჩვენებურ სკოლებში წერა-კითხვას ვერ აღემატება. ორიოდ რუსული ლექსი და სიმღერა თუ გაიზეპირა ბავშვმა, მერმედ ისიც უაზროდ, როგორმე კაქკაქივით, ის არის და ის, მით გათავდება მისი აღზრდა. თითქმის ყოველ ჩვენებურ სახალხო სკოლაში სრულებით მოუშხადებელი ოსტატი ასწავლის, რომელიც ან რომელიმე დაბალ კლასიდან გამოურიცხავთ, ან არა და ბევრი, ბევრი, თუ უეზდის სასწავლებლის კურსი მაინც შეუსრულებია. სახალხო სკოლების პროგრამაც იმ ნაირად არის შედგენილი, რომ ხეირიანი მასწავლებელიც ვერას გახდება“². შემდეგ დ. აბდუშელიშვილი სრულიად სამართლიანად და სწორად აკრიტიკებს ჩვენს სკოლას, რომელიც ახალგაზრდას თითქმის არაფერს არ აძლევს. კურსდამთავრებულს არც ისეთი სწავლა გამოაქვს, რომელიც იმას გამოადგება ცხოვრებაში, და „არც იმისთანა, რომ საზოგადოების ხეირიან წევრად გამოდგეს“³). ჩვენი კურსდამთავრებული ყმაწვილი, უკეთეს შემთხვევაში, შეიძლება ჩინოვნიკად გამოდგეს. ეს ხდება იმიტომ, განაგრძობს აბდუშელიშვილი,—რომ პროგრამას ადგენენ ისეთი პირები, რომლებიც ცხოვრებასა და ხალხის მოთხოვნილებას არ იცნობენ. სკოლა და მისი პროგრამები ხალხის ცხოვრებისა და ინტერესის გარეშე იდგა.

ჩვენი ხალხოსნები კარგადა ჰგრძნობდნენ, რომ სკოლის მოწყობაში თვით ხალხი უნდა ჩაებას; თვით ხალხის ცხოვრება, ინტერესი და გამოცდილება უნდა ასაზრდოებდეს სკოლას. „სასწავლებლების მდგომარეობა,—სწერს დ. აბდუშელიშვილი,—მათი ბედი და იღბალი მთლად საზო-

¹) გადაღმელი—ჩვენი სოფლის სკოლები—„იმედი“, 1881 წ. № 6, გვ. 56.

²) დ. აბდუშელიშვილი—ჩვენებური სასწავლებლების ეხლანდელი მდგომარეობა,—„იმედი“, 1881 წ. № 2, გვ 128-129.

³) იქვე—130-131.

გადოების ხელში უნდა იყოს; საზოგადოება უნდა ადგენდეს მათთვის პროგრამას, ირჩევდეს მასწავლებლებს და მართველებს და ინახავდეს სასწავლებელს თავის ხარჯით“¹.

ასეთსავე უფრო გარკვეულ და უფრო რადიკალურ აზრს გამოსთქვამს გადაღმელიც. „შკოლების ადმინისტრაციის ვალია, —სწერს ის,—მოიწვიოს ხალხის წარმომადგენელნი და იმათთან ერთად შეიმუშაოს სახალხო სკოლების პროგრამა“².

საგულისხმეოა აგრეთვე ის გარემოებაც, რომ ჩვენი ხალხს-ნები მშვენივრად და სწორედ გრძნობენ, რომ ჩვენი ცხოვრებისათვის უსაქიროესი ტიპი სკოლისა უნდა იყოს სასოფლო-სამეურნეო სკოლა. ასეთს სკოლებს უნდა მიეკუთნოს კარგი ფართო ნაკვეთი მიწა—სასწავლებლად და საჩვენებლად ახლო-მახლო სოფლებისათვის.

„იმედი“ კარგადაა ჰგრძნობს, რომ, მართალია, სკოლას დიდი მნიშვნელობა აქვს ხალხის ცხოვრებისათვის, მაგრამ სკოლის კარგს და სწორ ნიადაგზე დაყენებისათვის კიდევ ბევრი რამ არის საქირო. „ჩვენ მხოლოდ იმ აზრისანი ვართ,—ვკითხულობთ „იმედში“,—რომ პირველ ყოვლისა ხალხის კეთილდღეობისათვის სხვა რამ არის საქირო და მერე რიგიანად მოწყობილი სკოლა. სკოლაზე წინა დგანან: ეკონომიური, პოლიტიკური და სოციალური ხალხის რიგიანი განწყობილებანი და შემდეგ სასწავლებელი. სანამ კაცობრიობის ბედ-ილბალი იმნაირ გზაზე იდგება, რომ ზოგს მეტის-მეტი სიმდიდრისა-გან ქუა-გონება დაკარგული ექნება და უმეტესი ნაწილი კი დღი-დღითა-დღე ლუკმა პურის მოპოების ფიქრში იქნება, სკოლას დიდი მნიშვნელობა არ ექნება“³.

მაგრამ ჩვენს ხალხსნებს მაინც კარგად ესმით, რომ სახალხო განათლების წინწაწევა ხელს შეუწყობს ხალხის კეთილ-დღეობის მოწყობას, ჩვენი ხალხის უმწეო მდგომარეობის გაუმჯობესობას. ამიტომ სახალხო სკოლის დაარსება და იქ მუშაობა ჩვენი ხალხსნებისათვის გადაიქცა ერთს უქთავრეს ღოზუნგად და მოვალეობად.⁴

1) დ. აბდუშელიშვილი, —ჩვენებური სასწავლებლების ეხლანდელი მდგომარეობა—„იმედი“ 1881 წ. № 2; გვ. 134.

2) გადაღმელი—ჩვენი სასოფლო სკოლები—„იმედი“—1881 წ., № 5, გვ. 61.

3) „იმედი“ 1881 წ. № 6—ქართ. შორის წერა-კითხვის გამ. საზ. მოქმედ. —გვ. 104.

4) აქი ურნალი „იმედის“ თანამშრომელთა უმეტესი ნაწილიც ხალხში მო-ღვაწიობის მიზნით გაიფანტა ჩვენს პროვინციებში სოფელი სმასწავლებლებად: მაგალ. სოფ. მგალობლიშვილი, გრ. ყიფშიძე, შაქრო (ზაქარია გულისაშვილი), მიხ. ასათიანი, მ. გურგენიძე და სხვანი.

აკი მხატვრულმა ლიტერატურაზეც ხალხოსნების მოღვაწეობის ეს მიმართულებაც მკვეთრად ასახა.

აი როგორ ფიქრობს ახალგაზრდა, ხალხოსნური იდეებით გატაცებული გიგო ღრუბელაშვილი: „მე უნდა მივეშველო ხალხსა, ძაუ-რად გვერდში ამოუდგე და მის ფეხზე წამოყენებას შეეწირო მთელი ჩემი სიცოცხლე. ორიოდ თვის შემდეგ მაღალ სასწავლებელში შეე-ყობ თავსა, ვემთხვევი სწავლა-მეცნიერების დიდებულ ტახტსა... მე იქ შევისწავლი სამკურნალო მეცნიერებას და თანაც გულდადებით ვიკითხავ პედაგოგიურ თხზულებათა. საჭიროა აგრეთვე ცოდნა სა-მართლის კანონებისა, რომ მათის დახმარებით გლებ-კაცი აღარავის დაეაჩაგვინო. შევისწავლი ყველა ამას, მოგალ ჩვენს სოფელში, გაეხსნი შკოლას და ვასწავლი დიდებსაც და პატარებსაც“.¹

„ქაჯანა“-ში ნიკო ლომოური უკვე გვაძლევს სოფლის მას-წავლებლის ტიპს, რომელსაც გატაცებით და მუყაითობით, მტკიცედ აურჩევია ეკლიანი გზა სახალხო განათლების თესლის მთესველისა. „მე ღლეს ვარ,—გატაცებით და ზნეობრივი კმაყოფილებით ეუბნება სანდრო აეტორს,—თქვენებური სკოლის მასწავლებელი. მართალია, სიღარიბე ბევრნაირად მაწუხებს, მაგრამ რაკი ჩემს მიზანს ვემსახუ-რები, მწუხარებასთან სიტკბობებსაც ბევრსა ვგრძნობ. შენის თვა-ლით რომ ხედავდე შენი შრომის კეთილ ნაყოფს, განა ეს ბედნიე-რება არ არის?! უნდა შემოხვიდე როდისმე ჩემს სკოლაში და დაი-ნახო, როგორის მოსაზრებით და სიცოცხლით იძებენ და ამბობენ ყველა მას, რაც კი ესმით ჩემგან!.. იცი? ორმოცამდის შეგირდი მყავს; ორი განყოფილება არის: ერთი ვაჟებისა და მეორე ქალებ-ისა... ერთმანეთის მიხედვით ისეთნაირად არიან წახალისებულნი, რომ თქმა გაგიჭირდება: რომელი რომელსა სჯობიან:—გოგოები თუ ბიჭები“.²

სანდრო იმასა სწუხს, რომ აღარ იცის, რა გააკეთოს, ან რა მოახერხოს, რომ ამ ნიჭიერი ბავშვების შემოქმედებას და უნარს შე-საფერი გასაქანი მისცეს. „მე დარწმუნებული ვარ,—მოჯადოვებულ ჩიხში მომწყვედეულივით ეუბნება სანდრო აეტორს,—იმათ რომ სწავ-ლა გააგრძელონ, სახელოვანი შეილები გამოუვლენ ჩვენს დაცემულ ქვეყანას... მაგრამ რითი? ამ ერთი ძველი ჩოხის მეტი არა მაბადია რა!—სთქვა და მწუხარებით დაკიდა თავი ძირსა“.³ და ეს მწუხარება

¹) ნიკო ლომოური—გიგო ღრუბელაშვილი,—გვ. 138—139.

²) მისივე—ქაჯანა, გვ. 76.

³) იქვე—გვ. 77.

საერთო, დამახასიათებელი იყო ყველა სახალხო სკოლის მასწავლებლისთვის და ყოველი „ხალხის მოკეთისათვის“.

მართალია, პატარა ნიკიერ ქაჯანას გამოუჩნდა ხელმძღვანელი და გზაზე დამყენებელი. მაგრამ ეს ხომ წვეთია ზღვაში! სრულიად სამართლიანად, გულის ტკივილით შენიშნავს ხალხის მოკეთე ავტორი: „ვინ იცის, რამდენი „ქაჯანები“ დარჩებიან კიდევ ჩვენ საცოდავ სოფლებში?!“-ო“¹

სკოლისა და კულტურული მოღვაწეობის აუცილებლობა თანდათან ფეხს იკიდებს თვით გლეხ-კაცობაშიაც, თუ მასებში არა, მის მოწინავე ნაწილში მაინც. ეს მშვენივრადა აქვს ასახული ნიკო ლომოურს მოთხრობაში „ბედი-უბედურთა“. გლეხ-კაცები, შვიწროვებულნი მემამულისა და მამასახლისის ჩაფრებისაგან, ჩივილით აღნიშნავენ, რომ მათ არავინ არ იბრალებს, მათთვის არავინ ზრუნავს, ათასში ერთი თუ გამოვა, თორემ სხვანი სულ მათს მტრობასა და დაჩაგვრაში არიან.

„ფიქრი არ არის,—ეუბნება მათ უბედურთა ბედის გულწრფელი თანაზიარი, რევოლუციონური ენით გამსჭვალული ვანო,—დადგება ისეთი დრო, როდესაც თქვენ ერთი-ორად გადაუხდით თქვენს მტრებს. ჯერ-ერთი, ეს სკოლა წავეყვანოთ კარგად, მერმე შევაგროვოთ ფული და ბანკი გავხსნათ. ბანკის სარგებლით გავხსნათ დეპო. დეპოს მოგებით ჩვენი სკოლიდან შევირდები გავგზავნოთ ხოლმე სხვადასხვა სკოლებში“².

სოფლის მასწავლებლის ასეთი ტიპის ასახვა შაქროს შემოქმედებაშიც მთავარ თვისებად უნდა ჩაითვალოს. მისი ჩალოლაძე („მეტივედან“), რომელიც „აღზრდილი სისაწყლემი და დაბალ ხალხს შუა, მერე საკმაოდ გარდილი გონებით და სწავლით, ადვილად უახლოვდებოდა დაბალ ხალხს და სოფელში იკვლევდა იმ მიზეზებს, რომლებიც მუდამ უკულმა აბრუნებენ ქვეყნიერების ჩარხსა... იმას მალე გადაეშალა თვალწინ უზარ-მაზარი შავის ასოებით დაწერილი ხალხთა ცხოვრების წიგნი“... მას გლეხის ცხოვრებიდან ამოკრეფილი უკულმართი ანგარიშებით სავსე ჰქონდა ჯიბეები და ბევრჯელ ჩაუყურტუმელადებოდა ხოლმე შიგ, რომ გეეგო, რათ არის ესეთი უკულმართი ანგარიში ხალხის ცხოვრებაში და როგორ უნდა გასწორებულყო და სწორე ანგარიში შემოსულიყო ხალხში? როგორც

1) ნიკო ლომოური—ქაჯანა გვ. 78.

2) მისივე—ბედი უბედურთა—გვ. 105.

ჯაი ექიმი, ეს ჯერ ავადმყოფობის მიზეზებს ეძებდა, რომ შერე წამალიც მიეცა“.¹

ეს განცდა ტიპიური, ხალხიდან გამოსული ხალხოსანისათვის, რომელიც ამ ცხოვრების კლანჭებიდან დაუძლეველი სურვილით გატაცებული უკუღმართი მდგომარეობის ძირეულ მიზეზს ეძებდა, რათა საფუძვლიანად აღმოეფხვრა ბოროტება და ახალი ცხოვრების შენობა საძირკველიდან დაეწყო.

ასეთივე ტკივილებითა დასერილი შაქროს რომანი „განთიადის“ მთავარი გმირი სიმნო, რომლის ჯან-ლონით საესე ბუნება და სწავლას ხარბად დაწაფებული გონება „ბერსა ფიქრობდა იმაზედ, თუ ვისთვის უნდა გეეწია იმას სამსახური? ან რაში უნდა შოებმარებიანა თავისი ძალღონე. ღრმა და ხანგრძლივი აწონ-დაწონვის შემდეგ მასში გაცხოველდა წადილი ხალხში გასვლისა, მისი ავან-ჩავენის გაგებისა, მისი იარების გამოკვლევისა და აქედგან ცდა იმ მალამოების ძალისა, რომლებითაც ის აღიჭურვა თეორეტიკულად“.² ამ აზრმა სიმნოს ერთს დღეს გაშმაგებულად გადააწყვეტინა სოფლის მასწავლებლობა. „მისი აზრით,—გადმოგვეცემს ავტორი,—ეს (მასწავლებლობა) უდიდეს ხელობათაგანი იყო, მეტადრე როცა ხალხის გაცნობის და მასთან დაახლოვების აზრს ზედ უმატებდა—მასწავლებელი უნდა ზნეობითაც მტკიცე, დაბალ ხალხისათვისაც თავ-გამოდებული, ტვინის ძალა ხომ საკმაო და პატივ-საცემი უნდა ჰქონოდა და ჰქონდა... ამებში მან წერთნა თავისი თავი წინეთაც, მაგრამ თითონ ხელობაც უნდა შეესწავლა. იმიტომ დაიწყო კითხვა სპენსერის, რუსოსი, პესტალოცის, ამოს კომენსკისა,—დიტებს და დისტერვეგს—სულ „ტყავი გააძრო“, როგორც სემინარიელები იტყოდნენ ხოლმე“³

სიმნო დაულალავად მუშაობდა სოფ. მტკერისპირში ორი წლის განმავლობაში არა მარტო როგორც სოფლის სკოლის მასწავლებელი, არამედ როგორც მასწავლებელი და დაულალავი მასწავლებელიც მოზრდილთათვის, სასარგებლო ცოდნის შემტანი ხალხში და წერაკითხვის უკოდინარობის მომსპობი, როგორც შემნახველ-გამსესხებელი ამხანაგობის დამაარსებელი და, როგორც ექიმი და ვექილი უპატრონოდ დარჩენილი, დაბრეყებული ხალხისა.—და ეს წარმტაცი ნიმუში იყო ყოველი ხალხოსანისათვის და გატაცებითაც იზიდავდა არა

1) შ ა ქ რ ო —მეტივე—„იმედი“ 1881 წ. № 3 გვ. 8—9—კურსივი ჩვენია.

2) მისივე—განთიადი—„იმედი“—1882 წ. № 6—გვ. 23.

3) იქვე—გვ. 23—24.

ერთს და ორს პატიოსან მოაზროვნეს რამოდენიმე ათეული წლების მანძილზე როგორც რუსეთის ცხოვრებაში, ისე ჩვენს სინამდვილეშიაც.

ასეთი კეთილის მთესველის ტიპი და კულტურტრეგერის სამოღვაწეო გეგმა მძლავრად იზიდავდა და იპყრობდა ჩვენს ნიქიერს პოეტებსა და ეკატ. გაბაშვილის გრძნობასა და ოცნებასაც. მის შემოქმედებაში გლახაკის ცხოვრების და მისი განცდის გადაშლამთავარი მოტივია. ამასთან ერთად ეკ. გაბაშვილისას მძლავრი გატაცებითა აქვს დასურათ-ხატებელი ხალხში გასული ინტელიგენტის სახე — „თამარის ნუგეშ-ში“ და განსაკუთრებით „გამარჯვებულ ნიკო“-ში.

„თამარის ნუგეშში“ ხალხისათვის სასარგებლო მოღვაწეობით გატაცებულია თავადი ივანე შალვაშვილის ქალი თამარი. ის სწავლის დამთავრების შემდეგ გადასახლდა სოფლად. სურს თავისი ენერჯია და მომზადება მოახმაროს ხალხის ცხოვრების გაუმჯობესებას.

ეკ. გაბაშვილისა იდეალისტი მწერალია. მას სწამს, რომ ხალხის კეთილდღეობით აღგზნებული, გულწრფელი, პატიოსანი პიროვნების კეთილი მოქმედების და სიტყვის ცხოვემყოფელ გავლენას წინ ვერაფერი დაუდგება. კეთილი მისწრაფება და აზრი ჰბუგავს ყველადამბრკოლებას, ათბობს და აცხოველებს შავს მუშაობაში, ცხოვრების უკუღმართ ტრიალში გამოსულ გლახაკის უნდობელ და გაციებულ გულს. ამიტომ ეკ. გაბაშვილის ხალხოსანი გძირების მოქმედებას ხალხი დიდის სიმპატიით და ნდობით ეპყრობა.

ასეთია ბედი თამარ შალვაშვილისა. სოფელ ახალ-უბანში თამარმა ხალხისათვის თავისი მზრუნველობით საერთო ნდობა და სიყვარული დაიმსახურა. მისი მზრუნველობის და ენერჯიის შემწეობით ახალ-უბანში სკოლა გაიხსნა და ღირსეული მასწავლებელი იქმნა მოწვეული, რომელსაც თამარ ფართო მიზნებსა და მოვალეობას უსახავს.

აი როგორი სიტყვით მიჰმართავს სკოლის გახსნის მიზნით შეგროვილ გლახაკობას: „ახალ-უბნელებო! სამი წელიწადია, რაც ჩვენ ამ სოფელში თქვენთან ერთად ვცხოვრობთ. ამ სამ წელიწადში ჩვენ რაც ღონე გვქონდა, ვეცადენით, რომ რაშიმე გამოგდგომოდით. წადილი დიდი გვქონდა, საქმით კი დიდი არა გამოვიდა რა. მე ვასწავლე მხოლოდ თქვენ ქალებს წიგნი, ცოტაოდენი ხელსაქმე და გავაგებინე, თუ ოჯახის სუფთად შენახვას და მოვლას რა მნიშვნელობა აქვს ჯანის სისაღისათვის. მაგრამ ყველა ეს ძლიერ, ძლიერ

კოტაა თქვენი წარმატებისათვის. თქვენს ვაჟიშვილებსაც უნდათ მსწავლა და არც თქვენთვის იქნება უსარგებლო, რომ კვირაობით მაინც მოისმინოთ ხალხმე საუბარი იმაზე, თუ თქვენთვის რა უფრო მანებებელია და რა უფრო სასარგებლო, რა გარგებთ, რითი უნდა ებრძოლოთ თქვენს მტერს და რითი უნდა გაუძღვეთ თქვენს მოყვარეს. ამისათვის მამას ღონე არ მოსდევს და მეც ჩემ თავს საკმაოდ მომზადებულად არა ვთვლი. აქამდინაც გირჩევდით და დღესაც გირჩევთ გამართოთ თქვენის შვილებისათვის სკოლა, სადაც ამათ შეეძლოთ სწავლის შეძენა და ამით ცხოვრების მძიმე ტვირთის შემსუბუქება.

„მე ჩემის მხრით ვეცადე და გიშოვნეთ თქვენთვის პატიოსანი კაცი, რომელიც არამც თუ მარტო თქვენი შვილების მასწავლებელი იქნება, არამედ თქვენი დამრიგებელი და სწორი გზის მაჩვენებელიც იქნება“¹.

მოღვაწეობის ასეთი სურვილი, გზა და დასაწყისი ჩვეულებრივი იყო ხალხოსნისათვის, განსაკუთრებით მაღალი წოდებიდან გამოსული ბალხოსანისათვის, რომელიც მაღლიდან ეშვებოდა ხალხის ცხოვრების შორევეში დიდი სურვილით—გაეზიარებინა ხალხის ცხოვრება, დაჰხმარებოდა თავის უმცროს ძმას. თამრო შალვაშვილი სახეა ასეთი ბალხოსანისა.

რამოდენიმე წლის შემდეგ, თავისი მოღვაწეობით ბედნიერი და კმაყოფილი, თამრო გიორგი ედიშერიშვილს რომ შეჰხვდებოდა, ყოველთვის „სხვისი ბედნიერებით კმაყოფილი“, სიხარულით აი რას ეუბნება მას: „ოხ, თქვენ ახალ-უბანს ვერ იცნობთ,—გადამდები გატაცებით ამბობს თამრო:—ჩვენი სკოლა თავისი პატარა და დიდი მოწაფეებით აღტაცებაში მოგიყვანთ, მასწავლებელი სამაგალითო გამოგვადგა. მღვდელი უფრო უკეთესი“²... თამრო, როგორც გაზაფხულის სასიამოვნო მცხუნვარე მზე, ყველას ათბობს და აყვავებს, როგორც მძლავრი ანდამანტი, იზიდავს თანაზიართ ხალხისათვის სასარგებლო მუშაობაში და, უნდა ითქვას, წარმატებითაც. აკი სოფლისათვის სასარგებლო და შესაფერი მასწავლებელი იშოვა; აკი ალექსი მღვდელიც შეაყენა ამ კეთილ საქმეზე. აკი თავისი მამაც ჩააბა ამ საქმეში; აკი ბრწყინვალე მხედარი გიორგი ედიშერიშვილის ცხოვრებაც შეაბრუნა—ხალხისაკენ: „მე თუმცა მომზადებული არა ვარ,—ახალი გზისაკენ გამზადებული, დღემდის რალაც დაუკმაყოფილებელი ბუნების. დაკმაყოფილების მოლოდინში მყოფი გიორგი

¹) ე. გ ა ბ ა შ ვ ი ლ ის ა — თამარის ნუგეში — გვ. 350—351.

²) იქვე — გვ. 363.

ეუბნება თავის დედას,—ამ საქმისათვის, მაგრამ საზღვარ-გარეთ წავალ და იქ შევისწავლი, რაც საჭიროა ჩვენი მიწა-წყალისათვის და უკან დაებრუნდები. მაშინ, დედა, გადაესახლდეთ „შალვასელში“ და ხელ-ახლად ავაშენოთ ის, რაც დავაქციეთ და ავაოხრეთ ჩვენი ქალაქში გადმოსახლებით.

„თუმცა ახლა გვიან არის იმის დაწყება, რაც ყმაწვილობიდანვე უნდა დამეწყოს, მაგრამ გამოფხიზლება და საქმის დაწყება, რა დროსაც უნდა იყოს, საზარალო არ იქნება ჩემის ქვეყნისათვის“¹.

თამრომ უახლოეს მეგობრადაც აირჩია ლევანი, რომელიც მზადაა შესდგეს თამროს სამოქმედო ასპარეზზე, გაჰყევს მას გატაცებით და უფრო გააღრმავოს მისი დაწყებული საქმე. ამ მიზნით ლევანი მიდის საფრანგეთში, სადაც უმაღლეს სასწავლებელში მეურნეობა უნდა შეისწავლოს. სამსახურში შესვლის წინააღმდეგია. „სამსახურში!—გაოცებით უპასუხებს ლევანი გიორგის და ღიმილით თავს გაიქნევს—არა! არა! ღმერთმა დამიფაროს! საუბედუროდ არც მამული მაქვს. მაგრამ მთელი საქართველო მე ჩემს მამულად მიმაჩნია, რომელიც ავად არის და მკურნალი ექირვება. რამდენიც უფრო მეტი მკურნალი ეყოლება მას, იმდენი უფრო უკეთესი იქნება“².

აი ეკ. გაბაშვილის შეხედულებით, როგორ დიდდება გუნდო ამ ხალხის მოკეთეთა. ერთს საინტერესო მოვლენას უნდა გაუფსვათ გაკვრით მინც ხაზი. ეს გახლავთ მონანიე აზნაურის არსებობა ჩვენი ცხოვრების სინამდვილეში და მისი ასახვა ჩვენს ლიტერატურაში (გიორგი ედიშერიშვილი, ექვს გარეშეა, „მონანიე აზნაურის“ თვისების მატარებელია).

ზევით, თავის ალაგზე, როდესაც რუსეთის 60-70-იანი წლების საზოგადო აზროვნებას ვეცნობოდით, აღვნიშნეთ, რომ „მონანიე აზნაური“ რუსეთის საზოგადო ცხოვრებაში სამოღვაწეო ასპარეზზე 60-იან წლებში გამოდის. ეს ერთი დამახასიათებელი ელემენტი რუსეთის 60-70-იანი წლების საზოგადო აზროვნებისა და რუსული ხალხოსნობისა. ასეთსავე მოვლენას ვამჩნევთ ჩვენი ცხოვრების სინამდვილეში. ჩვენმა ლიტერატურამაც ასახა ესევე მოვლენა, თუმცა რასაკვირველია, არა ისე მკვეთრად, როგორც ეს რუსულ ლიტერატურაშია. რუსეთის სინამდვილეში „მონანიე აზნაურის“ როლიც და რაც ცხვიც უფრო ძლიერი და დიდი იყო.

1) ეკ. გაბაშვილისა—თამროს ნუგეში—გვ. 371.

2) იქვე, გვ. 377

ჩვენს ლიტერატურაში „მონანიე აზნაურის“ ტიპს გვაძლევს ეკ. გაბაშვილისა „თამარის ნუგეშში“. აქ გიორგი ედიშერიშვილი მონანიე აზნაურის თვისების მატარებელია. ილია ჭავჭავაძის არჩილი და კესოც, განსაკუთრებით პირველი, მონანიე აზნაურის ტიპებია, რასაკვირველია, ჩვენს სინამდვილეში წარმოშობილი.

ძველი ფეოდალური ნატურალური მეურნეობის რღვევამ, ამაზე აღმოცენებულმა ვაჭრობა-მრეწველობის განვითარებამ, როგორც ამის შედეგმა—საზოგადოების სოციალურმა გადაჯგუფებამ, ამასთან დაკავშირებით იდეურმა მოძრაობამ, კაცისა და შრომის განთავისუფლებით გატაცებულმა, გამოიწვია ჩაგრულთა მასების დარაზმვა და მათში ბრძოლით უკეთესი მომავლის მოპოვების სურვილი გააღვივა.

ცხოვრების ეკონომიური პირობების შეცვლამ და ამაზე აღმოცენებულმა განმანათავისუფლებელმა მოძრაობამ გარკვეული გარდატეხა მოახდინა ჩვენს თავად-აზნაურთა წრეებიდან გამოსული ახალგაზრდა ინტელიგენციის აზროვნებაშიც. ახალმა მოვლენებმა ოსინიც დააფიქრა და მათში მოქალაქის ერთგვარი პასუხისმგებლობა გააღვივა. გლეხკაცთა ოფლისა და შრომით მიღებული პირადი ფუფუნება და უზრუნველი ცხოვრება ლუარსაბ თათქარიძესავეთ დაკმაყოფილების ეშხით და უპირატესობის სიამოვნებით ამათ აღარ ავსებს. ეკვი ასეთი ცხოვრების სისრულისა, სიამოვნებისა და სამართლიანობისა ღრღინის მათს გაღვიძებულ სინიდიის. პასუხისმგებლობა ხალხის წინაშე და მათთვის ზრუნვა „მონანიე აზნაურის“ ცხოვრებას თავისებურ ახალს მიმართულებას აძლევს.

ჩვენი ინტელიგენციის აზროვნებაში ამ მიმართულების დამწყებად შეიძლება მივიჩნიოთ ჩვენი თერგდალეულები.

უნდა აღინიშნოს, რომ „მონანიე აზნაურის“ მსოფლმხედველობა ჩვენს ცხოვრებაში არ ანუ ვერ ჩამოყალიბდა ისე, როგორც ამას რუსეთში ვხედავთ. ეს შეიძლება იმით აიხსნებოდეს, რომ ჩვენი თავად-აზნაურობა არ იყო ეკონომიურად ისე მძლავრი, როგორც რუსეთში. ჩვენს თავად-აზნაურთა და გლეხობას შორის ეკონომიურად სხვადასხვაობა, მართალია, იყო, მაგრამ არც ისეთი გარდაუვალი, როგორც რუსეთში. ამიტომ მათს შორის კულტურული განსხვავებაც ასეთი დიდი არ იყო, როგორც რუსეთში.

საქართველოში რუსეთის შემოსვლით ეს განსხვავება ჩვენს თავად-აზნაურთა და გლეხებს შორის უფრო ღრმავდება. ეკონომიურად დარღვეული თავად-აზნაურობა საშინელის სიმძიმით დააწვა გლეხ-კ?

ცობას. ახალმა ცხოვრებამ და ბიუროკრატიული წყობილების პრივილეგიებმა თავად-აზნაურობა უფრო მოაშორა გლეხს. მაგრამ ამავე მოვლენას მეორე თვისებაც აღმოაჩნდა: გადმონერგილ ბიუროკრატიულ წყობილებაში, სადაც ჩინი ყველაფრის დამძლევი შეიქმნა, ჩვენი თავად-აზნაურობა, ეკონომიურად ნიდაგ-გამოცლილი, იძულებულია მიჰმართოს ჩინოვნიკობას. ჩინოვნიკობა-კი თხოულობდა სწავლას. სწავლის მიღების მოთხოვნილებამ ჩვენი თავად-აზნაურული ახალგაზრდობაც რუსეთში გაამგზავრა. იქ ისინი დააწაფა ახალი ცხოვრების იდეებს, რომლითაც მძლავრად იყო გაქლენთილი რუსეთის 60—70 წლების ცხოვრება.

რუსეთის მოწინავე საზოგადოების აზროვნებამ ჩვენს თერგდალეულებს თვალი აუხილა, თანამედროვე ცხოვრების იქით მომავალი შინაარსიანი ცხოვრება დაანახვა. აგრძობინა და აჩვენა თავისი ნაკლი, გლეხის მდგომარეობა, მისი დადებითი მხარეები, მისი საზოგადოებრივ ცხოვრებაში მონაწილეობის მიღების საჭიროება. ამან გამოიწვია გონებრივად გამოფხიზლებული და თავისი პრივილეგიური მდგომარეობის, — ყმების, გლეხების ხარჯზე მტკივნეულად შემგრძობელი ინტელიგენცია, რომელიც ცნობილია „მონანიე აზნაურის“ სახელწოდებით.

„მონანიე აზნაურებში“ ხალხოსნურმა იდეებმა ნოციერი ნიადაგი ჰპოვა. ბევრი მათგანი ჩაება ხალხოსნურ მოღვაწეობაში. უნდა-კი აღინიშნოს, რომ ამ „მონანიე აზნაურს“ ხალხოსანს არ აქვს ისეთი ძარღვი და ძალა, როგორც ხალხიდან გამოსულს. „მონანიე აზნაურებში“ კიდევ ცოცხალია ნაშთი ფეოდალური წყობილებისა. გზა რევოლუციონური ბრძოლისა, ძველ ტრადიციებზე აღმოცენებული თვისებისაგან, განთავისუფლებული არ არის. პირადი ბედნიერების ძიება მათში მაინც დიდია. ასეთია გიორგი ედიშერიშვილი. ასეთია თამრო შალვაშვილი. ასეთივე მოსჩანს ლევანი.

სალხოსანი ტიპი, გამოსული თვით ხალხის წიაღიდან, უფრო ძლიერია და ჩვენ ლიტერატურაში ხალხის შვილის ხალხოსანის ასახვა უფრო მკვეთრია. თვით ე.კ. გაბაშვილისაც უფრო დაწვრილებით გვიხატავს „ხალხის მოკეთის“ ფიგურას მოთხრობაში „გამარჯვებული ნიკო“ ნიკო ბერიშვილის სახით.

ნიკო ბერიშვილს „საკუთარ პირადობის ფიქრი აინუნში არ მოსვლოდა“. ის მუდამეჟამს ზრუნავდა იმ მოვალეობაზე, რომელიც მან თავის ცხოვრების გზაზე აირჩია და რომელიც მას უეჭვოდ, ურ-

ყვეად საუკეთესო გზად მიაჩნდა. და ეს იმისთვის, რომ ნიკო „სოფლის შვილია და სიამოვნებით მიილტვოდა სოფლისკენ“. მისი ოცნება „საესე იყო მრავალის მაღალის აზრებით და იმედი ჰქონდა თავისი კეთილი აზრები დაემყნო სოფლის ნიადაგზე“. რომ უფრო თვალსაჩინო გახადოს ნიკოს ასეთი ბუნება, ეკ. გაბაშვილისა ნიკოს უპირისპირებს მაღალი წოდებიდან გამოსულს, სოფელში სამასწავლებლოდ გამგზავრებულს, ლიზა კოშკაძეს. „ესეც (ნიკო ბერიშვილი) იმავე აზრით მიდიოდა კახეთში, როგორც ლიზა; ამასაც სოფლის მასწავლებლობა ჰქონდა მინდობილი, მაგრამ ეს თანამდებობა უფრო სანუგეშო და სასიამოვნო აზრებს ჰბადებდა მის გულში, ვიდრე სამწუხაროს. ლიზა იტანჯებოდა მხოლოდ პირადის უბედურებით, სწუხდა მხოლოდ თავისს მარტოობას, თავის ოცდახუთმანათის ჯამაგირის სიმცირეს და ნიკო ბერიშვილს კი საკუთარ პირადობის ფიქრი აინუნში არ მოსდიოდა. ჰფიქრობდა მხოლოდ იმ მოვალეობისათვის, რომელიც თავისს ცხოვრების ასპარეზად აირჩია და რომელიც თავის ქვეყანაში საუკეთესო შრომად მიაჩნდა. თვალწინ ჰყავდა მხოლოდ ის პატარა მოწაფეები, რომლებსთვისაც გონების თვალები უნდა აეხილნა, რომლებსთვისაც სინათლის გზა უნდა ესწავლებინა, რომელთა გულში სწავლა და მეცნიერება უნდა დაენერგა. სოფლის შვილი იყო, სიღარიბეში წვა-და-დაგვიტ გამოზრდილი. ამიტომ ძალიან კარგად იცოდა სოფლის ავი და კარგი, მისი მწვეავი და წყლულნი და ჰფიქრობდა, რომ ერთადერთი სინათლის მომფენი სოფლის ბნელს ცხოვრებაში სკოლა იყო, და ამ სინათლის მოფენა, ამ სიბნელის გაშუქება საბედნიერო საქმედ მიაჩნდა და სხვა გვარი პირადი ბედნიერება მივიწყებული ჰქონდა“¹.

ნიკოს ცხოვრება და მდგომარეობა საკმარისად დაწვრილებით არის მოთხრობაში გადმოცემული. მისი, მართლაც, ასეთი მოთინებით და გულმხურვალეებით თავ-განწირული მოღვაწეობა ხალხის კეთილდღეობისათვის საკმარისად ღია ფერადებშია ასახული. თავადი იასონ ჯამბაღრუკიანი დაცივნის მიზნით და ერთგვარი მძულვარებით ასე ახასიათებს ნიკო ბერიშვილს: „ჩენი სოფლის ლეკია-

¹) ეკ. გაბაშვილისა—გამარჯვებული ნიკო.—გვ. 390—391—კურსივი ჩვენია.

რას სკოლის მასწავლებელი მთელი დღე, კვირაობითაც კი, განუყრელად გლეხებში ზის, იმათ ელაპარაკება, იმათში ერთობა; ჩვენ კი ვერას გზით ვერ შევიჩვიეთ. გასაკვირველი არის, განათლებული კაცი და განათლებულ საზოგადოებას ერიდებოდეს და გლეხებში, იმ უმეცარ, თითქმის გაპირუტყვებულ ხალხში დროს ატარებდეს და თანაც კმაყოფილებით ჰგრძნობდეს თავს!¹

და სწორედ თავადი ჯამბადრუკიანის დაცინვაში ნიკოსადმი და ნიკოს ასეთს თვითდაკმაყოფილებაში არის მთელი ძალა და ნიკოს ბუნების სწორი გამოძევა. ნიკოს მიერ ჯამბადრუკიანებთან შეგნებულად ხიდის ჩამტვრევაში და „თითქმის გაპირუტყვებულ ხალხში“ კმაყოფილებით დროის ტარებაში იყო ხალხოსანთა ძალა, ორიგინალობა და მიმზიდველობა.

თვით ნიკო ბერიშვილიც მშვენივრად ამქალაქებს. ჯამბადრუკიანის ბუნებას და მათ შორის სხვადასხვაობას, როდესაც გამოუცდელ ლიზას აფრთხილებს: „ეგ ყმაწვილი (იასონ ჯამბადრუკიანი) იმ კრებულის კაცია, რომლის წევრნიც ყოველად უსაქმურნი, ამაყნი, გონება-გაუხსნელნი ბრძანდებიან; ამ ვაჟბატონების აზრით, ყოველი ღარიბი იმიტომ არის გაჩენილი, რომ იმათი ლუკმა გახდეს, იმათ ოქროს არ გადურჩეს შეუსყიდველი, დაუძლეველი. პირველი ხომ თქვენ არ იქნებით“². და ლიზას ჯამბადრუკიანების გახრწნილ და ზნე-დაცემულ ცხოვრებას მუქ ფერადებში დაუხატავს.

ასეთმა მორიდებულმა და ამაყმა შეხედულებამ ჯამბადრუკიანებზე, ადამიანურმა, კაცურმა გრძნობამ უბედური, ნიშანში ამოღებული მსხვერპლისადმი ნიკოს დააკარგინა საყვარელი და სანეტარო გზა მოღვაწეობისა, ბევრი ვაი-ვაგლახი და გაჭირვება დაატეხა მას და მის ღარიბ ოჯახს. ბოლოს, „ბევრის ფიქრის და ზნეობრივი ტანჯვის შემდეგ, ნიკომ გადასწყვიტა მღვდლობისათვის მოეკიდნა ხელი. თუმცა სარწმუნოებრივი გრძნობა, — ხაზგასმით აღნიშნავს ავტორი, — ხელს არ უწყობდა ამ დიდსა და წმინდა საქმეს შესდგომოდა, მაგრამ სრულის გულწრფელობით ნუგეშობდა მით, რომ საშაგიეროდ რელიგიურის რწმენისა ჰქონდა მადლი, ზნეობრივი ძალა, ძალა კაცთა სამსახურისა, რომ თამამად შეეძლო მოძღვრების ჯვარი აეღო ხელში და შესდგომოდა ამ მიძიმე საქმეს, ფრიად ვრცელსა და სავალდებულო საქმეს“³.

¹) ევ. გაბაშვილისა — გამარჯვებული ნიკო, — გვ. 403.

²) იქვე — გვ. 433.

³) იქვე — გვ. 455.

ამ რიგად, ნიკო ბერიშვილმა, ერთ-გზაშეკრულმა, მეორე გზით შესძლო გაეტარებინა ცხოვრებაში დიდი მცნება— „შეიყვარე მოყვასი შენი, ვითარცა თავი შენი“—ოღ არა მარტო თვითონ შესძლო, არამედ გვერდში ამოიყენა გაუკულმართებული ცხოვრების ტალღებიდან უზნეო და უკულმართი ხალხის „მეორე გადატყორცნილი და გათელილი ზა (რომელიც შემდგომ მისი ცოლი შეიქმნა), და აგრეთვე სხვანიც. მისმა მადლიანმა და გატაცებულმა მოღვაწეობამ სოფელი ლილითარიანი არაჩვეულებრივ, ყველაფრით რაციონალურად მოწყობილ ასოციაციად გადააქცია, სადაც ყველა შრომობს სიხარულით, ხალისით, სარგებლობის და ცხოვრების სარგებლიანობის შეგნებით. შრომობს ყველა ყოველისათვის და ყოველი ყველასათვის.

აი რასა სწერს ამ სოფლის შესახებ თავ. იასონ ჯამბადრუკიანი, რომელიც, როგორც მაზრის უფროსი, გაგზავნილი იყო—საიდუმლოდ გამოეძია ნიკო ბერიშვილის მოღვაწეობა: „აქსად, გარდა საზღვარ-გარეთისა, არ შეეხვედრებოდა ამისთანა სუფთა და კოპწია სოფელს; ორ-პირად ჩამომწყვრივებულს სოფლის სახლებს, გზის აქეთ-იქით, წინ ორიოდ-სამი ხე უმშვენებდა ეზოს, რაც საქართველოში იშვიათია და ქართლში ხომ სანთლით არ მოიძებნება. თვით-გზა გატყევილი იყო და ორივე მხრივ ღრმად ამოკრილ არხებში ანკარა რუები მოუდიოდა“¹⁾.

მშვენიერი და ხალხოსნებისათვის ჩვეულებრივი გეგმაა მოცემული მომავალი სოფლის ბედნიერი წყობილებისა, ურთი-ერთ მდგომარეობის გაგებისა და დახმარებისა, ეკონომიურად გამაგრებისა და კულტურულად წინ წაწევისა. ეს ფურიესებური ფილანგია (ამითვე გატაცებას ვხედავთ რუს მწერლებშიაც).

გავეცნოთ უფრო ახლო ამ სოფლის ახალ სახეს:

„ბერიშვილი სდგას, დედაჩემო,—სწერს იასონ ჯამბადრუკიანი, —იმისთანა სასახლეში, რომელთანაც ჩვენი ნაქები დარბაზები თავის სოროებად გვეჩვენება. მაგრამ კი არ იფიქრო, რომ ის სასახლეს გაედიდკაცებინოს, სიმდიდრეს და ფუფუნებას შეეპყრას! არა! ეს ისევ ის ნიკოა და ისევ ის ტყავი ასხია. თავ-დაბალი, სადა-ზრდილი და კაცთ-მოყვარე, მხოლოდ სათნოება მოკმატებია, რადგან ყოველი თავისი აზრი შეუსრულებია და საბრძოლველად აღარა დარჩენია-რა.

„ჩვენ გავედით ზოდერის ოთახიდან,—განაგრძობს იასონ ჯამბადრუკიანი,—გრძელ ტალანში და შევედით დიდს დარბაზში, რო-

¹⁾ ე. კ. გაბაშვილი - გამარჯვებული ნიკო, - გვ. 463.

მელიც სამოსწავლო სკამებით იყო სავსე და ზედ რამდენიმე ახალგაზრდა გლეხის დედაკაცი სწერდა რვეულებზე; იმათ თავს ედგა შავებით ჩაცმული ქალი და წერას თვალ-ყურს ადევნებდა...

„აი, ბატონო,—უხსნის ნიკო ჯამბადრუკიანს,—ეს დიდი და საუკეთესო ოთახი ჩვენ დაეუთმეთ სასოფლო სკოლას, აქვე გვაქვს მოთავსებული პატარა სასოფლო ბიბლიოთეკა. კვირაობით კი ჩემი მეუღლე აქ ასწავლის, როგორც თქვენ ჰხედავთ, ამ ახლად მოყვანილ პატარძლებს, რომელთაც წერა-კითხვა არ იციან, კვირაში ორჯელ, საღამოობით ჭრა და კერვასაც“. ჯამბადრუკიანის კითხვაზე „რატომ მარტო პატარძლებსო, ნიკო უპასუხებს: „სხვებმა ყველამ იციან წერა-კითხვა და ჭრა-კერვაც“¹.

„შემდეგ,—განაგრძობს სოფლის აღწერას იასონ ჯანბადრუკიანი,—ნიკომ გამოიყვანა მეორე ოთახში, სადაც გამართული იყო ჩარხები, ქანდარები და სხვადასხვა სააბრეშუმო იარაღი და მითხრა: „აქ, ბატონო, ჩვენ ვამზადებთ აბრეშუმს და ვასწავლით მის შემუშავებას გლეხის ქალებს.

„მესამე ოთახში მაჩვენა აფთიაქი. ამ ოთახის ერთს მხარეს, შირმის უკან, ორი სუფთად გაშლილი ლოგინი იყო. მე ამან ძალიან გამაკვირვა.“—ეს საწოლები იმ შემთხვევისათვის გვაქვს,—მითხრა მოძღვარმა,—თუ დიდ ოჯახში გადაძვლები ავადმყოფობით გახდება ვინმე. ჩვენი სახლი სოფელზე კარგათ მოშორებით არის და ბევრჯელ ამ განცალკევებით სოფელი გადავიარჩინეთ განსაცდელს. მეც და ჩემი ცოლიც ცოტაოდნად მიხვედრილი ვართ ექიმობას და, საბოლოოდ შეძლება ნებას მისცემს გლეხ-კაცობას თავისი საკუთარი ექიმი იყოლიონ, ჩვენ ვაძლევთ ცოტაოდენს შემწეობას.

„მერე მაჩვენა დიდი ქვითკირის ბელედი, სადაც ინახებოდა საზოგადო პური, მერე მარანი, მშვენივრად მოწყობილი ყურძნის საწურავი მანქანით, საქაჯავით და სხვა.

„ყველა ეს აქაური გლეხებისა არის,—მიხსნიდა ნიკოლოზ მღვდელი.—საზოგადო ზერიდან შემოსული ღვინო და საზოგადო მალაზიის პური სრულიად ჰყარავს სასოფლო ხარჯებს, სახელმწიფო გადასახადს, გზების შეკეთებას და კიდევ რჩება იმდენი, რომ ვინახოთ თანხის შესაგროვებლად, რომლის სარგებლითაც შეგვეძლება ვიყოლიოთ საკუთარი ექიმი, გავიჩინოთ რიგიანი საქონელი, შევიძინოთ

¹) იდეა ხალხის მასების წერა-კითხვის უცოდინარობის ლიკვიდაციისა, ჩანს, ახალბოსნებსაც უპირველეს და უსაკიროეს მიზნად მიაჩნდათ.

ზოგიერთი სამეურნეო იარაღი და, თუ საჭიროდ დავინახავთ, მამულებსაც შევისყიდით მეზობელ თავადებისგან.“

იასონ ჯამბადრუკიანის კითხვაზე: „საზოგადო ვენახი რას ქვიან?“—ო, ნიკო უპასუხებს, რომ მისმა ცოლმა შვიდი-რვა წლის წინად გადასცა გლეხ-კაცობას ოცდაათის დღის მიწა „იმ პირობით, რომ სოფელს შემოეღობნა და თავისი მუშით და შრომით გაეშენებინა ვენახი. რასაკვირველია, სოფელი დასთანხმდა და, აგერ ოთხი-ხუთი წელიწადია ჩინებული მოსავალი მოსდის კიდევ.“

მაგრამ ნიკოს ხელმძღვანელობით გლეხები ჩვეულებრივი მოსავლის მოყვანით აღარა კმაყოფილდებიან. მათი სურვილი და გულისყური წარმატებისაკენ, კულტურულ წინმსვლელობისაკენაა მიმართული.

„ვენახის გაშენების სასწავლებლად ჩვენ მხოლოდ მცოდნე მებაღე მოვიწვიეთ და იმის შემწეობით ის საზოგადო ვენახი დღეს ჩინებულის ვაზით არის საესე და სამაგალითო მევენახეობის წესით ნაგები და შემუშავებული. ავრეთვე ღვინის დაყენება პირველში გვასწავლა იმავე, მცოდნე მებაღემ და ახლა კი თითონ გლეხებიდგან არჩეული და სწავლული მებაღისაგან გაწვრთნილი მებაღეობს და აწარმოებს როგორც ვენახს, ისე ღვინის დაყენების საქმეს.“

„გარდა ამისა,— განაგრძობს ნიკო,— გლეხებს აქვთ საზოგადო მინდორიც სახნავად; ისიც ოცდაათის დღისა, ისიც გადაცემულია მისი ცოლისაგან. მთელი სოფელი ჰხნავს იმას, ანოყიერებს და, როგორც მარჯვენა თვალს, ისე ულოლიებს. წელს კერძო მამულებიდან დღიურზე საშუალო რიცხვით თორმეტი კოდი გამოვიდა და საზოგადო მინდვრიდგან კი ოცდახუთს გადააქარბა. ეს ბელელი საესეა ქერამდის და მხოლოდ მაშინ გაეყიდით, როდესაც მომავლის წლის მოსავლის პირს დავინახავთ“.

რომ ლილიფარიანის ცხოვრების და წინმსვლელობის სურათი სრული იყოს, მოვიყვანთ ნიკო ბერიშვილის კიდევ ერთს ახსნას.

იასონ ჯამბადრუკიანი, გაკვირვებული ასეთი დაწყობილებით, ეკითხება ბერიშვილს: „ვინ განაგებს, ვინ ხელმძღვანელობს ყველა მაგ საქმეს?“ „რასაკვირველია,— სრულის შეგნებით და კმაყოფილებით უპასუხებს ნიკო,— ჯერ მე და ჩემი ცოლი. და შემდეგისათვის კი ვამზადებთ თვით მცხოვრებთაგან გამგებელთ. ჩვენ ყოველ წელიწადს ვგზავნით ქალაქში უკეთესის ნიჭის ყმაწვილებს და შემდეგში ისინი დაიქვრენ ჩვენ ალაგს. აი მალე მოგვიყვან რამდენიმე ჩინებულად მომზადებული ხელოსნები, ამ სოფლის შვილნი და იმათ

დახმარებით წავუმატებთ კიდევ ერთ საქმეს: დავაარსებთ სახელო-სნოს, სადაც სოფლის სკოლაში დამთავრებულები გადავლენ სახელოსნოში ხელობის შესასწავლად.¹

აი გეგმა და იდეალი კულტურტრეგერი ხალხოსნის მოღვაწეობისა: შექმნა პატარა, ფურიეს ფალანგისებური ასოციაციისა. თვით მასებია ჩაბმული საერთო კეთილდღეობის შექმნის საქმეში, თვით ისინი სქედენ თავიანთ ბედს. და ტიპიური კულტურტრეგერი-ხალხოსანი ნიკო ბერიშვილის ახალი მოღვაწეობა არ არღვევდა „საზოგადო მშვიდობიანობას“, მაგრამ საკმარისად საფუძვლიანად ძირს უთხრიდა არსებულ წყობილებას. და ყველა ეს ხომ დღევანდელი ცხოვრების აღმშენებლობის გეგმაშია ცაა. ახლაც ხომ პირველ რიგშია დაყენებული მისი შესრულება!

ასეთისავე ცხოვრებისაკენ ღ ასეთისავე გატაცებით მისწრაფვის სოფლის სკოლის მასწავლებლის ეკლიან გზაზე შემდგარი სოფ. მგ ა ლ ო ბ ლ ი შ ვ ი ლ ი ს მათე ლაშხი. მან თავისი ბედი მკიდროდ გადააბა მდაბიო ხალხის ბედს, შეიყვარა ხალხი. დაუზოგველად და გმირულად იტანდა შიმშილს, წყურვილს, სიცივეს, შევიწროებას, დევნას და ათას ვაი-ვაგლახს. ექვსი წლის ასეთმა მოცუქულებრივმა მოღვაწეობამ ლაშხი დასწვა და დაფერფლა ხალხის ბედნიერების სამსხვერპლოზე. ცოლის შერთვა, თანაზიარის და თანამგზავრის მოძებნაც ვერ გაბედა. მასზე ოცნებაც-კი თედოს თითქოს რალაც ცოდვად მიაჩნდა, „ჩემისთანა კაცისათვის ცოლშიელობა ოცნებაა სწორედ, ოცნება!... ჩემისთანა კაცი ხალხისათვის უნდა ცხოვრობდეს, ის არის მისი საზრუნო, მას უნდა ეთაყვანოს... „ალიღე ჯვარი ჩემი და შემომიღეგ მეო,“ გვიმოდღერა ქრისტემ... ეს უანდერძა ყველას, ვისაც კი გული შესტკივა კაცობრიობისათვის, მაგრამ განსაკუთრებით ჩვენ, სოფლის მასწავლებლებს, გვხედება წილად ეს მოძღვრება...“²

მათე ლაშხი კარგადა ჰგრძნობს, რომ მან ვერ შესძლო თავისი მისწრაფების განხორცაელება. ის კარგადა ჰხედავს გარშემორტყმულ დაბრკოლებებს და მათთან ბრძოლის სირთულეს. მაგრამ ყველაზე მტკიენეულად განიცდის ხალხის გულგადაუხსნელობას მისდამი, რასაც ზევეითაც გაეუსვით ხაზი. ხალხი ცხოვრების პირობებით შეწუხებული გულგატეხილი იყო. არა სჯეროდა, რომ მისთვის ვინმე კეთილს ზრუნვას გამოიჩენდა. ამაში იყო საშინელი ტრალეღია ხლ-

1) ე. კ. გ ა ბ ა შ ვ ი ლ ი ს ა — გამარჯვებული ნიკო — გვ. 466 — 470.

2) ს ო ფ. მ გ ა ლ ო ბ ლ ი შ ვ ი ლ ი — საფლავში ჩამომძახე — გვ. 5 — „მოთხრობანი“, გამოცემა 1926 წ.

ზოსნებისა, რომელიც თავის ცხოვრებას არ ზოგავდა ხალხისათვის, სამაგიეროდ ხალხი უნდობლობას იჩენდა მისდამი, ამას მეტად მტკივნეულად განიცდის მათე ლაშხიცი: „თუ ვერ გავაკეთე, რაც ჩემს გულს სწაღდა, ბრალთა თვით ცხოვრების, რომლის გარდაქმნა ძნელია. ვერც გავაკეთებდი იმას, რაც მწაღდა: ხალხი პატივსა მცემს, ვატყობ, ვუყვარვარ, მაგრამ გულს არ მიხსნის, არ მენდობა; ნდობა მასთან მე კი არ დამიკარგავს, დაუკარგავს ჩემს წინაპარს, ჩემს პაპას, ჩემს მამას. მე ხალხისათვის მისი შვილი არა ვარ, თვეი დაუხწევია ჩემს წინაპარს იმ ჰაპანიდან, იმ უღლიდამ, რომელსაც ხალხი ეწევა, ხელი აღარ შეუშეველია მისი მძიმე ტვირთი სათვის, არ შეუმსუბუქებია იგი; ეს გარემოება ღრმად ჩასკლდევია ხალხს გულში, შვილითი-შვილად გადასაცემია და ნაყოფს მე ვივებებ.“¹

ასეთი სულიერი განცდა, სინილისის ქეჯნა ხომ დამახასიათებელი იყო რუსი ხალხოსნებისათვისაც!

მათე ლაშხიცი კარგად იცნობს ხალხის ცხოვრების მაჯის ცემას, ზერხიანად იხედება მის გულის სიღრმეში, გლების საიდუმლოებრივ, დაფარულს და გამოურკვეველ სურვილებსაც-კი კითხულობს. მან კარგად იცის, რომ ამ ეკლიან გზაზე სიარული უფრო ადვილი და მიზნის მიმხწვევი იქნება, როდესაც ახალი, ადამიანური ცხოვრების მოციქულად გამოვა თვით ხალხის ღვიძლი შვილი—მისი „სისხლი სისხლთაგან, და ხორცი ხორცთაგან“. ამისთანა მოციქულთა რაზმის შექმნისაკენ იყო მოქცეული მთელი ყურადღება პრაქტიკულ ცხოვრებაში ხშირად დამარცხებული ხალხოსნებისა. „აი, ჩემმა ქვეიანმა პეტრემ, ჩემმა სანატრელმა მოწაფემ, ჩემი ადგილი რომ დაიჭიროს, მაშინ იმას ხალხი ჩაახედებს თავის გულში, თვითონაც პეტრეს გულში ჩაიხედავს, მათი გულის სიმები გაღიბმის, სიყვარული და ერთობა ნდობით შეიმოსება და ხალხი აღდგომის გზას დაადგება. ჩემიც სჯერა, სწამს ჩემი თვისდამი სიკეთე, მაგრამ ცალკეივ ემორჩილება ჩემს რწმენას, ჩემს აზრებს; თვით ღვიძლი შვილი-კი სულ სხვაა, მხოლოდ იგი მოსწმენდს მას ცრემლებსა... ეს არის ჩემი ექვსი წლის დაკვირვების შედეგი“².

ამის გამო და ამ მიზნით თედომ შემოიკრიფა ხალხის ნიჭიერი შვილნი (პეტრე, თედო და სხვანი), რომელთაც გატაცებით ამზადებს მომავალი ბედნიერი ცხოვრების კეთილი თესლის მთესველად.

¹) სოფ. მგალობლი შვილი—საფლავში ჩამომხაზე—გვ. 5-6. — „მოთხრობანი“—გამოცემა—1916 წ.

²) იქვე—გვ. 6-7.

მიუხედავად იმისა, რომ მათე ლაშხმა უკვლავური უანგაროდ შესწირა ხალხს, სიცოცხლეც-კი, დაუზოგველმა, თავდადებულმა შრომამ და კეთილშობილურმა გამუდმებულმა წვამ მოტეხა მისი სილარიბესა და ნაკულულებულებაში გამოზრდილი ორგანიზმი, მას მაინც მალალი და მტკიცე რწმენა, რომ მისი ეკლიანი გზა ერთადერთი გზაა, რომელიც მისცემს ხალხს კეთილდღეობას, ბოლომდის რჩება, თვით სიკვდილიც ამას მის გულიდან ვერ ამოჰგლეჯს. „მრწამს აღდგომა ხალხისა, — სიკვდილთან ბრძოლის დროს ეუბნება მათე თეკლეს, — იგი აღდგება შენისთანა თავდადებულის მუშაკების მეოხებით... იარე ჩემებრ ეკლიანის გზით... არ არის მკედარი, ვინც ხალხს შესწირავს თავსა... ოოჰ!... დიად, მწამს... აღდგება ხალხი და განაბნევეს მტერსა თვისსა... მე მხოლოდ დასაწყისსა ვხედავ... ბედნიერი ხარ, ჩემო თეკლე... რომ იხილავ ხალხის წინსვლას“¹...

აი ის ღრმა რწმენა, რომელიც ანთებდა ხალხოსნებს და წყვილად უნუგეშო ცხოვრებაში გაუვალ და გაუთელავ გზას უნათებდა. მათე ლაშხს, ამ ტიპიურ „ხალხის მოკეთეს“, ცხოვრებასთან გაყრის ქამსაც-კი სატრფოსადმი სხვა თქმა და სურვილიც კი არ მოეპოვება, გარდა თხოვნისა: „საფლავში ჩამამძახე ჩემი ხალხის აღდგომა“-ო².

ასეთია ფართო გეგმები და გაბრწყინებული სახე სამოღვაწეოდ გასული ხალხოსანისა, რომელიც მთელ თავის დაუშრეტელ ენერგიას უანგარიშოდ სწვავდა ხალხისათვის ბედნიერების მოპოების სამსხვერპლოზე.

11.

ღრო წინ მიდიოდა. მასთან დაკავშირებით 80—90 წლებში სოციალ-ეკონომიერი პირობები საშინელის სისწრაფით მიექანებოდა განვითარების გზით. ვაქრობა-მრეწველობის განვითარება მძლავრი ნაკადივით შემოიქრა ჩვენი ცხოვრების სინამდვილეში. ამ გარემოებაში პროლეტარიზაციის პროცესი შესამჩნევად ააჩქარა. მშრომელთა ბანაკი საგრძნობლად გაიზარდა. მუშაში ირკვევა კლასობრივი შეგნება. ხალხოსნური იდეოლოგია ველარ სწვდება ცხოვრებაში წამოქრილ საკითხთა გადაწყვეტას. დაიწყო ხალხოსნობის დეკადანსი. ხალხოსნური მიმართულება, როგორც მთლიანი მოვლენა, 90-იანი წლებისათვის დაირღვა. ნაწილი მარჯვნივ გადაიხარა: ლიბერალებს მიემხრო, „ივერიას“ შეათარა თავი. ნაწილმაც მარცხნივ გადაიწია.

¹) სოფ. მგ ა ლ ო ბ ლ ი შ ვ ი ლ ი — საფლავში ჩამომძახე — გვ. 12—13.

²) იქვე — გვ. 13.

ეს უკანასკნელი შემოკრილი მარქსიზმის გავლენას განიცდის, ცდილობს კლასთა შორის სხვადასხვაობის და ბრძოლის ნიადაგზე დადგეს, თუმცა-კი დემოკრატიულ ნიადაგს მაინც მკვიდროდ ებლაუქება. ეს ჯგუფი რევოლუციონური ფინისა და მისწრაფების გაღრმავების აუცილებლობას გრძნობს, კულტურტრეგერის როლით აღარ კმაყოფილდება.

ხალხოსნობის ეს მიმართულებაც ჩვენს ხალხოსნურ მწერლობაში მკვეთრადაა ასახული.

მომავალი საზოგადოებრივი ცხოვრების ფორმა და ორგანიზაცია, რომლისკენაც ხალხოსნები მიისწრაფოდნენ—სოციალიზმია. ხალხოსნები ცდილობდნენ ხალხის ფართო მასები გაეტაცნათ და ჩაეთრიათ სოციალისტურ მოძრაობაში. ხალხოსნების შეხედულებით, ხალხს ბედნიერებას მოუტანს საზოგადოებრივი ცხოვრების მხოლოდ ის ფორმა, რომელსაც სოციალიზმი ეწოდება. ჩვენს ხალხოსნებს უკვე კარგად ესმით (და სხვათა შორის, ამითაც განსხვავდებიან თერგდალეულებისაგან), რომ სოციალიზმის მისაღწევად საჭიროა ბრძოლა, ბრძოლა მტკიცე, მსხვერპლით, ბრძოლა შეერთებული, განმტკიცებული მკვიდრო კავშირით. ყველაფერი და ყველა—ცხოვრების გასაუმჯობესებლად, მასების კეთილდღეობისათვის. „დღეს გრძნობს ჩვენი ხალხი,—სწერს სტ. კრელაშვილი,—რომ მის ქირთან ბრძოლა გაცალკეებულ პირებს არ შეუძლიანთ, რომ ყოველი ქართველი, რომელსაც თავი შესტივა ქვეყნისათვის და გული ერჯის მის კეთილდღეობის მოსაპოვებლად, უნდა გადაეხადოს დაურღვეველი კავშირით ყოველ ოპოზიციონურ ელემენტებთან და ამით შეადგინოს ერთი მთლიანი და მაგარი ძალა, რომელიც თავის მხედველობაში მიაწევს ისეთ წერტილს, სადაც შესაძლო იქნება მართლა პირდაპირი გამოლაშქრება. ერთობას, კავშირს შეუძლიანთ დაჰბადონ ძლიერი საზოგადო აზრი, რომ ვისაც კი აქვს სათქმელი ჰკვიანი სიტყვა, სასარგებლო პლანი, გამოთქვას ეს სიტყვა და თანაც არ დარჩეს „ხმად მლალადებლად უდაბნოსა შინა“, არამედ იმ სიტყვამ გაიაროს მთელი ხალხის ჯანსაღ რბილში, იგი ამოეწოს ხალხის ტვინში ღ გასუფთავებული, უფრო გამაგრებული და გაძლიერებული, გადაიქცეს საქვეყნო აზრად, რომელსაც მხოლოდ შეუძლიან საქვეყნო საქმეების წარმოება, აზრის მიცემა ჩვენი უგემური ცხოვრებისათვის“¹.

¹) სტ. კრ—შვილი—ძვირფასი მხარე ჩვენი წარსული ცხოვრებისა - „იმედო“ 1882 წ. № 7—8, გვ. 47.

აი ასეთმა შეხედულებამ, ცხოვრების განვითარების ასეთმა გაგებამ ჩენი ხალხოსნებიც გაიწვია და გაიტაცა ხალხის ცხოვრების მორევში სამოქმედოდ არა მარტო კულტურული დონის აწევის მიზნით, არამედ მასში აგრეთვე რევოლუციონური სულის კვეთების გაღვივებისათვის.

ჩვენს ხალხოსნებსაც კარგად ესმოდათ, რომ რევოლუციის მოხდენა, ძველი ცხოვრების საფუძვლების დამზობა, ახლის გამარჯვება და სოციალიზმის დამყარება არ შეიძლება ხალხს ზევიდან მოვახვიოთ. ეს რევოლუციონური სულისკვეთება საჭიროა თვით ხალხს შეგნებაში გაუჯდეს, საჭიროა ამ სულისკვეთებამ ცხოვრების ატმოსფერო გაჟღინთოს; საჭიროა არა მარტო გაღვივება ხალხის მასების ბუნებრივი რევოლუციონერობისა, რომელიც ჩამარხულია აუცილებელი მის შეგნებაში, მისი ეკონომიური მდგომარეობის გამო, არამედ აგრეთვე საჭიროა მათი დარაზმეცა.

თვით ხალხმა, მისმა ლეიძლმა შეიღებმა, უნდა იღონ თავს ახალი ცხოვრების მოციქულობა, მასების წინამძღოლობა. მხოლოდ მაშინ და ასეთ პირობებში შეიძლება მიზნის მიღწევა, სოციალიზმის დამყარება.

აკი ამ მიზნითაც გავიდნენ ხალხოსნები სამოღვაწეოდ ხალხში და ერთმა გუნდმა 1878 წელს უკვე მიიტანა თავისი წვლილი ამ დიად საქმის სამსახერპლოზე.

აკი ჩენი ცხოვრებაც ამის შემდეგ ჩქარის ტემპით და ცხოველის ტემპერამენტით გაჰყვა რუსეთის განმათავისუფლებელ მოძრაობას.

ძნელი, მძიმე, ეკლიანი იყო გზა ერთობის, ადამიანური ცხოვრების მქადაგებლისა. ერთობის თითო-ოროლა მქადაგებელი სოფელ-სოფელ დადიოდა, ცდილობდა ხალხში შეეტანა შეგნება იმისა, რომ სოფელს ბევრი და დიდი რამ შეუძლიან. თუ დააყენებდნენ, რჩებოდა სოფლის მასწავლებლის თანამდებობაზე და მთელ თავის ძალ-ღონეს ხალხის კეთილდღეობას ანდომებდა. „ხალხის გული სალი კლდესავით შეხვდა ამ ერთობის მთესველებს, არ იკარებდა თვისთა მოყვასთა სიტყვებს, სდევნიდა კიდევ... ერთხელ კიდევაც სცემეს საწყლებს:—ამბობს გულნატკენად ერთი შეგნებული გლეხკაცი,—ხელმწიფემ ძლივს ბატონ-ყმობა გადააგდო და თქვენ კი იმის წინააღმდეგს ლაპარაკობთ“.¹ აი ხვედრი ხალხისათვის თავდადებულთა, ცოცხლად გადმოცემული გლეხ-კაცის პირით.

¹) ს. ო. მ. გ. ა. ლ. ო. ბ. ლ. ი. შ. ვ. ი. ლ. — ჯორ-ზაქარა — გვ. 162, რ. II

მაგრამ, როდესაც მთელ სოფელს და ხალხს კუდამდის ტყაეი გასძვრა, როდესაც სიცოცხლე სიღარიბემ, შვევიწროებამ და პიროვნების გათელვამ სულ გაუმწარა, მაშინ თვით სოფლად თითო-ორო-ლა ისეთიც გამოჩნდა, „ვის გულსაც ღრმად ჩასწვდა კეთილი სიტყვა „ერთობი“-ს მქადაგებლებისა, იპოვა ამ ზოგიერთების გულში კეთილი ნიღაგი, ღრმად გაიდგა ფესვი; იზარდა იგი, იზარდა და შტო გამოიღო. ეს შტო ერთის გულიდან მეორეზე გადაიმყნო და ნელ-ნელა ხალხის გული ერთობის ბაღად—წალკოტად გადაიქცა: იხარა, იფეთქა ხალხის გულში „ერთობის“ ძალამ; ხელი ხელს მისცეს, პირი—პირს, გული გულს შეაქედეს და თამამად შესძახეს:

— „გაუმარჯოს ერთობას, თავისუფლებას!... სოფელი რად უნდა ემორჩილებოდეს ერთსა, ერთი ათასის ბატონი რად უნდა იყოს? თავისუფლება საერთოა, ყველას უნდა ანობდეს იმისი სხივები, სიყვარული საერთოა, ყველა თანაბრად უნდა გვიყვარდეს; მიწა ყველასია, თითო-ოროლას ჩაუგდია ხელში და მთელ ხალხს ტვინსა სწოვენო“.¹

ეს უკვე გარკვეული ქადაგებაა სოციალისტური იდეებისა. ესეთი აზრები სოფელს ნელ-ნელა მოედო. ხალხში რევოლუციონურმა იდეებმა ფეხი მაგრად გაიდგა. ხალხმა გაიგო ახალი ცხოვრების აუცილებლობა. ხალხში უკვე სიმბიტიცეა. თვით ხალხში უკვე გამოჩნდნენ ცეცოები, მიხაები („ლამის მეხრე ცეცო“), ვანოები, სოლომანები („ბედი უბედურთა“), ზაქარაები („ჯორ-ზაქარა“), ილიკო მშველიძეები („და შეჰფიცეს“) და მთელი გუნდი, რომელიც ხელმძღვანელობდა ხალხს, რაზმავდა მას და მედგრად, მტკიცედ მიდიოდა წინ. „დეე, დაგვბოცონ,—ამბობს „ერთობის“ ძალის შემგნები გლეხი,—დეე გვარბიონ, გვაწამონ, ერთი მაინც დარჩება სოფელში მძევლად. აი ეს მძევალი ისეთს ყლორტებს ამოიხეთქს, მძლავრ ყლორტებს სისხლით გაპოხიერებულ ნიღაგიდან, რომ იმისი მოსპობა არაფრით აღარ შეეძლებათ“...²

სოფ. მგ ა ლ ო ბ ლ ი შ ვ ი ლ ი „ლამის მეხრე ცეცო“-ში, „ჯორ-ზაქარა“-ში, „და შეჰფიცეს“-ში და სხვებშიაც იძლევა მშვენიერს სურათს ხალხის თანდათან დარაზმებისა და ცოცხალ გაღერების ხალხის ღვიძლ შვილთაგან შემდგარ რევოლუციონერთა ლეგიონისა.

რომ ამ დღვის (ხალხის) დაძვრა და თანდათანობით გამოფხიზლება ხდება ხალხის ეკონომიური და უფლებრივი შევიწროებების

1) ს ო ფ. მ გ ა ლ ო ბ ლ ი შ ვ ი ლ ი —ჯორ-ზაქარა—გვ. 151.

2) იქვე—გვ. 162.

ნიადაგზე, მკვეთრად ვრწმუნდებით ჩვენი ხალხოსანი-მწერლების, განსაკუთრებით სოფ. მგალობლიშვილის, მიერ მოცემული მხატვრული სახეების საშუალებით. გლეს, ბატონ-ყმობის გადაეარდნის შემდეგ, როგორც ზევითაც ვრცლად აღვნიშნეთ, ავიწროვებს ღ ანადგურებს უმამულობა, და ნაბატონართან ან მის მოურავთან თითქმის ისეთივე გაუვალი ეკონომიური დამოკიდებულება, როგორც ბატონ-ყმობის დროს, სოფლის წურბელების (ჩარჩ-ვაკრების) ნაეარდობა სოფელში და მათ მიერ გლეს-კაცობის ყვლეფა. აღმინისტრაცია აგვირგვინებს გლესის ასეთს შვეიწროებას თავისი უდიერი მოპყრობით და გადასახადების შეწერა-აკრებით. ყველა ეს გლესს კვლავინდებურად მძიმე მონობის უღელს ადგამდა. ამ მონობის უღელ ქვეშ გაქირება და გმინვა ჰქსოვს მის გულში პროტესტს, შეურიგებლობას და რაზმავს მას ბოროტებასა და უსამართლობასთან საბრძოლველად.

გაქირება უხელს ადამიანს თვალს, უფხიზლებს გონებას. გლეს-კაცი უქვირდება ცხოვრებას, ჰხედავს, რომ მრავალს ჰხნავს, სთესავს, მაგრამ კუქს ვერ იძლობს. „რა გაგიძლობს(კუქს), შვილოსა,— მკეახედ, და მწუხარებით ეუბნება ცეცო თავის ძმა-ბიქებს,— მეოთხედი სხვას მიაქვს. შარშან ათას-ხუთასი კოდი სიმინდი და ქერი შეუეიდა ჩვენ გამგებელსა, ახლა პური ამდენივე, ხუთას კოკამდე ღვინო! ი ბელლები სულ დაილიცილიცეს: ურემი ურემზე მიდის ღალა-კულუხი“.¹

ცეცოს სხვა გლესკაცებიც დაეთანხმებიან. ისინიც მწუხარებით აცხადებენ, რომ ყველა ამ უსამართლობას კარგად და აშკარად ჰხედავენ, მაგრამ არჩევენ ჩუმაღ იყენენ, რადგანაც უძლურნი არიან, ვინაიდან მჩაგვრელებს სიკეთის დაპირებით ზოგიერთი აყვია ხალხი მიმხრობილი ჰყავთ. ესენი უტეხავენ სოფელს პირს, არღვევენ „ერთობას“.

გულნატკენი ცეცო გლესების ასეთს განცხადებაზე აი რას უპასუხებს:

— „ჰო და, ეგ ვგრე არ უნდა იყოს. ჩვენ, ძმაო, სამასი კომლი კაცნი ვართ ძალღის-ხეველები, სამას კომლს კაცს თუ პირი ექნება, როგორ გადაუღდება წინ ათი და ოცი კაცი, აბა ერთი მითხარით! ჩვენ თუ მაგათ კრიქაში ჩაუღვებით, ავლაგმავთ, თავს ვაჩვენებთ, შიში და რიდი მიეცემათ“.²

ხალხში აშკარად იქრება „ერთობის“ აუცილებლობა და „ერთობის“ ძალის შეგნება. ხალხი ჰგრძნობს ბრძოლის საჭიროებას და

¹) ს ო ფ. მ გ ა ლ ო ბ ლ ი შ ვ ი ლ ი — ღამის მერე ცეცო — გვ. 71.

²) იქვე — გვ. 72, ტ. I.

აუცილებლობას. ხალხი ირაზმება, ემზადება. ამ მოძრაობის მეთაური მეთოდს და ცოდნას ბრძოლისას თვით ხალხის ცხოვრებიდან და ჩვეულებიდან იღებენ. მონობის უღლის მოხსნა ყველას შეგნებას ამზადებს მოქმედებისათვის, ყველას თვალს უხელს, სითამამეს აძლევს. თანდათან ხალხი უსამართლობის წინააღმდეგ ხმას იმაღლებს.

— „ეგ ყველა კაი, — თავის ქნევით მიჰმართავს მიხა შეკრებილ ხალხს, როდესაც ისინი ემზადებიან „ერთობის“ შესაკრავად, — მაგრამ ჯერ, სანამ ბერობა დაგვიდგება, ე უპრაველიაუჩი გვიქირებს საქმეს.

— „ის კი არ გვიქირებს, — ხმის თრთოლით და კბალების ღრქენით უპასუხებს ცეცო, — თუ მკითხამ, ჩვენი მეზობელი გვიქირებს საქმეს, ჩვენი! აძალღებული ფიდუა ეშმაკურაშვილი ჩვენის ხელით ანწუხზუა ასაგები, ანწუხზე! ის არა-კაცი, ის უღვაშ-შერცხევილი, ისა! უპრაველიაუჩმა რა იცის, ვის რამდენი დღისა აქეს ნახნავი, დღიური რამოდენაა, რა ალაგას და რა მიწას რა ფასი სდევს; სულ ჩვენებით ვიღუპებით, სულ და სულ! ხიდათ ეგენი ედებიან და იმასაც რა ენაღვლება: „სხვისი სახრე და სხვისი კამეჩი ვისთვის რა საშურველიაო“.¹

დიდი ბაასის და საკირბოროტო მოვლენების გათვალისწინების შემდეგ გლეხებს ისევ ცეცო მიჰმართავს: „რა საკიროა, კვირას ყველანი სოფელში ვიქნებით, კანცელარიასთან. ხალხი მოიყრის თავს, კაცობა იქ გამოჩნდება, აქ ლაპარაკს, იქ ვილაპარაკოთ ჩვენი დარღები... ნუ გელუპამენ ნუ, ნუ! ხალხმა ხელში მოგვცეს ი ჩვენი დამღუპველები; თუ ჩვენები არიან დამნაშავენი, საქვეყნოდ ლაფი დავასხათ თავზე, და თუ უპრაველიაუჩია, იმასაც... ჰმ... იმასაც მოურიგდებით... დედა შეერთოს ცოლად, ვინც ერთმანეთს ულაღატოს, დედა!!...“

— „აგრე იყოს, აგრე იყოს! — შეჰყვირებს“.²

ასეთი განთავისუფლების და შეურიგებლობის სურვილი სოფელს თანდათან ეღება. უწყალოდ შევიწროებული ძალის-ხვეველ გლეხკაცობაში, ცეცოს, მიხასა და სხვათა სიტყვები და საქმენი თანაზიარტ პოულობენ. რჩეულთა რაზმი თანდათან დიდდებოდა. მტერთან მტრული დახვედრის საშუალება თანდათან იზრდება. მაგრამ ძნელია საუკუნოებით მონობის უღელ ქვეშ დაძინებული, დავარდნი-

¹) სოფ. მგალობლი შეილი, — ღამის მხრე ცეცო — გვ. 72 ტ. I.

²) იქვე — გვ. 73.

ლი ხალხის მასიური დარაზმვა. მიუხედავად იმისა, რომ გლეხ-კაცობის სიმპატია ცეცოსა და მის ამხანაგებისაკენაა, ბოლოს სოფელი მაინც ჩაჩუმდა, „დაემორჩილა ბედს“, „ურჩი კამეჩივით მაინც გაპყო უღელში თავი და ჩოქით გასწია ტვირთსა“. მაგრამ რჩეული ბიჭები, ცეცოს ხელმძღვანელობით შემდგარი სოფლის პატარა რევოლუციონური რაზმი, რომელსაც მოედო „ერთობის“ ცეცხლი და ველარ ურიგდება ძალმომრეობას, შეეცდება გაანთავისუფლოს სოფელი ამ ტანჯვებისაგან. ტერორის საჭიროება და აუცილებლობა, რომელმაც ხალხონები გაიტაცა, სოფელშიც გადადის. ცეცოს რაზმიც ამ გზას დაადგა. მოისურვა სოფლის მტრების დასჯა.

რჩეულმა ბიჭებმა დარაჯობა დაიწყეს. დანიშნულ ალაგას ღამ-ღამობით უსაფრდებოდნენ. „დიდხანს აღარ გაუვლია, — აგვიწერს სოფ. მგალობლიშვილი, — იჯარაღარმა ცხენ-და-ცხენ, თქარაოქუთი ჩამოიბრინა ორლობეში და მიიჭრა ოთარას ბიჭის ვენახში. მეკულუხეებმა კარგა ხანს შეიგვიანეს...“

„ბიჭები უცდიდენ განაბულნი, ყურწაგდებულნი, გულის ცახ-ცახით, როგორც მონადირე ნათვალეც ნადირსა, რომელსაც ხან წამს დაუცივდებოდა ხელ-ფეხი და ფრჩხილებში ოფლი წაჰხეთქდა; ხან ცხელი ალი აპკრავდა თავ-პირში; ალი შუბლზე ცხლად გაუვლიდათ, თითქოს გახურებული რკინა გაატარეს. ერთმანეთის გულის ბაგი-ბუგი ესმოდათ; პირში ნერწყვი შრებოდა ლოდინითა. აგერ მოისმა ფეხის ხმა ცხენისა, მათრახის ტყლაშუნი... ფიღუა და ბლუნძელაშვილი გამოიქცენ ძუნძულით. ფიღუამ გზაზე სარი წაჰგლიჯა ვაზსა. ფიღუას ფეხ-და ფეხ მისდევდა ბლუნძელაშვილი, მამასახლისის და გზირი. ფიღუა შედგა ლობეზე ორლობეში გადასახტომად, ამ დროს ლობეს გარეთ მდგარმა შეთქმულთაგანმა დაჰკრა მძლავრად თავში კეტე იჯარაღარს, გადმოატრიალა და ორლობეში ზღართანი მოაღებინა. შეთქმული შეხტა ლობეზე, გადახტა მერე ვენახში და — ჰაიდა! — მოეფარა.“

„მამასახლისის ეგონა, რომ ფიღუა თავისით უცაბედად გადავარდაო, რადგანაც ხმა-ამოუღებლივ დაეცა; შედგა ლობეზე და უკან ბლუნძელაშვილი აჰყვა.“

— „ეეჰუ! ეს ხუმრობა აღარ არის, დაგვბოცეს. ეს სულ იმათი ბრალია, — შეჰკივლა მამასახლისმა, — იმ... მაგრამ წამოუარა მესამემ, დაჰკრა ბლუნძელაშვილს და ორნივე გადაცივიდნენ. გზირმა კი გაქცევა იკადრა. ჩაიბრინა ოთარას ბიჭის ვენახამდისა, სადაც

იასაული ტბილს მოუყენეს. გულ-ამომჯდარმა გზირმა უამბო იასაულს თავ-გადასაყალი.

— „არიქა, მიეშველეთ; თავ-დამტყრეულები ჰყრიან. ეჭვირა დროს შევესწარიო და“!..¹

მართლიც, ხუმრობა აღარ იყო. გაღვიძებული ხალხის გულში ბოლმა და შური ვულკანისებურ ემზადებოდა ამოსახეთქად. მართლაც, ძველი დრო აღარ იყო.

ცხოვრება შეიცვალა, წინ წავიდა. მისი წინსვლა იზომება ხალხისათვის უკეთესი ცხოვრების პირობების საშუალების მოპოვებით, ძალა-უფლების და მშრომელის ხელითა და ოფლით მონაგარი დოვლათის თანდათან ხალხის ხელში გადასვლით. ეს პროცესი არა ხდება უმტკივნეულოდ. სწორედ ამ ტკივილთა ინტენსიობით იზომება ცხოვრების განვითარების პროცესის მნიშვნელობა და ღირებულება.

ეს გზა განვითარებისა მკვეთრათა აქვთ ასახული ხალხოსან-მწერლებს თავიანთ შემოქმედებაში.

ხალხის ცხოვრება რყევაშია. მისი ცხოვრების ვაი-ვაგლახი ხან ძალით და ხან თავის ნებით გამოფხიზლებული თავს იყრის მის შეგნებაში. მუქად გადაეფარება ხალხის გრძობას და გონებას, დაუწყებს თანდათან გაძლიერებით ღრღნას და წვას, სანამ სტიქიურად გაერთიანებული ხალხის გულიდან რისხვა ქარტახილივით არ ამოჰხეთქავს, და არ შეეცდება წაღიკოს და დათრგუნოს უსამართლობა, ბორცობა, ძალმომრეობა. „ჯერ ყრუ ხმა, — ჰხატავს სოფ. მგალობლიშვილი ამ მოვლენის ზრდას, — ხმა გმინვისა და კვნესისა გაისმა, შემდეგ და შემდეგ ხმა ძლიერდება. სკეჟავს, ზუზუნებს, აკვნესებს სხვა და სხვა გულის მომწყლავს, სევიანს სიმღერებს, მოთქმით უამბობს ჭკეყანას თავის პირ-ვარამს, ამტყრევს ბორკილებს და ითავისუფლებს თავს მონობისაგან. ამ საშინელი ქარიშხალისა და მეხისტების დროს სისხლი ნიაღვრად მიდის. იყლიტება უდანაშაულო ხალხი. მაგრამ ეს უმანკო სისხლი, როგორც სისხლი უმანკო და მართლის აბელისა, ცადმიმართ ღაღადებს და ღმერთი სიმართლისა ანიკებს ძალას თავ-განწირულთა. ამის მოწმე ისტორიაა...“²

ასეთივე ისტორია აქვს მასების-მიერ ამ ადამიანურ უფლებათა მოპოვების საქმეს ჩვენშიაც. ჯერ თუ თითო-ოროლა იყო „ერთობის“ მოციქული, და თუ ისინიც წამებას მიიღებდნენ ხოლმე იმათგანაც-კი ვისთვისაც ისინი თავ-დადებულად მოღვაწეობდნენ, — თანდათან მათ

¹ ს ო ფ. მ გ ა ლ ო ბ ლ ი შ ვ ი ლ ი, — ღამის მეცხრე ცეცო — გვ. 128 — 129.

² მისივე ჯორ-ზაქარა, — გვ. 89 — 90, II

მიერ დათესილს თესლს ამინდი დაუდგა, თბილმა, მზიანმა დღემ ნა-
ყოფი გამოალებინა. ხალხმა იგრძნო ნაყოფი კეთილი თესლისა. იგ-
რძნო თავისი ძალა და წინაგრძნობით განსკვერიტა მომავალი ადა-
მიანური ცხოვრება. თანდათან უფრო თავგადადებით და მტკიცედ
დაიწყო დარაზმვა. სოფელი ტორტლა („ჯორ-ზაქარა“) გა და ი ქ ც ა
ერ თ - ერ თ რ ე ვ ო ლ უ ც ი ო ნ შ რ ი ქ არ ც ე ც ხ ლ ის ქ უ რ ა დ . გ ლ ე ხ -
კ ა ც ო ბ ა ს ა ლ არ უ ნ და მ ო ნ უ რ ა დ და ე მ ო რ ო ჩ ი ლ ო ს მ ე ბ ა ტ ო ნ ე ს და მ ის
ს ის ხ ლ ის მ წ ო ვ მ ო უ რ ა ე ს . უ რ ო ბ ა ს უ წ ი ე ვ ს . ტ ე რ ო რ ის გ ზ ა გ ლ ე ხ კ ა ც ო -
ბ ის ა თ ე ის მ ის ა ლ ე ბ და მ ხ ს ნ ე ლ გ ზ ა დ შ ე ი ქ მ ნ ა . თ ა ვ ა დ ი მ ა რ უ შ ა ძ ის
მ ო უ რ ა ე ს ს ო ს ი კ ა ს რ ო მ ვ ე რ ა მ ო უ ხ ე რ ხ ე ს რ ა , ა კ ი მ ო ჰ კ ლ ე ს კ ი დ ე ც .

სოსიკას სიკვდილს შემდეგ თავადი ესტატე მარუშაძე სოფელ-
ში გადასახლდა. სოსიკას დაწყებული საქმეები არ უნდოდა ჩაფუ-
შულიყო, პირიქით, მისთვის სასარგებლო იყო გაეძლიერებინა და
მით თავისუფლად ენაგარდნა გლეხების ზურგზე. დღე-მუდამ თავა-
დი ესტატე სოფელს მუხრუქს უჭერდა, მან დასახმარებლად გაიჩინა
მთელელი რაზმი ჩაჩნებისა, რომელნიც თავით-ფეხამდის შეიარაღე-
ბულნი იყვნენ: „ერთი ზარბაზანი არა ჰქონდათ,—თორემ სხვა არა
აკლდათ რა, ერთ სოსიკას ნაცვლად გაჩნდა ერთი დიუჟინი სოსი-
კა...“¹ ამ გარემოებას მოჰყვა ხალხის მხრივ ტოკვა, ურჩობა, ბატო-
ნის შეურაცყოფა. ხალხში შური და მტრობა იზრდებოდა და ბოლოს
ღელვად გადაიქცა. ბატონი თავ-შეუქცევებლობას იჩენს. „ჩაჩნები
შეუბრალებლად ხოცდენ სოფლის პირუტყვ-საქონელსა; მუდამ გამო-
ულეველი ჰქონდათ ხორცი; როგორც საყასპოს კარზე, ისე იმათ
ბინის კარზე მუდამ ფეხშო-ფეხშო ხორცი იყო გამოკიდებული. მაგ-
რამ რამდენსაც ბატონები მოჰკლავდენ, მეორე დღეს ბატონის რო-
მელიმე ძვირფასი ძროხა, ან ცხენი ეგდო სადმე გამოფაშული და
სამგლედ დაგდებული.“²

თავადმა ესტატე მარუშაძემ კარგად იცოდა, ვინ იყო მიზეზი
ხალხში მისდამი წინააღმდეგობის და ურჩობის გაღვივებისა. მოინ-
დომა ჯორ-ზაქარას განადგურება. თავად ესტატეს ჰგონია, ზაქარა
რომ მოაკვლევინოს, სოფელი დაწყენარდება და კვლავინდებურად მორ-
ჩილად გაჰყოფს თავს მონობის უღელში. მაგრამ ახლა ასეთი ადვილი
ალარ იყო სოფლის ჩაჩუმება და დაწყენარება.

გლეხ-კაცობამ გამოიღვიძა. მონობის უღლიდან განთავისუფ-
ლება მოინდომა. მჩაგვრელისადმი სიძულვილმა საკმარისად გაიდგა

1) ს ო ფ . მ გ ა ლ ო ბ ლ ი შ ვ ი ლ ი — ჯ ო რ - ზ ა ქ ა რ ა — გ ვ . 166 ტ . II .

2) ი ქ ვ ე .

ფესვი. ზაქარას ხელმძღვანელობით შესდგა გლეხთაგან ჯერ პატარა რაზმი ცხრა კაცისაგან. ეს რაზმი თავად ესტატე მარუშაძის ყოველივე საზიზღარ საქციელს ჯერ-ჯერობით მალვით უპასუხოდ არა სტოვებდა. „გაჩნდა ორსავე მხრივ დევნა. აღარ ხუმრობდნენ ჩაჩნები: ცხადლივ თუ მალვით იკლებდნენ სოფელს და შვილისადარ პირუტყვ საქონელს უზოცავდნენ, ნათესაში ცხენებს აბამდნენ; ხშირად შიგ შუა ვენახში ჩაუბამდნენ ცხენებს, რომლებიც იქაურობას სულ ნაცარტუტას ადენდნენ.

„არ ეძინა ზაქარას რაზმსაც. ერთს სალამოს, ჩაჩნები ძილ-ღვიძილში იყვნენ, მიიყვანა ზაქარამ რაზმი ბატონის ზვარში. გადასწყვიტეს, ერთად უნდა გავარდნილიყო ცხრა-ცხრა ტყვია და ჩაჩნების ცხენები დაეხოცნათ; ჯერ კაცის სისხლის დაქცევა არ უნდოდათ... იცოდა ზაქარამ, რომ ამას ზეკუცია მოჰყვებოდა, მაგრამ ცდა აღარ შეიძლებოდა და გამოსაშვები სისხლი უნდა გამოშვებულიყო“.¹

შუალამისას, როცა ჩაჩნებს ეძინათ და ბატონი ესტატე-კი თავის სასახლის აივანზე გულგაღელილი დადიოდა და კრილოსანს ათამაშებდა, სოფლის რაზმმა ჩაჩნების ცხენებს თოფები დაახალა და ბრძოლით უჩვენლად ნელნელა უკან დაიხია. სოფელს არ გაჰკვირვებია თოფის ხმა, არაფერ არ გამოსულა ხმაურობაზე. ზაქარას რაზმი დაბინავდა. ჩაჩნები და ბატონი ესტატე სიბრაზისაგან აღარ იყვნენ.

მეორე დღეს თავ. ესტატემ თავის სტუდენტ შვილს ორი ჩაჩანი გააყოლა და თავისი ეტლით გაგზავნა ქალაქში, რომ მაზრის უფროსისათვის მომხდარი ამბავი შეეტყობინებინა. მაზრის უფროსს რუსი-ყაზახები გამოსთხოვა. ჩააყენა სოფელში ეკზეკუცია, რათა მისი შემწევობით აელაგმა აღელვებული ხალხი.

მაგრამ ძნელია ამოვარდნილ სტიქიასთან ბრძოლა. რა ან ვინ შეაყენებს ამობოქრებულ ზღვის რისხევას?! ხალხის ღელვაც ხომ სტიქიურია! ხომ სავსებითა ჰგაეს ზღვის ღელვას. სოფ. მგალობლი-შვილი საკმარისად მხატვრულად გეისურათებს ხალხის ღელვას, მის გაღვიძებულ სურვილს დაახწიოს თავი მონობის უღელს, მოიპოვოს უფლება ადამიანური ცხოვრებისა. „ჯორ-ზაქარა“ მშვენიერი ეპოპეიაა გლეხთა განთავისუფლების სურვილის და მოპოების პროცესის შესაგრძობლად. ამ ეპოპეიაში ალაგ-ალაგ მხატვრული ხერხიანობით ჩატანებულია ავტორის პოეტურად ასახული შეხედულებანი და განცდანი, ხალხის გამოფხიზლებით და ღელვით გამოწვეული. ეს ადგილები მკითხველის განცდას და შთაბეჭდილებას საგრ-

1) ს. ო. ფ. მგალობლიშვილი — ჯორ-ზაქარა, გვ. 167 — 169.

ძნობლად აძლიერებს: დაუნდობელია ამობოქრებული და აზვირთებული ზღვა: ანგრევს და ანადგურებს ყოველივეს, რაც-კი მას იმ დროს წინ გადაეღობება; დიდრონს გემებს ნაფოტივით ათამაშებს და შურდულის ქვასავით ისერის ნაპირისკენ და ვაი იმ გემს, რომელსაც კლდის ნაპირს მიახეთქებს! ლუკმა-ლუკმად აქცევს და ანაქუჭებს.

ხალხის გულშიც მოგროვილია ათასი დარდი და ვარამი, ყველა უსამართლობა ექდევა იმის გულზე. ხშირად ამობოქრდება, იწყებს მისი გული ღელვას, სახეზე იბეჭდება; იკმუჭნება კაცის სახე, სწუხდება გულის ღელვისა გამო. აღარ ეტევა მის გულში უსამართლობა, მიყენებული ბატონისა, მღვდლისა, მოხელისა და ათასი სხვა მტარვალისაგან, რომელნიც მთავრობამ კისერში წურბელასავით დაასხა. აი ამ დროს, როგორც ზღვაში სიო, მცირე ქარი, შემდეგ ქარიშხლად ქცეული, საჭიროა მცირე რან სიტყვა, სიტყვა კეთილი, სიტყვა ერთობისა და საბოლოო ნუგეშისა, სიტყვა, რომელიც ხალხს თვალს აუხელს, გააცნობს აწმყო ცხოვრებასა, უჩვენებს გზას მონობიდან თავის დახსნისა, გააკათინებს ეკლიან გზას, რომ თითონ თუ უეკლოდ ვერ გაივლის, მომავალს მოდგმას მაინც შეაძლებინოს უეკლოდ სიარული.

„ასე. დღულდა ჩვენი ქართველის გულშიც ბოღმა, უსამართლობისაგან დაგუბებული. მოაწვა იგი ხალხის გულს. აი აგრე იხრაზობოდა იგი ან უსამართლობისაგან, რომ გაუჩნდნენ ხალხს მოციქულნი ერთობისა. ამათ დაპკრეს კვერი ხალხის გულს, გადმოსკდა ბოღმა გულიდან. იწყო ხალხმა ღელვა, ბობოქრობა, გაისმა კიდითი კიდემდე:

„ მიწა და თავისუფლება!..“

„მიწა იმისია, ვინც მუშაობს, ვინც ოფლს აწვიმებს შიგა. ხალხმა თითონ უნდა უპატრონოს თავის თავსა; კმარა, რაც ხანი ედგა უღელი და ათასი გადიები და ძიძები, მამინაცვალ-დედინაცვლები ხედნიდნენ მას, სიცოცხლეს უმწარებდნენ, ხორცს აგლეჯდნენ ცხელის შანთებით და ცოცხლივ დღისით-მზისით სკამდნენ იმას გაუმაძლარი სვავები.

„ხალხმა იხრიალა სოფელ ტორტლაშიაც. გამოცხადდა აქაც სრული თავისუფლება; სოფელს განაგებდა თვით სოფელი, მისგან რჩეულნი“.¹

¹) სოფ. მგაღობლიშვილი — „ჯორ-ზაქარა“—გვ. 170—171; ტ. II.

ცხოვრების ვაი-ვაგლახში, მის ღუბჯირში გამოსული, სინამდვილის მკოდნე ხალხი აღვილად ართმევს თავს ალექსებას, შურისძიების გრძნობას. ის კარგადა ჰგრძნობს, რომ თავისუფლების მოპოების გზა ძნელია. კარგადა ჰხედავს მოწინააღმდეგეთა ბანაკსაც, სადაც „პირი პირს მისცეს მებატონემ და მღვდელმა, ვაქარმა და მოხელემ“, რომელთაც ზურგს უმაგრებს მთავრობა თავისი სახელმწიფოებრივი აპარატით; კარგად ჰხედავს, რომ ეს მოპირდაპირე ძალაც ძლიერია. ამიტომ ცდილობს წინააღმდეგობა აწარმოოს სიფრთხილით, ნაკლები მსხვერპლის შეწირვით. ეკზეკუციის მოლოდინმა ხალხი უფრო ააღელვა. შეიყარა ის მომავალი საფრთხის დასახვედრად, გეგმის გამოსამუშავებლად. ჯორ-ზაქარა, თუმცა მოხუცებულია, მაგრამ კვლავინდებურად სოფელს მეთაურობს. ის თავისი მოფიქრებული და სამართლიანი სიტყვით მიჰმართავს შეყრილს ხალხს. მის გაბედულ სიტყვაში სოფლელი მქადაგებლის-ხალხოსანის მოქმედების მთელი არსი და ისტორიაა: „ხალხნო,—ჩვეულებრივ სიმტკიცის მაჩვენებელი კილოთი ეუბნება ზაქარა ხალხს,—მე აგერ სიბერე მეთქმის; ჩემი დღენი თქვენთან გავატარე; მართოდ-მართო ვიბრძოდი ბატონთან; ბევრი მწარე დღე ვნახე; ბევრჯელ ვხეხე ციხის, სატუსალოს კედლები. სამართალი ვერსად ვპოვე; ალერსიანი სიტყვა ვერსად გავიგონე; ყველასაგან გლენხია დაჩაგრული, ის დაბალი ღობეა და ყველა ზედ გადადის, ამტვრევს იმას, სწიხლავს. ყველას ჩვენ ვაცხოვრებთ: თავადს, მღვდელს, მოხელეს, ვაქარს, თვით იმ ჯარს, რომელიც ჩვენს დასაწიოკებლად ჰყავთ გამოყვანილი; ჩვენ ერთის დღის ხარჯი რომ არ გავილოთ, ამ წუწკ ქვეყანას ღერძი გამოეყრება, ჩაინგრევა ის ტახტი, რომელზედაც ტბილად განისვენებენ ჩვენგან განებივრებული დიდკაცობა... შევიძრეთ, შევირყეთ ერთად და შევარყიოთ იმ განცხრომილების ცხოვრება, გაუუმწაროთ წუთი-სოფელი... მართალია, დიდი განსაცდელი მოგველის: წვა-დაგვა, დარბევა-დაქცევა, ნამუსის შერცხვენა, ხოცვა-ჟლეტა; ეს არასდროს არა გვკლებია, მაგრამ არ გავმწყდარავართ. მძევალი მაინც დარჩენილა და კვლავ ყლორტი ამოუტანია... ძალას ძალა ვუფაროთ; ხალხს რა გაუმაგრდება, თუ მთელი ხალხი გაღიბმის ჯაჭვით, პირს მისცემს ერთმანეთს და ერთგულად შეებმის გაბატონებულ ბოროტებასა... შევისხათ ჩვენც იარალი, აღვიკუროთ, ვისაც რითი შეგვეძლოს და მტერს მედგრად შევხვდეთ: მომყევით, ძმებო, მომყევით!.. დღეიდან ვსპობთ ყოველივე კავშირს ბატონთან, მღვდლებთან, მოხელეებთან; დღეიდან სოფელი ტორტლა თავისუფალი ქვეყანაა. ის თვით განა-

გებს თავის საქმეებს... ძალა ერთობაშია. თუ ერთად ვიქნებით, ერთ პირზე ვიდგებით, ისე დაიმსხვრევა ძალა მთავრობისა, როგორც კლდეზე მიხეთქებული გემი“..¹

ხალხი მართლაც თანდათან უფრო მეტის შეგნებით მისდევს ერთობის მოციქულს. მათს მადლიან სიტყვას თავის გულს ტახტად უდგამს. რევოლუციონურ მოქმედებაში ებმის არა მარტო გლეხი მამა-კაცი, არამედ დედა-კაციც. ჩვენი დედაკაციც ცდილობს გამოვიდეს სამოქმედო ასპარეზზე საერთო საქმის გასაკეთებლად, ამოუდგეს მამაკაცს მხარში, გაამაგროს ხალხის საკეთილდღეოდ გამოსულ მოღვაწეთა რიგები, შეიგნოს თავისი უფლებანი და შეეცადოს მათს მოპოვებას ძალით.

ქალთა მოძრაობას ჩვენში არა აქვს ისეთი დიდი და ძლიერი ისტორია, როგორც რუსეთში. ამიტომ ეს მოვლენა მძლავრად არ არის ასახული ჩვენს ლიტერატურაში. მაგრამ მაინც ქალთა გაღვიძების, სამოქმედო ასპარეზზე გამოსვლის და უფლებების მოპოვების სურვილის გამოხატულებამ შესაფერი გამოძახილი ჰპოვა ჩვენს მწერლობაში და ყველაზე უფრო ხალხოსან-მწერალთა შემოქმედებაში. სხვათა შორის, ყველაზე მკვეთრად ქალის ასეთს განცდას და სურვილს სოფ. მგ ა ლ ო ბ ლ ი შ ვ ი ლ ი გიხატაეს. სოფლის ყრილობაზე ერთობის მოციქულად ქალებიც გამოდიან ღ ხალხის რევოლუციონურ სულისკვეთებას თავიანთსას უერთებენ, აძლიერებენ, ამახვილებენ: „ყველაზე საშიში, — დაიწყო სოფლის ყრილობაზე ერთობის მოციქულმა ქალმა, — ქალთა მდგომარეობაა. ყაზახობა ნამუსს ხდის დედაკაცებსა... ამიტომ. ყველა ქალმა, ყველა ოჯახის დეიამ უნდა მამაკაცებს მივბაძოთ. დროებით უნდა გადავდვათ თითისტარი და ნემსი; აკვანიც მივდვათ გვერდზე, მოვიკრიფოთ სულის ძალა; თუ იარაღით ვერა, ბასრი ფრჩხილებით შევებრძოლოთ უსამართლობას, ბოროტებას. სისხლი სისხლით უნდა მოიბანოს, სისხლს სისხლი მოსდევს, მსხვერპლს მსხვერპლი. გარდავაქციოთ სახლი, კარი, ბაღ-ვენახი და თვით ეს ჩვენი გულის-ფიცარი ციხე-სიმაგრედ, სალ კლდეთა. დეე, მოვიდნენ ჩვენზე ბნელი ძალები იერიშითა, ნუ შევუღრკებით: ბნელს სინათლისა ეშინიან; ქურდი, ავაზაკი, ყველანიირი მტარვალი სინათლეს გაუბრბის. მივიტანოთ ჩვენც იერიში, ვიდინოთ მკერდიდან სისხლი თავისუფლებისათვის. მტარვალი მხდალია, ხალხი კი მძლავრი, სავსე ზნეობით, სათნოებით და ქვეყნი-

1) სოფ. მგ ა ლ ო ბ ლ ი შ ვ ი ლ ი — ჯორ-ზაქარა — გვ. 173—174, ტ. II.

სადმი სიკეთითა. ხალხი ცხრა-თავიანი მდევია. რა გაუმაგრდება იმას, თუ მოინდომა, თუ გაიწია და დაამტვრია უღელ-ტაბიკი მონობისა!..¹

ეს ნაწყვეტი ორნაირად არის საგულისხმეირო: ჯერ ერთი, ქალი ლამობს გადალახოს ოჯახური საზღვრები, გადავიდეს საერთო საზოგადოებრივ მოღვაწეობის ასპარეზზე, მხარში ამოუდგეს მამაკაცებს, მათთან სრულუფლებიანი გახდეს. ქალისავე სულიკვეთებას, როგორც ზევით აღვნიშნეთ, თუმცა ისეთი სიმკვეთრით არა, როგორც სოფ. მგალობლიშვილი, ასახავენ ხალხოსანი-მწერლებიც—ე.კ. გაბაშვილისა, ყაბეგი (ამაზღვაც ზემოდ გვქონდა საუბარი). მეორე მხრით, ამ ნაწყვეტში მკვეთრად ისმის ქალის რევოლუციონური განწყობილება. ქალი ებმის არა მარტო კულტურულ მოღვაწეობის საქმეში ხალხის საკეთილდღეოდ, არამედ რევოლუციონურ მოძრაობაშიაც. „სისხლი სისხლით უნდა მოიბანოს, სისხლს სისხლი მოსდევს, მსხვერპლს მსხვერპლი. გარდავაქციოთ სახლი, კარი, ბაღ-ვენახი და თვით ეს ჩვენი გულის ფიცარი ციხე-სიმაგრედ“—ო.

ასეთი შეხედულება ქალზე ხომ ხალხოსნების შეხედულების ერთ-ერთი მთავარი საფუძველი იყო!

ამას გარდა, ეს ნაწყვეტი მკერმეტყველურად ღალადებს, რომ რევოლუციონური მოძრაობის ძლიერი ტალღა ხალხის ცხოვრების სიღრმეს ჩასწვდა. მან ხალხის ცხოვრება აამოქმედა, აადღევა, აახვირთა, ააქოთა. „ადგა ქარიშხალი,—განმართავს თვით ავტორი ხალხის რისხვას,—და დაუწყო მტვრევა აქა-იქ შეყუთულ გემებსა. მოიკუნტნენ გემთა პატრონნი, აღძრეს ტკბილად ბაგენი, იწყეს ღიღინი „ახალ მოდაზე“. მაგრამ ნემსკაემა თევზი ველარ დაიჭირა: ტკბილ სიტყვებში რამდენი ბაღლაში ერიან, „ახალ მოდაზე“ ღიღინში რა გესლი იყო ჩართული, — სოფელი მიხვდა და აღარ მოტყუდა“.²

ცხოვრების უდიერმა პირობებმა წაუკიდა ხალხს ცეცხლი, მძლავრად აანთო მასთან საბრძოლველად მისი გული და გონება და აარჩევინა ახალი ცხოვრებისათვის ახალი გარკვეული გზა. მან დაამყარა თავისი სამეფო. დაამყარა სოფელში სასუფეველი სიმართლისა, სიყვარულისა, ძმობისა, ერთობისა და სათნოებისა. „აღარ იყო,—ავვიწერს სოფ. მგალობლიშვილი,—სოფლად ქურდობა, ავაზაკობა, ცლისწამება, მრუშება, ერთმანეთზე საჩივარი, კიცხვა-დაცინება,

¹) სოფ. მგალობლიშვილი—ჯორჯაქარა, გვ. 174—175.

²) იქვე—გვ. 175. II

გაუკითხაობა ურთიერთისა; აღარ აწუხებდა ამ სოფლებს მამასახლისი და გზირი, მღვდელი და ბერი, მთავარი და მედავითნე, იასაული და ყაზახი, ბატონი და მისი მოურავი.

„მთელ ამ სოფელს თავისუფლების სხივი დაადგა თავზე შარავანდედად, გულს სიყვარულისა და ძმობა-ერთობის სხივი სვეტად ჩაადგა. ყველა წყნარად და მშვიდათ მუშაობდა. შემოვიდა, დამწიფდა პინდერის და ბალ-ვენახის მოსავალი. სოფლად რთვლობაა.“¹

თავადი მარუშაძე და მისი სტუდენტი შვილი-კი კბილებს ილესავენ, უკმაყოფილონი არიან. სოფლისადმი შურითა და მტრობით იქლინებებიან. დასახმარებლად მათ გამოიწვიეს ყაზახები და მათი ჰეთაური გაბრიელ ევტევიჩი, რომელსაც გლეხებისა და მუშების ალაგმვა დაუსახავს მიზნად. გაბრიელ ევტევიჩი ცდილობს სოფელი გაამაგროს მით, რომ დაიჭიროს მოთავე კაცები, როგორც ქორმა, ისე ამარცვლოს სოფლიდან ყველა „ბუნტოვნიკი“, რომელიც სოფელს რევს, და ცივ ქვეყნებში ამოუყოს თავი, ციხეებში ჩაამწყვდიოს. გაბრიელ ევტევიჩის შეხედულებით, რასაც ვერ შეასრულებს კანონის ძალით, იმას მათრახი შეავსებს.

თავადი მარუშაძეები ახტაცებაში არიან მოსულნი გაბრიელ ევტევიჩის განცხადებით. ამ ყაზახ-ოფიცერს ისე უყურებენ, როგორც დაუძლეველ ძალას, ცდილობენ ყველაფრით ასიამოვნონ და გლეხ-კაცებს უფრო მძლავრად მიუსიონ და გული ერთი კარგად მოიფხანონ. თავადი ესტატეს სახლში გამუდმებული ნხიარულება და ქეიფი იყო. სოფელი კი ამ დროს მინდვრად იყო გასული. ის თავის საქმეს ჩუმად, წყნარად აკეთებდა.

რომ ბატონსა და გლეხს, მუქთახორასა და მშრომელთა შორის განსხვავება დაგვიხატოს, სოფ. მგალობლიშვილი ასეთს შედარებას გვაძლევს:

„სოფელი შრომობდა. ქვეყნის პატრონნი ქეიფობდნენ.

„სოფელს შრომის ოფლი ჩამოსდიოდა გულმკერდზე; შუბლიდან წურწურით ჩადიოდა ოფლის წვიმა ყანაში, ხნულში.

„ესტატეს სახლში კი ხარხარი იყო. ღვინით შეხურებულს და შეოფლიანებულს შუბლს სტუმრები ნელსაცხებელში დასველებულის ხაიათის ხელსახოცებით იწმენდნენ.“²

თავადი ესტატე გამარჯვების დღესასწაულის მოლოდინში აღარაფერს ზოგავდა. ყაზახებსა და გაბრიელ ევტევიჩის გარდა მაზრის

1) ს ო ფ. მ გ ა ლ ო ბ ლ ი შ ვ ი ლ ი — „ჯორ-ზაქარა“ — გვ. 176; ტ II.

2) იკვე — გვ. 183, ტ. II.

უფოსსაც არ აკლებდა პატივისცემას. მადლიერი სტუმრებიც გულს-მოდგინებით ასრულებდნენ თავადი ესტატეს სურვილებს.

„შუაგული კალობაა!..—ჰშლის სოფ. მგალობლიშვილი სოფელი ტორტლას სურათს,—დათარეშობენ, როგორც მტრის ბანაკში, ყაზახები, დაათრევენ თან ისაკა მამასახლისს და აგროვებენ ლალას. ავსებით აივსო თავადი ესტატეს პურის ბელლები, კვლავ გაიჭიმა იმის საბძელ-კალოს პირზე ბჯები. ესტატე ცას ეწევა სიხარულითა, ნიშნს უგებს სოფელსა. სოფელი კი გაყრუმუნჯებულია, ჭითქო მთელს ტორტლას სოფლის საზოგადოებაში ხალხის. მაჯის ცემა შესდგაო; ძალას აღმართი ახენევიან თავადმა ესტატემ: ყაზახები ცემა-ტყევიით ართმევენდნენ ლალას; არ ინახებოდა სოფელში არც ერთი ადამიანის სული, რომ დასახიჩრებული არ ყოფილიყოს ყაზახის მათრახისაგან. განსაკუთრებული იერიში მიჰქონდათ ზაქარა ჯილაურის და მთლად ჯილაურების ოჯახებზე. ზაქარას დარბაზის ბანი მთლად მოუნგრის, ბოსელი ჩაუქციეს, ვენახი აუოხრეს ყაზახის ცხენების შიგ ჩაბმითა. ქალები ხომ ვერა ჩნდებოდნენ; ბოლოს ეს ხერხი იხმარეს: ყმაწვილი ქალები გახიზნეს მეზობელ სოფლებში ნათესავეებთან, ნათელძირონებთან, კეთილ-მეზობლებთან; დარჩნენ ხნიერი დედაკაცები და ისინიც ღამე ჯიხურებში იმალებოდნენ და დღე, დილაადრიან, ქმარ-შვილებს მისდევდნენ მინდორ-ველზედ, კალოზე ერთად მუშაობდნენ“¹.

ხალხის ასეთს მდგომარეობას თავადი ესტატე სიამოვნების აღტაცებაში მოჰყავს და ცინიკურის კმაყოფილებით გაიძახის: „მე დღეიდან ხალხის აღარ მეშინიან!.. მემრისიდან სულ პატარ-პატარა „კაზაკები“ მოედებიან სოფლად. იმათი შერეული სისხლი გასწმენდს გლეხების ღვარძლსა და ტორტლა თავის დროზე აივსება ყაზახის ჩამომავალთა სისხლითა. სრულიად გადაეკმნი მე ტორტლელებსა—“ო.

ასეთი თავბრულდამხვევი შევიწროვების, დარბევის და შეურაცყოფისაგან შევიწროვებული ხალხი გამოურკვეველ მძიმე მწუხარების ბურანს მიეცა, თითქოს სოფელმა თავისი მდგომარეობის შეგრძნობის და გაგების უნარიც კი დაჰკარგაო. მაგრამ ზოგიერთს, რომელიც თავისუფლების და ერთობის გზაზე შესდგა მთელი თავისი არსებით, გადააბა თავისი გული და აზრი ხალხის მომავალ ბედს, არ შეეპუა, არ გატყდა. მათ ზურგს და თვალს ბევრჯელ უნახავს ამისთანა გაჭირება. ასეთებუა გაჭირება უფრო აკაეებს, შეურაცყოფა უფრო აღელვებს, აღშფოთებს და შურისძიების ბოლომით უესებს გულს. არც სოფელ ტორტლაში დადგნენ ეს მოთავე პირნი.

1) სოფ. მგალობლიშვილი—ჯორ-ზაქარა--გვ. 165-166.

შელამეა. სოფლის ბოლოს, სამების ეკლესიის ეზოში ხალხი მოზღვაებულია. „მოთმინების ფიალა აივსო, ამხანაგებო,—დაიწყო აწ მოხუცებულმა ჯორ-ზაქარამ,—წელში გაგვწყვიტეს,მამულ-დედული გაგვიოხრეს, ნაშრომ-ნაქირნახულევი წაგვართვეს. კვლავ ივსება ესტატეს ოჯახი ჩვენის ნაშრომ-ნაქირნახულევით და ჩვენი, ისეც დაცარიებული ოჯახი, მთლად გამოიფიტა, გამოიფუშუტა. ხომ გინახავთ ობობისაგან გამოფუშუტებული ბუზი!... რომ ნახავ, ბუზია, როგორც ბუზი. მაგრამ თითები რომ გაუსვა, ბურნუთივით გახდება. ჩვენც ესე გამოგვფიტეს ყაზახებმა ესტატეს წყალობითა. ჩვენ გაეძვალ-ტყავდით... თითქო ერთობა ჩაქრა ჩვენში, მისი ძალა აღარ გვასულდგმულებს. ნუთუ ყაზახთა ძალამ ჩააქრო ჩვენში ერთობის ძალა! ძალას ძალა უნდა ვუფაროთ, ნუ დავქალაჩუნდებით... ბარემ ერთს დღეს დავიხოცნეთ, უცბად მოვისპოთ სიცოცხლე, ასე წვეთ-წვეთად დაწრეტას სისხლიდან...

— „გასწიე, ბერო მიწიდან, მუხლი მოიბი მგლისაო, გაიყოლიე უნცროსნი, ვისაც თავი აქვს ცდისაო“,—შესძახეს ჯორ-ზაქარასა ახალგაზრდა გლეხებმა.

— „შენ წინ გაგვიძიებ, შენი გამოცდილებით გვასულდგმულე და ჩვენ ვიციით, რასაც ვიზამთ.

— „უნდა თავზედ დაყანგრიოთ სახლ-კარი... სულ ერთიანად გადაებუგოთ მისი ძნები: ნურც ჩვენ და ნურც იმას!—აყვირდა ხალხი.

— „წყნარად, ამხანაგებო, წყნარად, ნუ ახმაურდებით!... უნდა მოგესპოთ, ძირიანად ამოგავდოთ ესტატეს სახლ-კარი. ჩვენ იმის წინაშე დანაშაულნი არა ვართ, ჩვენ ესთხოვეთ მორიგება, შეთანხმება ღალა-კულუხზე, იმან არ ინება და ძველი გზით დაიწყო სიარული, უფრო ტყავი გაგვაძრო. ეს არათფერი: ნამუსი შეგვიგინა, კვებულობს, რომ ჩვენს ქალებს ნამუსს ახდის და „პატარა ყაზახებს“ გაამრავლებს...

— „სიკვდილი, სიკვდილი!... ცეცხლი, ცეცხლი!...—გაისმა ერთხმად მთელ კრებაში და არემარემ ხმა გამოსცა, ყოველივემ ირგვლავ გაიმეორა: სიკვდილი, ცეცხლი“...

„გადაწყდა!.. სიკვდილს და ცეცხლს თხოულობდა ხალხი!—სიკვდილს და ცეცხლს თხოულობდა მთელი არე-მარე, ბანს აძლევდა ხალხის გულს, ტაშს უკრავდა და ამხნევებდა...

„ტკბილია სისხლით ნაშოვნნი თავისუფლება!“¹ აი როგორი რევოლუციონერი ძახილით ათავებს სოფ. მგალობლი შვილი აწიოკებული და აქოთებული სოფლის ასახვას.

1) სოფ. მგალობლი შვილი—ჯორ-ზაქარა—გვ. 187—188.

გრძელია და მდიდარი თავისი მრავალფეროვანებით ხალხის მიერ თავისუფლების მოპოვების გზა, ბევრჯელ დამარცხდა ასე შეკრებილი და შეფიცული ხალხი. ბევრჯელ შესწირა თავისუფლების მიღების გრძობას, ადამიანური უფლებების მოპოვებას ხალხმა უდიდესი და უძვირფასესი მსხვერპლი. ბევრჯელ, ძალიან ბევრჯელ ძვირად დაუჯდა ხალხს შუალამისას, მალვით, ზარის ხმაზე შეკრება და ბოლმის გადმონთხევა და სხვებზეც ამ ბოლმის გადადება. მეტად სასტიკად და უადამიანურად ექცეოდნენ მას მტარვალები. მაგრამ ვერა და ვერ ჩააქრეს ხალხის გულში ერთხელ მძლავრად ამონთებული თავისუფლების მოპოვების ლამპარი, განსაკუთრებით, როდესაც თვით ხალხის შვილების ხელში გადავიდა თავისუფლების გზის მაჩვენებელი ჩირაღდანი. ეს ხალხის შვილები მეტის ენერგიით, ხალხისა და ცხოვრების ზუსტად ცოდნით, გამძლე ბუნებით შეუდგნენ ერთობის სამოციქულო გზას, ახალი ცხოვრების აუცილებლობის და მოახლოვების ქადაგებას და საჭიროებებს.

ხალხმა უფრო ადვილად იგრძნო აღთქმის ქვეყნის მიმზიდველობა და მოახლოვება. უფრო მტკიცედ შეითვისა და შეიყვარა თავისი მოკეთე, თითონაც მასიურად დაირაზმა და გატაცებით გაჰყვა მას.

ასეთს მოღვაწეობას ერთობის მქადაგებლობისას უფრო გარკვეულს, ვიდრე ჯორ-ზაქარაშია მოცემული, სოფ. მგალობლი შვილი გვაძლევს თავის პატარა მოთხრობაში „და შეჰფიცეს“, რომელიც შინაარსით, იდეურის მისწრაფებით მეტად დიდი და არაჩვეულებრივ საგულისხმიერო.

ეს პატარა მოთხრობა მშვენიერი სოციოლოგიური ტრაქტატი. აქ უკვე მკვეთრად მოსჩანს კლასობრივი თვალსაზრისი ავტორისა. მტკიცედაა მთელს ნაწარმოებში გატარებული განსხვავება და დაპირისპირება ორი მოქმედი კლასისა—მშვიერისა და მადლისა, რომელთა შორის არსებული ბრძოლა ჰქმნის ცხოვრებას. გამარჯვება, ავტორის რწმენით, მშვიერს, დაჩაგრულს მოელის. მქადაგებელი—გლეხის შვილი ილიკო შველიძეა. სოფლიდან სოფელში დადის და ამზადებს ხალხს ახალი ცხოვრებისათვის. ხალხმა შეიყვარა და ნდობით აღქურვა ის. ილიკო მიდის სოფ. ნაკელარში საქადაგებლად. სოფელმა თავი

მოიყარა ერთს ეზოში და სულგაკმედილი ყურის საგდებლად მოეზადა. გაისმა რიხიანი, თამამი და მტკიცე ხმა ილიკოსი.

„დღეს მე იესოს სიტყვებით დავიწყებ ბაასსა,—მიჰმართა ილიკომ ხალხს.

— „ნეტარ ხართ თქვენ, რომელთა გზიათ აწ, რამეთუ განსძღეთ; ნეტარ ხართ, რომელნი სტირით აწ, რამეთუ იცინოდეთ“...¹ აი ფორმულა და მრწამსი, რომელიც ამოძრავებს ილიკოს (და თვით ავტორსაც, როგორც ხალხოსანს). მაგრამ საინტერესოა ის მკაფიო, მარტივი და დამარწმუნებელი სწორი განმარტება ამ მოტანილი თქმისა, რომელსაც ილიკო აძლევს ხალხს ღ რევოლუციონურ ალს უკიდებს მათს გულს. „ამხანაგებო,—უხსნის ხალხს ნათქვამის შინაარსს ილიკო,—დღეს გვზიან ჩვენ, ვტირით და ვვაებთ იმიტომ, რომ ყოველივე წართმეული გვაქვს. ჩვენ ვმუშაობთ, ოფლს და სისხლს მიწას ვაწვივებთ, სხვა კი ჩვენს ნამუშავარს იმკის, სხვას მიაქვს; აბა მიიხედ-მოიხედეთ—რას არ ვამზადებთ, ყველაფერი ჩვენგან არის გამზადებული, სხვა კი ძღება, სუქდება. მაღლობისა და შეწყალების მაგივრად, გვლანძღავენ, გვაგინებენ, ცხვირში ძმარს გვადენენ. ყოველივე ეს ჩვენი ქალაჩუნობის ბრალია. გამოცდილებით ვიცით, რომ ყველა პირუტყვი, ყველა მწერი, სულ პაწაწინა ქიანქველაც კი, ამხედრდება იმის წინააღმდეგ, ვინც იმას ხელს შეუშლის.... ჩვენ კი, როცა გვაწამებენ, როცა პირში გვაგინებენ, როცა ცხვირში ძმარს გვადენენ, ფეხ-ქვეშ ვუცვივით ჩვენს მტარვალებს, ხელფებს ვულოკავთ, რა არის, არ ჩამოგვართოს მიწა, ის მიწა, რომელიც ჩვენია, ხალხისაა და არა რომელიმე კაცისა“.¹

ახლა ხალხი და თვით ავტორიც ჰგრძნობს, რომ მარტო წყნარი, კულტურული მოღვაწეობით არ შეიძლება არც მიწისა და არც თავისუფლების მოპოვება. საჭიროა ძალას ძალა დაახვედრონ. უძალიოდ და უმსხვერპლოდ მშრომელი ჩაგვრის ულლიდან ვერ გამოვა, ერთობა ვერ დამყარდება. ამიტომ ილიკო ასე მიჰმართავს ხალხს: „მივბაძოთ პირუტყვებს, ხელი შეეუბრუნოთ მტარვალებს, გვეყო შიმშილი, ახლა განესძღეთ სულითაც და გული-

¹) სოფ. მგალაბლი შვილი—და შეჭტიცეს—გვ. 20. „მოთხრობანი“ 1926 წ. სოფ. მგალაბლი შვილის და ზოგიერთა სხვა ხალხოსნის შემოქმედებაში ხშირად ვხვდებით ციტატებს და ფრაზებს, სახარებიდან ნახსხს. ეს აიხსნება არა მათი რელიგიური რწმენით (ისინი წინააღმდეგნი არიან ეკლესიისა. ეს გარკვეულად ჩანს მათს შემოქმედებაში კ), არაჲდ იმით, რომ ისინი სემინარიაში არიან ნასწავლნი. შემდეგ შეიძლება ეს მათთვის ერთგვარი ნილაბიც იყოს.

ა) სოფ. მგალაბლი შვილი—და შეჭტიცეს,—გვ. 20-21.

თაც; გვეყო ტირილი, ახლა ვიშვით, ვიხაროთ სულითა და ხორცითა, შიმშილს გაძლომა მოსდევს, ტირილს მხიარულობა, ორთავეს, შიმშილსა და ტირილსაც, ჩვენე უნდა ვუწამლოთ... უნდა ჩვენ ყველანი, მთლად ყველა სოფლები გადავებათ ერთმანეთს ჯაკვეითა, მაშინ ვერაფერი ვერ დაგვძლევს. მართალია, არ დაგიძალავთ, ეს ერთობა ბევრს ჩვენგანს შეიწირავს, ბევრისაგან ბევრი უმანკო სისხლი დაიღვრება, მაგრამ გამარჯვება ჩენია, ბრძოლის ველისგან ბევრისგან ბევრს გავეიტანთ.“¹

იმედი და გამარჯვების აუცილებლობა მტკიცეთ ჩაიქედა ხალხის შეგნებაში. და ეს გამარჯვების მოლოდინი ახლა მარტო გრძობის ალგზნებით და მონობის უღლის სიმძიმისგან თავის დახწევის სურვილით-კი არ აიხსნება, არამედ მისი ლოლიკური დასაბუთებაც უკვე ხალხისათვის აშკარა და გასაგები გახდა, ბრძოლა გლეხობისა სტიქიური ფაზიდან გადადის მწყობრ, გარკვეულ, გეგმიან ბრძოლაზე. „ამხანაგებო!—უხსნის ილიკო ხალხს,—ღმერთს არ გაუჩენია არც ბატონი, არც ყმა, არც მონა, არც მდიდარი და არც ღარიბი. ყველა ეს ჩვენი გაჩენილია, ყველა ეს ჩვენი უგუნურობის ნაშობია... მიწა, აი ეს დედამიწა, ჩვენი სისხლითა და ოფლით მორწყული, არავეის საკუთრებად არ გაჩენილა, ამას ერთი ვინმე ბატონ-პატრონად არ ჰყოლია; იგი ჩვენისავე უგუნურობით რამდენისამე ხელში ჩაეკარდნია. მიწა იმისია, ეინც ზმას ამუშავებს, ვისაც იმაში ოფლი და სისხლი უწვიმებია და ასე უნაყოფიერებია იგი... მაშ მიწა ხალხისაა, საერთოა!...“²

გლეხობაც და მათი მოკვთე ხალხოსნებიც კარგა დიდი პერიოდის ბრძოლის შემდეგ დარწმუნდნენ, რომ ბრძოლა მიწის მიღებისათვის, ბრძოლა ეკონომიური კეთილდღეობისათვის შეუძლებელია ხალხმა აწარმოოს, თუ ის პოლიტიკურადაც არ განთავისუფლდება. ხალხის ეკონომიურად თანასწორი და უზრუნველყოფილი ცხოვრებისათვის საჭიროა არსებული ბიუროკრატიული წყობილების დამხობაც. ამისათვის სოციალ-ეკონომიურ ბრძოლასთან ერთად ბრძოლა პოლიტიკურიც! აი ლოზუნგი, რომელმაც გაეღინთა ატმოსფერო ცხოვრებისა და მძლავრად ასუნთქა თავისუფლების მაძიებელი ხალხის მასები. ხალხის ასეთი სულისკვეთება მშენიერადაა ასახული სოფ. მგალობლიშვილის მიერ მოთხრობაში „და შეჰტიცეს“. „მაგრამ რას ვაქნევთ, ამხანაგებო, ცარიელ-ტარიელ მიწას, თუ

1) სოფ. მგალობლიშვილი—და შეჰტიცეს—გვ. 21—22.

2) იქვე—გვ. 22—23.

ბატონის ჩიბუხი კვლავ კბილებს ჩაგვამტვრევს, თუ კვლავ ჩენი სული და გული მარწუხებში იქნება გათანგული!... მაშ მიწასთან თავისუფლებაც უნდა, რომ ხალხმა ფრთა გაშალოს... მაშ, ამხანაგებო, მიწა და თავისუფლებას!... მოვიპოვებთ მიწას და თავისუფლებას,—განაგრძო კვლავ ილიკომ,—მოვიპოვებთ შევებას, სიცოცხლეს, სიხარულსა, მოვრჩებით ტირილსა და ვაი-უშველებელსა... მაშ „ნეტარ ხართ თქვენ, რომელთა გშიის აწ, რამეთუ განსდღეთ, ნეტარ ხართ, რომელნი სტირით აწ რამეთუ იცინოდეთ“!..¹

თუ ასეთია მომავალი ჩაგრულთა და მშიერთა, თუ მომავალში გამარჯვება და სიხარული იმათ მხარესაა, სამაგიეროდ მძიმეა და სავალალო აწ მძღარათა, მჩავერელთა და ჩავერით ბედნიერების და სიამოვნების მომხვეჭთა. ჩასუქებულ ისაკას (სოფლის წურბელას) და მისთანებს ილიკო ასე მიჰპართავს: „ვაი თქვენ და, გაძღარნო აწ, რამეთუ გშიოდეს; ვაი თქვენ და, რომელნი იცინით აწ, რამეთუ იგლოვდეთ და სტიროდეთ.“ აი თქვენ-ზეა ეს ნათქვამი. მდიდარნო და ფუფუნებაში აღზრდილნო, თქვენ ნებით არ დაემორჩილებით ერთობის ძალას, ამიერიდან დადგა დრო თქვენის სიმშობისა, თქვენის გლოვისა და ტირილისა; ივემეთ, როგორია სიმშობი, როგორია შრომა, როგორია სისხლის ცრემლით ტირილი“.²

სოფ. მგალობლიშვილი, თითქოს რაღაც მისნობით ჰშლიდეს სურათს დიდი რევოლუციის ხანისას, რომლის მოწმენიც ჩვენ შევიქმენით. თითქოს მშრომელის მძღავრი გამარჯვების მძღავრი წინაგრძნობა შეუცნობელს აცნობიერებს, ფანტაზიას რეალობად აქცევს!

და ეს ახალი მოძღვრება მძაფრად მოედო სოფლებს, „მიძინე-პულმა დევმა გაიღვიძა, შკერულ-შებოკილმა ამირანმა ხელები აითითა დი აი თავისს ახსნას ითხოვს“...³ ათავეებს სოფ. მგალობლიშვილი.

მართალია, ილიკოს თან იუდაც სდევდა. მართალია, ილიკოს იღებების წინააღმდეგ დარაზმულთ იერიშები მიჰქონდით; მართალია, ილიკოსა ჰკლავენ, მის სახლ-კარს ცეცხლს აძლევენ, მტარვალები ილიკოს და მის ოჯახის გაუბედურების დროს, გამარჯვების კმაყოფილებით დამთვრალნი, ტაშს უკრავდნენ და ვაშას დასძახოდნენ.

¹) სოფ. მგალობლიშვილი, — და შეჰფიცეს“ — გვ. 23.

²) იქვე — და შეჰფიცეს“. გვ. — 24 — 25.

³) იქვე.

მაგრამ ხალხის გული, ილიკოს იღვებით ანთებული, ვეებერ თელა ცეცხლად იქცევა, შეარყევს მთელს სამყაროს, ვით მძლავრი ვულკანი, ამოპხეთქს მის გულიდან საუკუნოებით დაგროვილ ვაი-ვაგ-ლახსა, შურსა, გაბოროტებასა და წალეკავს მძღართა სამეფოს თავისი ნებიერობითა და ფუყუნებით, უზრუნველობით და ძალმომრეობით; ააფრიალებს დროშას ნამდვილი ძმობისას, ერთობისას, თავისუფლებისას; დაანგრევს და გადაჰბუგავს საუკუნოებით დაწულ ზღუდეს აღთქმის ქვეყნისკენ და შეიყვანს იქ ტანჯულ ხალხს ქეშმა¹ რიტი ცხოვრების აშენებისათვის.

აი ეს მთავარი მისწრაფებაა, ხალხოსნების მოღვაწეობას რომ აღფრთოვანებს და აალებს; ძალასა, ვასაქანს და შინაარსს აძლევს, მკითხველსაც რომ ასე იტაცებს. ამით აიხსნება, რომ მე-XIX-ე საუკუნის მანძილზე ჩვენს ლიტერატურაში იშვიათი მწერალი გადაჩა, რომ ხალხოსნური მიმართულების გავლენა არ განეცადა.

მართალია, მხატვრულობის მხრივ ესევე მისწრაფებაა ხალხოსან მწერლებს პოეტური ინტუიციის მოქმედების უშუალობას რომ უბოროკავდა; მართალია, ხალხოსან-მწერალთ, მათს მხატვრულ აღმაფრენას ცხოვრების ნდომა და ძახილი ფრთას რომ უკვეცავდა.

გამოკვლევა გვინდა დავამთავროთ გამოჩენილი რუსი კრიტიკოსი-პუბლიცისტი და დიდი მზაზროვნე გიორგი პლეხანოვიდან გადმოკეთებული აზრით. ხალხოსნური მიმართულება ჩვენს ლიტერატურაში რამდენიმე ათეული წლის მანძილზე გამომხატველი იყოქართველ საზოგადოების საუკეთესო ნაწილის მოწინავე შეხედულებათა და მისწრაფებათა¹. ამაშია მისი მთავარი ისტორიული დამსახურება და, თუ გნებავთ, დანიშნულებაც.

შეიცვლება ქართული საზოგადოებრივი დამოკიდებულება (ის უკვე შეიცვალა), გამოჩნდება საქართველოს ისტორიულ სცენაზე უფრო მოწინავე ფენები ან კლასები (ასეთი ხანა უკვე დადგა) და მაშინ ხალხოსნური ლიტერატურაც უკანა ხაზზე გადაინაცვლებს, ადგილს ახალ მიმართულებას დაუთმობს (ეს ასეც მოხდა: 90-იან წლებში ხალხოსნები ადგილს უთმობენ „მესამე დასს“). მისი გავლენა ძალას დაჰკარგავს. მაგრამ მის წარმომადგენელთ ყოველთვის უფლება ექნებათ სთქვან, რომ ისინიც ტყუილად არ სწერდნენ, რომ იმათაც თავის დროს შესძლეს ქართული საზოგადოებრიობის განვითარების საქმისათვის სამსახური გაეწიათ.² და უნდა ითქვას, რომ

¹) ესევე შეიძლება ითქვას თვრადალეულებზედაც, რასაკვირველია, თავისი დროისათვის.

²) Г. Плеханов—„Народники беллетристика“—т. X—ст. 15.

ხალხოსნებმა მართლაც ქართული საზოგადოებრიობის საქმეს დიდი სამსახური გაუწიეს.

როცა კი ჩვენი ლიტერატურის მატრიანეში მკვლევარი ჩაიხედავს, ჩვენი ხალხოსნების სალიტერატურო მოღვაწეობა (აგრეთვე თერგდალეულებისაც), როგორც მისი ერთი საუკეთესო ფურცელთათაგანი, მძლავრი ანდამატივით მიიზიდავს მის გულისყურს. და თუ მას წარსული ცხოვრების მაჯისცემის ვაგების უნარი აქვს, უდაოდ ძალუმად განიცდის მის დიდ ძალას და მნიშვნელობას; სიამოვნებით და კმაყოფილებით აღივსება მისი არსება, ჩასწვდება იმ მიზეზს, რომელიც ხშირად ხალხოსანი (და თერგდალეულისაც) მწერლის დიდს ნიქს მხატვრობის მხრივ გასაქანს არ აძლევდა.

საკუთარ სახელთა საძიებელი *)

- აბღუშელიშვილი დაე. 194, 195, 271.
- „აუადმყოფი“—112.
- აზერბეიჯანი—13.
- ალექსანდრე II—22, 265.
- ალექსანდრე III—39, 205.
- ალექსი-მესხიშვილი სარდ. — 76, 77, 78, 88, 89.
- „ალი“—227, 228.
- ამიერ-კავკასია—10, 11, 12, 13, 18.
- ამირინდო („დაეა“)—54.
- ანდრეევიჩი 24, 25, 35.
- ანდრია („ყოველი მხრიდან“)—236, 237.
- ანდუყაფარ („გაყრა“)—54.
- ანტონ კათალიკოზი—73, 76, 78.
- არადელი („იმედი“-ს თანამშრომ.)—207.
- არაშენდაანი („ალი“)—228, 229, 231, 235, 236.
- არდაზიანი ლ.—195.
- არსენა („კაკო ყაჩალი“)—129, 130, 131.
- არუთინა („ყოველი მხრიდან“)—236.
- არჩილი („ოთარ. ქერივიდან“)—279.
- ასათიანი მიხ. 187, 209, 211.
- ასკილაძე დემეტრე („დემეტრეს სახლობა“) 237.
- „აღმართ, აღმართ“...—112, 215
- „აჩრდილი“—63, 65, 117, 137, 151, 152.
- „ახალი გზა“—161.
- „ახირებული ფურცელი“—87.
- ბათომი—167.
- ბაირონი გ. გ.—69.
- ბარათაშვილი გ.—74, 77, 79.
- ბარათაშვილი ნ.—8, 71.
- ბაკუნინი მ.—29, 35, 36.
- ბაქრაძე დ.—175.
- „ბატონყმობა ძველ დროს საქართველოში“—52.
- „ბედი უბედურთა“—279.
- „ბედნიერი კუნჭული“—223, 242, 245.
- ბელინსკი ე.—23, 256.
- ბერიშვილი ნიკო („გამარჯვებული ნიკო“)—280, 281, 282, 283, 284, 285, 286.
- ბერუა („ბერუას ჩაფიქრება“)—224, 235.
- „ბერუა ქრისტესიაშვილი“—260.
- ბეროა („ბერ. ქრისტ“)—260.
- ბლუდოვი—14.
- გაბაშვილი (გაბაევი) გიგო—191.

*) შენიშვნებში მოხსენებული სახელები საძიებელში შეტანილი არ არის.

- გაბაშვილისა ეკ.—159, 210, 260,
276, 278, 279, 280, 281,
301.
- გაბიჩვაძე ვარ.—191.
- გაბუნია კესო—191.
- გაბუნია ნატო—191.
- გაბრიელ ევტევიჩი („ჯორ-ზაქა-
რა“)—302.
- გაბრო („გლახის ნაამბობი“) —
132, 133, 134, 135, 136,
138, 139, 151, 154.
- გადაღმელი („იმედის“ თანამშრო-
მელი) —270, 271, 272.
- „გაესწორდეთ, ბედო!“—62.
- „გამარჯვებული ნიკო“—276, 280.
- „განდეგილი“—214.
- „განთიადი“—275.
- „გაყრა“—19.
- გელა („მიძღვარი“)—258.
- გერცენი ა.—22, 23, 26, 30, 256.
- გერმანია—102.
- გეტე ი. ვ.—69.
- „გიგო ღრუბელაშვილი“—211, 225,
247, 248.
- გიგოლაი („მამის მკვლელი“)—
258, 260, 261, 262.
- გიტო („გლახ. ნაამბ.“)—133.
- „გლახის ნაამბობი“—97, 125, 127,
132, 134, 136, 144, 151,
154, 270.
- გლახუკა („გლახ. ნაამბობი“)—151,
154.
- „გმირისეულის ქალი“—259.
- გოლოვინი ა. ვ.—10.
- გორი—190, 191, 192.
- გოჩა („ხევ. ბერი გოჩა“)—253,
254, 255, 256, 262.
- „გუთნის დედა“—65.
- „გუთნის დედა“ (გაზ.)—173, 214.
- გურგენიძე მიხ.—186, 205, 216,
234, 250.
- დავითაშვილი ი.—224, 225.
- დავითაშვილი შ.—190, 191, 192.
- დათიკო („გლახ. ნაამბ.“)—122,
133, 145.
- დათუა („ალი“)—231, 232, 237,
238.
- დარეჯანი („კაცია ადამიანი“)—
140, 141, 144.
- დარეჯანი („დედა მათა“)—283.
- დალისტანი—82.
- „დახლიდარის ანგარიში“—117.
- „და შეჭფიცეს“—291, 305, 307.
- დებაგორი მოკრივეიჩი—38.
- „დედა-ენა“—115.
- „დედა და შვილი“—106, 108,
109, 110.
- „დედა-მათა“—220, 232.
- დეკანოზიშვილი ვასო—191, 192.
- დიდო—82.
- „დიმიტრი თავდადებული“—110.
- დისტერვეგი—275.
- დობროლუბოვი ნიკ.—26.
- „დროება“—166, 170, 172, 177,
174, 175, 177, 180, 181,
182, 186, 189, 208.
- დურმიშხანი („სურამის ციხე“)—
56, 57.
- ედიშერიშვილი გიორგი („თამა-
რის ნუგეში“)—277, 278,
280.
- ეელოშვილი ირ.—219.

- ევროპა 6, 11, 21, 29, 70, 76, 110, 102, 167, 192, 193.
ეკალაძე („იმედის“ თანაშრ.)—189.
„ელგუჯა“—252, 262.
ელისო („ელისო“)—260.
ერისთავი ლუარ.—191.
ერისთავი შიხ.—191.
ერისთავი რაფ.—104, 113, 114, 115, 150, 223, 235, 251.
ერისთავი რევ.—71, 77, 78, 79.
ეშმაკურაშვილი ფიღუა („ღამის მებ. ცეცო“)—246, 247, 266, 293, 294.
ერმოლოვი ა. პ.—10.
„Эстетические отношения искусства к действительности“—25.
ვარდო („სურამ. ციხე“)—57.
ვორონცოვი შ. ს.—9, 10, 11, 12, 13, 14, 15, 16, 18, 19, 166.
ვანო („ბედი უბედურთა“)—274, 291.
ზალიკა („სურ. ციხე“)—56.
ზაქარია დიაკვანი („ალი“)—229, 231.
ზაქრო („კაკო ყაჩაღი“)—127, 128, 130, 139.
ზასულიჩი ვერა—38.
„Земля и Воля“—38.
ზერტელი მკითხავი („დედა მათა“) —233.
ზლატოვრატსკი ნ. ნ.—39.
თადეოზი („სფირ. და თადეოზ. გაბაასება“)—68, 103, 104.
თათქარიძე ლუარსაბ („კაცია აღამიანი?!“)—139, 140, 141, 142, 143, 144, 145, 279.
თამარი („თამარის ნუგეში“)—276, 277, 278, 280.
„თამარის ნუგეში“—276.
„თაო ჩემო“—215.
თარხან-მოურავი გრ.—175, 180.
თედო („საფლავში ჩამომძახე“)—287.
თეკლე („საფ. ჩამომძ.“)—288.
„თერთმეტი მებუჯე“—51.
თინა („თინიას მამითალი“)—251.
თულაშვილი ვახტ.—17.
იაგო („მამის მკვლელი“)—262.
ივანენკო ვ. ნ.—11.
ივანოვ-რაზუშნიკ—23, 36, 31, 32, 36.
„ივერია“—182, 186, 189, 205, 208, 217, 21², 288.
„ილია კავკავაძის კრიტიკაზედ“—80.
ილიკო („და შეჭვიცეს“)—291, 305, 306, 308.
„იმედი“—186, 189, 193, 194, 195, 201, 203, 204, 207, 208, 209, 210, 216, 217, 234, 270, 271, 272.
იმედაშვილი მ. (მ. ასათიანის ფსევდ.)—188.
„იმერული ნაწინა“—159.
ინაშვილი ნ.—179, 183, 184.
ინგლისი—27, 28, 102.
იოსელიანი ეგნატე—191, 192.
ირლანდია—102.
ისაკა („და შეჭვიცეს“)—308.
„Исторические письма“—34.
იტალია—102.

ჯავახია—11.
კოზლოვი ი. ი.—78.
კაკო („კაკო ყაჩალი“)—127, 128,
130, 131, 139.
„კაკო ყაჩალი“—97, 125, 127.
კალანდაძე არს.—191.
კარაკოზოვი—22.
კარაშინი ნ. მ.—78, 79.
„კაცია ადამიანი?!“—97, 125, 127,
138, 144, 145, 147, 214.
კერესელაძე ივ.—49, 50, 124.
კერესელიძე მათე—190.
კვიციანიძე პოლიევკტე—191.
კიკოლა („ქაჯანა“)—230, 232.
კისელიოვი ი. დ.—14.
კობა („მამ. მკვლ.“)—262.
„Колокол“—22.
კომენსკი ამ.—275.
კორინთელი ბაბო—191.
კოშკაძე ლიზა („გამარჯ. ნიკო“)
—281, 282, 283, 285.
„კრებული“—170, 172, 175, 177,
180, 181, 183.
კროპოტკინი პ. ა.—41.
კუდიგორის მთა—128.
ლაეროვი პ. ლ.—32, 34, 36, 37, 39.
ლამაზისეული („კაცია ადამიანი?!“)
—138, 139, 144.
ლაშხი მათე („საფლ. ჩამომძ.“)—
286, 287, 289.
ლევანი („თამარ. ნუგეში“)—278,
280.
ლეკიკარი—281.
ლილიფარიანი—283, 285.
ლენინგრადი—13, 45, 62, 84.
ლენინი—102.

ლექსიშვილი ზურაბა („ქრისტ.
ლექ.“)—240, 241, 242.
ლომონოსოვი მ.—77.
ლომოური ნიკ.—159, 206, 210,
211, 212, 225, 227, 228,
230, 232, 235, 239, 242,
247, 249, 259, 268, 273, 274.
ლორთქიფანიძე კირ.—46.
ლუქაშვილი სიმონა („ქრისტ.ლექ.“)
239.
მაია („ალი“)—229, 230.
მაია („დედა-მაია“)—221, 222,
232, 233.
მაიაშვილი გ. (ზდანოვიჩი გ.)—2,
181, 184, 185, 193, 216,
217, 250.
„მამის მკვლელი“—252, 257, 258,
266.
„მამულის საერთო მფლობელობა“
—173—174.
მარქსი კარ.—102, 103.
მაქევაარიანი თომა—88.
მაქევაარიანი ილიკო—191.
მაყვალა („მომღვარი“)—260, 262.
მარტია („ელგუჯა“)—262.
„მარტიანთ პაპა“—223.
მახია („მამ. მკვლ.“)—260.
მარუშაძე ესტ. („ჯორ-ზაქ.“)—
244, 267, 296, 297, 302,
303.
მგალობლიშვილი სოფ.—159, 191,
197, 198, 206, 209, 211,
220, 232, 239, 244, 246,
259, 266, 267, 268, 286,
291, 292, 294, 296, 300,
305, 307, 308.

- „მეჩავრის წერილები“—44, 47,
68, 110, 149, 171, 214.
„მერცხალი“—116.
მესხი სერგი—166, 175, 180, 181,
182.
„მეტივე“—223, 242.
„მეჯღანუაშვილი ს. ი.“—19.
მეჯღანუაშვილი („მეჯ.ლ. ს. ი.“)
—195.
მიქირტუმოვი ყაზარა („დემეტრ.
სახლობა“)—237.
მილი რობერტი—28.
მირზოვეი—173.
მიხა („ლამ. მეხრე ცეცო“)—291,
293.
მზალო („ელგუჯა“)—260.
მიხაილოვსკი ნ. კ.—24, 30, 31,
32, 33, 38, 39.
მიხაილოვი მ. ილ.—27.
„მნათობი“—165, 170, 182, 183,
184.
„მოგონება“—115, 116.
„მოგონებანი სამოციან წლებზე“
—45, 46, 93.
მოლაყბე—49.
„მონანიე აზნაური“—29, 31, 32,
278, 279, 280.
მოსკოვი—13, 205.
„მოძღვარი“—252, 258, 262, 266.
„მუშური“—161, 162.
„მუშის ნატერა“—161.
„მუშა“—171.
მღვდელი („გლახის ნაამბობი“)—
154, 157, 158, 159.
„ნათელა“—182.
„Народная Воля“—38.
ნატო („სურამ. ციხე“)—57, 58.
ნაუმოვი ნ. ი.—39.
ნეიდპარტი—10.
ნიკოლოზ I—12, 13, 15.
ნიკოლაძე ნ.—45, 46, 63, 169,
170, 175, 179, 180.
ნინიკა („ბედ. უბედ.“)—269.
ნინუა („სნეული ოჯახი“)—224.
ნოდარი („სურ. ციხე“)—55, 57,
58.
ნუგზარი („ხევ. ბერ. გოჩა“)—253,
254.
ნუნუ („მამ. მკელ.“)—260, 262.
„ოთარაანთ ქერივი“—214.
ონისე („ხევ. ბერ. გოჩა“)—254,
256.
ონისე („მამ. მკელ.“)—261.
ონისე („მოძღვ.“)—262, 263.
ონოფრე („მოძღვარი“)—263, 264,
265, 266.
ორბელიანი ალ.—49, 50, 52, 53,
54, 57.
ორბელიანი გრ.—71, 119.
„ორიოდე სიტყვა“ (თერგდ. წერ.
პავლოვსკიდან)—89.
„ორიოდე სიტყვა თ. რევ. შალ.
ერისთავის კოზლოვის „მე-
შლილის“ თარგმანზე“—71.
ოსმალეთი—11.
ოსმან-ალა („სურ. ციხე“)—56, 58.
პავლე („გაყრა“)—54.
პავლოვსკი—89.
პანინი ვ. ნ.—14.
პაპა („მარტიანთ პაპა“)—223.

- პაპი („მამ. მკვლ.“)—260, 261.
„პარიზი“—177, 178.
„პასუხის პასუხი“—73, 119, 120.
„პასუხი“—75, 81.
„პასუხი მეორე თერგდალეულის პასუხისა“—88.
„პასუხი შვილთა“—119.
„პასუხი ქვეყანადის კრიტიკაზე“—78.
პეპია („გლახ. ნამბ.“)—134, 135, 136, 137.
პესტალოცი იოგ.-გენრ.—275.
პეტრე („გლახ. ნამბ.“)—154.
პეტრე („საფლ. ჩამომძ.“)—287.
პეტერბურგი—11, 13, 45, 62, 63, 78, 84, 124.
პეტრიაშვილი—175.
პისარევი ა. ი.—24, 26, 95.
პლენანოვი გ.—40, 101, 309.
„პოემიდან—„რუსეთუმე“—85, 88.
„პოეტი“ (ილ. ქვექ.)—97, 98.
„პოეტი“ (აკ. წერ.)—98.
პოლონეთი—102.
„პრუდონისტები“—102.
„პროპაგანდისტები“—37.
პუშკინი ა. ს.—25, 85.
ჟილიაბოვ—38.
„რამდენიმე სიტყვა ზემოური იმერელის გორისელის სიტყვებზედ“—85.
რაუ კ. გ.—28.
როზენი—10.
როშერი ვილგ.—28.
რუსეთი 7, 8, 9, 10, 11, 12, 13, 15, 17, 20, 21, 22, 26, 27, 29, 41, 43, 84, 104, 105.
„სალაყბო ფურცელი“—49.
საბუე—82.
სალომე („გმირისეულის ქალი“)—259.
სამადოვი (სამადაშვილი) ე.—191.
„სამშობლო ხევსურისა“—114.
სანდალა („დედა მაია“)—220, 221, 222, 232, 233.
სანდრო („ქაჯანა“)—273.
„საქართველოს მოაზბე“—89, 91, 95, 96, 121, 122, 123, 125, 126, 131, 132, 138.
საქსონია—28.
სესია („სესიას ფიქრები“)—224.
„სიზმარი,—ანუ სატანიდან საჩუქარი“—117.
სიენო („განთიადი“)—275.
სიმონა („ალი“)—228, 229, 235, 238.
„სიმღერა“—61.
„სიმღერა გადახეწილისა“—116.
„სნეული ოჯახი“—223.
სოლომანი („ბედ.უბედურ.“)—220, 221.
სომხეთი—13.
სოსიკა („ჯორ-ზაქარა“)—224, 245, 267, 268, 296.
პსარსეთი—13.
სპენსერი ჰერბ.—275.
„სურამის ციხე“—54, 55, 57, 58, 59, 123, 124.

„სულიკო“—112, 215.
„სხვა და სხვა ამბავი“—124.

ტატალა („იმედის“ თანამშრ.)—
201, 202, 204, 206.

ტოლსტოი ლ.—30, 37.

ტორტლა—296, 298, 303.

ტროცკი ლ.—101.

ტყვიავი · 190, 191.

ტყიბული—167.

ტფილისი—75, 91, 167.

უმიკაშვილი პ.—63, 180.

უსპენსკი გლ.—39.

„უსტარი ანტიკრიტიკული“—76,
82.

ფავლენიშვილი კოლა—191.

ფავლენიშვილი რომანი—191, 192.

„ფაცხა“—163.

ფოთი—167.

ფურიე შ.—283, 286.

ფურცელაძე ანტ.—173, 175, 183,
191.

ფურცელაძე დავ.—191.

„ქართველი სტუდენტების სიმ-
ლერა“—104.

„ქართვის დედა“—8, 118.

„ქაჯანა“—228, 230, 232, 273.

„ქება შრომას“—163.

ქვიშხეთი—191.

ქიქოძე მ.—183.

„ქრისტეანი ლექები“—239, 240,
241, 242.

ქუთაისი—84, 191.

„ლამის მებრე ცეცო“—246, 291.

ლექიაშვილი („წითელი სარჩ.“)—
197.

ლოლობერიძე ნ. ბ.—46.

ლოლობერიძე ბ. ლ.—46.

ლრუბელაშვილი გიგო („გიგო
ლრუბელაშვ.“)—211, 212,
225, 247, 248, 249, 273.

ლუდუშაური გორჯასპ. („ციკო“)
257.

ყაზბეგი—210, 239, 252, 258,
260, 262, 301.

ყვარელის მთებს“—44, 60.

ყიფიანი დავ.—124.

ყიფიანი მიხ.—191, 192.

ყიფშიძე გრ.—194.

„ყოველი მხრიდან“—236, 244.

შამუელი („ყოველი მხრიდან“)—
236, 244.

შაქრო (ზ. გულისაშვილი)—206,
211, 223, 239, 242, 245,
250, 274, 275.

შალვაშვილი ივანე („თამარის ნუ-
გეში“)—276.

„შემოდგომა“—224.

„შრომა“—189.

შჩერდინი მ. ე.—30.

„ჩანგური“—98.

ჩალოლაძე („მეტივე“)—213, 242,

ჩერნიშევსკი ნ. გ. — 22, 23, 25,
26, 27, 39, 95.

„ჩემო კარგო ქვეყანავ“—113.

„Черный Передел“—38.

ჩიტორელიძე სფ. („საქ. ზომბ.“
თანამშრ.) —67, 95, 103,
104, 117.

ჩოფიკაშვილი გაგი („ელგუჯა“)—
257.

- ჩოთიკაშვილი სიმონ („ელგუჯა“)— 109, 110, 120, 121, 123, 252, 267. 124, 225, 126, 127, 131, 139, 144, 149, 150, 151, 266, 291, 292, 293, 294. 164, 165, 171, 172, 180, 213, 214, 279.
- „ცისკარი“—17, 48, 49, 50, 52, 54, 71, 74, 82, 84, 85, 86, 87, 88, 89, 91.
- „ცისკარს“ რა აკაენებდა“—97.
- „ძუნწი“— 117.
- წერეთელი აკაკი—63, 85, 88, 104, 107, 108, 111, 112, 123, 150, 159, 160, 164, 165, 186, 213, 215.
- წერეთელი გ.—63, 97, 98, 168, 180.
- წერეთელი ექვთიმე—83, 84, 85, 86.
- „წერილი რედაქციასთან შესახებ ილია ქაეკევაძის კრიტიკასა“—74.
- „წერილი ჩენი საზოგადოებრივ მოღვაწეთა მიმართ“— 185, 216, 217.
- „წიგნი მოწერილი რედაქტორთან ეფთიმე წერეთლისა“—85.
- „წითელი სარჩული“—197, 198.
- ქაეკევაძე ალ.—71.
- ქაეკევაძე ილია—8, 19, 44, 45, 47, 50, 59, 60, 62, 63, 66, 67, 69, 71, 72, 73, 74, 75, 76, 77, 78, 81, 82, 83, 84, 85, 86, 88, 89, 91, 97, 104, 106, 107, 108,
- ქალაღმდელი გ.—104, 115, 117, 150, 162.
- ქონქაძე დან.—54, 57, 58, 59, 100, 123, 147.
- კრელაშვილი გ.—209.
- კრელაშვილი სტ.—186, 189, 193, 195, 196, 198, 199, 200, 205, 206, 216, 250, 289.
- ხახამ გაბრიელა („ალი“) —236, 237, 238.
- „ხევის ბერი გოჩა“—252, 253, 255, 256, 266.
- ხიზანაშვილი ნ.—5, 6, 200, 207, 208, 265, 266, 270.
- ხიმშიაშვილი იივანე—190, 191, 192.
- ხობელა („ჯორ-ზაქარა“)—267, 268.
- ჯავახიშვილი იე.—18.
- ჯამბაღრუკიანი იასონ („გამარჯვნიო“)—281, 282, 283, 284, 285.
- „ჯორ-ზაქარა“—244, 267, 268, 291, 296, 297, 299, 303, 304, 305.
- ჯორჯაძე არჩ.—9, 10, 48.
- ჯორჯაძის ბარბ.—76, 77, 79, 82, 83.
- ჰანი— 10.

შემჩნეული კორექტურული შეცდომების გახწორება:

გვ.	სტრ.	დაბეჭდილია:	უნდა იყოს.
3	7 ქვ.	თვი თავისი	თავი თვისი.
3	1 „	ლიტერატურის	ლიტერატურას.
8	20 ზევ.	ბარათაშვილი	ბარათაშვილის
22	5 ქვ.	დღეს	დღეს.
31	5 ქვ.	მოსწრათეებებით	მისწრათეებებით.
32	13 ზევ.	აქვს	აქვსთ.
38	10 ქვ.	პრძოლისაკებ	ბრძოლისაკენ
51	15 ზევ.	არმოვსთქოთ	წარმოვსთქოთ.
51	2 ქვ.	ცხრა	თერთმეტ
67	1 ზევ.	დროიდან	დაბრუნებიდან
70	9 ქვ.	დაეჭვითება	დაეჭვითება
71	16 ქვ.	ერთისთვის	ერთისთვის
72	10 ქვ.	მოყვარ-	მოყვარე
75	1 ზევ.	ვერა	ვერ
83	6 ქვ.	შემოქმედების	შემოქმედების
84	4 ქვ.	ზემოერი	ზემოური
87	4 ზევ.	„მოამბეს“	„მამბეს“
89	10 ზევ.	1882	1862
93	18 ზევ.	ეკითხულობრ	ეკითხულობთ.
115	13 ქვ.	მ. ქალადიდელი	გ. ქალადიდელი.
184	12 ზევ.	გარკვეულ	გარკვეულ
255	2 ზევ.	სამკოში	საბკოში
286	14 ქვ.	თედოს	მათეს
293	15 ზევ.	აქვს	აქვს